

تیارو

جلال الدین خوارزمشاه



اثر

نامق کمال بک



سنہ

۱۲۹۲

جلال

« ن . کال »

اشخاص

محمد علاء الدین ! دولت خوارزم پادشاهارندن

جلال الدین ! محمد علاء الدینک اوغلی

غیاث الدین ! « « «

آرق سلطان ! « « «

آرزاق سلطان ! « « «

قطب الدین ! جلال الدینک اوغلی

اوزبك ! امرادن و جلالک محرمارندن

ملك نصرت ! « « «

اورخان ! « « «

نورالدین منشی جلال الدینک اصحاب دیوانندن

براق حاجب ! قره خطای دولتنک مؤسس

سیف الدین ! امرای خوارزمیندن

بدرالدین ! « « «

امیرنوشتکین ! « « «

عماد المالك ! امرای خوارزمندن

899057 - خادم خان ! « « «

عز الدین قزوینی ! مهر جهانک محارمدن

قوام الدین بغدادی ! تبریز قاضیسی

سلمان ! ملك نصرت بعده براق حاجب توابعندن

جابر ! « « « « «
مبارك ! مهر جهانك خادم اغامى
نيرة الاقبال ! جلال الدينك برنجى حرمى
مهر جهان ! « ايكنجى «
زاهده ! غياث الدينك والد، مى



— ❧ برنجی فصل ❧ —

اپسکون اطه سنده شاهانه فقط اسکی برچادر

پردہ

۱

برنجی مجلس

جلال الدین — نیرۃ الاقبال

« نیرہ »

کونش جمالک اقشام بلوطی کبی اوزرینه چوکن شو ماتم
رنکندن نه زمان قورتیه جق اوچهرده بروقتار نو بهاره بکزریدی .
دائما اطرافه نوردن دوککش شفقار تبسمندن یاپلش عنجهلر صاحاردی .
کیم بر کره باقارسه کوکلی صفای روحانی ، کوزلری اشک مسرت ایله
طولاردی . کونش طوتلدیغنی کوردمده ینه اوقدر نورانی بر جمالک بویله
قراکلق بررنک باغلايه بیله جکنی خاطریمه کترمزدم . بر کره جک
بر دقیقه جق اولسون کولزمیسین ؟ . . اوللری یاننده جان بولمش
بر مسرت کبی کوردیکک « نیرہ » که باقیورسکده یاره لی ارسلان اوقی
جکرینه صاپلانمش اولان صیادینی سیر ایدر کبی کوزلرندن آتش
دوداقلرندن غضب دوکیلیور فلکه باش اکمز ایکن بروقت بنم ایچون
پادشاه پدرینک آیاقلرینه قیانوبده فارس سلطنتی خاندانمده ابقا ایتدیرمشدک
شمدی کوکلنده ، اومیلاک اوتوجهک ذره قدر اولسون اثری قالمیدی . .

« جلال الدین »

بر ذره سی بیله زائل اولدی سنی برنجی کوروشمده نه قدر

سودمسه هر یوزینه باقدقچه براوقدر دها سویورم .

» نیره

اویله ایسه چهرکده بوخز و نایق نه در دنیا ده محبت مغلوب اولیه جتی
بر الممی وار ؟ بوجهانک غنی ینه جهانیه برافسه قده ینه یالکز محبت می
دوشونسک اولزمی ؟ ایشته بویله بر مصیبت زمانه دوشدک حیات
وجودیمزدن هیچ آیرلیه جتی کبی طور یور . فلک بلا کونلرینک
دقیقه سنی ییلار ، ساعتی عمر لر قدر اوزادیور . آنک رغنه و قتمز
نه قدر آغیر کچرسه عمرک اک بیوک لذتی اولان صادقانه محبتدن اوقدر
زیاده استفاده ایتسه کده فلکدن لایقیله بر انتقام آلسهق نه اولور ؟
یوزیمه اویله محزون محزون باقمه نه ایسترسهک فلکدن انتقام می اله -
بیلیرز . کندی کندیمز بزم ایچون دنیا ده هر بختیارلنی تأمنه کافیدر آه
بیلیم نصل اولیورده قابکده بر قوجه عالمک نه قدر کدری وار ایسه
هپسنه بر بوانیورده بنم کوکلم سنکله طولمش سندن بشقه هیچ بر شی
قبول ایتیمور . خاطریکزه کلزمی ؟ بز نه وقت کورشدک بیلیرسکز یا ؟
قلیجار شفق زمانی طوغمش هلال سیمی قانلر ایچنده پارلامغه :
مزر اقلر قانی ایچمک ایچون وجودینه یاپشه جق مخلوق کوزه دیر
اژدرکبی تتریه تتریه باشنی طوغر لغمه اوقلر ایچنده صاقلانه جتی کوکل
بولتی ایچون میدانیه آتلمش محبت کبی قارشوسنه تصادف ایدنلری تاجان
اویندن اورمغه ، فیلار شدتلی بر زلزله یه طوتاشده عسکر یاه سلاحیه
برابر یرندن قلعه برجی کبی طاشلر ، دمیملر ، اوقلر ، حربلر ،
نعره لر ، واویلالر صاچهرق اوزریمزه ییقلوب کلکه باشلامش ایدی .
عجبا تعجیزی ایدیورم ؟

جلال الدین

سویاه سویاه همان سنک قدر سودیکم حالاری کوزیمک اوکنه
کتیریورسک !

« نیره »

پدرم غوغایه کلرکن بنی ده یانه آلمشدی مرحومه والدهم :
بیچاره قالدین بیلسه کز نه قدر تلاش ایتدی ؟ هیچ اون سکز یاشنده
قز غوغایه می کیدر ؟ ایکی ارکک اولادم وار برابر کتوریورسکسکز
بری زرهکز بری سپریکسکز اولسون ، وجودلری اوقدن قاندن ،
اطرافنه دالار صالیورمشده باشند آیاه قدر کللری اولمش فدانه
بکزه سون . ینه افتحار ایدهرم فقط قزمدن نه ایسترسکز ؟ آنی
بکا براقک ! آه ارکک چوجق طوغریزیدی سکز یاشنه کیرر کیرمز
یوزلرینی کورمکه حسرت اولورز شمدی قزلریمزی ده بتون بتون ضبط
ایده جکسکز ؟ دیمک والدهلر چوجوغنی قز اولسون ارکک اولسون
قارنده طاشیه جق قوینده بیوده جک هسته لیرسه هرکیجه صباحه
قدر یتاغنک ایاق اوچنده اغلایه جق ینه امر ونهی تصرف یالکسکز
: پدرلرک اوله جق دیه شکایتلر ایتدی آغلادی یالواردی ایاقلرینه قیاندی
بر درلو تأثیر ایتدیرمدی آنک کورلتیلری فریادلری بتدکن صکره
پدرم بر خفیف تبسم ایتدی . سزده کورمشکزدریا ! مرحوم جوابسز
قالیر ظن اولمنسون بر سوزه مقابله ایتدیکی وقت نه قدر خفیف کولردی
ینه او یله کولدی پادشاه نسلندن کلانلرک شانی هر درلو فدا کارلقده
خالقه نمونه اولمقدر بن اولادیمی - ولو قیز اولسون - دولتمه فدا
ایتمکه مجبورم . بر قزیمی مخاطره یه آتارسهم هرکس اوغلنی ایستر
ایستسز سلاحی اوکنه تسلیم ایدر . دیدی ینه والدهمک یوزنده بررجا

اماده سی کورنجه : قادیلر پادشاه ایشنه قارشمز دیه بر کره باغردی
تویلی اورپردی کوزلری آتش کبی قیزاردی پارلامغه باشلادی
کیزلیجه یوزینه باقه جق اولدم قارشمده بر ارسلان باشی طور یور ظن
ایتدم الهی سورسه کز تعجیری ایدیورم ؟

« جلال الدین »

سویاه سویاه آر آدیغ کبی بر پدر تعریف ایدیورسک ، مرد اولدیغی
دوشنیورمده کوکلم بر آزمینسی اولیور . کاشکه بنده سنک قدر بختیار اوله یدم
پدرک واهمه سی یولنده دولتی فدا ایده جکنه ، دولتک یولنه بی فدا
ایده ایدی .

« نیره »

نه قدر ادرا کسزم مراقیزی دفعه چالیشیورمده ینه هپ اندیشه یه
قوت ویره جک شیار سویلیورم .

« جلال الدین »

سویاه سویاه لاقردیکی ایشته کچه آغزینی اوپمش قدر قایجه
انشراح کلیور .

« نیره »

پدرم اوقیاغه کیردی نه جکم بتون ، بتون شاشیردی صانکه
دوداقلاری کیرپکلری بربرینه یاپشدی ینه بر لاقردی سویلسکه نه بر
کره یوزیمزه باقغه جسارت ایده بیلدی همان یرندن قالقدی حرم قپوسنه
ظوغری یوریمکه باشلادی بن ! بتون بتون حیرت ایچنده قالدیم .
پدرده یرندن طوراندی . مابین طرفه طوغرلدی . بر کره یوزیمه
باقدی صانکه آنک کوزلری کهر بازدن بنم وجودم چوپدن ایش
کبی اختیارسنز آرقه سنه دوشدم . محاربه یه نه قدر نفرت ، عذاب

ایچنده کلدیگمی بن بیلیرم . صانکه بویغه زنجیرلر طاقدیلرده بنی
ایکی « اوچ ساعتک یره طاشلق اوزرندن چاللیق آردسندن سوروکلیره رک
کتیردیلر . مکر بنم بوتلاشم چوجقارک عدمدن وجوده کلیرکن
ایتدکلی فریادلر قییلندن ایمش ! مکر جناب حق بکا اصل حیاتی
اوزمان نصیب ایلشده استقبالنه حیقیور ایمشم . مکر پدرم بو بیچاره
وجودی ایکی دولت آردسنده باریشقاغه اقربالغه خدمت ایده بیلیر دیه
اورالره قدر اختیاط ایچون کتورمش مکر « جلاله » اوراده نائل
اوله حق ایمشم . برکره غوغا باشلادی . باشلار باشلامز عسکریمز
بوزولدی . آه بوزغونلق بنم کبی آناسنک قرینندن یکی آیرلمش
قزلره نه قدر دهشت ویریور . اوراسنی بردرلو تصور ایده مزسکز .
آتیلرک هانکیسنه باقدم . اولوم جانلانمشده قوشه قوشه اوزرینه
طاوغری کلپور صانیردم پدریمی کورددم ! کندینی بیک قلیجک بیک
قارغینک اوزرینه آتیور بر قاچ یرندن یاره لشم آرقه سنده کی خلعتی
قان طاماله لرندن قپلان پوستنه بکزه مش . هوا قدارمش . کوکلر
جناب حقک غضبندن مخلوق بر جهنم کبی قورقنچ قورقنچ کورلر
یرلر .. اولادینک قانی یوزینه کوزینه دوکولمش بروالده کبی آجی آجی
ایکلر . هر دقیقه بر ییلدیرم آتش رنکنده یرادلش بر اژدر کبی
بوکیله بوکیله بلوطلری یرته رق یا بر آغاجه یا بر قارغی یه چاربار . یوز
بیکلرجه آدم زرها کینمش صانکه کینمکله کوکلریده دمیر کسپلشمش
جان آلمده عزرائله یاریشیر . بو طرفه باقارسک بر عسکر بشقه سنک
بقه سنه صارلمش کویا کندی روحی ایمشده الندن قایدیرمش کبی بیک
حرصله بیک غضبه جانی آلمغه چالیشیر نره یه باقسهک اوق ، یاره لی
غارغی ، موتا ، قلیج ، قان فیل ، آتش ، منجینق ، ییلدیرم . برادرلر

یاره لرندن آدمیدر دکامیدر فرق اولمماز . والده : دنیاك او بر
 كوشه سنده خدمتكارلر : میدانده جان ایله اوغراشیر . جاریه لر :
 دهشتندن بایلمش یرلرده سورینیور . روزكار چادیرك بر طرفنی
 کوتورمش . وجود صغوقدن یغموردن خزان یاپراغی کبی تتر انسان
 قورقودن کدردن اولور دیرلرسه یلاندر . اکر اولیدی بن اوکون
 بر دقیقه صاغی قالیردم .

« جلال الدین »

آه بیلیرمیسك كه : بر مرد او یله بر بلا او یله بردهشت ایچنده
 بولنورده کنیخی دوستنی بلسکه دشمنی چکیشه ، چکیشه موتك
 پنجه سندن قورتارمغه چالیشیرسه نه قدر عمری آرتارنصل کوکلی آچیلیر؟

نیره

بیلیرم ! سنی اومحاربهنك او قیامتك آردسنده . . . كوردیمده
 آنك ایچون بیلیم حالا كوزیمك اوکنده در . آردو یرینه کلان
 عسکر چادیرك آیلارینه صارلمش ایدی او قار آغاچه هجوم ایتش آری
 طوی کبی برینك باشی برینك قنادینه یانیشیرجه سنه بر برینه صیقشه رقی
 ویزلی یه ویزلی یه اطرافنده طولاشمغه باشلیدی . دقیقه دقیقه عزرائیلی
 بکیرکن قارشیدن قاصرغه کبی بر دومان پیداوالیدی . دها دومان بر
 قاچ یوز آدم اوزاقده ایکن یولك اوغراغنده هر نه وار ایسه
 روزکارندن پریشان اولوردی : برده دومان یاریلیدی . نه کوره یم ؟
 مکر او قره بلوطدن بر مهتاب مهتاب دکل کل چهره لی انسان قیافتلی
 بر مالک صاقلی ایتش : بر مالک که انسان قیافته کیرم شده نیه ملاک کی
 یوزندن آقور کوزلیری جمالنن آیرمق ممکن اوله مدی . طالمشم ...
 حیران حیران حالی ، طرزینی ، طورینی سیر ایدیوردیم . او قدر

طالمش که چادیرك اوكنه قانلر اياغه كلش اتكاريه بولاشمشده، حبرم
 يوق . برده همان كوزيمك اوكندن غيب اولدك كيتدك . حالمى اونوتدم
 سنى آرامغه باشلام . اطرافه كوز كزديرر طورركن قولاغه بر
 دلغريب صداكلدى . مكر يانغه كلشده تحت روانى امر ايدر مشكز.
 يوزيكزه باقدم بتون ، بتون غشى اولدم . وجودمك بريرنى حركت
 ايتدirmek اقتدارم قلمدى حتى بيليرسكز يا دوداقاريمى اويناوبده
 تشكر ايچون بركله اولسون سويليه مامشدم . آره مزده طوپى اوچ ،
 بش آديم ير وار ايدى دكللى ؟ يوزيكه باقديغم آنده جان اوييه بر
 اوق آتمش اوليدك ممكن دكل قلبه محبتكدن اوليتشه مزدى ظالم
 صانكه بنى اسير ايتدك اويله مى ؟ هانكى جاريهك سكا بنم كې قوللق
 ايدر ؟

« جلال الدين »

« لطيفه يولو » آزاد اولديغنىمى ايستيورسك ؟

« نيره »

الله اسيركه سون . بن آكلايورم سز بندن صاقلانورسكز احتمالكه
 يوزيكزى كولديره بيليرم ديه عمرمده بر كره لطيفه ايندهك اولدم
 مقابلنده بنى اغلاينجيه قدر چاليشه جقسكز .

ايكنجى مجلس

اولكيار - قطب الدين

« قطب الدين »

والده جكم نيچون كوزلريكز طولش اول بنم كوزلرمد، بر طامبه
 ياش كورسهكز طاريلير ايديكز دنيانك حالى دكشدى ايسه ننه لر

آغلایه جق چوجقلر صوصدرمغه چالیشه جتی قدرمی دکشدی ؟

« نیره »

کوزلرمی طولمش ؟ بایکه طوز قاچشدر هر کوزی صولانان
آغلماز هایدی آرسلانم طیشاری کیتده اکلن اوق آت قلیج اور
شعر اوقو البته برشی بولور اکلیرسن دکلی ؟ بوراده جانک صیقامیور
آ ایکی کوزم .

« قطب الدین »

پادشاهمک همتهده ، پدریمک ، والدهمک یاننده ایکن نه دن جانم
صیقلسون . « قطب الدین چیقار » .

« جلال الدین »

بر لطیفه می بیاه چکیورسکز ؟

« نیره »

اویاه آیریاقله لطیفه می اولور ؟

« جلال الدین »

چهره سی عازتا اولور رنکی باغلدی ینه کوزل روحدن حیاتدن
کوزل ! دنیاده سندن صیقلمق سندن آیرلمغی ایسته مک بنم ایچون
ممکنیدر ؟ ... الله عشقنه اویاه خاطرملره اویاه واهمه لره آدانمده
برکره کوکلنه صور برکره وجدانه دقت ایت .

« نیره »

یوق اللهک عشقنه یمین ویریورسکز یلان سویلرسم قورقرم
جزاسنی محبتمده بولورم . حالنه باقدقجه خاطریمه بیک وسوسه کلیور
فقط بردرلو بندن صیقلدیغنه کوکلم قائل اولمیور . اللهک جمالکله
تجلی ایتمشین ! . . . اوکه ، اوکه برقون یر آتمشین . بر حالده

یراتمشین که یوزینی محوسیاری کورسه لر کونشی بر آقیر بوکا طاپینیرلر .
 او قولانی ده بکا نصیب ایتدک : انسان قدر عاجز بر مخلوق آره سنده
 « جلال » قدر عالی بر وجود یر آدان قدرتنه او قدر ممتاز یر آتدیغک
 و قولنک کوکلنی « نیره » کبی دکر سز بر بیچاره یه میل ایتدیرن مرحمتنه ،
 طو پراقدن دیکندن کل یتشدیردیکی کبی بندنده « قطب الدین » کبی
 بر ملک وجوده کتیرن عظمتنه صیغورم بنی جلال ملک محبتدن مایوس
 التفاتنده محروم ایتنه .

« جلال الدین »

« نیره یه ! نه قدر خزین نه قدر غریب دعا ایدیورسک ! ایشته
 بنیده کندینه بکرتدک « قطب الدین » کورسه عاداتا آغلاپور ظن
 ایده جک پدرم دنیانک اک بیوک پادشاهلغنی غائب ایتدیکی زمان کوزلرم
 بو قدر یشار مامشدی .

« نیره »

آه بو سلطنت نظر کزده سلطنتدن بشقه بر شیئک قیمتی یوق
 پادشاهلغکز دکل پادشاهلق امیدیکز مخاطره یه دوشمش دنیاده سویله جک
 نه وارسه هیچ بریسی کوزیکزه کورنمور .

« جلال الدین »

چوجق ! بن کندم ایچونمی تأسف ایدیورم ؟ بن سلطنت
 سورمک ایچون پدرمدن مملکت بولمغه می محتاجم ؟ .. اجد آدیمه او
 ملکی قز آندیران قلیج عجبانم المده برایش کوره مزمی ؟ شודה دشمن
 یوزی کورمدن بویله بر وجود عالمی ایچنده بر عدم کوشه می بوله جق
 قدر قورققده مهارت کوسترن بابام قدر اولسون یر ضبط ایتمکه مقتدر
 دکلی می ؟ آنک ضبط ایتدیکی یرلر بر پادشاهلغه کفایت ایتزمی ؟

جهان ملكى صحیحاً بر طرناغنه دکیان نیره مک « باشنه یمین ایدر مکه
جلال النده بر قاچ قلیچ کو کسنده بر قاچ زره پارده له منی اختیار ایدنجه
دنیا نك نره سنه کیتسه کندنه بر دولت پیدا ایدر . هیچ اولمازسه
شهادت دولتی خاطرده طور یور . بن بر شیک غائب اولدیغنه تأسف
ایدیورم که : بردها اله کیرمی ممکن اوله ماز . اعاده سی قابل اولیه جق
بر دولتدن آیرلدیغمز ایچون بویه کدرندن اولمشده ماتم رنکنده
کفناره بورنمش جنازه کبی کزیورم خاند آنمک ناموسی برباد اولدی .
آکلامیورمیسک ؟ ظلم . آتشی مایکتاری کشورلری صارمش دومانى
افلاکه سرچکیور . دشمن قلیجی ارککله ، قادینلره ، چوجقلره ،
اختیارلره مسلط اولمش . شهید قانی طوپراغک اک آشاغی طبقه سنه
کچور . دشمنله آره مزده بوقدر مسافه وار . روزگار بورالره قدر
انسان لاشه سی ، انسان یانغین قوقوسی کتیریور . طوپراغی دیکار سه ک
یتیم ایکلتیسی ایشیدیلیور . صویه باقسه ک شهید قانی کوریانیور .
دنیا نه قدر کمالات ، نه قدر بدایع ککشسه بوکون جمله سی عرب عجم
ماکارنده طویلانمش جهالتدن دنی وحشیانکدن ظالم برخینزیر انسانیتک
آلتی بیک ییلاق محصول حیاتی بتون ، بتون محو ایدوبده یرلرنده آدم
کله سندن یاپلش قاهرده مظلوم قانیله یازلمش مرثیه لردن بشقه بر شی
براقماق ایستیور . اودار الفنونلرک محافظی بز ایدک اولیه ایکن ییلاجه
مزارد قالمش میت اعضاسی سلې پڑمرده پریشان مکروه بر حاله
دوشمش شوطراقلر ایچنده چوریورز .

« نیره »

اللهم ! سن مرحمت ایت ! ...

« جلال الدين »

اللهدن كيمك ايچون مرحمت ايستورسك ؟ بزم ايچون دكلى ؟
 دعاك نصل مقبول اولسون بو كون كاشغردن تامغربك نهايته وارنجيه
 قدر هر كس دينيه الله عبادت ايديور. اوغليه زنا ايتش بر فاحشه نك
 مردار قانندن خلنى اولمش بر كلب او مكروه وجودى حاشا جناب
 حقندن زياده عبادته لايق كورمش ير يوزنده الله نامنى قالد يرو بده يرينه
 كندى ملعون آدينى قائم ايتك حقك نه قدر عبادى وارسه كندى
 كې شيطانندن بيك قات دنى بر مخلوقه طايدرمى ايستور، او عبادتخانه لركده
 ديو آريده بزايدك اويلاه ايكن ايچنده كى سدر ك قيريق طاشلى، چوروك
 طوپراقلى قدر اولسون ايشه ير آميورز ، ييغين ييغين بولنان كوشه -
 لرنده سورونيورز .

« نيره »

الله عشقنه صوص ! چهره كده كى باقىشنده كى دهشت عقلمه
 طوقنيور . شمدى چيلديره جغم .

« جلال الدين »

ديككه ! سويلتمكه سن سبب اولدك كوكلده صاقلامغه چالشديغك
 آتشار علولندى . بوندن صكره ضبط ايدهم اسلام اوزرينه بو بلايى
 دعوت ايدن بيز ايدك صكره دشمن كورنديكى كې اك اول بز قاچدق
 طوپى بر كره غوغا ايندك . آنده ده غالب ايدك . دشمن بزدن يوز
 چويردى : گويا ! تاتارك او ك طرفى انسان آرقه طرفى اجل ايمش
 كې بزرده او زمان قاچمغه باشلادق يوز سنه دنبرى فلاكك هر درلو ،
 جفاسنه قليجمرزك حمايه سنه صيغنان ، بزي مرد همتلى ، ككفابلى
 غور ، حاصلى كنديارندن بيوك صانوبده تبعيتمزه كيدن اياغزى باشلارندن

یو کسک ، قلیجمزی جانلرندن عزیز طوتان نیجه یوز بیکارجه
 بیچاره یه [ایشته دشمن کلیور بزده قاچه جغز باشکزک چارده سنه
 باقک - دیمکدن اوتانمدق] قهار متقم حضورینه نه قدر کندینه
 عبادت ایدر . قولى وارسه جمله سنک هلاکنه سبب اولمق کبی برو
 بال ایله کیتمک ، اخلاق ! زمانم زده انسان دینلمکه لایق کیم وارسه یوزده
 طقسانک نا حق یره دوکیلان بر قان ایله لکه لشمس بر نام براقق نه
 بیوک بر مصیبتدر ؟ ذهنکده بوله میورمیسک ؟ بز الله حضورنده نمرودلر ،
 فرعونلر قدر مسئول اوله جغز استقبالده دنیا به نه مسلمان نه قدر
 انسان کلیرسه یزیدی ، شیطانی براقه جقده بزه لغت ایده جک ؟
 « نیره »

او ف ! بن سنی هیچ بو حالده کورما مشدم لاقردی -
 سویلر کن آغزندن آتش صاحبورسک . کوکاکده نه زبانلار می - او طور یور ؟
 جنکیزیلرک هجو منده سنک نه دخاک نه صنعک وار ؟
 « جلال الدین »

بنم زره قدر دخلم ، صنم اوله یدی جنکیزی الی باغلی اوکمه
 کتیرسه لر آنی براقیرینه کندیمی تلف ایدردم هپسنه پدرم سبب اولدی
 هپسنه او سبب اولدیده ینه پدرم ینه پادشاهم والده سی یتمش یاشنده
 برقادین ایکن ایلانده محافظلق ایدیور . کندی قرق بش یاشنده ایکن
 آدی چیقمش بر حیدود باشی بی بر صاحب ظهور وحشت بیابانلرینک
 اک قوقمش چرکابلری آرمسنده پیدا اوله بر یرتیجی جانواری -
 کوکدن اینمش بر قضاى مبرم صاندیده اوکندن فرار ایتدی . عادتاً -
 بویله بر دنیا قوریله لی اوزریه انسان ایاغی باصامش بر قیا پارچه سنک
 دلکینه دشیکنه صاقلاندى او قدر بیلش که حیاتی قورتارمق ایچون

مزار خاطرینه ککش پر آلتنه کیرمکه ییلدیرمدن ، نهابدن قورقسه کوك
یوزینه چیقاجق . آه هم فرار ایتدی هم بنی ده برابر سوروکلدی نه پیام
پدرمدر پادشاهمدر . ایکی جهته اطاعتنه مجبورم یوقسه غوغا باشلادیغی
زمان حکم بنده اولسه یدی الله بیلیر شمدی حدوددن قاچ ساعت
کیرو دوشدکسه آنک ایکیسی قدر ایلروده بولوردق .

« نیره »

آه خاطرنده مملکت ضبط ایتکدن بشقه برشی یوق . کاشکه شو
چادیرک . یاریسی قدر برکلبه ده بولونسه قده سنک فکرک بوقدر کنیش
بنم کوکام بوقدر طار اولسه !

« جلال الدین »

کاشکی ! کاشکی : جناب حقک شو قوجه عالمی ایچنده سنک او
دیدیکک - کوکله قائلیم . لکن نه پیام ؟ کلبه ده طوغدم بشیکمی
پیله - اجدادیمک آباغی آلتنه قیرلش بر قاچ سلطنت تحتک
پارچه لرندن - یامشار - نیرم حقمن نائل اولدیغمز عنایتک خلقدن
کوردیکمز اطاعتک بدلی بویاه کونلرده حق ایچون خاق ایچون فدای
جان ایتکدی بز ایسه : بر جانلی پت : حاشا ! جناب حقک قدرته
غالب کله بیلیر کبی الله قورقوسنی بر طرفه براقشز جنکیز قورقوسیا
کندیغیزی دیری ، دیری شو مزاره - کومیورزده جهنم قبولرینک
یوزیمزه آچلمسنی بکلیورز . آغاه آغاه : جلالک کرچکدن مرحمه
لایقدر کاشکه الله بنی دنیا به کوندره جکنه خلق ایتدیکی آنده جهنمه
آته ایدی ده بایکه اورانک عذابی - روحک شمیدیکی چکدیکی -
اذادن اهون اولوردی .

اوچنجی مجلس

اولکیلر - قطب الدین

« قطب الدین »

افندمن کز مکدن دونمش بو طرفه کلیور .

جلال الدین

کلسون حنتی یورکلی ارکک . شاهن یورطه سندن چیقمه چاپلاق
اونی وطنمه ماتمه خدمتدن منع ایدیور . بنده غالباً کندی می آکا
اطاعتدن منع ایتکه مجبور اوله جقم . « محمد خوارزم کیرر »

« محمد »

ینه نه اولیور سکز ؟ بریکزک ایکی کوزلرندن یغمورلر بریکزک
چهره سندن ییله یرملر صاحیایور .

« جلال الدین »

تعجب می ایدیور سکز ؟ سایه کزده دوکیلان قانلرک یانان
مملکتلرک بدلیدر ؟

« محمد »

سن بورایه کلدک کله لی ایما ایاه کنایه ایاه اعتراض ایدر طور رسک
شیمدی یه قدر حقیر یه تعریضه اوغرامق هر بد بختک شباندن
اولدیغنی دوشنوردده سکوت ایدردم . هرکس نه سویلرسه سویلسون .
زمانه خالقنک فکری سه وزی حقارت نظریاه باقمه بیاه دکز . فقط
سن اولدجه انسانسک حقمده یالکش فکرلرده بولندیغنی کوکل
ایستیور . سویاه باقمیم بولدیغک . قصور نه در ؟

« جلال الدین »

سبحان الله بنی بی ادبکه مجبور ایده جکسکز کندی الیه

پايدیغی طاشه طاپینیر بر آلائی جانوار موحدلری یرک دینه کچرمک
توھبیدی بتون بتون یر یوزندن قالدیرمق ایستیور . جامعاریمزه
آت چکیورلر . اجدادیمرک قبرستانه دوکدکاری شراب
جرعهلری شهیدلریمرک قانلی کفننه قدر بولاشدی عالمک اک بیوک
پادشاهی اسلامیتک انسانیتک اک قوی ماتجاسی وقتیه اشقدیار کبی
اردلشیر کبی ، غزنوی کبی سیتحر کبی برپادشاهه جهانگیر دیدیرمش
یدی سکرز مالکک صاحبی اولان ذات کوک یوزینی لوح محفوظ :
منجملری هاتف غیب قیاس ایتمش قانی عراقی شرابندن فکری وزارت
صورتنده سلطنت هواسندن عبارت اولان « عبادالملک » دن بشقه بر
مستشار بوله مامش ، آنارک تسویلاتیه عدم عالمک وجود شکله متمثل
برپارچه سی دینلمکه لایق اولان شوکوشه یه چکامش اویاه برکوشه که
شیطان ایتدکارینه اوتانمزدده کندینی بشرلرک مالکلرک نظرندن
صاقلایه جتی بریر آراسه بلکه بوراسی خاطرینه کلزدی . صکروده
قصورینی بندن صوریور .

« محمد »

هرمنجمار لاقردیسنه اینانغی ، کوکده برسیاره کورنجه حاشا ! ..
یرک تکریمی ظن ایتدک جنکیزی براق . بن دائماً یاقلیچ . یا کتاب
طوته رق بیودم . فوقزده الله دن بشقه دنیاه حکمی نافذ برقوت
موجود اولمدیغی هم علم ایاه هم تجربه ایاه بیلیرم . معتصمک غودییه
غزاسیده ابوتمامک تبریکنامه سی ده تمامیه خاطرمددر .

« جلال الدین »

اویاه ایسه ! ...

« محمد »

بتوره يمدد آندن صكره سويله . بورايه كايشم « عمادالمللك »
 هذيانلارنى رايته ترجيح معنايى ويريبورسك ؟ سن اولادىمك
 بيوكيسك ولى عىدمسك شىخىنى بومزىتلره لايىق كوردمدى بر زمان
 يانمىدن آيرمدىم « عمادالملكى » ايسه اوغلىمك . خدمتكارلغىدىن بيوك بر
 ايشه قوللانمىغه لايىق كورمادىم . ياشمىدى يه قدر هيچ پرايشده
 سنك سوزكله حركت ايتدىكىمى بيلوب طورركن آنك رايته تابع
 اولدىغىمه نصل احتمال ويره بيلدىك ؟

« قطب الدين »

اقدامن : پادشاهم ! اويله ايسه نيچون بىزى بورالره كىردىكنز !
 اولومدىمى قورقدىكنز .

« نيره »

« قطب الدين » صوص : سنك پادشاه حضورنده سوزى فارشمق
 نه حدكدر .

« محمد »

« نيره يه » براق سوياسون پدرىنك ذهنگده صاقلادىنى تصورلر
 جوجىنك وجدانه عكس ايدىيورده اساندىن دوكيلبور « جلاله » سن
 نه حق ايله بكا قورقافلىق اسناد ايدى بيايرسك ؟

« جلال الدين »

غوغادىن قاچانلره نهدرلو وصف بولهلم ؟

« محمد »

خراسانى غورىندىن قورتاردىمىم وقت شاد پادشاهنك خندقه ابتدا
 آت سورن برجه ابتدا بىراق دىكن بن دكلىدم ؟ ياشك قطب الدين

زیاده ایدی . البته خاطر نده در . خراسانک ایکنجی سفیرینی اونوتد .
 کمی ؟ غوغایی یالکز بن ایتدم . هیچ بریکز بن ایلرویه واردقجه
 آتمک دیزکیننه صاریلوبده وجودیمی مخاطره دن قورتارمغه چالشمقدن
 بشقه برشی یامغه وقت بوله مدیکز اجدادیمزک اک بیوکنی خرجکزه
 ایدن قره خطایی برصدمده اوستنه پیلدیرم دوشن کوله کبی یره
 کچیردم او آنده دنیا تتره دی . اوغلبه نك تاثیر حالاسنک بیله چهره کده
 کورینیور . فیروزکوه کبی غزنین کبی مکانی قاف طاغی کبی خلقی
 اژدرها قیاس اولنش یرلر ضبط ایتدم او فتحک شهرتی حالا جنکیزک
 بیله لسانده طولاشیور ! مکة عراقده قزانديغ محاربه نك غیناتمی
 دکدر ؟ هانکی برینی صایه لم ؟

« جلال الدین »

صایمقدن دیلکیز طولاشمزسه هپسینی صایکز یکرمی ایکی سنه درقلیچ
 قوشانمش قرق الی محاربه قزانمش بر قاج کره مغلوبیت حالی
 تجربه ایتمش برجهانگیر ایکن مالکیزی ، وطنکزی ، ناموسکزی ،
 دینکزی آتش ایچنده جانوار آغزنده دشمن آیاغی آلتنده ، شیطان
 النده ، براق دیکزده بر بوزلمش اردودن فرار ایندیکز . یاری دنیا
 طولوسی انسانک هلاکنه سبب اولدیکز .

« محمد »

شو سویلدیکک معناسز لقر دیاره باق : سن مکر بنی عاداتا دیوانه
 قیاس ایدرمشسککه منجملره آلدانديغمه « عماد الملکه » قاپلديغمه ،
 بوزلمش اوردودن قاجديغمه ، ذاهب اولیورسک بیلیمورمیسککه :
 اوزریمزه کلان تاتار آلارنده کی قرباچلرینی آتسلر قلعه لریمزک خندقلرینی
 طولدیرر . بزم حرب ایدن طلیعه می طوپنی الی بیسک کشی ایکن

غو غاده دو کیلان قانلردن آتلیمیز دیزلرینه قدر چاموزده باتمشدی .

« جلال الدین »

کاشکه آتلیمیزله برابر یرک دینه کچیدک .

« محمد »

الدن نه کلیر ؟ جناب حق بر چوق کثورک حرابی بر چوق
انسانلرک هلاکنی مراد بیورمش زلزله کبی ، طاعون کبی برده
جنکیز یراتمش . او قضا مبرمک ایلاک حدمسنه بز تصادف ایتدک .

« جلال الدین »

یاربی سن صبر احسان ایت ! شمدی جنون کتوره جکم حال
بویله ایدی ده سزک اسلامه نه قصدیکز وار ایدی که : تاتارده حرب آچدیکز ؟

« محمد »

عباد الله بنم دکل بغدادده کی خائنک قعدی وار .. بن جنکیز
اوزرینه سغر آچدم مغول طرفدن غائر خانه کلن تاجرلرده ،
جنکیزک صکره کورندیکی ایلاچیلرده علی العموم جاسوس ایدیلر . آنک
ایچون اعدام ایتدیردم ، اعدام ایتدیرمه ایدم جنکیز بشقه بر بهانه
بولورینه اوزریمزه کلیردی . ناصرده کندینی یرزنده اللهک کر چکدن سایه سی
حتی مثال مشخص حکمنده کوسترمک دنیاده نه قدر مسلمان وار
ایسه کندینه طاپدرمق ایستیور . انسانی کندی سفاهته خدمت
ایده جک قولار بولنق ایچون یرادلش اسلامیتی کندی عظمتنه عالمی
سجده ایتدیرمک ایچون تنزیل اولنمش صایور . بز کندینه رعایتی
عبادت درجه سنه کتره مدک یالکز بنم شخصی انتقام آلمق ایچون محمود
بالواجی واسطه ایتدی جنکیز کبی بر غضب الهی خلق اوزرینه
مسلط ایتدی آکلادکی ؟

« جلال الدين »

فسبحان الله : جنكيزى اوزيمزده ناصر تحريك ايتمكده اوكنىدن قاجالمق نهدن لازم كلسون ؟ دولتمز ناصرك اعانه سيله مى بقا بوليوردى شمدى شورادن چيقالم شبهه يوقدركه ينه بايرانمرك آلتنه بيوك دنياني ضبطه كفايت ايدى جك قدر عسكر طوپلايه بيليرز . .

« محمد »

براردولنى عسكر طوپلايه ميزيا : ولوكه سىنك بوطنك طوغرى اولسون طوپلاننه جتى يادكارلرك دريوز بيك كشي الى بيك تاتاره مقابله ايدى ميان عسكر دكلى ؟ بركره دوشونسهك آبرى عسكرىمز ، امراض ، مطرود ، مرتد ، بيلور ناصرى يريوزينه اينمش برمعبود حكمنده طوتديتمز ايچون كندى بنده لريمرك نظرنده بيله جنكيز كى برملىوندى بتر كورنمكه باشلادق . دهانچن كون امراضك يارىسى اردودن فرار ايتديار دشمن بايراغنه صيغنديار رئيسلرى ده بدرالدين ايدى كه : وجودىنى پارچه پارچه ايتسه لر ايچنده بزم نعمتمزدن بشقه برشى بولماز . كوپك اتمكنى يديكى آدمه خيانت ايتمز . دوموز بيله سايه سنده قولادىنى آغاچه ديش اورمز بونلر وطنارينك اوزرينه بلوك ايله كلديار قلانارده ياره اردوسىنك بولندقلرى وجودك براوفه جق پارچه سنى ضبط ايتديار . آنىكه كچنمكه چاليشورلر . هيچ برينك ذهنكده ، قلمبنده استقلال دعواسندن بشقه برشى بوله مازسك يمين ايره رمكه قرداشارك بيله بن صاغ ايكن ميراثى آره لرندى تقسيم ايتملردر . شمدى بورادن چيقمش اولسبم مزارمدن آدم كورمش كى حيرتار دهشتار ايچنده قاليرلر . ناصر دشمن اسلام پادشاهلارى حسود ، اولاد واقربا حريص . امرا خائن ، عسكر غافل ، خلق

عاجز ، جنکیز کبی یوز بیک کشیاک یکر می اوتوز اردویه ملاک بر بلایه
یا لکنز سنکله می مقابله ایده می ؟

« جلال الدین »

واهمه ذهنکیزی استیلا ایتش نه طرفه باقسه کنز کوزیکزه مصیبت
خبائت کورینور . جنکیزه مقابله ممکن دکل ایسه قارشوسنده
قدریکزله ، شانکزله اولمک دده می ممکن اوله مز ، شاهانه بر مزار مذلت
طوپراقارندن عالی دکلیدر ؟

« محمد »

نصل شاهانه بر مزار ؟ حربه چیقہ عده بنی خائنلر تاتاره تسایم
ایتسونلر اویله می ؟ بوباش یکر می ایکی سنه در دنیانک الک بیوک تاج سلطنتی
طاشیور . بوندن صکره جنکیزه بیک طاشی اوله ماز . کندی کوزینک
باشیله ، جکرینک قانی ایله بوغولمغه لایق اولان ناصری حالمه کولدیرمک
سرورندن هلاک ایتک المدن کلز .

« جلال الدین »

دولتمیزی وجودکیزله ذلیل ایدن حکیم مطلقک قهار منتقم اسملرینه
یمین ایده رملکه باشکیزی جنکیزه بیک طاشی ایتک ناحق یره دوکیلاز
بو قدر یوز بیک مؤمن قانشک و بالنی یوکلنمکدن ، حالکیز ناصری
کولنج اولمق محشر طولوسی طولار یتیملر آغلاتمقدن جیرلیدر . محاربه
میدانده بوله جنکیز مزارک شاهانه اولیه جفی خاطر یکزه کلپور .
جنکیزک الله دوشه بیله جککیزی دوشونپورسکیز حتی اویله بر مصیبت
ظهور ایدر ایسه تابعداده کی ناصرک خنده لرینی استهزالرینی نظرکیزده
تجسم ایتدیریورسکیزده وجودیکز شو ایکرنج توزلر طوپراقار ایچنده
بر مزار بیله بوله ماز . اللهک ید قدرتی بورالر یتیشر . آدمی ناصر

دكل قیامته قدر شرقده غربده ظاهر ایدو جك عرفاتك هپسنه رزیل
ایدر بورالری هیچمی زهنکیزه کلیور ؟

« محمد »

سن بو بی ادبایکه نووقت الشدك ؟

« جلال الدین »

سزك پدرلكی ترك ایتدیككیزدن بری !

« محمد »

نصل ؟

« جلال الدین »

هیچ عباد الاهی دشمن قایجنه عزرائیل پنجه سنه تسایم ایدوبده
دشمن حدودندن براقچ آیلق یول ایچری قاچان ، هیچ اوچر دردر
باشنده کی اوغلارینی قیزلرینی تاتار جاوارلرینک ائک اول پنجه صالنه جنی
یرلرده براقوبده حیاتی سلامته چیقارمق ایچون اجاك بیه کوزینه
کوچ تصادف ایدن بر آطیه صاقلانان ذاته پدرمی دینور ؟ کیسه یه
کورینه جك یوزیکز قالمدی آلتی بیک سنه در آلهک بوکنیش منکته
نه قدر انسان کلدیسسه ذلیل اولمقدد جمله سنه تفوق ایتدیکز . بو
نامردلکدن یزارم الله شهیدمدرکه یزارم . نهدن اطاعت اوزریمه
فرض اولسون سز اولادکیزک وحی عندکیزده اولادکدن عزیز
اولمق لازم کلن عباد آلهک هانکی حقنه رعایت ایتدیکزکه بنده سزه
اقتدا ایدیمده پدرحق دوشونه یم شمدی بورادن قالقارسکیز طوغری
دشمنک مقابله سنه کیدرز برنجی عسکریکیز بن اولورم . بر دقیقه
یانکیزدن آیرلام اما خیانت کوررمشز مغلوب اولورمشز . بر بریمزه
صاریلورز . سز آرقه می صیوارسکیز . بن سزک آیاغکزی اوپرم

قلیجمره طیانهرق شهید اولورز نه دنیاده اسارت قورقوسی قالیر نه
آخرته سفالت

« محمد »

نه شاعرانه خیال !

« جلال الدین »

خیال دکل حقیقت سویلیورم . سوزلرم لوح محفوظده یازیلان
حقیقتار قدر طوغریدر . دیکله من ایسه کز بن یالکز کیده جکم آما
پدریمه عاصی اولورمشم ! آخرته آلهک عدالتی نه به اقتضا ایدرسه
راضی یم دنیاده قیامته قدر ملعون اولمغی اختیار ایده م .

« محمد »

« نیره » قیزم ! نیچون او قدر حیران حیران باقیورسک ایشه
سویلدیکم لقردیلرک بر دلیله کوزینک اوکنده طور یور . سوزلرینه
یاقتجه بنم ایچون جان فدا ایده جک دکلیم ؟ حالا سلطنت هوسنی فدا
ایده میور . بن بر بلا حالنده بر مغلوبیت ایچنده یم . یا صاغ ایکن
اولمش حالنه کلدمی ؟ کیده جک میراثی آرایه جق آلمق ایچون
آقرباسنک هر برینی بر صورتله اتلاف ایتکه چالیشه جق !

« جلال الدین »

بنمی ؟

« محمد »

مقصدی حاصل اولورسه نه آعلا ! اوله مزسه باقره قرمده نویان
یاخود بغداده روان اوله جق ینه جهان یا جنکیزک یا ناصرک حکمی
آلتده ازیله جک ! . . . بر طاقم یقیله جق یرلر دها وار . جلال
انسان قانندن سیالر پیدا ایدوب اورالری خراب ایده جک ، نه

ضرری وار خلق عندندہ ماعون اولہ جق ینہ بن دکلمی یم ؟

« جلال الدین »

اللہ سزی نہ قدر چیرکین بوزکلی یراتمش کیمسہ یہ ذرہ قدر
امداد ایتیمورسکز . ہم امداد ایستیاناری یدیکزہ کوز دیکمش .
ظن ایدیورسکز . باری وجودی اولسہ جنکیزی آناسندن طاوغدی طاوغلی
برکرہ کولماش دیورلر . لاقر دیار یکزی ایشتسہ بلکہ بایلدن جید قدر کولردی .

« محمد »

حقک وار دیاده کیمسہ نک باشنہ کلامش بر مصیبت ایچندہ یم
حالمہ اوغلم کولیورده دشمن نیچون کولسون .

« جلال الدین »

سزنجی مطلق کدرله حدتاه هلاک ایتک ایستیورسکز . جلالی سزک
حالکیزہ کولہ جک اوصل سوز کولکیزده ذرہ قدر انصاف قالدیمی ؟

دردنجی مجلس

اولکیار - قطب الدین

« نیره »

« قطب الدینہ » ایکی دقیقه ده برکرہ چادیرہ نہ کیرر طوررسک ؟

« قطب الدین »

شممدی قارشیدن بری کلمدی مطلق اقدمزک خاکپانیہ یوز
سورہ جکم دیور سویلیہ جکی حوادث وار ایش امیر اورخان کوندر .
دیدہ آنکچون کلم طارلدیکز می ؟

« محمد »

« قطب الدینہ » کل ایکی کوزم کل بن صاغ ایکن سکا طارلق

کیمسه نك حدی دکلدر . هایدی - سویله ده کلن کیم ایسه بورایه
کوندرسونار « نیریه » شوچادیرك آرقه سنه کیر پارچه پارچه ایسه ده
برقادی نی نامحرم کوزنده صاقلایه جتی قدر صاغلام یری بولنور .
« جلال‌الدینه » احتمالکه سزی سلطنته دعوت ایچون کلسدر . بز
دنیا نك منقوری دکل یز پادشاه لغمزی کندیمز ترك ایتمدکی بز دن
صکره ارمسند ذاتاً سزك اولیور البته هرکس پادشاهی تحتیده ،
دولتنده کورمك ایستر .

« جلال‌الدین »

سرك بو حالده ، بواطه ده براققله حاصل اوله جتی سلطنتك الله
بیک درلو بلاسنی ویرسون پادشاهم ماتمی سودیکم مات یولنده جان
ویرمك ایستدیکم ایچون سز بنی شخصکزه دولتکزه خائمی ظن
ایدیورسکز ؟

بشنجی مجلس

اولکیار - اوزبك

« قطب‌الدین » کیره رك پادشاهم ایشته بوقولکمز .

« محمد »

« حیرتله کندی کندینه » اوزبك « قطب‌الدینه » هایدی اوغم
کیت سویله ده کتیرن کیجی یه پاره ویرسونار سننده التفات ایت
« قطب‌الدین چیقار » « اوزبکه » بن سنی رکن‌الدینک خدمتنده
براقمامشیدم بوراده نه کزیورسك ؟

« اوزبك »

پادشاهم بیلمم سزه نه اولدی که یکر می ایکی سزه در دشمنلر کیزك

ملکنه خبر کزدن اول قلیچکیز یتیشرکن شمدی کندى ملکزک
خبرینی دوشمنکزک خیالی بیله یتشه میه جک برکوشه دن ایشتمکه
چالیشیورسکیز ؟

« محمد »

سندە می تربیه کی اونو تمغه باشلادی ؟

« اوزبک »

ایللیکارمده طوران نعمتک حق ایچون نه قدر تجاوز ایدرسدهم
معذورم ملکنی کوردم . اول بوفانی جهانده جنت صانیلورکن شمدی
برقوجه قبرستان اولمش ایچنده کیمک پارچه سندن موتا قوقوسندن
کچلمیور رکن الدین ولی نعمت زاده می کوردم آه رکن الدین « سزک
اوغلکیز بنده روحم ایدی . دنیایه کلدی سزیالکیز صفاسنی کوردیکیز
یویاشه وارنجه یه قدر قهرینی بک چکدم سزک دها بوقدر اولادیکیز
وار . بنم یالکیز برشه زاده رکن الدینم وار ایدی . آنی ده کوزینک
اوکنده شهید ایتدیار .

« محمد »

نه صادق خدمتکار ایمشک رکن الدینی شهید ایتدیار سن مبارک
وجودینی بورالر قدر کتوروبده مضیبت دلالاتنی یاپتی ایچون
صاقلادک دکی ؟

« اوزبک »

یادشاهم تحقیق سز حکم ایتک نه سنک شاننه نه بوموقعک حالت
یاقدیر بن اقدامد نصره صاغ قالدسه کندى امرینی یرینه کتیرمک
ایچون قالد سز عراقدن کیتدیکیز . راحت ، انتظام حکومت ،
سلطنتده سزکاه برابر نابدید اولدی . کندی میزى طوپلایه بیلمک

امیدیه کرمانه یوریدک امرادن کورم‌دیکمز حقارت قالمدی حیثلرک
 هربری دینار قدر دونک : لون دکشدکجه حاللرنده برتبدیل کورنمکه
 باشلادی . صانکه بر ساحل ایدک آنلر طالغه ایدیلر یواش یواش یانمزه
 صوقیلیورلر بر آز صکره اطرافزدن قاچمغه باشلارلر . آرمی بر آز
 دهاکچر کچمز طویلانیلرلر اوزریمزه هجوم ایدرلر برایکی صکره
 چارپشیرلر صکره ینه پریشان اولورلر . باقدک ! روزکاره نه قدر
 کووه نیلورسه آنرک حالتهده اوقدر اعتماد اولنهجق اللهک طوپراغی
 کنیش قولی چوق دیدک اورایسده ترک ایدک . اصفهان یوریدک مکر
 آنکده قاضیسی ناصرک طرفدارلرندن ایمش .

« محمد »

آه کاشکه : الله وجودمده نه قدر قیل وارایسه اوقدر جنیکیز
 یراده ایدیده اوناصری اوبلایی اوزریمزه مسلط ایتسه ایدی . قاضی
 هپکنزک کفریکنزه قتلکز حکم ویرمشدر دکلی ؟

« اوزبک »

اصفهان اهالیسندن کوردیکمز خصومتی تاتاردن کورمدک یزید
 اهل بیته : حجاج بیت‌اللهه نصل معامله ایدرسه اصفهانلیلرده بزه‌اویله
 ایتدیلر غلبه بزه ایدی فقط اوغالکز بوکوپکلری انسانک کبرتمه‌سی
 لایق دکلدنر اعانه‌لری ده مملکت‌لری ده حاللری ده ، جانلری ده شیطانک
 جنیکیزک اولسون دیدی آتنی سوردی . تاتاری آره‌یه‌رق حدود
 اوزرینه یوریمکه باشلادی .

« محمد »

بیچاره چوجق !

« جلال الدین »

رکن الدین سکا بیک جان فدا اولسون هیچ اولمزسه سن خاندان -
نمژک ناموسنی محافظه ایتمشسک .

« اوز بک »

رکن الدین یالکیز سن دکل نه قدر انسان وارسه هپسی افتخار
ایتسون « فیروز کوهده » برابر بولسه ایدیکز قهرمانلق نه مرتبه یه
واره بيلمش او وقت کورر ایدیکز . طوپی اوج یوز الی کشی ایدک
تاتار هر بریمزه اوج یوز کشی ایله مقابله ایدی اوله ایکن آلتی آی
اوغراشدق وجودیمزه طوقونان هر یاره یه بدل هیچ اولمزسه بش
تاتارک یر یوزنده مزاری قازلدی . آه ممکن دکل غیرت ، چوقاغه
غالب کله میور عاقبت مملکتی آلدیلار . یالکیز رکن الدین ایله ایکی
ساعتدن زیاده اوغراشدیلار . کویاکه : عزرائیل یالین قلیچله میدان
اوغرامشدی کوزمله کوردم طاغ پارچه سی کبی برملعون بر نعره سنده
یره قیاندی هلاک اولدی .

« جلال الدین »

ارسلان قرنداشم : نه بیوک خطا ایتمشم که : پدریمه ندیم اوله جغمه
سکا عسکر اولماشم . دین غوغاسنده انسانیت یولنده وطن فداکار .
لغنده بیوکه کوچکه می باقیلیر؟ دنیاده حق یولنه جان ویرمک ایستیانارک
اوکنده بولمق کبی بیوکلمی اولور ؟

« اوز بک »

جناب حق محافظه ایتش برابر بولسه ایدیکز دین غیرتی انسانیت
طرفدارانی وطن محبتی نمژک کبی بر قهرماندن محروم اولوردی .
هیچ غلبه ممکن اولسه یدی رکن الدین اودولتی قزانمغه کفایت ایتمزیدی ؟

خدا بیلور پادشاهم : کوستردیکی شجاعت اویاه یکر می یاشنده نازک
 بر شهزاده نك دكل : علاء الدین جهانسوز لره بر فیله متقابل طوتدینی
 پهلو انلر كده کاری دكلدر . نه فائده سی وارکه وجودی طاشدن دمیردن
 یرادلمش دكل : یکر می آتی یرندن یاره لندی بوضعیف ات ، بوچورك
 كميك اوقدر اوقدر قلیجه قاچ ساعت تحمل ایدجك ؟
 نه قدر شجیع نه قدر آتیک اولسه انسان دكلی ؟ نهایت یاره لرندن
 دوكلش قانار بیچاره یی بیتاب دوشوردی . آباغی یوریمکدن ، قلیجی
 کسمکدن قالدی تاتارلر یاره لی ارسلان کورمش آو کویچی کبی اوزرینه
 طوپنی بردن هجومه باشلادیلر . زوانای پادشاهزاده م قلیجی آیاغنك
 آلتده قیرمه چالیشیرکن هر قولنه هر آیاغنه هر پامغنه بر دشمن
 صارلدی بر قاچ دقیقه آنجق اوغراشه یلیدی . اوده فائده ویرمدی
 طوتدیار بیک درلو مذلتله سردارلرینك چادرینه کوتوردیلر . آه بیچاره
 شهید !... آه بختسز قهرمان ! ...

« محمد »

بیامم نیچون عسکر اولمشكده توجه کر اولمامشك ؟

« اوز بك »

« ایشتمامز لکه کله رك » عسکرندن شهید اولمدق طوپنی آلتمش
 بش کشی قالمش دق اوته کیلرده قره بلوط ایچند اوغرامش ییلدیرم کبی
 بر تاتار آلاینی یرته رق بنم یامه طوپلانمغه باشلادیلر قلعه دن تاتار سراینك
 چادیرینه وارنجیه قدر . دوکوشدك بیچاره یی قورتارمق ممکن دكل !
 تقرب بیاه ممکن اوله مدی اطرافنی لا اقل بیک دائره چویرمشدی .
 قریاه قریاه چادرک کنارینه ایرمشدك . شهزاده یه سردارلرینك حضورنده
 یاش اککی تحطراتدیلر اوباش جلاد اوکنده اکیلیر باشلردنمی کوپکله

حقارتدن بشقه بره عامله کوره مدیار. ماعونار ولی نعمت زاده می او قدر
عالیجناب کندیلرینی او قدر آلچق کوردیلر که حدتلرندن عادتاً قودوردیلر
اوسردارلرندن امر آله دن اکمک پیسان تاتار دها سردارک آغزندن
لقردی چیمق سزبن رکن الدینی دیشاریله طرناقاریله یارملغه باشلدیلر.
« محمد »

بیچاره رکن الدین !

« جلال الدین »

بیچاره اودکل بززه مزاری نور ایله طولسون شهید اولمش ذلیل
اولمامش !

« اوز بک »

کرچکدن شهید اولدی همده غیرته عظمتله شهید اولدی بز
اوصره ده تاجادیرک ایلرینه قدر صارلوق مرحوم فریادیمزی ایشتمش.
بکا طوغری عصوبانه برنظر ایتدی دهشتندن آز قالدی اریه جکدم
اللهم بونه قدر غیرت بونه قدر فداکاران ایدی مرحوم دنیایه کندی
ایچون دکل صرف الله ایچون کلش ینه اللهم دیننی عبادالاهک حالنی
دوشونورمش اک صوک لقردییسی « ایرانده عسکر یوق سز بوراده
یهوده یرم کندیکیزی تاف ایدیورسکز یولنده شهید اوله جغم دین
حرمتیه ایرانک امدادینه یتیشک » امری ایدی تاتارلر بوخارقه نک
قارشوسنده معجزه کورمش منافق کبی حرکته اقتداردن قالدیلر بتون
بتون وله کتیردیلر کدیاریمزی کوپکریمزی صاغ براقماغه چالیشیرکن
اوزریمزه بر اوفق اوق آتمق بیله خاطرلرینه کلدی. جان اولمک
ایست. وظیفه حیاتی اقتضا ایتدیرر. اجل پنجه سندن قورتیلیرکن
سیاست میداننه کیدرکبی نهایت درجده، بریأس ایله اورادن آیرلوق.

« محمد »

رکن الدین ، رکن الدین : زوالی رکن الدین دینانک و فاسنه باق
 « اوز بکی کوستره رک » ایسته بر نمونه بی ده میدانده طور یور . ولی
 نعمتک آخر نفسنده کی وصیتی نه کوزل طوتمشک اوسنی ایرانک
 محافظه کوندرمش سن بوراده قره خبر مرده جیلکی ایدیورسک .

« اوز بک »

انسان بویه دنیا ایچنده ایکن دنیادن خارج صایه جق بر انزوا
 کوشه سنده بولمیلدرکه دینانک حالندن بو قدر بی خبر اولسون ایرانی
 تاتار ضبط ایده لی بر آی اولیور .

« محمد »

آه جلال شو دوشوندیکک عسکره ، شو کونندیکک امرایه
 باق : آرسلان کبی برجه شاهین قنادلری یتشمز بر قلعه بی تاتاره
 تسایم ایتمشر خانلر پادشاهلرینک والده سنی اولادینی دشمنه صاتمشر .

« جلال الدین »

سزک کبی پادشاهک بنده سی ده آنلر کبی اولور . برانسانه کورمه
 وطن والده دن مبارک بر پادشاهه کوره تبعه کزی دشمنه ترک ایتدیکنز
 یا تربیه ایتدیکنز آدملر والده کزی اولادیکزیمی دوشونه جک ؟

« اوز بک »

وباله کیرمش اولورسکنز ایلان غازیلرینه افترا ایتمک آنلره نفسکزدن زیاده
 کندی قلبکزدن زیاده صداقت ایتدیلر تاتار هر طرفلرینی صارمش یه جکلری
 بتش فلک اوزرلرینه مثلی کورلمدک بر حرارت مسلط ایتمش قلعه نک
 صهرنجلرنده کی صولر قورومش بیچاره لر دشمن قلیچنک وجودلرندن
 قویاردینی اعضایه وارنجه یه قدر یمشر یاره لرندن دوکدکاری قانه

وارنجده قدر ایچمشار . غیرتی امکانک نهایت حدینه کتورمشارده
 آندن صکره تسلیم اولمشار قلعه تسلیم اولندیغی کون بن یانمه طوپلایه
 بیلدیکنم فرقه ایله خراسان قپوسنک قارشوسنده پوصوده ایدم چیقانلری
 کوزمله کوردیم . صانکه قیامت قوپمشنده اولولر چورومش کیکلر
 قورومش دریاریله مزارلرندن چیقیور ظن ایتدم . چیقانلر طوپی
 اوتوز ، اوتوز ایکی کشتی ایدی . آنلرکده بر چوغی دشمن اردوسنه
 کلنجده قدر آچلقدن ، مذلتدن برر ایکیشری یقلدیلر . هلاک اولدیلر
 بر وزیرک قورتولوی مکر الله آنی ده ایکی معصوم اولادینک تاتار
 قلیجی آلتده بارملندیغی کورمک ایچون صاقلامش :

« محمد »

آه !

« اوز بک »

بیچاره قودوردی ، چلیردی دیشاریله اوموزلرندن ات قوپارمغه
 باشلیدی . بر درلو کندینی هلاک ایدممدی عاقبت تاتارلر باشنی طاشلرله
 ازدیلمده اویله شهید ایتدیلر .

« جلال الدین »

بیچاره آدم ! کیم بیلیر پادشاهندن بر آز غیرت کوره ایمش ،
 نه خدمتارده نه فداکارلارده بولنه جق ایمش ؟

« محمد »

صوص جلال ! الله عشقنه صوص ! هر لاقردک بر اوق
 کسلیوردی کوکملک اک یارملی یرلرینه یاشیور .

« اوز بک »

بر والدک قورتولدی بیچاره قادین نه ده بد بخت بر اولمش دنیاده

ایکن جهنمدن زیاده عذاب چکیور هرکون قپوسنده بیک فقیر بسلیان
شمدی جنکیز یک یرکن کوپک کبی عادتا آوکوپکی کبی قارشپوسنده
زنجیرینی صاللایه رق باشی ایکی الیک اوزرینه قویورده او خنزیرک او
ملعونک آتدیغی اتمک پارچه لریه تعیش ایدیوز .

« محمد »

جلال ! جلال ! قطب الدینک نیره نک باشی ایچون بی شونک
لساندن قورتار .

« جلال الدین »

بایله حق ! زواللی قادین کدرندن قورقوسندن ، کوزینک اوکنده
بو قدر محبت تصویر ایدیلیورده چهره سنده حجابندن ، غضبندن
اولسون بر پارچه قرمز یلق پیدا اولدی طمرلرینه قان یرینه صفره
طولمش صانیرسک !

« اوز بک »

ایکی حریمکز قورتولدی البت شمدی آنلرده جنکیز خان
حضرتارینک صاغ قولنده بری صول قولنده او بری یتار .

« محمد »

آه جلال مکر حقک وار ایش مکر کرجکدن دنیانک لغته
حقک غضبه لایق اولمشم که بو قدر فلاکتلری کوریورم بولا مازی یم؟
انتقام آلمغه اولسون بر چاره بوله مازی یم؟ بنده کیمدن استمداد
ایدیورم . دنیاده وجودمدن اک زیاده استکراه ایدن وار ایسه
« جلالی کوستره رک » بو دکلی ؟

« جلال الدین »

بنی پدرم ؟ ولی نعمتم ، پادشاهم ، متبوعم سندن نفرت ایدن

اللهك رحمتدن دور اولسون : پادشاهم بركره ميدانه چيق ! كشورلر
 طولوسي خالق اوكنده جان ويرمه حاضر طور يور. اك برنجي عنكر
 ينه جالدر. بر قىلكه وجودمك هر ذره سنى آيرى آيرى قربان اولسون
 الله عشقه عزمنده طور ثبات ايت ! دين جرمتنه رايكدن دونمه بز
 ايسترسهك اوملعوندن انتقام آلمغه البته چاره بولورز بزغيرت ايدرسهك
 او كوپكى شهيدلر يمزك قابيله اولسون بوغه بيليرز .

« محمد »

آه قولوم : بونصل صانجى ؟ صانكه قدر پنجه آچمشده صاغ
 قولومى يرندن قوپاريور غالبا فاك وجودمده جنكيزدن انتقام آلمغه
 برواسطه بولنديغنى ايسته ميور . قولوم قوپويور . او قدر آچيوركه
 طرناقلىر يمي يانمده كورمسهم جكريمه صاپلانمش ظن ايدم جكم .

« اوزبك »

« كندى كندينه » نزولى كليور ؟ نزولى كليور ؟ يارنى ظنمى
 ياكاش چيقار يارنى بزه بوفلاكتى كوسترمه .

« محمد »

آه او كيم ! .. قارشومده طوران كيم ؟ آه ! ... جنكيز آه ! ...
 جنكيز ملعونك رسمنى كورمشم قياقتنى ده بك اعلا يلورم .
 « جلال الدين »

پادشاهم نه اوليورسك ؟ الله عشقنه كندينى طوپاه قارشو حمزده
 كيمسه يوق .

« محمد »

نصل يوق كوزلركى پرده لندى ؟ ايسته ايسته كورميورميسك ؟
 قليچه باق اوجندن دو كييلان دامله لزدن چاديرك ايچى قان درياسى

کسلدی . کوزلرندن اطرافنه علولر صاحیور آه رکن الدینک باشنی
دیشاریله تاشاح طمارلرندن ایصیرمش حالا آغزندن قویو قویو قانلر
دوکیلیورده قره ییلان کبی وجودینی صاریور .

« اوزبک »

پادشاهم ! سزبوراده اوتورک راحت ایدک ! آنکله بزاوغراشیرزه .

« محمد »

آه اوزریمه طوغری کلیور . بن صول قولله ده او کوپکک جکرینی
سوکه بیلیرم . برقلیچ برقلیچ یوقی ؟ آه قولوم ! ... آه قو ... لوم ! ...
قولی جناب حقک انتقام قلیجی بارچه لیور آندن بشقه قلیج
یوق یوق « دوشر تسلیم روح ایدر »

« اوزبک »

بایلدی بوراده هکیم ده یوق کیمی چاغرسدق ؟ یوقسه هیچ تعجیز
ایتمه لمی ؟

« جلال الدین »

دیوانه : دمنیدنبری چکدیککی عذابنی کورمدکی ؟ بوقدر غوغاده
بولندک سکرآت موتی ده می آکلامیورسک ؟ پادشاهمز وفات ایتدی .
« اوزبک »

یوق دکدر انشالله !

« جلال الدین »

همده حیاتی اک زیاده لازم اولدینی بروقتده وفات ایتدی حق
رحمت ایتسون آه کاشکی تاتاره حرب آچمدن اول وفات ایده ایدی
یاخود برقاچ سنه ده قالدیدی .

« اوز بك »

« لقردی آره سنده محمدخوارزم شاهك نعلنی معاینه ایتد کد نصکره .
 آد بن سبب اولدم پادشاهك تلشنه بن سبب اولدم جنکیزه ایتدیکم
 خدمتی شیطان بیله ایده مز . « جلال الدین » پادشاهم ! شو مرحومك
 خاکنه خرمیت ایتده بنی آخرته کوندر بر آز کوشه سنده یاته یم بودنی
 دنیانك ظالمندن چاه سندن قورتیله یم آه نه منحوس زمانده دنیایه
 کلشم اوچ یالیر اوغراشیورم . اون سکیز یرمدن یاره لندم اوقلری
 بریره دیزسلر بونی سمرقنده واریرینه کوپكک وجودندن برقیل
 قوباره مدمده برقچ لقردی ایله پادشاهك ولی نعمتک هلاکنه سبب
 اولدم مزادم وجودیمی یولنه فدا ایدوبده آیاقلرینه قیاندیغم حالده تسلیم
 روح ایتک ایدی شمدی او وفات ایتدی بن باشنك اوچنده صاغ
 طور یورم هلاکنه ده بن سبب اولدم . اولدور پادشاهم بنی اولدر
 شو مصیبت عالمندن قورتیله یم .

« جلال الدین »

جنکیزه ایتدیکمز بر خدمت قالمش ایدی اوده بر بریمزی اولدیرمك
 ایدی شمدی آکاده بن باشلا یم اولیله می ؟ سلطنته ایتدار ایچون
 نه کوزل حرکت توصیه ایدیورسك سنی هانکی قاضینك حکمیه
 اولدیریم شو مجنونه باق دشمنی بتون بتون خاطرندن چیقارم شده
 یالکز دنیادن کندی وجودینی قالدیرمغه چالیشیور بن طاشدن
 طوپراقدن مسلمان پیدا ایتک ایستیورم او مسلمان ایکن کندینی
 طوپراق ایتکه چالیشیور . شمدی حاضرلان . مرحومی دفن ایتد .
 یککیز کبی حربه چیقاجغز .

« اوز بك »

حقكز وار حقكز وار پادشاهم اوله جك عسكر دشمن قارشو -
سندہ یاقیشیر . جلاد اوکنده دكل پادشاهم ! محاربه یه بن كنندیمی
بیلام بیله لی حاضر م فقط بر زمان بودر جده ده حاضر اوله جغمی بیامیوردم .

آلتنجی مجلس

اولكیلر - قطب الدین - نیره الاقبال صكره خدمه

« قطب الدین »

پادشاهم کیچی خاکیایکزه یوز سورمك ایستیور ؟

« جلال الدین »

قطب الدین ! کیت اوتنه کی چادرلرده کیم وارسه بورایه کلسونلر .

« قطب الدین »

افدمن نروده ؟ بکچی !

« جلال الدین »

سکا امر ویردیلر حالا بوراده طور یورسك !

« قطب الدین »

« محزون محزون چیقه رق » پادشاهم سن یانمزده یوقسك ده آنك

ایچون بنی آزارلیورلر .

« جلال الدین »

ملیکه نیره نیره !

« نیره »

« چادیرك آرقه سندن » افدم اونسل سن ؟ ...

« جلال »

باشکزه برشی اورتوکزده بورایه کلیکز .

« نیره »

کلیورم ... نه اولدیکز ؟ کوزیکز دکه بر بلا ایله یشارمزدی .
 شمدی سکز آغلیور . آم بو چادرده تاتار دریسندمی نه در ؟ بر
 قاریش یرنده سکز اون اوق پارسه سی وارده ینه قوپمز کدم پادشاهم
 « نیره بر چادیر پارچه سنه بورنمش اولدینی حالد ایچری کیرر متعاقباً
 قطب الدین کلیر » الله عشقنه نه اولیورسکز ؟

« جلال الدین »

باق پادشاه نه حالرده یاتیور .

« نیره »

یاری بوقدر دولتن بوقدر سلطنتدن المزد یالکز بر پادشاهمز
 قالمشدی . آنی ده می آلدک ؟ دنیاده کی مجازاتم بویه اولورسه آخرتده کی
 عذابم نصلدر . پادشاهم تحتده ملعون بر تاتار او طور یور . سن بو
 مذلت طور اقرارنده می یاتیورسک ؟

« جلال »

آغله مه اوتنه کی چادیرده کیلر کلیور شمدی آنلری ده کنینه
 اویدیررسکده بنمده اختیارم المدن کیدر .

بدنجی مجلس

اولکیلر - قطب الدین - اورخان - خدمه

« جلال الدین »

مادامکه طوغمشز البته اوله جکز ایشته پادشاهمز وفات ایتدی
 « عموم آغلمغه فریاد ایتمکه باشلار » نه فریاد ایدیورسکز ؟ کوز
 یاشیله جنازه می یقانور ؟ پادشاهمز ذاتاً کندی دیری دیری بو مزاره

کومدیکی وقت آغلنمغه لایق ایدی . موتی لازم اولدیغی زمانلریشادی
حیاتی الزم اولدیغی وقت وفات ایتدی . باقک جنازه‌سی کوزیمزک
اوکنده نصل طوریبور ؟ میتده نطق اولسه « انتقام ، انتقام » دیه
باغره‌جق بوقدر بدبخت پادشاهلرک ماتمنده کوز یاشی دکل دشمن قانی
دوکیاور . بن مرحومی دفن ایتدیکم آنده بورادن چیقیورم الله ایله
عهد ایتدم یا اسلام نماکتی تاتاردن قورقاریرم یاشهادت بنی بویمیندن
قورتارر . وطنی ، ملتی جانندن زیاده سونلر برابرکلمکده مختاردرلر
راحتنی سلامتنی آرایان ایستدیکی یره کیده‌بیلیر .

« اورخان »

پادشاهم ! بو یر یوزنده ، قبرستانده بیله پدرکدن آیرلمیان بنده‌لرک
غزا میداننده جنت قپوسنده سندن آیریلیرمی ظن ایدرسک ؟
« جلال‌الدین »

سز بیلورسکز . هایدی صو ایصیدک مزار قازک دهانه لازم ایسه
یاپک !

بیچاره‌نک روحنی قلبنی عقلنی جنکیز کبی ناصرکبی برطاقم کوپکیر
یدی باری وجودنی قوردلره قوشلره براقیهلم « خدمه چیقار »
« قطب‌الدینه » قطب‌الدین بورایه کل جدک باق نه حالده یاتیور ؟ ایکی
پیل اول دنیاچه نه قدر انسان وار ایسه هپسنه شاهانه برر خلعت
کیدیرمکه مقتدر ایدی . شمدی ملکنده سکز آرشون کفناک بر
بز پارچه‌سی یوق مزاره شو بیرتق اثواب ایله کیره‌جک . باقده
عبرت آل .

« قطب‌الدین »

باباجغم : پادشاهم ! قوللرینک بوقدر فلاکته رهم نصل قائل اوئیور ؟

« جلال الدين »

سن اويله شيلار دوشنمه يواش يواش اوكره نيرسك چكسكاريغز
هپ ايتدكلريمزك جزاسيدر چكرز « اوز بكه » المده هيچ بر قلمه
قلمديتي ماسكه يي نرديه برانه جغز ؟

« نيره »

الله وجوديمك هر نذره سني بري برندن آيرسونده بني سندن
آيرمسون پكا قلمه وارسه وجودك ، صاقلانه جق ير وارسه قوينكدر .
سندن كولكهك آيريليرسه بن آيرلم يشارسه م آياغلك اوچنده يشارم
اولورسمده كوزينك اوكنده اولورم .

« جلال الدين »

يا چوجق ! قطب الدين نه يپارز ؟ ...

« قطب الدين »

پادشاهم بورايه كليركن آوه چيقمش بر آرسلان كورمشك
آرقه سنده برده ياوريسي واردى البته خاطريكزه كليرنه جكم آرقه سنده
اوافجق بر ياوريسي واردى دكلى ؟ يا قطب الدين سزك آرقه كزدن
نه نكلسون ؟ بن حيوان ياوروسندنده مى آشاغيم ؟

« جلال الدين »

حقكز وار ايكيكز كده حقكز وارتاتار اوزرينه كيده جكز اولومه
قارشى قادينسك ار ككدن ، چوججك پيوكدن نه فرق وار ؟ « محمد
خوارزم شاهك جنازه سنه ياقلاشه رق » باباجم پادشاهم ! شمدى سنك
مقامنده بولنيورم ! . . . ينه حكمنك اسيري يم روحك اليته سوزيمي
ايشيدير . شو مز اراق طوپراقارنده سورينان جنازك حضورنده ريم
ايله عهد ايدرمكه اللهه ، جنسمه ، ماتمه ، خدمت ايتكى كندى

جانمندن ، کندی راحتمدن حتی سنک انتقامندن بیله مرجح بیله جکم !
 شهیدایسه ک جناب حقندن نیازیت جلاله یاعهدینی ایفا ایتک ، یاخود ،
 شو پارچه پارچه کفک چورومهدن آخرتده سنکه کورشمک نصیب
 ایتسون ، « عومه » عهدمی ایشتدیکز دکلی ؟
 اوز بک - اورخان

الله معینمزدرد پادشاهم !

« جلال الدین »

الله ایشنه قارشیمه جغز یولنه کیده جکز .

— ❧ — پرده اینر ❧ —

خوارزم سراینده غایت مکلف بیوک بر او طه ، صاغ طرفده ینه
کوچک بر او طه ، بیوک او طه ده آرق سلطان براق حاجب بدرالدین -
عماد الملك - امر نوشتکن - ملک نصرت - کوچک او طه ده اوز
بك - اورخان نورالدین - منشی - نیره الاقبال .

« نیره »

« کوچک او طه ده کیره رك اوز بکه » مرادك نه ایسه سویله :
بکا سرایمی ، طولاشدیرته جقسك ؟
« اوز بك »

« نورالدینه » اقدامزه عرض ایدیکنز ملکه حضرتلرینك کندیلارینه
مهم لاقردیلری وار ایمش شمدی بورای تشریفلرینی نیاز ایدیورلر
« نورالدین چیقار » « ملکه یه » شو فویه یاقلاشك ده دیکلیك .
« بیوک او طه ده عماد الملك »

« آرق سلطان » پادشاهم : برادریکنز رکن الدین مرجومك
شهادتندن صکره قولکنز مجرد اقدامك خدمتده بولنق اوزره کلام
برادریکنزه اسیر اولق ایچون دکل .

« نیره »

آه !

« اوز بك »

ایجه دیکلیك ! . . .

« براق حاجب »

پدریکنزك حکومتسز قالمش بو قدر ملکی واركن جلال الدین

بیلهم که نه ایچون حصه وارثکوز خوارزم کشورینه حصر امل
ایتمشده بورایه کلش خاندانکزک اکبری ایسه سنا کنندن کوچوک
اولان قرداشلرینک دواتته حسدله می اثبات رشد ایدم جک بتون جهانک
عالمی اولدیغنی بتون جهان غلبه سیاه میدانم قویمش اولان جنکیز
خانداندن اولسون عبرت آلمی دکلی ایدی ؟ جنکیز کنندن صکره
سلطنتی اک کوچک اولان اولادینه وصیت ایتدی کنندن بیوک اولان
قرداشلری باری جهانی ضبط ایتشلر ایکن پدرلرینک صاغلغنده بیله
کوچک قرداشلرینه جنکیزدن زیاده حرمت و اطاعت کوستریورلر .

« نیره »

ملعون : جنکیز بتون جهاندن بیوک ایسه عنندنه حاشا الاهدنده می
بیوکدرکه : آنک وصیتنی شریعتک حکمنه ترجیح ایدیورسک .
« براق حاجب »

هیچ امیدسنر ، عسکرسنر پادشاهمی اولور ؟ بوسلطنت بزم اطام
عتمزله قائم اوله جق ایسه بزجلاله اطاعت ایدنلردن دکاز .
« نیره »

آه ! . . . مکر شیطان مکر کوپک قیافته کیرمش .
« آرق سلطان »

« براق حاجب » سوزیکز حقلی کورینور .

« نیره »

آق صقالیلر اویونجاغی اولمش بیک : سنده می حقلی بی حقه سزی
فرق ایتک دعواسنده سک .

« نوشتکن »

اگر جلال الدین زمانک حکمنه واقف اولسه یدی دنیا قوریه لی

انسان آياغی باصمامش بر آطه يه چکبلوبده بوقدر قيمتلی زمانلر غائب
ایده چکنه دها اووقت فرصت الده هر درلو تشبث وتدبیر امکانه ایکن
برطرفی طوتر اوزیمزه مسلط اولان بلانک دفعنه بر چاره دوشنوردی
بویله بزدن عاجز بر آدمک حکمنه داخل اولوبده نه قزانه جغز .

« نیره »

ملعون : دیمک جهنم آتشارندن دوکولمش قلیچارله طوغرانسون .

« ارزاق سلطان »

برادر نه یاپسون ؟ پدرک پادشاهک امریله اورایه کتمشدی
پدرده اورایه چکلمدی ؟

« نیره »

آکلادکی کوپک ؟ سوزلرک اون یاشنده بر چوجنی بیله آلدانه میور

« عمادالملک »

پدریکز بشقه : آنک وجودی غالمه لازم ایدی جزیره یه بزم
اتفاقزله چکلدی سنکز دها کماله ایرمامش هر حقیقتی لایقوله دوشو -
نه من سکزده آنک ایچون معذورسکز یوقسه سویلدی کککز سوزلر
بشقه سندن صادر اولسه عصیانته حکم اولنور جلال الدینه دارفدارلقدن
برادریکزه خیانت جیقمزمی ؟

« ارزاق سلطان »

بکا نیچون او یله شیلر اسناد ایدیورسکز خاطریمه برنقردی کلدی
سویلدم . قباحته ایسه برادریمک عفونی استرحام ایده رم .

« نیره »

شو پادشاهزاده یه باق بر کوپکک قارشومنده تیره یور .

« امیر نوشتن »

جلال‌الدینک اولکی حالی افعالی محاکمه‌یه حاجت یوق شمیدی
بوساطتک ارکانی بز خوارزم شاه دولتی قلیچمزه طپائمش اوسایه‌ده
طوریور .

« نیره »

های قلیچک جکرینه صاپلانسون .

« عمادالمالک »

آکا کیم اشتباه ایدر ؟

« امیر نوشتن »

حالبویه ایکن جلال‌الدینک حضورنده اوز بک قدر اورخان قدر
اوله‌میورز . اما اوز بکک وجودنده اون سکز یاره‌سی وارمش بنم
حکمدده اوتوزبیک قلیچ وار اورخان اردونک اوکنه دشمنک اوقه
کوکسنی سپر ایدرمش بن اردومزک اوکنه بویلی بوینجه زرهللی
سواریدن بردمیرسد چکه بیلیرم بویه یاره‌یی قلیچدن شهیدی عسکردن
خیرلی کورن آدم آدم پادشاهی اولور . جلال‌الدینه اطاعت ایدوبده
شهرلریمزی خسته خانه خانه لریمزی قبرستانی یالم !

« خادم خان »

ایشته بحث مسئله‌نک اک مهم جهته انتقال ایندی .

« نیره »

بر ییلان دها ایصلق چالغه باشلادی باقه‌لم آنک آغزندن نه‌درلو
زهرلر دوکیله‌جک .

« خادم خان »

جلال‌الدینک بوملکه طمغنی بز معامله‌سی بوندن اولکی تدبیر .

سزلکی ولوکه بتون بتون حکمسر اولسون ولوکه بوخوارزم دولتی
 آنک ذاتیه قائم اولسون ! ولو انسان ایچنده جلال الدیندن بشقه
 پادشاهلغه لایق بر فرد قلامش اولسون بز آنک اطاعتته نصل کیره -
 بیلیرز ، مبارک : تاتار ایاه حرب ایتمکه حصر مقصد ایتمش شمدی به
 قدر اجدادیمزک قلیجلییه بولدقلری ملکی مالی المزدن آلبده او یاه
 صرف ایده جک . بیامیورسکنز تاتار ایاه غوغا نه در ؟ قضا ایاه کولشمک
 قدر ایاه حرب آچمقدور تاتار عادی انسان دکل فیلدن هیبتلی ، قبلاندن
 خونریز قرتجهدن کثرتلی بر قوم . اردوسی حرکت ایندیکی زمان بر
 مملکتک اوزرینه بر عالم یقیلوب کلیور کبی کورینیسور یورودکاری
 وقت آیاقلرینک آلتنده دنیا ایکلیور ثقلتلرندن ربع مسکون یره کچه جک
 بو کثرتلییه برابر دیو جنسندنمیدر اللهک غضبندمی مخلوقدرلر نه در ؟
 بر فرقهلری الی مملکتهمزی محو ایتمکه کسفات ایدیور بر قادیناری
 آلمش ارکهمزی اتلافه مقتدر اولیور . هر بری بر بلای مجسم ،
 هر بری بر موت ذی حیات محاربه آجیاهلی دهانه قدر زمان اولدی ؟
 اطراف آلتی آیده کوچ طولاشیلور بو قدر معمور مملکتلری جهانی
 وجوددن آیردیبار . عدم عالمه الحاق ایتدیبار آیاقلرینک توزی
 کچدکاری مملکتلری ده اللهک کونشی کوسترمیور . وجودلرینک
 قورقوسی اوغرادقلری یره اولوم طاغیدوب کچیور . آتارینک عزرائیل
 یدکنی چکرمش . جهنم قویروقلرنده باغلی سوروکلنیرمش کبی بر کره
 کوروندکاری طرفده مزاردن یانغین یرندن بشقه برشی قالمیور . ایباک
 کلان تاتار اردوسنک قارشوسنده بولندم خدا بیلیرکه هر بریمز بر
 خوارزم شاه سلطنتنه مالک بولنسه قینه جنکیز بزی ایصسر چوللرده ،
 خیرسر آطه لرده آچلقدن اولمنکه مجبور ایدر . کیم چوجقلرینک

وجودینی قورد قوش آغزنده قاریارینک کردنی دشمن زنجیری
آلتده کورمک ایسترسه او جلال‌الدینه تابع اولسون غار خانک
سرگذشتی کوکلده نقش اولمش طوریبور بن جنکیز ایله محاربه‌دن
عاجزم .

« نیره »

آه او شهیدک ترجمه‌ی حالی سنک کبی کوکلک کبی جهنم قبولینه‌ی
یازملغه لایق ایدی غار خانی اغمال ایدوبده جنکیزی اوزریمزه کتیرمه
سبب اولان ملعونک شمدی سویلیدیکی لاقردیلره باقی « اوز بکه » بن
طیانه‌میه‌جغم بو کوپکلرک برر برر دیالرینی یرندن قوپاره‌جغم .

« خادم خان »

نه دوشمنیورسکیز غوغا طرفداریمیسکیز ؟

« اوز بک »

دیکلیک : نیتارینی تمامیه اوکر نه‌لم آندن صکره چیقہ بیلیریز .
سرایک ایچنده الی قلیجلی بش یوز مرد حاضر طوریبور .

« خادم خان »

کیمسه‌نک آغزندن برلقردی چیقمیور . بزبوسکوت بو حیرتله هیچ
برشینه قرار ویره‌میه‌جکزه . نه وقت تاتارلرک قلیجی باشمزه ، غارغیسی
کوکسمزه طوقونور ایسه بزده اوقت بو غفلت او یقوسندن اویانیرز .
« امیر نوشتکن »

بن جنکیز ایله محاربه‌دن قورتولمغه بر چاره بوله‌میورمده آنک
ایچون صوصیورم .

« آرق سلطان »

اوت بر کره حرب آچلمش . بوندن صکره نه یاپه بیلیرز ؟

« خادم خان »

حرب آچامش ایسه الله مصلحه نك امكانیده دنیادن رفع ایتماش یا :

[بدر الدین]

بن تمهد ایدرمکه جنکیز هم کندنبجه هم سزجه خیرلی بر
صلحه راضی اولور .

(نیره)

جانوس کوپك !

« بخادم خان »

« ملك نصرت » سز بر شی سویله میورسکز .

[ملك نصرت]

دمیندنبرو هانکی سوزیکزك دها زیاده حیرته شایان اولدینفی
دوشنیورم . آنی ده تفریقدن حیران اولیورم بو کون جلال الدین
پادشاهمzk اکبر اولادی دکلیدر .

« عماد الملك »

اولقله نه لازم کلیر ؟

(ملك نصرت)

نه لازم کله جك ؟ شرعه مطابق هر امرینه اطاعت لازم کلیر ؟

[نیره]

بو کیم ؟

« بو اوز بك »

ملك نصرت : بونارك پادشاهه سوء قصدینه هپمزدن اول حکم

ایدن بو ایدی .

[آرق سلطان]

.. پادشاه او ایسه بن نه پیام ؟

﴿ ملك نصرت ﴾

پادشاهم زك اك بيوك برادری یعنی اك يقين بنده سیسکز حکمنه
قدرینه رعایت ایتك هیمزدن زیاده سزه یاقیشیر .

... (امیر نوشتکن)

جلال الدین اطاعت ایدملمده قیوسنده کی کوپکلردن ده آلچقمی اولهلم؟

(ملك نصرت)

سن شمدی اعتقادنجه کوپکدن آلچق دکلک اوپله می ؟

(نیره)

آفرین ! ...

« نوشتکن »

شونك جسارتنه باق بیلیرمسك كه [ادب - مجلس] مانع اولسه

انسانی بز قیایچده ایکی پارچه ایدر لر .

﴿ ملك نصرت ﴾

هانی اوپله برهیت ایدمك ذات اولسه بلانك وجودی قالدقارده

دنیاچه برخان اكسیلیر یاخود بنم وجودیمك برپارچه سی اولسون خان
آرسنده بولمقدن قوزتیلور .

(خادم خان)

« آره یه کیره رك نوشتکینه » برادر شمدیدنمی اختلاله باشلایه جغز

« ملك نصرت » بزى تاتار قلیبی آلتنه می دوشورمك ایستیورسکز ؟

(ملك نصرت)

منك مرادیكز نه در ؟ دنیاچه افراد مسلمانندن نه قدر مخلوق وار

ایسه اللهك امرینه ، پیغمبرك سنتنه ، انسانیتك شرقنه قارشى

طورسونلر کشدی حریتلرینی کندی آباقلری آلتنه آسونلر - نفسلرینی

مالارنی طوع رضالریله تاتار مشرکارینه اسیر ایتسونلرمی دیمک
ایستیورسکیز چوجقلریکیزی قورد قوش یمسون دیه تاتارک ساقیلک
خدمته می ویره جکسکیز . قاریلریکیزی زنجیر آلتنده کورمامک ایچون
کلینلک اثوابلریله دشمن قوجاغنه تسلیم ایده جکسکیز اوله می ؟ الاتهدن
قورقق ، خلقدن اولمزسه باری کندی نفسکیزدن اوتانمتی سزیک
ایچون دکلیدر ؟

(خادم خان)

بو حیا له ته نیجه برووجود و یروب طوره جقسکیز ماسابقدن عبرت
آلق سزک ایچون دکلیدر ؟ جنکیز دها برعشیرت بکی ایکن فلیکک
حکمنه رام اولمامش بونجه قبائی قلیجنه باش اکدیرمش ایدی چین
ملکنی دوشونکیز شو دنیا قوریله لی خارجدن کیسه یه مغلوب اولمامش
اسکندر کبی بر جهانگیری اوزاقدن حالنه خسرته نکران ایلش
قلیجلیرینک اوجی شرقدن غربه قدر ایرشمش خلفا دروننده اسلامک
شوکتی باری جهانی طوتمش ایکن « قبتیه » کبی برظفر مجسم پای
تختک طوپراغنی چواللرله طاشتمدقجه آیاق التنه آله مامش اولان چین
ملکنی یالکیز بتون جهانندن معمور ، بتون جهاننه یقین غایه لک اولان
چین مملکتی دوشونکیز : جنکیز اول ملکک بیله بر جمله ده عموم
اهالیسنی مذلت طوپراقلرنده سوریندیردی . آیاغنک باصدینی یرلره
سجده ایتدیردی . ماوراء النهرک نه حاله کیردیکنی بیلیمور میسکیز ؟
طوپراقلری آتش ، صولری قان کسلدی پادشاه حیاتده بتون ملک
الده عسکرک اطمئنانی امرانک اتحادی کالده ایکن مقاومت ایده مدیکمز
دشمنه ملکک یاریسی خراب اولدقدن معمور اولان یرلرک هر برنده
بر بشقه حکومت وجوده کلدکن ، دهشته هرکسک اتحادی دکل

اجزاسی پساہ تارومار اولہ جق درجہ یہ وارد قدن صکرہ می قارشو
طورہ جقسکز ؟

« مالک نصرت »

اوغرا دیفکز بلالک سببی ہپ بوضعیف اعتقاد دکلمی ؟ ہیچ
انسانک حیاتی موجود ایکن دینی ، دنیاسنی محافظ ایچون بشقہ
واسطہ یہ اختیاجی اولور ؟ دشمنہ قارشو طورہ مزایسہک قارشوسندہ
محو اولمقدہ می المزدن کلز ؟ غیرتکز یوقسہ عقلکزده می یوق ؟
تاتارک مزراعی کوزکزدن چیقمیورده جلال الدینک قلیبی ہیچ
خاطر یکنزہ کلز می ؟

(خادم خان)

مرادکزی اخفاده معانہ در ؟ جلال الدیندن قورقیورسکز دکلمی ؟
اوقدر تلاشہ حاجت یوق : بزم لازم اولان تدبیرلرک برندہ قصور ایتمک
شمدی پنجدہ می صیقیورسہم طرناقلمدن جلال الدینک قاتی طاملامغہ
باشلار ! ...

﴿ نیرہ ﴾

آہ ! ...

﴿ مالک نصرت ﴾

اولہ بر زماندہ عزرائیل روحکی قبض ایتمک لازم کلسہ خالقنک
حضورینہ ایکی اندہ نہ کوزل ہدیہلر کوتورردک مکہ کوفہ اعیانک
نفاقدہ خیانتدہ نفردی صرف یلانجی بر شہرتدن عبارت ایمش .
شوندہ بردری ایلہ وکیکہ بورنمش ارواح خبیثہ وارکہ انسان حاللرینی
دوشندکجہ و قتیلہ امام حسین مکتوبلر ، نیازلرلہ عراقہ دعوت ایدوبدہ
صکرہ کربلا دہ مبارک وجودینہ قصد ایدن ملعونلرہ حاشا رحمت

اوقویه جق ، باق شو انسانلره ، باق شو امرایه : دینیز دنیامز خراب
 اولیور مملکتلریمز بايقوش یواسنه بکزه دی . عبادتخانه لر مزده
 « لفظه جلال » لوحه لری تی آياق آلتنه آلیورلرده جنکیزك اسمنه
 طابنیورلر . سزده برطرفدن اولانجه همتکیزی ، ولی نعمت زاده کزك ،
 پادشاهکزك وجودینی دنیادن قالدزمق ایچون چاره تدارکنه می حاضر
 ایتدیکز ؟ اسلامیتك ، انسانیتك یر یوزنده جلال الدیندن بشقه
 استنادکاهی قالدی اوکاده شیطان سزی مسلط ایتش ، حیاته قصد
 ایدیورسکز . امت محمدك بتون بتون یتیم قالدیغه بتون بتون غریب
 اولدیغه چالیشیورسکز اوله می ؟ بالله العظیم کعبه بی ابرهه لر ،
 حجاجلرده سزدن زیاده نفرتنه لایق دکلدلر .

(بدر الدین)

« قهقهه ایله کولهرك » امین اول . جلال الدینك قیمتنی بز سندن
 زیاده بیلیرز حقك وار دنیانك آندن بشقه استنادکاهی قالدی بری
 حیاته قصد ایده جك اولسه یولنده اولورز دیم « چونکه دلی دکاز »
 لکن قصد ایدنلرك وجودینی قالدرمغه کندی حیاتمز کبی چالیشیرز .

[خادم خان]

آکا شبهه می وار !

(عماد الماک)

« خادم خانه » سزده می ؟ . . .

✽ نوشتکین ✽

یالکز او دکل بنده او اعتقادده می .

(براق حاجب)

« قلیجنك قبضه سنه طیهانهرق » مقصد بزی سویلتمك ایدی

دامه طوتلدق اوله می ؟

[بدرالدین]

قورقه قورقه : ییلانک ییلانه زهری کار ایتمز .

﴿ آرق سلطان ﴾

نه دیمک ایستیورسکز ؟ دمندنبری آغزیکزدن چیقان سوزلر نه
ایدی بکامی بر قصد ایتدیکز ؟

(بدرالدین)

استغفرالله پادشاهم ! خادم خا امیر نوشتکین بنده لریکزله اول
مذاکره ایتمشیدک . حقیقه برادریکزک وجودی بزه الزمدر سلطتکز
آنک سایه‌سنده قورتیاه‌جق . جنکیزک قوتی شوکتی میدانده ،
خاندانکزه اولان خصومتک درجه‌می‌ده معلوم شاهانه‌کزدن بونکله
برابر قولکز آنک طبیعتده بر بیوکلک کوردم بزم طرفدن قدرینه
لایق بر معامله‌کنندنی دوستلغکزه قانع ایده‌جک بر حال کوررسه
ینه راضی اوله‌جغندن امینم فقط مرحوم پادشاه زماننده کچن وقعه‌لر
اوزرینه مودت شاهانه‌کزده قوتلی دلایلر کوسترمک ایجاب ایدر .
شمدی عالمده جنکیزک جلال‌الدیندن بشقه غیظ ایتدیکی بردشمن قالمدی
آنی‌کندینه تسلیم بیوررسه‌کز هم جنکیز طرف هاپونکزدن
مأمولندن زیاده بر رعایت کورمش اولور . همده !

[نیره]

« قیونی تکمه‌لیوب طیشاری چیقه‌رق » پادشاهنک قائنه کیرمش
بر دیوانه‌بی‌کوشه‌یه اوطورته‌ده آنک نامنه ایرانده ، تورانده سلطنت
سورده‌سکز دکلی ؟ کوپکار . سزه ارسلان اوزرینه چیقه‌جق
قدر جسارت نره‌دن کلدی . پادشاهکزک قلیجنه هانکیکزک کوکسی
سپر اوله‌جق . قولنی ایچکزدده هانکی یکیتک پنجه‌سی بوکه‌جک . سز

جلال الدینی عرضکنز ، ناموسکنز ، دینکنز ، ایمانکنز ، کبی حکمکنز
بر شیمی قیاس ایندیکنزه : همان ایستدیککنز کبی جنکیزه تسایم ایدیو -
یرمک اعتقادندهسکنز ؟ آلچقاره باق ! طاش کسلدیلر . یمین ایدهرمه
هانکیسنگ وجودینی پارهلسلر طمارلرندهکی قان کبرمش قره ییلاندن
حغوق بولنور وجودلرینک بر قیلی بر ذرهسی حرکت ایتیمور . الله
بلاکزی ویرسون بومذلتکنز ایله برابر اوزاقدن اوزاغه مهتابه
حاولایان اویوز کوپکار کبی پادشاهکنز آرقهسندن سوز سولاسکه
جسارت ایدیورسکنز اویاهمی ؟ نکاحکنزده اولان فاحشه لر البته
سزدن بیک قات مرددر .

﴿ نوشتکین ﴾

بوجقارتی نه وقته قدر چکوب طوردهجنز ؟

(خادم خان)

صوص ! کورمیورمیسک ؟ اوز بک قونک آرقهسنده طوریمور
اوطله جیخانهیه بکزهمش نه طرفه باقسهک قلیجدن بشقه بر شی
کورندیکی یوق .

« نوشتکین »

قورقو هرتشبشک اولومیدر . ایش بویه کورلمز پاجغمن نه ایسه
شمدی یپارز . جنکیزه بو سلطتی بو کوزلاکی بو فصاحتیه ماسکه
حضرتلرینی کوتوررسهک البته جلال الدیندن زیاده مقبوله کچر .

﴿ نیره ﴾

آه !

ایک نجبی مجلس

اولکیار - جلال‌الدین

جلال‌الدین بر قبودن کیرر ملک‌کنک فریادی اوزرینه اوز بک
بر طاقم عسکرله اوته‌کی قبودن هجوم ایدرلر .

(نیره)

کل پادشاهم : سنی بورایه الله کوندردی بوخا‌نار بو ملعونلر مالک
نصرت‌ه باقمه او دکل ایچلرنده برصادق آدم وارمش شونلر شوکوپک‌لر
سنی طوتوبده جنکیزه تسلیم ایده‌جک‌لردی .

« جلال‌الدین »

« امرایه » سعیکز مشکور اولسون .

(نیره)

آه بالله‌العظیم شیطانده بونلردن آلچق دکلدر . وجودلرینک هر
ذره‌سی خاندانک نعمتدن حاصل اولمش ایکن یالک‌ز نفسنه دکل
عرضنه بیله خیانت ایتمک ابستدیلر . بنی نیره‌کی بیله اوتاتار ملعونه
کوتورمکه قالقش‌دیلر .

﴿ جلال‌الدین ﴾

آه ارواح خبیثه‌کی پدریمک طمارلرنده طولاش‌دیکنز قلبنی استیلا
ایت‌دیکنز . تاتار ایله حرب آچ‌دیر‌دیکنز صکره قوه واهمه‌کی بینه
صوقول‌دیکنز طبیعتنه غلبه ایت‌دیکنز . یکر می ایکی سنه شانیه ، شهرت‌یه
مقتدای اولمش برپادشاهی اجاک قضانک قولایلقاه بوله‌میه‌جفی برکوشه
خفایه صاقلادیکنز یاری جهانک خرابنه ، یاری جهانک طولوسی
انسانک تلفنه سبب اول‌دیکنز شهرلر آتشدن جهنم دره‌لرینی صحرالر

موتادن محشر ميدانلارنى آكديريپور !... آنالرينك رحمندهكى
چوچقلر، مزارلرينك كوشه سندهكى اولولر تاتارك قليجندن، قارغيسندن
امين اوله ميور بو بلالرك جملاسنه سز سبب اولديكز صكره نهنسك
لاشه سنى تقسيمه كوپك ياوريلرى كېي هر بريكز ملكك بر پارچه سنى
صارديكز هر بريكز جنكيزه قسام اولمقدن بشقه اوزه نهجك بر شى
بوله مديكز كوپك ايكن قپلان مقادلكنه قالقشديكز هر بريكز عباد-
اللاهك باشنه تاتارى آره يه جتى قدر بلا كسلديكز حالا ديشلريكزدن
طرا ناقلريكزدن شهيد قانى طاماه يور آكاده قناعت ايتديكز شمدى
پادشاهكزى ، يالكز پادشاهكزى دكل پادشاهكزك عرضى دشمنلره
تسليم ايتمكه قالقشديككز اويلاه مى ؟ حيثار مادامكه دنيكزك ملتكزك
خرابنه قصد ايتمش بر ملعونه رشوتله حلول ايدوبده دنياه ، آخرتده
ماعون اولمى مراد ايتمشكز بوتكلفه نه حاجت وار ايدى ؟ قاريار -
يكزى ، قيزلريكزى تقديم ايدك جنكيز آنلرده قناعت ايدر .

(ملك نصرت)

دينم حقيچون بوملعونلر مقتدر اولسهنلر برقاچ كونلك دولت
ايچون جناب حقى ده جنكيزه تسليم ايتمكدن چكىنمزلر .

(اورخان)

پادشاهم بر عقرب يواسنه اوغرادك عباداللاهك سلامتى ايچون
هپسنى بردن مخوايت

« اوزبك »

هر كس فرمانكزه منتظر طور يور امر ايدرسهكز هپسنى
اياغكزك آلتده ازلمش بولورسكز .

(نیره)

جلالم! بالله بوغزنا جنکیز بحاربه لرندن افضلدر .

(جلال‌الدین)

« بارد بارد کوله‌رک » بونلری فاک بیاه فعللرینک مجازاته لایق
 کورمامشده بنی تأدیبرینه تنزل ایده‌جکم ؟ قلیجه بروقت طموزقانی
 بولاشدیرمق ایسته‌مم « حدتاه » « برادرلری و طرفدارلری اولان
 امرایه » شورادن جهنم اولک . بنی لاشه‌لریکنزله اوستنده کزدیکم
 طوپراقلری تلویث ایتمکه مجبور ایتمک .

* آرق سلطان *

پادشاهم بنده کزک

(جلال‌الدین)

قارشومدن دفع اول صولوجان : بوده کندینی انسان یرینه‌قویمشده
 لاقردی‌یه قاریشیور .

* آرق سلطان *

بو حقارت نهدر ؟ بنده سزک کبی بر شهزاده‌یم .

(جلال‌الدین)

اوت شهزاده‌سک . لکن بنم کبی دکلسک . بنم کبی شهزاده
 اولیدک قرداشکک وجودینی پادشاهکک عرضنی دشمنه تسلیم ایتمک
 ایستدکلری وقت قاننک برطاماه‌سی اولسون آتشنیردی وجودیکک
 برذره‌سی اولسون حرکته کلیردی آغزنندن برلقردی اولسون .
 چیقاردی قارشمدن دفع اول . کندینی شهزاده ظن ایدرکن دیلنبی
 چوجنی کبی طلیاق یه‌جکسک .

(نیره)

« آرق سلطانی کوستره رك » شو بادشاهزادیه باق : قطب الدین
ایکی یاشنده ایکن برکونده ایکی حواله کلدی ایدی ده بونك كبی
چهره سی اولورنکی باغلامامشدی .
« ملك نصرت »

هانی خوارزم شاه دولتی قلیج نزه طیانه رق طور یوردی دیزلر یکنز
ترمه که باشلدی برر برر یره قپانه جقسکز بلکزده کی قلیچاری کندی
وجودیکز بیله چکه میور .

* نوشتکین *

بن بوقدر حقارت آدمی دکلم پادشاهم عفو ایت جلاد ایسهك
اولدور زبانی ایسهك ایتدکارك اذیت الویرر .

اوچنجی مجلس

اولکیلر — برعسکر

(عسکر)

پادشاهم تاتار اردویی باصیور طلیعه سی اوق منزله یاقلاشدی .

(جلال الدین)

« کمال سکووتله کندی توابعه » مقصدکز بو خائلك هلاکی
دکلیدی ؟ شمدی هنرقلرینك قارشوسنده یابراوق یابرقارغی بولنه جق
« آرق ساطانه » سنده بنم کبی شهزاده ایسهك ایشته امتحان میدانی
آچیلدی چیقه هرکس قدرینی یاسون ! « نوشتکینه » بن پادشاهم
عفو ایندم لکن اولوم جلاد اولمش همده تاتار قیافته کیرمش — سنی
آرایوب کلیور کوك یوزینه چیقسهك ، یر آلتیه کیرسهك پنجه سندن
قورتیله مزسهك هله زبانی سن کبردکدنصکره بر وقت یانکدن آیرلماز

« جدّ وحدتاه » دوست دشمندن آیرلسون : ملاکە ! اوز بک ،
 اورخان ، نورالدین ایوجە بیلک که : بوجهانک نهایتی البته اولومدر
 کیم دشمن قارشوسنده نفسی فدا ایدرسە دنیاده حرمتلی برنام آخرتده
 سعادتلی بر حیات قزانیز . هانکیمزی الی الابد شو بولندیغمز حالده
 قالمقاه فانی عمریمز قدر جهنمده بولنق آره‌سنده محیر بر اقسه‌لر البته
 جهنمی خیرلی کورورز . اویاه ایکن بو حیاتک نه‌سنه رغبت ایدوبده
 سعادت اخروی بی ، ناموسی انسانیتی فدا ایده‌جکسکیز . دنیانک هر
 طرفی مزار اولدیغنی اول عقلمزله ادراک ایده‌یلیردک شمدی کوزیمزله
 کورمکه باشلادق . امین اولاک که حیاتک هر حالی بردر . دنیاده
 یر عقلی پادشاه بر عقلسز دیانجیدن زیاده بمختیار اوله‌ماز کندیمزی
 اولو بیاهلم اولی بیلک دکل : انسان کبی اولک بویاه یشامقدن بیک
 قات خیرلی اولدیغنی ایجه‌ذهنمه آله‌لده دشمن قارشوسنه اجلمزی
 آرایه‌رق چیقهم . سز او آلچققره بائیکیز . آنلر اولوم قورقوسیه
 اولور طاقندندر . هایدک غزایه ، هایدک بقای نام میداننه ! هایدک
 جنتک اک کسیرمه جاده‌سنه ! الله معینمز اولسون .

— پرده اینز —

« اردوگاهده بر شاهانه چادیر »

برنجی مجلس

جلال الدین - نیره

(نیره)

پادشاهم : بر بیوک مخاطره کچیردک . خوارزمده قاتار هجومندن
قورتولیشمز بقایای معجزاتدن دکلیدر؟ جناب حق سنی بویله فوق العاده
هوفقیاتر ایچونمی راتمش البتده حاطرنددر بیک سکز یوز کشی ایله
طقسان بیک دشمن آرمستدن قورتولدق قارشیمزه کلن آیلری
ییلدیرم بلوطی کبی باره لدق اطرافمه یغمور قدر اوقار یاغدی سیل
قدر قانلر آقدی ینه قورتولدق همده یوز دشمن لاشه منه قارشو بر
شهید ویردک بورالره قدر کلدک الحمد لله صاغز . سالمز ! صاغ اولدقدن
بشقه غایبه ده بزم !....

﴿ جلال الدین ﴾


عالمک محنتدن هر کسک لسانندن ده اویله سهولته قورتوله بیلسهک :

(نیره)

عالمک نه محنتی قالدی ؟ خلق سزه نه دیه جیک ؟.... پدربیکیزک
حالی معلوم حق رحمت ایلسون برادرلریکیز امراکز ماهیتلرینی
خوارزمده فعالریله اثبات ایتدیار . ملتله اسایتمه سزدن بشقه

خدمت ایدن کیمسه قلامش ایکن هر کس دواسندن استکرام ایدن مجنونلر
 کبیینه سزدنمی شکایت ایدم جک؟ دهانه یامق الکیزدن کلوردی. دنیای
 دهشتندن تره دن جنکیزه یالکزجه قارشو طور دیکز اوردولرینی
 بوزدیکز. الدن مملکتلرینی آلدیکز «تاتار یا جوجدر» دیورلر
 اکر اویله ایسه او «یا جوجک» قارشوینده سز سد اولدیکز.
 بو قدر غیرتدن بوقدر موفقیتدن صکره حقکزده نه سویله بیه جک؟
 (جلال الدین)

بن المدن کلدیکی قدر وظیفه می یرینه کتیرمه چالشدم. فقط
 یالکز غیرت اختیاجه مقابل کلیور دشمن قانندن سیالر آقتسه اوده
 بزم مملکتلری خراب ایدیور براقچ پارچه اولق المدن کلز که هر
 فرقه نك باشند هر یرك محافظه سنده بولیندیم. بز بوراده بر اوردو
 بوزیورز. تاتار اوراده بر پادشاهلق بانیریور بز بوراده بر غوغا
 قرائیورز. اسلام اورته ده بر کشور غائب ایدیور. بز بوراده براقچ
 بیک مردک یوزینی کولدیوریورز. فاک اوتده بر قاج ملیون قادین
 یتیم، چوجق اغلادیور. هپسندن بن مشولم. جناب حق هپسنی بندن
 صوره جق آه: کاشکه پدرم حیاته اولیدیده بن پادشاهلغه بدل
 امری آلتده بر عسکر بولنه ایدم. باری یالکز یاپدیغم ایشدن
 مشول اولوردم. یاپدیغم شیلرک اولسون مشولیتی بکا عائد اولمزدی.



سبحان الله سزدن بشقه هر کیم اولورسه اولسون افعالکزک
 یازینسی میدانه کتیرمش اولیدی افتحارندن دنیالره صیغه مازدی. سز
 بر درلو کوستردیککز بیوکا که قانه میورسکز جنکیزی یلدر دیکز.

حالا کول که سندن قورقان چوجقار کېي افعالكړك قارشوسنده تير
تير تيره پورسکزر .

(جلال الدين)

نم وظيفهم جنکيزی يلد رمتی دکل اسلام ملکني قورتارمق تاتارک
تسلطی اذان سبی ایشتمش مملکتلردن بتون بتون بر طرف اولنجده
قدر نه یاپسهم آزدرد . انسان ایچون مادامکه دها پیاچق واردرد .
یابدینی شیارله قناعت نصل جائز اولور ؟ بر کره دوشون . اهون شر
عد اولنق اشرف مخلوقات جنسنندن اولان بر وجود ایچون نه
بیوک مذلتدر .

[نیره]

پادشاهم هر نه ایسترسهک یاپ . هر نه ایسترسهک پارسک . هر
نه ایسترسهک یامغه مقتدرسک ! تاتارک وجودینی بورالردن دفع ایدن
همتک انشاءالله بتون بتون دنیالردنده قالدیرر . یالکیز شوراسنی
اونوتمهکه : افعالك سکا نسبت نه قدر کوچوک ایسه سائرله نسبت
او قدر بیوکدر . ایشته دنیاده کیسه سنک کېي اوله میور سنده بر آز
هر کسه بکزه سک نه اولور ؟

﴿ جلال الدين ﴾

نه می اوله جق ؟ کندی می ارکک ، بیوک پادشاه بیلیرکن ، فداکارلقده
سنکاه تحملده قطب الدین ایله همتده چادیرک قوشوسنده طوران
اوشاقلرله می مساوی طوتهیم ؟

(نیره)

سنزه کیم دیدی ؟

« جلال الدین »

لاقر دیلر کدن اونتیجه ا کلاشیلور . ایجه بیل حالا وجداتم راحت
دکل ! سکا اولان محبتی بیله وظیفه یه مفتونیتدن زیاده کور یورم .
﴿ نیره ﴾

سز ایستدیککز قدر منت ایدک بن سزه صداقتی وقتنده
کوستریرم .

ایکنجی مجالس

اولکیلر - قطب الدین

« نیره »

ینه ندر ؟

﴿ قطب الدین ﴾

هیچ ! . . . اوزبک کاش مطلق اقدمزی کوره جکم دیور .

﴿ جلال الدین ﴾

« نیره » صکره قونوشورز ایکی کوزم .

﴿ نیره ﴾

فرمان پادشاهک لطف بیوریرده مهم برشی وارسه بکاده خبر
ویرزمیکز . . . ؟

« جلال الدین »

دمینکی حدت نزاکنه دوندی اویله می ؟ الله سنی کونش کبی
یار آتمش انسانی شمدی حرارتلندیر بیورسک . برقاج دقیقه صکره
چیچکلر ، کلر ایچنده براقیورسک . مهم برایش اولنجه سکا بلدیور-
میوبده نه پیاچم ؟ سندن بشقه برروح ثافی به مالکمی یم که خزینه می
آنکله پایا لاشیم . « قطب الدینه » سویا ده کلسین بنم ارسلان چوجم

« نیره چیقار »

اوچنچی مجلس

جلال الدین — قطب الدین — اوزبک
« جلال الدین »

خیردر انشاالله !

﴿ اوزبک ﴾

خیر دکل بادشاهم بنده کزی ظالم بایقوش کبی مصیبت تاتارلغنه
جنکیزک آدمی کبی اقدمزی غزقون ایدجک شیلری خبر ویرمکه
تعیین ایتمش. نورالدین کلدی بزده بو طرفه حاکم... صکره خوارزمده اولان
اردو بتون بتون پریشان اولمش. امر اکزیدن بری کندیسنی قورتاره
بیلمش اوده یاردرلندن بایلمشده میت خان اولمش تاتار مملکتی یغما
حرصیه اردویه باقامشار مکر احسان بیوردیغکز کهیلان کندی قدر
صادق بر مخلوق ایتش بیچاره دینی دیشی ایله ارقه سنه آتمش بر ککناره
چیقارمش.

« جلال الدین »

اوقدر تفصیلات لازم دکل خوارزم کتمشمی ؟ برادرلر نه اولمش ؟
اوته کیلر ...

﴿ اوزبک ﴾

« لاقردیسنی کسهرک » مملکت کیتمش یادشاهم ملعونلر اوژده
یخارایه خیومه بکزتمشار برله یکسان ایتشار.

﴿ جلال الدین ﴾

آه ! ... ایچنده طوغدینم ایچنده بیودیکم مملکتیم ! سنی ده می
وجود عالمدن چیقاردیلر. اوف انسان فکرنی نه قدر سلاخه صرفه

ایتنه بویه دفعه ظهور ایدن فلاکتار اوزرینه خود پرستلکدن کچوبده
بتون بتون وظیفه اسیر اوله میوز بوقدر اسلام ملکی خراب اولمش
قدر متأثر اولمقده معنانه در؟

الله فرصت و پررسه تکرار معذور ابتدیکم زمان بنالرتده عمل یرینه
تاتار کمکی قولالانیم !

(اوزبک)

هلاک اولمشار .

« جلال‌الدین »

حق رخت ایتسون شهید اولمشار .

« اوزبک »

خیر پادشاهم باراغز التسه فداى جان ایتمش اولسه لر ایدی او
وقت شهید اولور لر ایدی آنلر کندی سلطنتلرینی دوشمنلر او بولده
آخیره کتمشلر اسلامه خدمت ایچون چکیلان قلیچ دین دوشمنلرینی
ایکی یه بولر . موحدلر شوروعسیانه آلت اولمز اوزرلرینه فرض
اولان اطاعتی یرینه کتورسه لر ایدی بوکون خوارزم مملکتک یاریسی
اولسون الله بولنوردی احسان بیوریکز پادشاهم قولکزه اویله
وجدانکزک حسیاتنه حائل اوله حق برظن ایله باقیکز . ادبه مغایر
لاقردیلر سویلیتورسه م دینه ملتیه اولان محبت پادشاهمه مملکتیه اولان
حداقم ایله سویلیتورم .

دردنجی مجلس

اولکیلر — نورالدین

— نورالدین —

« ایچری کیره رک پادشاهم ! »

« جلال الدین »

کل مولانا الله همتكز دن حشونود وراضی اولسون شویله یانجه
کلده اونور . آدبه تشریفاته حاجت یوق خوارزمک اردولریمزک
صاغلقله اولسون برادریم اوله جق بدبختلرک حالی اوزبک سویلدی .
بریکی خاشر ! هانی نوشنکین خادم خان طاقی نه اولدی آنلر جنکیز
طرفه کچدیلر دکلمی ؟ اوراسنی آکلامق ایستیورم .

— نورالدین —

خیر پادشاهم حمد اولسونکه ملعونلر اومذله بیله نائل اوله مدیلر تاتاره
عرض . ایتدکری ایمان یأس حاشا استغفرالله ایمان یأس دکل شرک
مأیوسانه . صایلمش هبسنک اعدامنه امر ویرلش سببی آکلایه مدم
هرنه اولورایسه اولسون برخانه به دوشن آتش ایچنده کی مؤذیاتی ده
یلقدینی کبی تاتارلر اسلام ملککنده بوقدر یوز بیگ انسان شهید
ایتدکدنصکره برقچ یوزده عقرب تپه لدیلر اسلاماره اوقدر جق بر
خدمتلری طوقندی ایچارندن یالکنز براق حاجب قور تولدی خبیث
مکر پک جسور ایمش پادشاهم داعیکز دها یارلمندن حریفک یانده
نه قدر حشرات وار ایسه تاتار آتلیرینک آیاغی آلتنده ازیلدی . بولندیغمز
بر پک یقین اولدیغی جهتله وقوعاتی کوزمله کوردیم . حتی آتی ده
وورلدی کندی بیجیله جک تارله به اوغرامش اژدر کبی تاتار عسکرینی
ایکی طرفه بولهرک بردهشتله برنمایشله صیرلدی کیتدی . شجاعتنک
یوزده بری قدر اولسون دین یولنه الله عشقنه فداکارانی اولسه ایدی
کرچکدن خدمت هامونکزه لایق آدم اولوردی .

﴿ اوزبک ﴾

بورلده آندن زیاده تأسفه شایان آدملر وار . سیف الدین عراقی ؛

... بيلورميسكز ؟

« جلال الدين »

آنك كچنكى غلبه مزده پك چوق خدمتى كورادى طوتكه غلبه يني
يالكز او قزاقش اولسون نه ديمك ايسترسك ؟ هر هوسنه اسيرى اوله لم
؟ قوس قوجه آتى آلتون چلنك كې باشم زده طاشيه لم ؟

(اوزبك)

« خير پادشاهم ! مقصد اودكى حريف معاملات شاهانه كردن آجى
آجى شكايته ايد يورالله بيلير اما خيانت ايدە جك بيلم دشمن طرفه
كچه جك قدر آچتمى در هله خدمت هايونكردن چكيله جكي شهبه سز
كې كورينور .

« جلال الدين »

كيم سيف الدينى ؟ اودانا عسكريه برابر طاغه طوغرى چكيلوردى .
بر چاريك اول اته بنش « بنى سون آرقه مدن كلسون پادشاهى سون
بوراده قالسون » ديه باغرييوردى . بن حالى كورددمده شهيد اولمغه
كيد يور كندينى ملتزمه فدا ايدە جك ظن ايندم .

✽ اوزبك ✽

پادشاهم نه فرمانكز اولور ؟ اردوده اختلال ولر . شهزاده حقيقت
حالى بدن جسارتلى سويليور .

(نورالدين)

اوده بريكي خانلارك هانكى حائه اوزنمشده ابوجهل ايله يزید ايله
آخرت يولداشلغنه هوس ايتمش .

« جلال الدين »

جهنمه قدر يولى وار سكا بررتبه شهادت نصيب اوله جق دكلى ؟

مزارده رفیق ایله خدمتکار ایله کیدلز بن قسمتمی آلفه کیمسه نك
یاردمنه محتاج دكلم اوکورلتی ندر ؟

بشنجی مجلس

اولکیدر — سیف الدین

« سیف الدین »

« ایچری کیرهرك » پادشاهم بارگاه سلطنتدن البتده هرکس نصیبی
ایسترم . ینده كزك ایستدیکم بالکیز قدرمه رعایت اولمقدیر ایکی ساعت
اولده مخصوص آدم کوندرمش عرض ایتمش ایدم بنی تحقیر ایندیله
امریمه تابع اولوبده یولکیزه جان ویرمکه کلن عسکرلر آمرلرینك
حقارتی کورمسنی ایستمیورلر . اردولر ایرلیدیله سز افندمزه بندن
زیاده معلومدرکه بنم آتمه قرباج اورمق کیمسه نك حدی دکلدر .

« جلال الدین »

آتکیزك باشنه قرباج اوران آدمك بوینونه قلیچ اورمقلمی جزا
ایدم ؟ بزده خاطریکز ایچون احکام شرعییه بی براقلمده جنکیزه
سیاستلمی حرکتیه باشلایهلم تاتارك برخزیری الوهیت مقامنه چیقارمق
ایچون تلف ایتمدیکی آدمار یتشامش کبی بزده سزك قوجه آتی اجل
سامری مقامنده طوتمق ایچونمی قرباج اوران آدمی اولدیرهلم ؟ آتمه
قرباج ایله اورورلرسه اردوده اختلال پیدا اولیور . فقط اسلامیت
بوکی مخاطرهده اللهك اسم مقدس آیاقلر آلتنده سورونیور مناره لریمز
جنکیزه سجده ایتسون دیه یرلره یقیلیور . تاتارك قلیچی قورقوسندن
دنپاده کیمسه مسلمانم دیه میور . بونلرك ضرری یوق سزك آتیکز
عندکیزده دیندن وطندن انسانیتدن مقدس دکلیم ؟ تاتار برکوپکه

طایپور اسلام‌ده خاطر یکیز ایچون بر آز طایمق لازم کلیر اویله می ؟
 چیق طیشاری کافر کیت جنکیزه معین اول سنک قدر آچق مخلوقاته
 اولن قدر آچق پادشاه یاقیشیر زندن نه کلیرسه برینی اجرادن قصور ایتمه !
 (سیف‌الدین)

پادشاهم !

« جلال‌الدین »

دها لقردی سویلکه چالیشیور . چیق طیشاری شمدی مردار
 قانک طمارلرندن جهنمک جانک بدیندن چیقدیغنی کوررسک .
 (سیف‌الدین)

پادشاهم ! بن قدرمک حیثیتک محافظه‌سنی ایستیورم بنم آتمک
 باشنه قرباج اوریله‌ماز بنده ایکنجی درجه‌ده بر . . . پادشاه
 « نورالدین »

اوف قارنجه‌ده کندی . ملکک پادشاهی ایمش . بر آدم سلطان مسلمینک
 فرمانه بویله می اطاعت ایدر ؟ اوسکا احکام الهیه دن بحث ایدیور سن
 آکا قدرکی آتک باشنه قرباج ایله اوریله‌میه جغنی سویلیورسک اوسکا الله
 نامنه دین نامنه اسلامیت نامنه انسانیت نامنه . امرلر ویریور . سن آکا
 حیثیتکی حیوان باشی کی باموهم ! . . . یاخود بر قاج درهم کوشه
 آله یلور شیاردن سوز سویلیورسک حجابکم یوق ؟ دینکم یوق
 عقلکم یوق ؟ نه غریب مخلوقسک !

« سیف‌الدین »

پادشاهم ! سن غالباً بوجنونک خیالاتنه باقیورسک ؟ اجداد
 عظامکز بونی التزام بیوردیلر دوشونکیز بنم مرتبه‌ده بر آمرک آتله کیم
 حقارت ایده‌بیلرده جزا کورمز .

« جلال الدین »

الله اوقاعده لر کده سنکده آنکده بک درلو بلاسنی ویرسون .
 دنیایی بویله جهنمدن بدتر حاله کتیردن هپ آنک کبی شیطان ایجاد
 قاعده لر هپ سنک کبی الله دشمنی مخلوقلر دکلمیدر ؟ به حیث . اسلامیت
 اوسنکده قیامة قدر بقاسنه اعتقاد ایتدی کک اوسنکده آخرتده نجاتی آنک
 سایه سنده بکله دیکک اسلامیت برحاله کلدی که ! قدسینه کیم اینانیرسه
 دنیادن ازاله سی واجب صایر هیزه وجود دویرن حیات احسان ایدن
 الله عظیم الشانک طو پر اغک الاشاعی طبقه سنه دوشن مزحرفاتدن
 دریانک تاقمرینه چوکن سو پرنیتلردن آلحق بر مخلوقی - حاشا کندی
 مقام الوهیتنه چقمق ایستیور بتون عباد الله کندی قومی کبی معامله
 ایتک ایستیور سن بونلرک هیچ برندن متأثر اولمورسک حکومت
 اسلامی بی اومو هووم حبیبک محافظه سیاه اوغراشدیرمقدن بشقه برشی
 دوشونمورسک اوله می ؟ سنک معبودک آت دینک نخوت ، عبادتک -
 انتقامی در ؟ سن مکر اسلامه تاتاردن مضرایمشک !

« سیف الدین »

بوندا نصکره نه پیار سه یادشاهم معذورم بنم افند مزدن امیدم حتمده
 رعایت ایدی .

« جلال الدین »

سبحان الله رعایت انسانه اولور . یقل شورادن

« سیف الدین »

بک اعلی مادامکه بز انسان دکلز کیدرز « سیف الدین جیتار »

« اوزبک »

یادشاهم امرایت خائنک وجودینی دنیادن قالدیریم دشمن طرفه

چرخه باشمزه بر جنکیز دها پیدا اولور .

« جلال‌الدین »

اسلامك قوتى شواردويه انحصار ايتمش شمدي آرميه قلیچ دوشورم
 بر بریمزى تانف ایدمده جنکیز اوزاقدن یالکزجه حالمزى سیر ایتمله
 بر مظفريت قازانسون اویاه می ؟ اللهم عوتی بزمله قالور اوخاشی اللهه
 ترجیح ایدن آرقه سندن کیندر نه یالم ؟ ذاتاً مقصدیمز عزا وشهادت
 دکلمی ؟ الحمد لله غازی اولدق شمیدده شهادته نفسمزی توطین ایدهرز
 یاربى ! یاربى عالمده کوستردیکک استغنا حکمتنه نه بیوک دلیلدر . اکبر
 اراده نک وجوده کلمسی قوللرینک رأینہ معلق اولسه یدی نام مقدسکه
 یمین ایدرمکه بوملعوندر ذات الوهیتى خلقت آدمدن پشیان ایتمه
 چالشبورلردی .

پرده اینر



پرده

۴

« سنت نهري کنارنده براردو موقی »

برنجی مجلس

اوزبك — جلال الدين

(اوزبك)

« جلال الدينك آياغنه دوشمرك » پادشاهم ! ... سكا برجان بورجلى
 ايدم اوده دينم ، دولتم ، ملتيم ، يولنده كيديور . ذاتا اراده هايونك
 اوياه دكلى ايدى ؟ ... الله اسلامى مظفر ايتسون ... انشالله . او
 دولته سن نائل اولورسك ! ... « لاله الا الله وحده لا شريك له »
 (دير دوشر تسليم روح ايدر)

« جلال الدين »

« ياننه كيدمرك » اوزبك آه شهيد اولمش كوره كوره موتك هر
 درلوسنه آلشدق چهره سى نه كوزل كوليور اومات غيرتياه سياسنه چوكن
 مخزونلق ، آغىرلق بتون بتون كيتمشده اك سوينه جكي بر مطالبنه نائل
 اولان معصوم چوجقار كبي كوليور ! ... يوزينك رنكي اوچوبده يكي
 آچلمش صارى كللره بكزه دى اوزبك ! مسلمان ايدك ، مرد ايدك
 دنياده بر فعلندن كيمسه سنى بحق مسؤل طوتمدى ايسته جناب حق سكا
 مكافات اوله رق شهادت نصيب ايتدى آخرتده كي سسؤال وجوابدن
 خلاص اولدك آه تابوت ايچنده امامك افعالنه دائر تذكيرلى مزار آلتنده
 منكريمك اعتقادجه سؤاللى سنك كبي كرچكدن انسان اولناره كيم
 بياور نه قدر آغىر كليردى . اللهك ديوان عدالتنه كيتمدن ايكي مضيق

اضطراب ایچنده ایکی شیدن استنطاق کچیرمک ، برقاج یارد آجیسییه
برقاج سنهک عمر فدا ایتک نسبت قبول ایدر غائله لر دئی در ؟

ایکینجی محاس

اولکیار — نورالدین — برقاج عسکر

— نورالدین —

پادشاهم ! اردو تارومار اولدی . خانلار دینلرینی برباد ایتدیلر .
سیف الدینک حیثیتینی جناب حنک امرینه مرجع طوتدیلر . اوزبک
کی خواصکز بتون بتون شهید اولدی ، برایی رزیدلر سیف الدینک
آرقه سنه دوشدیلر جکدیکی بارغه کیتدیلر . کیمی تاتاردن آمان
ایستدی . میدانده یالکیز ملک هراته آحابن قالدی اردونک بقیه سنی
قور تارمق ایچون تاتارک هجومنه سدا اولدیلر نصرت الیه اور خانک زده
اولدقلرینی بیله یالکیز عسکرلرندن دهها شهادت دولتنه نائل اولماش
برقاج کشی کوردم ملکه کی محافظه ایدیورلردی . قطب الدین اوشبیل
الاسد اوقیلجی وجودندن بیوک قهرمان بویاشنده دشمنه اوچ کره آت
صالدی ایکی یرندن یاره لندی شمدی زده ایه کلیرلر .

(جلال الدین)

سبحان الله ! شمدی به قدر نیچون بکا بو بوز غنلقدن خبر ویرمیدیلر ؟
برساعت اول دشمن قارشوسنده ایدم بن حالا اردویی غالب ظن ایدیور-
دمده آنک ایچون آزیحق شوراده راحت ایده یم دیدم صاغلقله کلیه ایدم .

(نورالدین)

پادشاهم ! کیمک خبر کتیرمکه وقتی واردی افندمز باشمزدن
ایرلیدیکز ! تاتارک برقاجی بردن بربرینی متعاقب امدادی کورنمکه
باشلادی اردودن بر آدم ایرملق اسلامک برقولنی قیرملق حکمنده ایدی

افندم زده آت اوستنده آلتی کیچه دشمن قارشو سنده اون سکرز ساعت
کچیرد کمن صکره شوراده بر قاچ دقیقه راحت بیورمق ایستدیکلکزه
تعجیزه نه لزوم واردی .

(جلال الدین)

« طورینی دکشدر یر یرک » سبحان الله بوقدر غلبه لردن غنیمت لردن
صکره بنه می خیانت ؟

﴿ نور الدین ﴾

پادشاهم ! محمود یلواج حبیتمک رشوتنه ناسک تو یلاتنه جنکیزک
دهشتنه طوره جق کوکل بوقدر اخلاقسز حشرات ایچنده قولایمی بولنور ؟
« جلال الدین »

آم پدر : پدر کوستردیکک یأس لایق سز ایدی فقط سببسز دکلش .
بو آدم لک قلبی خیانتدن طاغدنمی یرادلش ؟ طمارلرنده قان یرینه
ایرنمی طولاش-میور بر انسانده بوقدر آچاقلق تصور ایده مزدیم . بر
خبیث فرعون کسلمش دنیادن توحید الهی نی قالدرمق ایستیور . بر
موحد ملت قارشیسنه طورمش دینک ، ناموسک ، وطنک ، حیاتک ؛
مالک محافظه سنه فدا اولیورده سیف الدینک بارکیری بوقدر مقدس
مقصـدلردن زیاده اعتنا بولیور . بو خنزیرک حرصی بو خویشز آتک
شئامتیه دنیاده نه قدر انسان اولورسه جکرلرنده کی یاره لک قانیاه
بونغیله جق کوکل لرنده تحسیر آتشی ایله یانه یانه محو اولوب کیدجک ! ..
سویاه آتمی چکسونلر اوته کی دنیاه کیتیمک شهادت دولتی بیله اولمپانه
بوقدر ارازیل ایچنده یشامقدن بیک قات اهو ندر مکر انسانک دوره
عمرنده حیاتک کرچکدن مذلت ، موتک صحیحاً سمادت اوله جنی
زمانلرده وارمش « سویلیک حیوانی چکسونلر !

اوچنچی مجاس

اولکیر — اورخان — صکره ملک نصرت

« اورخان »

« بر قاج یرندن مجروح اولدینی حالده کله رک ، صره سی دکل بادشاهم جنکیز بالذات اردوسنک امدادینه یتشدی بر حله ده ملک هرات احابن حتی عسکرک عمومی شهید اولدیلر . میدانده یوز کشی قالدی آنلرک ایچنده ده مجروح اولدق آدم بوله منر سکرز مقابله یه امکان متصور دکلدر بنی اسرائیله دکرز ایچنده یوللر کشاد ایدن جناب حق بلکه بزده شونلرک آره سنده بر طریق نجات احسان ایدر .

(جلال الدین)

بن بوقدر دین ارقداشمک سلاح ارقداشمک حق یولنه وطن اوغرینه فدا اولمش جنازه لرینی تاتار ملعو نارینک ایاقلری التنده بر اقوب نر یه کیده جکم شهادت شهادت ! بوند نصکره بنم ایچون حیات آخرتده در الله یولنده شان میدانده دائما برابر بولندینم بوقدر قهرمان جنتک اک عالی اک آجیق قپوسی اولان شهادت شانندن می آریله جغم ؟ بن بشقه جنسیدن بر مخلوق دکلم وجودم دنیا یه دیر کمی اوله جق ؟ شهادت !

❖ ملک نصرت ❖

« کله رک » بادشاهم غزا ویردیکمز شهیدلر الویرمدیمی ؟ وجود هایونکیز دنیا یه دیرک اوله جق دکلمسه اسلامک اعلا ی شاننه خدمت ایدم جکم شمدی بو مخاطره دن حفظ حیات ایتکم مشوبادن کری دکلدره « جلال الدین »

ماک ! سنده می بو اعتقادده بولنیورسک ؟ سنده می بنی فراره ترغیب ایدیورسک ؟

﴿ ملك نصرت ﴾

بوفرار دكل پادشاهم ! اسلامك حاله مرحمت بيورمز ميسكز ؟
ملوك آره سنده عباد اللهك سز د نبشقه براعتادی قالمدی شهيد اوله ملده
شرقی غربی تاتارك پنجه سنه می براقلم ؟

(جلال الدين)

بكا بوندن صكره شهادتدن بشقه ياته جق برشی قالمدی . حالی
كور ميورده يسكز ؟

حالی بك اعلا كور سيورز افند مزه بوندن صكره بردولت براق
اردو ترتيب ايتمه چالشمق قالمدی پادشاهم .

« جلال الدين »

يتمش كشياه می براردو بردولت تشكيل ايده جكز ؟

(نور الدين)

بوده شته اقباليه آلتی يوز سنده نبری نصف جهانده حكمة اللهی
اعلان ايدن دولت محمدیه قرق كشياه تشكّل ايتمه باشلامدی ؟
پادشاهم شرع الهی مؤيددر . بالطبع فيضی ده هر زمانده جاری اولور
احكامنه صدق ونيت ايله اتباع ايده لم ينه هر طرفدن تأييدات غيبیه
نائل اولورز انشا الله بردكل براق دولت تشكّلنه موفق الورسكز نه در
فتور ولی نعمتم ! ايسكوندن جيقديغمز خوارزنده تاتارك تسلطندن
قور تولديغمز صره لرده صكره کی قزانديغمز غلبه لری حاصل ايده جكزه
اميد وارمیدی ؟ غيرت شجاعت افند مزی موته سوق ايديبور فقط
بالله العظيم بوحيت حفظ خياه چالشمقندن خیرلی دكلدر . بوكون
ونجوديكز اسلاميته الزم تاتارك اوكنه همتكز طور مزسه ملعونار
روضه مطهریه ! ... مكه مكرمه بهقدر .

(جلال‌الدین)

« سوزینی کسهرک » ضوص ! ... ذهنمی اویاه دهشتلی خلطلرله
 طولدیرمه غولر کبی واهمه کوزیمک اوکنده تجسم ایتکه باشلادی
 بیک کره اولوم قارشوسنده بولندم ذره قدر بر حاجان حس ایتدم !..
 شمدی حیالمک قارشوسنده سیکیرلرم جوزیلیور ! ... روضه
 مطهرمه ... کعبه مکرمه قدرمی ! ... یاربی ! ... اراده الهیهک
 عاصی قولارینه جزا ایسه جهنمی یر یوزینه چیقار ! ... فقط عزتک
 جلالک حرمتنه امت محمدی اویله بر بلا اویله بر مصیبت کورمکن
 حفظ ایله حقک وار حقکز وارالله ملتته ملکتنه خدمت ایتک ایستیان
 پادشاهاری سینک کبی مستشاردن بونلر کبی معاوانلردن محروم ایتسون
 حقکز وار مراد شجاعت ایسه جنکیزی ده اوتاندیرمه جق قدرینی
 کوسترمک لازمدیر . مادامکه اسلامیه لازمن نیچون بهوده یره تلف
 اولهلم ! بو قدر قان نهرلرندن آتش دریالرندن مصیبت طوفانلرندن چدک
 الله عنایت ایدر « اوزبکک نعشه باقهرق » غیرتلی شهید سنک دهمی
 وجودینی بوملعمون تاتارلرک آتاری چیکنه چیکنه محواید جک ؟ « نورالدین »
 نه مانع روحی عرش اعلا دن اسلامیتک مظفریتنه دعا ایدیور شو بر آووج
 طوپراق کیمکاری پامال اولور اولسون جوهر انسانینه نه طوقونور ؟
 — آورخان —

آتنک چکنه دیکی یارملدیکی تاتارک کیمکاری بریره طویلانسه
 یانه جفی یره بر مکمل تر به وجوده کلیردی کندی بر قاج بار کگیر
 چیکنه مش بر قاج خنزیر دیشله مش نه حکمی اوله جق ؟ مزاره ده کومو .
 لسه کیم بیلیر وجودینی قاج بوجک به جک طوپراغنی قاج حیوان پامال
 ایدم جک ایدی . اویله بر وجود نه قدر سفاکله محو اولسه نه طوپراغنی

برقاچ دنیا دکر بادشاهم کیدم ! ...

(ملک نصرت)

بادشاهم تاتار یاقلاشدی . آخرتمزک سلامتی اولور آره سنده دگل
دیویرلر ایچنده آره یه جق و قدر !

(جلال الدین)

هایدک ! هایدک ! شوطا العیزلکه باقک که ! بنم کبی اولومنی آراز کتزر
بر آدمه بیله دشمن اوکندن قاچق اک بیوک اک مقدس و خلافتدن
اولدی « جلال الدین ، اورخان ، ملک نصرت ، نورالدین ، برقاچ
عسکر بر برینی متعاقب نهره آتیلیر اوصرءده نهرک کنارنده بر او قاچق
اوچوروم آرقه سندن برقاچ عسکر و متعاقباً ما که و قطب الدین
کورینور . »

دردنجی مجلس

اولکیار — برقاچ عسکر — نیره — قطب الدین

(بر عسکر)

« برقاچ یرندن یارملی اولدینی حالدده قوشه رق » امداد بادشاهم
امداد الله عشقه عرضی تاتار النده براقه دینه دولتمه دها زیاده خدمت
ایتمکه اقتدارم قالمدی (کندینی نهره آتار) (فریاد اوزرینه همان
جلال الدین صودن چیقار)

« جلال الدین »

آه بن ملکی دوشونماشدم او برده ده !

(عسکر)

« نهردن کندینی خلاص ایتمکه چالیشرق و قارشیدن مجروح اولدینی »

وقوجاغنده قطب‌الدینی طاشیدینی حالده کلن ملکه‌ینی پرمغیاہ کوستره‌رک
ایشته اینته ... پادشاهم عسکر غرق اولور (جلال نیره‌یه طوغری
قوشار سائرہ‌لری یوزہ‌رک نہرک اوتہ یقہ‌سنہ واصل اولورلر برقاج
عسکر بربرینی متعاقب نہرہ آتلاغہ باش‌لرلر)

— نیره —

پادشاهم ! بزى بو حالده برافوبده نرديه کیدیورسک ؟

« جلال‌الدین »

« ملهانه و متجلدانه برطور اياه » ديتك دولتكم خدمتكارلغنه
کیدیورہ سکا نہ اولدی ؟

— نیره —

جلال ! تانارلرینی اسیر ایتکه چالش‌دیلر مکر سندن زیاده عرضنه
دشمن اینشلر ! سایه‌کده شم‌دی‌یه قدر برکل دیکنی طوقونماشکن
اوزرمدہ یکرمی قدر اوق یارہ‌سی وار بو بیچارہ جوجوقده اولوم
حالده الله عشقنه بزى بوملعونترک النده براقہ .

(جلال‌الدین)

بن ملتكم ديتك خدمتنه کیدیورم سزى محافظه‌یه مقتدر دکلم‌الله
مہینکنز اولسون .

— نیره —

پادشاهم بزہ مرحمت یوقسه اسلام حرمتنه انسانیت غیرتند
ایکیمزى ده صویه آت تک بوراده براقہ ! محمود یلواج ملعونک سسنى
کندی قولاغاه اینتدم « نیره‌ینی جنکیزہ او طه‌لق قطب‌الدینی ده کندیمہ
ساقی ایدءجکم » ديه قودورمش طوموزکبی باغریوردی .

« قطب‌الدین »

پادشاهم ! باباجغم ! درت یانمدن یارہ‌لی یم بنی الکاه اولدیر بن او

معاونلره خدمتكارلق ايدهم نصل مشركلره شراب ويرهيم ؟ ارسلان
ياوريسنك كوپك يلاغنه صو كوتوردېكنى كيم كورمش ؟ آجى
پادشاهم ! بزه آجى ! بزه آجى ياربى ! نه مجرم قوللرك ايمشركه بوكو.
نلرى ده كوردك بولاقرديلرى ده ايشتك .

« جلال الدين »

كلكنز باقميم ! سن نيره شو طرفه ايكي كوزم سن ده بو طرفه
بلكه بربلا درياسندن دها كپر ز بسم الله « نيرمى صاغنه قطب الدين
صولنه آلهرق صويه آتيلير اوصرده تاتار عسكرى ده هجوم ايتمك
باشلار سنت نهرينه آيلان اسلامك برچوغى قارشى به واصل اولور .
جلال الدين فوق العاده يوريلير همان همان باتمغه يوز طوتار »

— نيره —

« حزين برصدا ايله » دينى سور ايسهك بنى براق .

﴿ قطب الدين ﴾

بنى بوياره لر ذاتاً اولديره جك ! پادشاهم باباجم الله عشقنه بارى
كندىنى قورتار .

(ملك نصرت)

« قارشيدن » پادشاهم الله عشقنه حالنه حرمتنه كل كندينه كل
آرقه كدن يوزن خاى سنى ده آنلرى ده اسير ايدم جك ! ...
« جلال الدين »

« آرقمسنه باقوبده بر تاتارك اوچنى بردن اسير ايدم جك قدر
ياقلاشدىنى كورنجه نيردى و قطب الدينى برر قولندن يوقارى قالديره رق
ياربى ياربى احسان ايتديكك سلطنتك هر درلو كئنازى ايچنده يالكنز
سوديكم شو ايكي وجود قالمشدى آنلرده يولنه قربان اولسون

«ایکینچی ده سنت نهرینک آفتیسنه براقیر کنندی ساحله چیقار طاش
ایله کنندیسنی تعقیب ایدن خائنی اولدیرر .»

— نیره —

[باتمق اوزره ایکن] پادشاهم جالالم نیره کی خاطر کدن چیقارمه ..!
(جلال الدین)

« قطب الدینک برقاج کره باطوب چیقدیغنی کوره رک » چوجق
قورتیله بیله جک .

« قطب الدین »

« استغرائی حالده » چوجق او حوری کبی والده سنک قوییننه
کیددی . عرش اعلاده کی ملکک رک یاننه کیدییور .

﴿ جلال الدین ﴾

« کندندن کچمش برطرز ایله » قطب الدین !... قطب الدین
(قطب الدین)

« باطلرکن » افندم !... باباجم !...

« جلال الدین »

بیوک پدیریکی کورر سهك سویله کندینه قاووشمدم فقط جنازه سنک
یاننده کی عهدیمی برینه کتیردم . سنی ده والده کی ده الهه قربان ایدیورم
[جلال الدین یاننده کی اون بش قدر توایی ایله نهرک کنارنده طورر
صویه آتیلان ونهرک کنارینه کلان تاتارلر ایله اوق محاربهنه باشلار
برقاج دقیقه صکره نیره و قطب الدینک جنازه لرینی نوابعنک برقاج کشی
نهره آتیلر نعلری ساحله چیقارلر]

« جلال الدین »

« کندندن کچمش برطرز ایله » ارقداشلر بوشهیدلری ده قره طوپراغه
تسایم ایدم تاتارک شرندن دنیا ده بشقه مؤمن قالمدی ! ...

پرده قبانیر

پردہ

۵

« تبریزده برکوشک »

کیجه

برنجی مجلس

« مهرجهان — عزالدین قزوینی — نورالدین منشی »

﴿ عزالدین ﴾

ایجه معلومکز اولسونکه بوکون تبریزک حاکمه سی ملکه حضرت تریدر .
 قادینلرک دولت ایشنده حکمی اولماز دیانلر ، شیرازده سمیده نك ،
 اندلسده صبیحه نك سلطنتلرندن خبردار اولما نلردر . اوت بوقلعه ایله
 تاتارک هجومنه قارشى طور مق بر مردک بر قهرمانک الندن کلز پادشاه ؟
 اسلامک اتحادی اوزرینه بر دولت قور مق ایستیور بوقلعه نك ایده بیله جکی
 خدمت اودولتک بر تمیل طاشی اولمقدن عبارت اولدیغنی بیلیرز ! شوقدر
 وارکه تبریز بوکون قلب دیدکلری مهر عالی به دوشمش فکر دیدکلری
 دولتسرای املده بیومش بر نازنین محبتک جهازیدر . بز تسلیمه حاضرز
 اکر بدلنده جهانک اک بیوک پادشاهی زمانک اک بیوک انسانی اولان
 ذاتک کوکلی قدر قیمتدار بر مهر مؤجل ایسترز .

﴿ نورالدین ﴾

بر آز ایضاح بیوریکز که مر امکزی اکلامق قابل اولسون ! بوکون
 بالفعل قلعه نك حکومتی سلطان افندمرک اولدیغنی بیلنلردنر ، اوحقیقتی
 ادراک ایچون سمیده ویا صبیحه مثالارندن عبرت آلمغه احتیاجز یوقدر ؛
 فقط سز قلعه نك جهاز محبت اولدیغندن بحث ایدیورسکز ؟ بنده کز
 ایسه ذهننده اوجهازک عروسنی بوله میوم .

« عزالدین »

نه وقتد نبرو عارفاره اشارت کفایت ایتامکه باشادی جهانک صا -
حبه سندن بشقه عروسیمی اولور ؟

﴿ نور الدین ﴾

دیمک که ملکه حضرتلرینک انا بکدن آیرلدقارینه دائر ایشیدیلان
سوزلر صحیحدر .

(مهرجهان)

اتابک درت آی اول آلتجق قلعه سنه چکیلوبده یاخنک محافظه سنی
بکا براقدینی زمان نکاحک کندینه ویردیکی اقتداریه ده بنم اختیاریمه
براقشدی .

« عزالدین »

صایرم که ایشک محتاج ایضاح بریری قالمدی هله بر کره پادشاهک
نوبهار ایامنده یکی طوغش کونش کبی خواب غفلتدن گویتمغه باشلایان
کوزلری نوره غرق ایدن شعثمه اقبالی ایله ملکه نک حزان کیجه لرنده
بدر اولمغه یوزطوتان قمرکبی راحت اویقوسنه حسرت اوغش وجودلره
چارشبنی سحر بلوطندن بیاض اورتوسنی یاسمن یاپراغنک لطیف کوسترن
انوار التفاتی بر مرکزده برلشسون اوزمان حسرت کیجه سی نسبتی
سیاه صاچلرینه بورنمشده اویقویه یاتمش براسمر کوزلک حیرمه صاچلرینی
بوینکه کوکسینه طاغیده رق یکی اویقودن قالمش شفق چهره لی بر قیزه
نسبتی کبی قالیر هله بر کره جلال ایله جمال بر نقطه دن تجلی یه باشلاسون
اوزمان جنت باغچه لرینه بکزدتدیکمز برلر ایله جهنم درد لرینه مساوی
طوتدیغمز کشورلرک آره سنده کی ماینت کلاره غرق اولمش بر نوبهار
ایله نوردریاسی ایچنده قالمش بر شهر آیین آره سنده اولان فرقی اندیرر .

(نورالدین)

پارلاق ! پارلاق تصورلر ! فقط اویله شاعرانه خیاللره جدی
 شیلری قارشیدیرسه ق رؤیاده کچیردیکمز ذوقلاری ده حیاتک لذتلرندن
 صایمش اولورز . نظرییزی ایلروده کی امیده وقف ایدوبده حالی کوز
 اوکندن قاجیرمیهلم . بزه دوشن یاپه جنمیزی جهاتک یاری عمرندن
 اوزون امکاتک یاری وسعتندن بیوک اولان استقباله قدرت الهیه دن
 بشقه کیم حکم ایدیه بیلیر ؟ داعیکمز بورایه کلمک ایچون پادشاهمدن رخصت
 ایستدیکمز زمان بو یولده بر تکلیفه منتظر دکلم او جهته اراده سنی
 صورمدم . فقط بر پادشاهک الله بر مملکت تسلیم اولنه جفی صرعه
 وجودینه برده روح ثانی اضافه اولنمق ایستینلر ایسه آله حق جوابی
 کشف ایتک کوچ برشی دکلمز . اوجهته رسمی کوزلردن بیک قات
 فوتلی اوله رق عرض ایدهرمه ملک حضرتلری شمیدین مطابق
 حاصل اولمش بیلسونلر .

« مهر جهان »

سز شمدی کیدیکمز : منلانتک خانه سنده بکلیکمز اقشام اولنجه
 کندیدیه کلیر اردویه کیدرسکمز سفارتکیزی اکمال ایدرسکمز : امین اولکمز
 خدمتکمز قیمت بیلیمانلره معروف اولماز . سلجوقیلرک مذهب
 مکارمنده کوردکلری ایملکی اونونمق اوغرا دقلری فنالنی خاطره کتیرمک
 کبی حرام عد اولنیور .

« نورالدین »

ملکه حضرتلرینک شو خدمتی داعیلرینه ودیهه بیورمقندن
 بیوک حقمده بر عنایتاری اوله ماز : سایه لرنده ایکی اسلام دولتنک
 اتحادینه خدمت ایدپورم . جناب حق یریکیزی برقرار ایاسون .
 (نورالدین چیقار)

« مهر جهان »

مولانا ! مولانا ! سـویلدیکک سوزلری دقتله دیکلدم فکرنده
 ضیای شفقدن یاپلمه کالر نور سحر دن دوکله یاسمنلر آچیلور فقط
 افاده لرینی فکر آ آکیور ککوکل طویمیور قلمه بر لسان ویروبده
 سفارته آنی کوندرمک ممکن دکل که حیاتی ایستدیکم کبی میدان قویتم
 قابل اولسون بنی دیکله ! درت سنه اوتله کنک نکاحنده ایدم. کنجک
 نور بهارینک اک رونقلی اک بارلاق زمانلرینی سنک شو حرمسرای
 دولت دیدیککز اسارت زندانلرنده کچیردم . بهار ایامی زندانه آتمش
 جلاد النده قالمش بیچاره لک بلبل صداسندن بشقه نه اکلنجه سی
 اولور ؟ بنمده او مدت ایچنده بر اکلنجه م وارسه خلق آره سنده
 شاعر دینلان ظرافت بلبلرک نغمه لری ایدی محبتک پک جوق خیالی
 تصویرلرینی کورددم جمله سنده کوکل صباوتله شباب آره سنده دوشدیک
 صروده نازی او یقوسندن کوزلرینه طولان نور آفتاب ایله اویاتمش بر
 نازنین کبی اک معصـومانه اکلنجه لک قوتلی امیدار ایچنده بر طاتلی
 غفلت بر جان پرور راحت مألوف ایکن بصیرتی بارقه حسن ایله
 آچیلور . اطرافنه باقیور کندینی بیک رنکه بویاتمش نورلر بیک رنکه
 کیرمش لطافتلره مزین برجنت ایچنده کوریور . تنفس ابتدیک
 هوای حیات رایحه سیله آفاق آتدینی طوپراقلری روح جوهر ایله
 آوده ظن ایدیور . عمرینک کیدیشندن مهتابک انعطافیه سروسمنلر
 ایچنده قالمش برنهرک کنرا تی سیر ایدر کبی لذت بولیور کلشندن هر
 روحک متحسر اولدینی جاودانی سعادت « قالوبلی » دن بزی کندینی
 آرایه آرایه اوکنه چیقمش کبی سرورندن غشی اولیور حالنی دوشوندکجه
 « فک غالباً دنیا طن اتمشده بنی جنته کوندرمش همده کلشتم او ایدی

نزهتگاهك بهار ایامنه تصادف ایتمش « دیه جکی کلیور . صکر د آردیه
 یاه اولدور مکده انسانیتک طالعی اوتان دیره جق بر رقابت ی مایوسیت
 جانلندر مقده موت ایاه باریشه جق بر فرقت یاروح از مکده الله
 حشمنی آندیره جق بر انفصالی پیدا اولیور! اوبیک رنکه بویتمش نورش
 سیلان نقشنده اویانیان تموز حرارتندن اوبیک شکاه کیرمش لطافتلر
 روزکار اوکنه دوشمش آتش طوفانی اویماقلرندن قورقنچ کورینیور.
 انسان هوانک هرذرده سنی برطاماه زهرا یاه ممتزج بولیور. هر دقیقه سنی
 بر انسان لاشه سنک خلاصه سندن عبارت کوریور بر قاج کون اول
 بهارلره غرق اولمش بر جنت قیاس ایتدیکی مختخانه یی فانی اولدیغی
 ایچون عذاب ابدی سنک مجموعی بر قاج کونک زمان قاصدینه حیقمش
 بردوزح قیاس ایدیور . یابوشدلی انفعالات ایاه از بلوب محو ولیور .
 یاعشقک هر بلا سنده بر لذت بولمغه چالیشیور . نظر نده دوکدیکی قانی
 یاشارک هر قطره سندن کلار ایچنده قالمش بر چمن ظن ایتدیکی آهارک
 هرذرده سندن خورشیده غرق اولمش بر فاک پیدا اولیور .

(عزالدین)

جنان محبتی از لدن بری حوریلکهنده بولنمش قدر کوزل تعریف
 پیوریور سکنز .

« مهر جهان »

خیر تعریف ایتدیکم جنان محبت دکل ! او بر بشته عالم او بر غریب
 تماشا فقط حیفا که تناهی شانندن اولمیان ابعاد تخلیدن بشته بریده
 وجودی یوق بن محبتی اوشکلده کورمدم . اوطار زده حس ایتمدم
 سودیکم شباب طراوت کبی جمال رونقی کبی تزیناتدن تجرید اولنمش
 بر محیل وجود دکل عادتا انسان بن جلالی انسان کبی سویورم !

انسان کجی هر درلو کمال تیاہ هر درلو نقابصیلہ برابر سویورم . بوندن
 اوج کیجہ اول شو پنجرہ دن خوارزمیڈرک خندق کنارینہ ہجوملریخی
 سیر ایدیوردم قارشمزده کی آغاجک آلتندہ قلنجہ طیانمش بری
 طورییوردی برصورتدہ برمہا بستہ طورییور ایدی کہ کویا قلنجنک
 اوجی شو قوجہ دنیانک کوکسنہ باصمشدہ لسان حالی ایہہ فرمانمہ رام
 اول ایانک آلتندہ سک دیوردی ! ... اردودہ یانان مشعاهلرک قزللغی
 یاری اندامنی تنویر ایتش برطرفنی بررنک آل ایہہ مخاوط بر حنیف
 نور ایہہ متموج احاطہ ایش برطرفنی اوضیانک قویو برانعطایہ متمرج
 بر محسوس قراکلق طوتمشدہ پیش نظرده او قدر عاشقانہ او قدر غریب
 بر لوحہ تماشا پیدا اولش ایدی کہ کور میانلرہ تعریف ایتک دکل کورنلر
 ایچون عینیلہ حافظہیہ نقش ایتک بیہہ قابل دکلدر . بیلیم بیلیرمیسک؟
 بعض لطافتلر واردر کہ قدرتک کمالنی جامع اولدینی ایچون عالم حیالده
 بیہہ نظرنی کورمک ممکن اولہماز بن اوسیمایی کوردم اولہہ بر زمانده
 کوردم کہ روحده نہ قدر قوت نہ قدر قابلیت وارسہ ہپسی نقطہ نظر مہ
 طوپلانمشدی کونشدن بر آرز قرارمش بر حالده کہ کونش حنکہ حسد
 ایتش رونقنی آزالتمہ چالشمش یاخودکہ آفتابک ضیامی بیہہ نور جلالہ
 تقرب ایدنجہ قراکلق کورونمکہ باشلامش صانیرسک ! ... اودہ بزم
 قدر بر انسان فقط بزم قدر بر انسان کورنیرکن بتون دنیادن بیوک
 بتون دنیایی ہمتک تضییقی آلتندہ از مکہ مقتدر بروجود اولدینغنی هر
 حالده هر روشندہ تجسم ایدوب طورییور ایدی ! ... آہ عجبا دنیا کجی
 بنیہہ آلداتمق ایستہ جگمی ؟ دنیا کجی بنیہہ اغیار نظرندن
 قصقانہ جگمی ؟ دنیا کجی هر حالی هر طوریمی امرینہ آرزوسنہ توفیق
 ایتک ایستہ جگمی ؟ اوبیوکلکده بر پادشاهہ البتدہ بر عالم کثایت ایتز

بنی دء ذوقنی حکمنی انفاذ ایچون یرادلش بر بشفه عالم کبی طوته جقمی ؛
 اوبیوکلکده بریادشاهک کوکلنده دنیا ایله رقابت ایتک بکا نصیب
 اوله جقمی ؛

(عزالدین)

افندمز ! جهائی بتسون بتون جلال الدینک الہ مسلم قیاس
 بیوریورسکز . حالبوکه اوغرا دینی انہزاملر حاصل ایتدیکی غلبه اردن
 زیاده در .

« مهرجهان »

آلک اک مصیبتلی برانہزامنده اسکندرک جهانگیرلکندن زیاده شان
 اولدیفنی دوشنمیورمیسک ؟ کورمیورمیسک که اوغرا دینی یرلر محو اولمش
 بتش ایکن برکده دها وجود عالمه کلیور . قوجه ملت اسلامیه نک تحمل
 ایدمیدی صحتی یالکز آنک کوکالی استیعاب ایتش تک باشنه فلکه قارشو
 کلیورده بر قوجه کره نی طالعک پنجه سندن قورتارمنه اوغراشیور آه
 فلاکت زمانلری قهری آلتنده ازیلوبده آیلرجه برخنده التغاتی بکله مکده
 انسان عمر ایدیدن بیوک لذتله بوله جق اک کوچک برتکدیرنی جهانک اک
 بیوک اماندن عالی بوله جق قدر مفتونی اولدیفیمی بیلمم که ایستدیکم کبی
 آکالتمغه مقتدر اوله جقمیسک ؟ ...

« عزالدین »

مأموریتی غریب بریوله سوق ایدیورسکز بزکندییزی بر آز آغر
 طوتمزسق مطلبمزی سیاسی بر مقصد حکمنده کوسترمزسک تشبثاتزدن
 نصل موقیت مأمول ایدمیلیرز ؟ سزانی کوردیکز سودیکز یا اوسزی ؟

« مهرجهان »

سویله سویله نه سویله جککی بیلیورم بیلیورم ده بلامامک دوشونمامک

ایستورم؛ کنیدی آلتیورم فقط حیاتم او غفلته منحصر. روحم او غفلته غدا بولیور! سوزلری عجبایی بولیورسک؟ بیلیمز میسک که حیات بیه یالکز غفلت سایهسک چکیاور. دنیاده انسانک سعادتق غفلتدن عبارتدر غفلتی اورته دن قالدر عمرک هر دقیقه سی آرقه سنده بر اشکنجه اتی سورو کلیدرک کذار ایتمک باشلار. مقصدیمزی فکر سیاسی حکمنده کو سترمکی دیورسک جلالک کو کلنی نرور تله مجبوریتله می بکا میل ایتدیره جکسک؟ اوقابی کیم اجباره مقتدر اوله بیلر؟... بونجه سنه لر در دنیا اوزرینه یقلیورده صلابتنه خلل کلمیور بونجه سنه لر در قضائک پنجه سنده یوغریلیورده ینه ازلیور امیدم یالکز آنک مرحمتنده در برده شاید بوقدر خالص بوقدر شدید محتبک بر معنوی تاثیر بر روحانی جاذبه سی اوله بیلر.

« عزالدین »

سلطان جلال فی الحقیقه بر مبرم احتیاج کور نمده که اسلام آرد سنه قلیج دوشور مامکی پک زیاده التزام ایدیور!... اسلام غیرتی ملت محبتی نمایشلرینی مقصدی ایچون اک بیوک بر سلاح ظفر عدایمش اوسلاحی تبریز ملکله افندمن کبی خزینئه اقبالنی تزیین ایده جک برقیه تلی جوهره نائل اولم امکانی مقایسه ایدنجه فکر مزه بزدن زیاده مروج اولمق لازم کلیر فقط بزه لازم اولان ینه احتیاطدر داعیکز دنیاده چوق الله قولی کوردم هیچ الله آدمی کوردم.

« مهر جهان »

آه باق بو آدمه نه لر سویایور! کونش بیه چرکابه منعطف اولنجه لطافتی غائب ایتدیکی کبی بونک مرادر کو کلنده اتوار معالیدن مخلوق اولان جلال نه قدر جرکین عکس ایش منک فکرک احتیاطک لازم دکل شمیدی قلعه نک آناختارنی آل کتیر، سفارینی ینم ایستدیکم یولده طوته جقسک

لسانتی بر جاریه ایله برجھانگیر پادشاھ آرسندہ یاقیشان عبودیت شیوہ سندن
آرمیہ جتسک جلالی تضییق ایتمک ایستیان نظر مده جنکیزدن آلچق اولور.

«عزالدین»

فرمان سزک ! ... «عزالدین چیتار»

«مهر جهان»

نه پیام کوکلمه بر لسان ویروبدہ جلالہ کوند رمسک ممکن دکل کہ
حسباتی ایستدیکم کجی میدانہ قویہ یم .

«پردہ اینر»



«برده»

۶

«تبریز پیشگاهنده برکوشک»

«برنجی مجلس»

«زاهده - جلال الدین»

«زاهده»

پادشاهم غیاث الدین مرتبه‌جه برادنا قولکنز . برادیلش جه‌ده بر
وزیریکنزددر ایکی جهته‌مرحمتکنزه ایاق‌ت‌کوسترر . پدریکنزک نکاحی شرفی
اوزرمده طورییور جاریه‌کنزه عنایه قصورلرینی عفو بیوریکنز . ایتد
کارینی کنج‌لکنه تجربه‌سنزلکنه باغش‌لایکنز اطرافنه طویلانان امرانک
حفظ جاه‌ایچون آدم آلداتمده شیطان ایله‌باریشور مقوله‌دن اولدقلری
معاوم شاهانه‌کنزددر . بیچاره‌یی اغفال ایتدیلر ده‌ا معصوم ایکن
پدریکنزک قوجاغنده رفیقکنز اولان غیاث‌الدینی بوکنجاک عالمنده دولت‌کنزه
اقبال‌کنزه بیکانه طوتمق شانکنزه یاقشماز .

«جلال الدین»

بن برادرمه نه‌وقت بیکانه بولندم‌که بوستم‌له لایق اوله‌یم کندمدن
پدریمک قوجاغنده طو‌تدینی یری بامکه قصقائمشمدر . فقط بولندیغمز
تحت سلطنتده اوتوردینی گوشه‌یی اسیرکه‌مک خاطریمه بیله کلمدی ؟...
استقلال دعواسنه قالقش‌دیده ینه‌برشی سویلمدم نه‌یابدی ایسه ماضی‌کی
معدوم نه‌یاقمده ایسه حالی‌کی زائل عدایدیورم نه‌زمان استقباله نظر
ایتسم موت قدر فاجع آخرت‌کی هئال کوردیکم ایچون ایلزوده نه
پساجغنی دوشونمک بیله ایستمیورم کندی شمدی‌به قدر بندن نمون
کورینور ایدی برشکاتی وار ایسه هیچ اعتراض ایتیمکنز سویلیکنزه
ایجابنه باقیم . والده‌جکم !

(زاهدہ)

آہ عاجز برقادینہ اللہدن زیادہ قورق دینی پادشاہنی الکز یادہ سودیکی
 اولادی ایچندہ بولق نہ بیوک دولت ایمش ! مبارک لسانکز دن والدہ
 تعبیرینی ایشتدم اوشرفلی صفتک وظیفه سنی یرینہ کتیرمکہ المدن کلدیکی
 قدر چالیشیر ایسہم معذور بلکہ تحسین بیوررسکزر ایکی کوزم پادشاہم
 غیاث الدین جاریہ کزہ برشکابت بیان ایتمدی افندمن ایسہ حقندہ
 مسامحہ کزی احسانکزی تعریف بیورسیورسکزر ! ... جاریہ کز او
 مسامحہ نک او احسانک ہر دقیقہدہ بیٹ درلودلائلی کورمکدہ یم شوقدر
 وارکہ برطرفدن او غلمی وہمہ بکزر بر خفنی اندیشہ ہیچ برشیئہ
 بکزمز برکیزی تلاش ایچندہ کوریورم برطرفدن دہ ذات ہایونکزر
 کبی حالی مشکوک استقبالی قورقنج برشکلہ کوریورم

(جلال الدین)

نہ یاپہ یم والدہ ! غیاث الدین وہمہ دوشیورسہ قلبکہ حکم کچمز کہ
 قابضہ فوت ویرہ یم . حرکتی حالنجہ استقبالنجه کیہ سہ بی ممنون ایتیمہ جک
 بریولہ کیدیورسہ عقلی دکلم کہ افعالی ایستدیکم کبی ارادہ ایدیم .

(زاهدہ)

پادشاہم بوانفعالی سوزلریکزر طاتلی زھرہ بکزمز یور . برطرفدن
 انسانی لذتیاب ایدرسہ برطرفدن جکرلرینی پارہ لیور .

(جلال الدین)

خدا یلور انفعال ایلہ سویلیورم کوکلمدہ کی حسیاتی نقش
 ایدیورم .

(زاهدہ)

ایکی کوزم ہم غیاث الدینک ہم برادر بسکزر ہم پادشاہی سکزر .

اطاعتکنز اوزرینه ایکی جهته فرض اولمش کندینی قرداشجه تربیه
پادشاهجه اداره پیورسه کنز اولزمی سیأتی قرداشجه سویلسه کنز
پادشاهجه عفو ایتسه کنز البتده متنبه اولور . البتده اثر هایونکنزه
کیدر دنیاده کونشه قارشو کلوبده نور آلیه جق وجودمی اولور . اسلام
ملکترینک یاریسنی کوستردیککنز فدا کارلقرله کندیکنه بند ایتدیکن
وقتیله یوز تاناره مغلوب اوله جق قدر مختکشلک کوسترن یرلر بیراغلکنز
سایه سی اوزرینه دوشنجه دشمنک عمومینه قارشو طور دیلر بتون
جهاندن مرد اولدیلر . اوفیض اوتربیه بی الک قریبکنز اولان غیاث الدینه
القابیور مز میسکنز ؟

(جلال الدین)

والده ! والده ! اوبحت ایتدیکک فوق العاده حاللریم تاثیرمدن دکل
اسلامک معجزاتی بقیه لرندندر !

﴿ زاهده ﴾

جاریه کنزده اوغلمک تربیه سنی اومعجزه لر دن بکاسهم خطامی
ایتمش اولورم ؟

(جلال الدین)

صاقین^۴ والده صاقین ! اومعجزه لرک شانی تربیه قبول ایتمیانلری
محو ایتمکدر الله قلنجیاه اوینانلمز !

(زاهده)

پادشاهم ! دهشتدن دیلم طوتیلور !

(جلال الدین)

سزاخوت سلطنت صنتلریمه مراجعت ایتدیکزمی بن ده قرداشمک
هرحالی عفو ایدرم پادشاهجه برقصورینی کورمک ایسته م .

(زاهدہ)

جاریہ کزک نیازم بویولده دکلدر .

جلال الدین

بشقه درلو حرکت المدن کلز سزک دیدیککز کبی یاپدققرینی هم اخطار هم
عفوایتمک زمانک احتیاجنه بتون بتون مغایردوشر کوکلردن حکومتک
حیثیتی محوایدہم یک جدی بر زمانده یز والدہ ! ... اویله مسخره جہ معاملہ
لرلہ اسلامک قوتی محوایدہم . بن بن آھندلانیہ طورانمدقجہ کیمنہنک
قلبنہ بر آز صلابت کلیور مقصدیککز اوغلوککز راحتی ممنونیتی دکلمی ؛
بن آنی بشقه صورتہ حاصل ایدہرم کندینہ اطمینان ویریرم قوللانیدیغی چہرہ
مستعارینی سیاستدن رفع ایتمکہ چالیشیریم امین اولکز ! شمدی دائرہ کزہ
کیدیککز کورہ جکم آدمار وار

زاهدہ

ارادہ پادشاھمک ! « کندی کندینہ » یاربی یاربی اوغلمک سعادتتی عنایتہ
حوالہ ایتدم کندینی اصلاح ایت صلاحینی دہ اویولده اعادہ ایالہ !
« زاهدہ چقیار »

جلال الدین

بیچارہ قادین ! سعیدن امیدینی کسمش جناب حقدن عنایت بکلیور
نرہدن دوشونسونکی اللہک توفیقی دہ استعدادہ مفتوندر .

ایکذجی مجلس

جلال الدین — خدمتکار

جلال الدین

طیشاریدہ کیماروارہ

(خدمتکار)

ملك نصرت اياه امرادن اورخان بنده لریکنز وار فرمان هایونکنزه
انتظار ایدیورلر .

(جلال الدین)

کلسونلر برادرده سویایکنز آنی ده کورمک ایسترم بشقه کلان
اولورسه خبر ویرک کیمسه بی رد ایتیک : ...

(خدمتکار)

فرمان پادشاهمک ! ... « خدمتکار چیقار »

(جلال الدین)

« کندی کندینه » بقالم بو کونده نه غریبه لر کورجکز کونش
طوغدقجه کویا بشقه بر عالم وجوده کلیور انسان انسانه مملکت
مملکته دنیا آخرته نه قدر بکزه مزایسه کون کونه اوقدر مغایر ظهور
ایدیور قدرت فاطره متنوع حادثه ابرازنده اولان کالنه برهانلر کوسترمک
ایچون بو زمانبی اختیار ایتشدن ؟ نه در ؟

اوچنچی مجلس

جلال الدین — غیاث الدین — ملک نصرت — اورخان

(جلال الدین)

بیوریکز بقالم ایشلر نصل کیدیور ؟

(اورخان)

عسکر بر ایکی کبیجه چالشمقاه خندق هر طرفی صار دیار
پادشاهم ! رخصت بیوررایسه کز بر شدتلی هجومده قلعه بی ضبط
ایده بیلورز .

(جلال الدين)

اوت برشدتلی هجومده قلعه یی ضبط ایدہ بیلیریز . فقط خندق
اسلام قانیله طولدرمق لازم کلیر بنم المذن کلسه اسلامک یرہ دوشن
کولکه لرینه جان ویرہ جکم سن قوجه بر مملکت خلقتک یرہ سرلمسنى
ایستیورسک ایچنده انسان اولدقدن صکره قلعه یی نه پیام جنکیزلرله
طوپراقلمی محاربه ایدہ جک ؟ اسلام ملکنی تاتارلر النذن دیوارلرمی
قورتار ؟

(اورخان)

باری مساعده بیورسه کزده بزده بر ایکی منجنیق ترتیب ایتسه ک
تلفات ده آز اولور .

(جلال الدين)

نصل منجنیق ؟ قلعه ده که اسلامک باشنه طاغ پارچه لریمی آته جغز ؟
و قدر سیاتمزله برابرینه جناب حق اوزریمزه طاش یاغدیرمیور جناب
حقدن ده شدید العقاب اولمغمی قالقیشه لم ؟

﴿ اورخان ﴾

پادشاهم ! قلعه یی ضبط ایتک ایسته میورسحق بورایه نیجون کلدک
ایستیورسحق نه ایله ضبط ایدہ جکز ؟

(جلال الدين)

امید ایدرم قانندن سیالار پیدا ایدوبده قپولرینی آنک زوریه آچغه
مجبور اولمیز !

« ملک نصرت » ملک نورالدین حالا عودت ایتدیمی ؟

(ملک نصرت)

کلدی پادشاهم ! دمین قارشیدن بر قاچ آتلی کورنمش ایدی

احتمالکه آنک طاقی در .

« اورخان »

آتا بکک الندن قلیچ دوشمدکجه قلعه نك مفتاحنی آلق مأموناك
خارجنده در .

(ملك نصرت)

آتا بك آلنجقده قلعه نك محافظه سنی حرمه براقشدر .

﴿ جلال الدین ﴾

نه دیرسکزر عجب ار جولین ده ملکه نك قارینلغنه تبدیاه مقتدر اولمشمیدر ؟
« اورخان »

نورالدین کلدکجه نه دیمش اولسه ق رأی اولمز ظن ایددرم پادشاهم !

(جلال الدین)

« غیاث الدین » برادر ! سن نیچون حال طییمیده دکلسک ؟ چه ره .
که واهمه کبی شکلی آکلاشلمز بر نقاب غرض اولمش . نظر اطرانده
طولاشیور فقط نه قدر یاقلاشسه سیماکه التصاق ایدهمیور کندک
میدانده کزیورسک ماهیتک محسوس ! کویا سن آرهدن غائب
اولمشسکده یرینه تردد دن بر مخلوق وجوده کلش کبی دائما بر وضعک
بر وضعکی نقض ایدیور . دنیا به بکزه یورسک . کونش تاباشنک
اوزرنده قرار ایتسه ینه بر طرفک قراکلق طوره جق ! ... بلکه کیجه
قراکلقده مکنوز اولان خفایایی کورمک ممکن اوله جقده ینه بوظلماتی
طوروشکده نه سر صاقلانیدیغنی تخمین ایتک قابل اولیه جق ممنون
ایسه ک کشایشک زرده متأثر ایسه ک غضبک نیچون کورنمز ؟

(غیاث الدین)

بنم کبی عاجز بر بنده نك کشایشنده غضبنده نه حکم اوله بیلور ؟

(جلال الدین)

بویا به بر جوابه هیچ انتظار ایتمیوردم بنامه برابر بولندیغک کوندنبری
عجبانه املک وار ایدی ده وجوده . کلمدی مالک بولندیغمز سلطنتک
هانکی جهتنه اشتراکنی در بیغ ایتمک یوقدن کندینه بر عاجز عنوانی
طاقیورسک ؟ سنده کندی خیالک ایچنده کندینه یأس ایجاد ایتمکی
مرحومدمنی او کړندک ؟ سویا به بقالم بزدن شکایتک نه در ؟

« غیاث الدین »

استغفرالله پادشاهم ! افندمزدن شکایت کیمک حدیدر .

« جلال الدین »

شنک حدک اولسون ! دیمک شکایتک اوراده بیانی حدنک
خارجنده کوریورسک نه ایسه سویا به بن رخصت ویریورم حتی
رجا ایدیورم .

(غیاث الدین)

خیر پادشاهم ! هر سوزمدن آری برلسان پیدا اولسه ینه
افندمزدن کوردیکم نعمتارک شکرینی ادا ایدم برعاجز بنده کز ایکن
پادشاهدن معزز طوتیورسکز عندمده افندمزه قول اولمق قولککز
کبی مخلوقاته بیک قات اولادر .

« جلال الدین »

دیمک شکایتک بندن دکل بولردن ؟

« غیاث الدین »

قولککز کیمسندن متشکی دکلم ! فقط بر چفتجی اوغلی بیله باباسنک
اوراغنه بکزر بر قلیچ طاققله امیر طوغذینی کلبه قدر بر شهر ضبط
ایتمکله ملک . کچنوبده خاندان سلطنتک اعضاسیاه مساواندن دم اورر

بلکه کندی بیوککینی پادشاه اولادینک قدرینی کوچونتمکله کوسترمک
ایسترسه بالطبع کوجه کیدر .

« جلال الدین »

برادر ! شکایتک کیمدن ایسه شخصی تعیین ایت بکا کوسترکه
بنم ایچون ایجابنه باقی ممکن اولسون .

« ملک نصرت »

پادشاهم ! برادر یکنزک مقصدی قولکزم ملک تعریفده ایما ایتدی
فقط ایما ایتسهده حقمدهکی انفعالاری برقاچ کوندبری بنده کزجه
معلوم ایدی . برایکی کیره یولده تصادف ایتدک قارشیلرنده معایب
تجسم ایتمش قدر استکراه ایله یوزلرینی بشقه طرفه چویردیلمشمدیده
حضور کزده تحقیر ایدیورلر عدالت شاهانه کزه التجا ایدرم جواب
ویره جکم حدیمی تجاوز ایدرسه جزاسنه راضییم . غیاث الدینه «
بن دولتمی عنوانمی پدریمدن بولمدم بو حال بکا برتقصیر دکل شرفدر !
ایجه معلوم دولتکنز اولسونکه دنیاده کیمسه آناسندن بیوک طوغغز
خوارزمشاه سلطنتی تاسیس ایدن ذاتده اودولتی پدرندن بولمامشدی
مشاهده بیوررسکزرکه هر کسی شان و اقبال میدانلرنده کیم ایلروده
بولنورسه آنک آرقه سندن کیدیور . مقتداسنک اصل منزلی سلطنت
سراییمدر ؟ فقراچادریمیدر ؟ صورمیور . بلمدهکی قایچ اوراقدن
بوزمه ایسه نه بیوک افتخارددرکه اوزرنده پک چوق پادشاهلرک
سلامارندهکی یاقوت پارچه لرندن زیاده قان طامابه سی بولنیور . المدهکی
قلعه برچفتجی قلبه سنه بکزرسه نه قدر شایان عبرتدر پک چوق پادشاه
زاده لرک بابا لرندن قالان مملکتار بشقه بردنیا ظن اولندجق قدر وسعتیله
برابر ازیه ازیه براوچ دشمنک قبضه سنه صیغورده او بنم کندی

قالبجمله قزانديغم قلعه جك سد اسكندري پايماي ايدن قوجه قوجه تاتار
اردولرينك اوكنه حائل اوليور مشركارك صدمه قهرندن توحيد
عالمك بو طرفلريني « جلال الدين كوستردرك » شوقهرمانك قلب
جوهرى مخافظه ايتديكي كبي اورادهكي پارچه لريني بزم برقاج طاش
يغنتيسي وقايه ايدر ! ...

(غياث الدين)

« جلال الدين » بوتقديرلرد ، بوتحقيرلرد باقك ناموس پادشاهي
اياقلر آلتنه قالمسنة تحمل ايدرمي ؟

(ملك نصرت)

« غياث الدين » برادريكيزد باقيكيز ! سلطان جلال الدين جلال
الهي كبي دنياني لرزان ايدء جك برقوته مالك ايدن خصلت ! حقيقت
بيلمكده كوسترديكى بيوكلكدر بودعواده آندن معاونت اميد ايتك حقسز
ايشده حقندن عنايت بكلكمكه بكيزر قولكيزد توجيه خطاب بيوريكيز
بنده كزي تكدير ايديكيز ! ولي نعمت زاده سكيز هر معامله كزه تحمل
ايدرم پدريمي تحقير ايتديكيز پدرم ظن ايتديكيز كبي چفتجي دكادي
سلاخك جوهريني دنيايه بكنديرمش برعسكر ايدى . ولوكه چفتجي
اولسون ينه تحقير ايتك سزه دوشمزا ايدى . چونكه بندكزه ملك
عنوائى همزك ولي نعمتى اولان پدريكيز احسان ايتشدى ! ملكزاده
اوليانلرد ياخود سزك ظنكيز كبي چفتجي اوغلى اولانلرد ملك صفتى
ياقشماز ايسه اوبله اهليتزله اوصفتى ويرن ملوكده پادشاهلرده
پادشاهلى ياقشماق لازم كلير . اقدمز هم بنده كزه حقارت ايتديكيز
همده او حقارتلر صردسنده استناد ايتديكيز نجاتك شاتى ، پدريكيزك
افعالنى مدافعه ايتكى يسه بنده كزه براقديكيزده آنك ايچون بوقدر

سویلندم طوردم خطا ایسه معذور طوتکزده انفعالکزه حدتکزه
نهدن لایق اولدینمی بیان بیوریکزکه بنده قصوری اصلاحه چالیشهیم.

﴿ غیاث‌الدین ﴾

« جلال‌الدینه » پادشاهم ابشیدیورسکزر آنه سویایور بنده کزی
یوقدر دلخون ایتک صحیحاً شانکزه یاقشماز .

« جلال‌الدین »

طوغری سوز اوق دکلدکه انسانی دلخون ایتسون ملکدن
کوردیکک سوء معامله نیچون آتی سویلمزسکده شحصنه طوقنور
اوزینه مقابله دعوت ایدرسک ؟

﴿ غیاث‌الدین ﴾

پدشاهم ! یوقدر شتم ایتدکدنصکره آنکه مخاطبه‌دهمی تنزل
ایده‌جکم ؟ آچغلغک بودرجه‌سنی دائره‌کزده‌کی سابسدر بیله قبول ایتمز.

« جلال‌الدین »

آرده‌شتم یوق آچغلغنی ایجاب ایدن حال ایسه هیچ یوق آنکه
مخاطبه تنزل ایسه بکا سویلمکده تنزلیدر ؟

﴿ غیاث‌الدین ﴾

استغفرالله ! ... افندمزه سویلرم ! ... بنده کزک دائره‌سندن
آیرلمش برسیاهی‌نی یانه آلق آنک حدیمیدر ؟

« مالک نصرت »

سبحان‌الله ! برداردن آیریلان سیاهی البت اکمک ایستر بشقه
برطرفه انتساب ایدر یانمزه کلمک ایستیان عسکره سرگذشتی
صوردیغمز وارمیدرکه بنده کز خدمتمه آلدیغم برسیاهینک افندمزدن
آیرندیغنی نه بیاهیم . طوته‌لم که بیامشم بر مسلمانی یامدن رد ایدوبده

جنګیزه می تسلیم ایدیم ؟ قوګزی سد ایدیکګز آدمه اللهک هر
قبوسیده مسدودی اولق لازم کلیر ؟
« جلال الدین »

برادر ! برادر ! ... بوباطلپرستلکه بر نهایت ویر جنګیز بیوک
والدهمزی کوچک قرداشلریمزی اسیر ایدی . زنجیرکده ایکلیدیور
تبعه مزک یاریسنی قلیچنک آلتنه آدی . دیری دیری مزارلق طوپرا -
قلرینه صوقیور سن آنلری دشونیمورسکده بر سپاهی ایچون بر مسئله
چیتاره جقسک اویاه می ؟ بو قدر مصیبت نخوتمزی قیرمغه کفایت ایدیم ؟
فلکک بونجه حقارتی کوردک بر تاتار کوچیه سنک سایسلری قدر خیتیمز
قالمدی حالا بز بیهوده یرده نخوتی ساخته عظمی شان سلطتدن لوازم
دولتدنی عد ایدوب طوره جغز .

دردنجی مجلس

اولیکلر — بر خدمتکار — صکره نورالدین

(جلال الدین)

(خدمتکار)

« خدمتکاره » نه در ؟

نورالدین منشی بنده کز ، حضور شاهانه کزه یوز سورمک ایستیور .

(جلال الدین)

کلسون ! ... « غیاث الدینه » دائره که کیت برادر نورالدین چهره کی
کورسه سنی انسان اندامنده یرادلش بر بشقه مخلوق ظن ایدر
دنیا به مسخره اولدیغیمز الویردی کندی آدماریمزه ده بر وسیله
استهزا و یرمیهلم « غیاث الدین چیقار » « اورتیه » یازق ملت اسلامیه به
مظالم سایه سنده آلان تربیه الک بیوکلریمزی انسانلرک دکل حیوانلرک
بیاه دوننده براقش ییلان طبیعتنه کیرمشنر نه قدر بیوسدک آلچاقمندن

فور تیاہ میورز « قیودن کیرن نورالدینہ » کل بقالم مولانا چہرکدہ بر
بر بشاشت وار انشا اللہ خبرلرک خیرلیدر .

(نورالدین)

او قدر خیرلی کہ پادشاهم ! دنیاہ کلدیم کلاہلی زماندہ بویاہ مسعدہ
کورمدیکم ایچون عالم بر ککیجه نك ایچندہ برکرہ دہاید خانندن
چکمشدہ طبیعتنی تحویل ایش ظن ایدہ حکم کلیور .

(جلال‌الدین)

بو قدر فوق‌العادہ بر خیرنہ اولسد کرک ؟ عجباً جناب حق تاتار
ستانک موقفی دنیادن اسفل ججیمہ می تحویل ایتدی ؟ یوقسہ ناصردن
مسلمانلغہ یاقیشیر بر حرکت می صادر اولدی ؟

(نورالدین)

خیر ! بودہ آنلرہ یقین بر حال پادشاهم ! تبریز قدم ہایونکرہ
حاضر طوریبور ہم خصم لریمز یالکز قلعه یی ویرمیورلر . مہرجہانی
دہ آغوش التفانکرہ عرض ایدیورلر . حتی ملکہ تبریز علما سندن
عزالدین قزوینی ہم قلعه نك تسلیم نہ ہم نکاجک عقدینہ توکیل ایتش
بندہ کزلہ برابر کلدی .

(جلال‌الدین)

نگاہ ایچون نہدہ مسعود بر زمانہ تصادف ایتش سور سرور مزدہ
تاتار آلتندہ مخو اولمقدہ اولان یوزلرجه ملکیتک احتراقنی مشعلہ ،
یوز بیکلرجه نفوسک فریاد واضطرابنی چالنی مقامندہ قوللانہ جغز ؟
ماک ملک باقسہ کز آطیشاریدہ بر تلاش وار ! .. « ماک چیتار »

« نورالدین »

پادشاهم ! احوال عالمدن بودرجه متأثر اولہ جق ایسہ خواس

خمسینی بتون بتون تعطیل ایچون زیرزمینه چکلمکدن بشقه چاره قلماز . بر مصیبت زمانه تصادف ایتدیگمز ایچون تناسب لازمه سنی بیه ترک ایدملده جنکیزک موجود اولان مسلمانلرینی بیترمهک غیری یتشمیورمش کبی بزده اسلامک ذریئنی مخو ایتکه می چالیشه لم .

« جلال الدین »

بنم کبی بر آدمک نسلندن نه اوله جق .

« نور الدین »

نصل نه اوله جق ؟ پادشاهم ! اسلامک بیوک قهرمانلرندن اک بیوک محدودلرندن بر صاحب ظهورک بر قاچ نمونه ذی حیاتی یادکار قله جق آنلرله کرچکدن شاهانه کرچکدن مسند اقباله لایق بر خاندان سطنت وجود بوله جق افندمز دنیادن ایتدکدن صکره سرای حکومته اخلاف عالیکز یشایه جق .

« جلال الدین »

« کمال جزنا » بنم نسلمی سنت ایرمنی سوروکلیه سورکلیه عمان عدمه کنوردی . بکا قطب الدین دن صکره اولاد بکانیره دن صکره ! . . . « نور الدین »

« لاقردیسنی کسهرک » احسان بیورک پادشاهم ! انسان کچمش زمان ایچنده یشاماز ماضیده ظهور ایتمش بر مصیبتک بتون بتون عمریکزک رفاهیتکه می حائل اوله جق ؟ هم الله یولنه اختیار ایتدیگکز بر خدا کارلنی معطی حقیقی یه منت ایدرکبی وظیفه دن تبرئه سندی طومق فضیلت شاهانه کزه یاقشماز . کوکل مقبره دکلدرکه اولولرک ایتبلا سنده براقلسون .

« جلال الدین »

مولانا ! مولانا بنم یاپه میه جغم تحمل ایدمه جکم شیلری تکلیف ایتد-

« نورالدین »

اسلامك اڭ كوچك بر فائدهسى ايجون پادشاهمك ياپه ميه جنى تحمل
ايدميه جكى بر فدا كارلغى بولنه ميه جفته بندكزى اقناع ايتك ممكن
دكلدر .

« بشنجهى مجلس »

اولكيدر — ملك نصرت — صكره خدمتكار

« ملك نصرت »

تبريز اهالي سندن قاضى قوام الدين كلش افاده لرى وارمش !

« جلال الدين »

« نورالدينه » برادر كلديك كز ذات دكلدى ؟

« نورالدین »

خير پادشاهم ! آنك اسمى عزالدین ايدى . دمندنبرى طيشاریده
بکایور .

« ملك نصرت »

اوبشقه او طهده پادشاهم ! قوام الدين شمدى كلدى طيشاریدهكى
گورولتى او ايدى

« جلال الدين »

كل ! . . . « ايجرى خدمتكار كير » تبريزدن قوام الدين كلش
سويلا ده بيورسون

« ملك نصرت »

تشریفات ایستمرمى پادشاهم ؟

« جلال الدين »

پادشاه اولدقسه غيبانه اسير المغى تعهد ايتدك سز هر كسى حالا

تشریقات ایله می قبول ایدرسکز ؟

(ملک نصرت)

استغفر الله بادشاهم ! مشرب هایونکزی پک اعلا بیلیم . فقط
سفیر در شاید کوز طولدیر مق لازم کلیر دیدمده آنک ایچون بر
مناسبتسزاک ایتم .

(جلال الدین)

اویاه کاذب نما یشلرله اوله جق ساطتک بکا لزومی یوق . هله
خدمتمده بولندیغم اودرلو حاله احتیاجدن جناب حق صقلاسون .

التنجی مجلس

اولکیلر — قوام الدین

(جلال الدین)

بیورک اوطورک ! ... مولانا کیم طرفندن ونه ایش ایچون کلدیکز ؟

(قوام الدین)

پادشاهم ! تبریز اهالیسی مبارک عتبه هایونکزه یوز سور بیورلر .
بر آلائی نفوس معصومه نک محاصره ایاه تضییق شان ساطتنه لایق
کورمدکاری کبی پادشاه عالیشانه مقاومتی ده حدلرندن خارج بلورلر .
شمده قدر ایتدکاری کستاخلقلرک عفو یاه اوزرلرندن محاصره بلانک
رفعنی استرحام ایدیورلرده قلعه ده نه قدر مجوهرات وار ایسه هپسینی
تقدیم ایدجکلردر .

(جلال الدین)

بز طاشک اوقدر قیمتی جنسنه مائل دکلیز . شهرک دیوارلرند کی
چاقل پارچه لرندن بشقه بر شی ایسته میورز اسلام آردسند بر اتحاد
آریورز حاصل اید بیلدی کمز انسانیت شریعت نامنه قلعه نی تسلیمدر .

(قوام الدین)

مسئله نك جهت شرعی التزام بیوریلانجه ملاحظه می سویلید
بیلیمك عهد و آمان آلمغه محتاجم پادشاهم !

(جلال الدین)

نه دیمك ! جنكیز اردوسنده دكلیز هر كس حكم شرعیدن بحث
ایتمك ایچون بندن عهد و آمان آلمغه محتاجدر ؟ هیات ! ...
وقتیله خلیفه لك مقامنه چیقمش ملحدهر جبار عینده هیبتیه تهدید
ایتدیکی ایچون « الله کی مخلوقیتدن منز اولان قرآن کریم می
پار دلنمش ؟ روز محشرده برینه ملاق اولور سهك بنی ولید پاره لدی
دیرسك » کی بر هذیان کفرانه بی لسانه آلمقدن خوفی ایتمه مش شمدی
او مقامه کلان بر منقلب ویا اكا تابع جباره حضور لرنده امر الهیدن
بحث ایدن بر مخلوقی نیچون پاره لیوبده « کیت آخرتده بزدن اللهک
شکایت ایت » دیمکه جسارت ایتمسون ؟ سویله مولانا فکرك نه ایسه
سویله امین اولکه آمان الهیده سك .

(قوام الدین)

مقصد اتحاد اسلام اولنجه او اتحادی خلیفه نك مطاوعتده آرامق
لازم کلمزمی پادشاهم

(جلال الدین)

هانکی خلیفه نك اطاعتده اسلام ایچون اتحاد ، اسلام ایچون
سعادت آرایه جغز مشرک لری موخدرله ناصر مسلط ایتدی می ؟ جنکیز !
ناصرک تحریکیله اسلام ملکنک یاریسنی جهنم آتشرینه یاقش ایکن نه
کندیسنه خلیفه می دیه جنکیز ؟

(قوام الدین)

احسان بیوردی فکزر رخصته استناد آشوراسنی عرض ایدرمکه

پدريکز مرحوم آل علی به طرفدارلنی خوارزمیله بر شيعيت اثری
کوسترمش ایدی .

(جلال الدين)

سبحان الله ناصرهم خاندان نبوت قرابتنی خلافتنه صحبت استحقاق
ایدرهم خاندان مجلرینی مشرک لک سیف قهری آتش ظلمیه محو
اولمغه لایق کورر اویله می ؟ اهل بدی طیب و طهارتاه وصف ایدن
جناب حق قهار اسمنه یمین ایدرمکه ابو لهب دنیاده بولنسه ایدی
امت محمد بو خیانتک بیکده برینی روا کورمزدی ! ... پک اعلا
خلیفه نک پدره غیظی وارمش کندی مذهبنه دشنه قارشى هر درلو سلاح
استعمالنه جواز بولمشده تاتاری دولتک تحریننه انکچون دعوت
ایلمش !... بوده سزک کبی سلطنتی دین دولتدن مقدم کورنارغندند
معذور طوتیلور ایلمش !... پدرک ارتحالندن صکره شرقده بولسان
اسلامک ریاستی بزه انتقال ایتدی بنم ایسه محمد خوارزم شاهک اوغلی
اولمقدن بشقه برقباحتم یوق ایدی . حالبوکه بن خوارزم شاهک صلبندن
کندی احتیارماه کلدیم ابسکوندن چیققدنصکرده تاسنده ، ایندجه به
قدر ملته مملکته ایده بیه جکم خدمتله ایچون شان میدانلرنده بوقدر
علنی دلیارلر کوسترمد قضای مبرم کبی دفعی ناقابل بلای آسمانی مقاومتی
محال عد اولنان تاتار اردولرینی راست کلدیکم یرده قهر ایتدم فخر
اوله رق سسویلیم اسلامک بدبخلغندنمیدر ؟ نه در عرب وعجمک تاتار
قارشى برامید نجاتی قالدیسه بنم طوپلایه بیلدیکم قوتدن عبارت ایدی
ناصر مقلد لک برطاقم یادکار لک همتیله سند نه ری کنارنده کربلا قدر
برمشهد حمیت پیدا اولدقدنصکره نور دیدمی جکر پاردمی الله قابض
ارواحده تسلیم ایتدم کوکلم حیاتدن اولوم قدر استکراه ایدرکن جنتله

آردم زده ایکی قدمدن زیاده مسافه قالماش ایکن اسلامه خدمت
ایچون دولت شهادتدن بتر ایتدم حیاتی امید آخرتمی ده روز کارک
مساعده سنه بر اقدم . بر بالاسیلنه آتلدیم . ظاهرده دنیا قدر وسعتلی
حقیقتده قبردن صقینتلی بر اقلیم ایچنه دوشدم . اوزریم زده کی کونش
جهنمدن خوارتدن استعاره ایدر شعاعه سنک هر ناریاه باشمزه برغز
غین میل صاپلادی . ایاغزک التئده کی قوملر صیج قلقده غیا
دولرینک شراره لریاه یاریشه رق باد سمو مک اوکنه دوشر . اوزریمه
جانلانش مزار کی قیلانلر طوکش ییلدیرم کی اژدرلر دو کردی .
کتیردیکم یرلرک هواسنده موت یاغاردی صولرنده وبا
قایناردی انسانلرینک غیظی خصومتی ایسه او آسمانی باللری اونوتدیره .
حق قدر تحمل کذار ایدی بهرینه وجهان مصائبی ایچنده دیانتدن
بشقه برشی دوشونمدم . محالاته وجود ویرمکه چالشم . اوغراشه
اوغراشه یتش کشی ایله براردو ترتینه موفق اولدم عرافه کچنجه
جناب حق میتدن مدارسز ، خیالاتدن حکمسز بر طاقم مخلوقلر ایچنده
نم ایچون جهان حمیت ایجاد ایتدی یانمده کی اردودن بردولت میدانه
کلدی بوتجربه لر اسلام ایچون ینه بر استعداد حیات بر قابایت سعادت
کوسترمش ایدی . اوکچمش ادوار بردها وجوده کلدی زمانمز بر چوق
عصرلردن برو فوت ایتمکه اولدیغمز معالیچون بردوران حشر اولمق
احتمالی عین حقیقت کورنمکه باشلامش ایدی . ناصرک اغراضنه فدا
اولان یوز بیکلرجه شهدانک قرب الهیده او قودقاری لغتدن اولسون
قورتلغه حالد بر استعداد کوردیم . احرار مسلمینی دوشدکاری فلاکت
زندانلردن قورتارمغه تقدیرده برمساعده اماره سی حس ایتدم خیالم
ایلر ولدکجه ایلر ولدی . امویه نك منتهای غربندن کاشفره ایصال

ایتدیکی نور ایمانی عباسیلر دورنده مطلع خورشیده کتور و بده دنیانک
هر طرفه عالم امکانده ضیادن پارلاق بر نور کونشدن بدیهی
بر حقیقت موجود اولدیغنی کوسترمک ایستدم ایشته سزک خلیفه
دیدیککز آدمهده بن بوقدر عالی بر مقصده مراجعت ایتش ایدم
کوکلنده علویه ذره قدر میلی اولانلر اودرجه پارلاق بر تصورک
فعله کلش محال اولدیغنی لوح محفوظده کورمش اولسه نظرنده
بر خطا و قوعنه احتمال ویررده ینه تجربه سز قالقیشر . سز آتی بر یوزنده
جناب حق سایه نورانیسی قیاس ایدیورسکز اوایسه جنکیز دیدکاری
ضم ذی حیاتنک ظل کشفیدر . آرملرنده یالکیز بر فرق وار اکر
دقت ایدرسه کز بونک ماهیتی جنکیزدن دهها ظلمانی بولورسکز او
جنکیزه بر اسلام ملکنی نحو ایتدیرمک ایچون تلطیفنامه لر ، هدیه لر ،
خزینه لر ، کوندردن یادکار اسلامک موجودینی قورتارمق مافاتنی اعاده
ایتمک ایستدیکم ایچون اسلام ضلبدن کلش ، اسلام قوجاغنده بیومش ،
اسلامیتی محافظه ایچون اسلام القه سیاه تجهیز ایدلمش آدمار کوندردیده
بنی اسلام قانی دوکمهکه مجبور ایتدی . بن که عندمده بر مسلمانک
قانی کائناتک جوهر حیاتی قدر قیمتلیدر . بنی که ! نظرمدده بر مسلمانک
قانی بر آدمک دکل بر دواتک دامن اقبالی لکلمکه کفایت ایدر .
ناصرک اسلامه ایتدیکی خیاتی نه یزیددن کوردک نه حجاجدن حریف
ملعنتده جنکیزه مقتدا اولور شیطان اجلک پنجه سنه دوشمدیکه طوپراغی
آنک مزارندن آلمش دیهیم . یاسزاللهدن پیغمبردن اوتانمز میسکز ! اشع
تعبیراتیاه روایتنی کوسترمک قابل اولیان بر آدمه خلیفه نامی ویریورسکز :
(قوام الدین)

معلوم هایونکز درکه هر خلیفه اسلامک دنیادن آز کوچک
اولان ملکنده اهل اسلامک عالمدن بیوک اولان کوکلمده هر نه اولور

هر نه کچر سه نظر احاطه به آلتی دنیانک بر کوشه سینه کوندره جکی
اردولری نمازده حضورده قلب ایله تجهیز ایتک او بر کوشه سینه کوندردیکی
عسکرلره ، خطبه لرده رفع صوت ایله تعلیم ظفر ایتک کبی کرامت لره
مظهر اوله من فاروق عصرنده دکلیز پادشاهم !

(جلال الدین)

نصل کرامت ؟ بن وظینه آریورم . همد و وظینه نک یوزده بر
درجه سینه قائلم فاروق اعظمک حتی عرثانینک کعبه وارمق عصر مرزده
ممکن اولدیغنه باقه جغزده اسلامک انقراضنه خدمت ایده جک نه قدر
اسباب وارسه جماعی بر یره طوپلانسه بر وجود اولسه ده بغدادک
تحت حکومتنه تصور ایتسه آکاده می خلیفه دیه جکیز ؟ تپده حیقان
شیرنجی موقعت یوکسه کلکنه نظر آ اشرف اعضامی قیاس ایدرلر .
آه ! ... آه ! ... ناصر اسلامک مرکز خلافتنه صغناملیدی کوندردیکی
حشرات ایله قارشومه کلیدی ده او زمان او زمان کورملیدیکه
کندینی حاشا یر یوزینک اللی کوسترمک ایستیانلرده دنیاده بر او یوز
کوپک یاوروسنک حالنه حسد ایتک ، جهنمه شیطاندن شفاعت امید
ایتک نصل نصیب اولیورمش . فرعونک دوشدیکی غضب دریالرنده
غرق اولمق ، اسلام قلنجی آلتنده یره باتمقدن امون ، نمرود کبی
باشنی طوققلرله دؤکدرمک ، حمیت کوزینه سپر اولمقدن حقیقمی ایش ؟
هم مولانا ! سن بوراده ناصرک خطیبی بیسک ؟ یوقسه تبریز طرفدن
مأمور بیسک ؟

(قوام الدین)

تبریزدن کلیورم پادشاهم ! ناصردن بحث ایدیتم خلافت جهتیه در .
بز خلیفه نک لدیات احواله واقف دکلیز ، تحت بیعتنده بولنیورز .

امری اولدقجه قلعہنی نصل تسلیم ایتمکه مقتدر اوله بیلیرز .

(جلال الدین)

سز نه غریب انسانلر سکیز که قیلچار یکزی بلکیزه طاقشکیز
دینک اعانتنه کیدر کبی اخوان دینکیزک مخوینه «مشرک لک
خدمتته شتاب ایدیور سکیز سزک ایچون لازمه دیانت دنیا کزی
بونجه نفوس معصومه نک جوهر حیاتندن دار آخر تکزی بو قدر
اخوان دینکیزک قلب محروقدن تدارک ایتکمیدر ؟ ناصرک امرینی
کتاب الهی به نهدن فائق بولدیکنز ؟ جنکیزک طریق ضلالتی پیغمبرک شرع
رشادتته نه صورتله ترجیح ایتدیکنز ؟ هم اسلامز دیر سکیز هم عبادتکنز ده
صویرینه شهید قانیله وضو ایدر سکیز محراب یرینه جباره نک نقش پائنه
سجده ایدر سکیز اوپاه می ؟ ظن ایدر مکه ایلدیسک تلقینیله بر عالم وجوده
کلسه ینه سکنه سی هوا ی شیطانیه به اتباعده سزک درجه کزه وارمز .

«نور الدین»

یهوده نفس ضایع ایدیور سکیز پادشاهم ! بوزره افهام حقیقت
قابل دکلدر . بونلر زندانک طاشلرینی ارقه سنده طاشیان مجوسیلر کبی
ازیله ازیله چکدکلری بارجهالتدن کندیلرینه برظلمانی محبس پیدا ایتمشلر
عالمی کیرپکلرینک اوجیله محدود اولان دائره نظر دن عبارت قیاس
ایدرلر لازمه دیانت ، ناموس ملت ، فضائل انسانیت کبی علویاتی خیال
اکلندیر مک ایچون خلق اولنمش کبی کوردرلر . افعالده کندی منفعتلرندن
مقدس بروظیفه تصور ایده مزلر ! ... کندیلرینی اسلامک اک بیوک
موقعلرنده کور مشلرده ملتک کرچکن اک بیوکی اولدقلرینه ذاهب اولمشلر
موقعلرینی انسانیتک اجزای متممه سندن عد ایدرلر . عظمت الهیهنی
آرده بر بشقه منزل تصور اولنه میه جق قدر غریب اولان شرف انسانیتی

حاشا ! ... بولندقلری حساسندن عبارت ظن ایدر لر اعما ایچون ظلمتک
 پرده تقیض اولدیغنه حکم ایتمک نصل قابل اولسون دیوانه یه کندی
 وهیتاتندن خارج بر عالم تمیزک وجودینی بیلیرمک میسر میدر ؟
 سؤال بیوریکز تشریف هایونکزی کیم بیلور نه درلوهوسه حمل ایتشلردر
 کیم بیلور تصورلرینک نتیجه سی اوله رق بوذاتی حضور شاهانه کزد
 نه غریب تکلیفلرله کوندرمشلردر .

«قوام‌الدین»

داعیکزه محول اولان تکلیفلرده برغرابت یوقدر ظن ایدرم پادشا
 همزمده عرض ایتش ایدم

«جلال‌الدین»

نی حیدود باشمی ظن ایتدیکز ؟ سناهتکزدن فضا له قلان اموالی
 بدل امان ویرمک فکرنده بولندیکز . ذهنکزده بولنان شایان قبول بر
 تکلیف بوله مدیکز اوله می ؟ اوجوهر سزک اولسون برایج دیواری
 چویرتمکده قولانیرسکز «یواش یواش اوزرینه طوغری کیدرک شدتله»
 تبریزک اناختارلری بوکون عسکریمه تسلیم اوله جق . والا هیکز اقشامه
 قدر حیاتکزی قابص ارواحه تسلیم ایدرسکز اما آرده قان دوکیله جک
 ایتش ! هر قطره می برجهنم آتشی اولسونده سبب اولانلرک جکرینه
 یاپشسون ! کیت کوردیکک کی سویله ! . . . «قوام‌الدین چیقار»

«نورالدین»

انشالله قان دکل عسکریمزک آلتندن برقطره تربیه دوکلمز . قولیکزک
 تکلیفمی قبول بیوریکز ناصر تبریز ایچنده کندی ایچون خاولایه جق
 برکوپک بولورسه پک زیاده بختیار صاییلیر .

«جلال‌الدین»

برابر کتیر دیکک کیم ایسه آل کل ! «نورالدین چیقار» دره لر ایچنه
 دوشن خاشاک اک حسیسلری اوسته چیقدیغی کی بویادکارلرده قان
 سیلابه لر ایچنده یوارلنان ابنای بشرک اکالچققری اولدیغی ایچون اک
 یوکسک مقاملرینه صعود ایتشلر برحاللرینه باقسه ک دنائتک منتهای
 امکانیدر صائیرسک تمکرمه برحاللری دهاظهور ایدرکه اسکیندن بعد
 مطلق کی حد تصور اولنه میه جتی قدر آلچتی کورینور .

آلتنجی مجلس

اولکیلر - نورالدین - عزالدین

جلال الدین

«عزالدینه» سفارتکزک خلاصه سی نورالدین سویلمش ایدی قبول ایتدم
 «نورالدینه» مولانا سز وکیل اولکیز «ملک نصرت اباه اورخانه» سزده
 شاهد اولکیز ! شمعی عقد اولانسون بوکیجه تبریزده یانجیم ! . . .

عزالدین

«قوینندن چیقاردیغی آناختاری جلالک اوکنه وضع ایدهرک پادشاهم
 جناب حق متیمن بیورسون تبریزک مفتاحی بودر. انشالله چوق سورمز
 اناختارلرینی ده بونک کی پیش پای هایونکرده کوردسکز . امر بیوریکز
 یاندم کی میرزالردن برینی مژده یه کوندریم عسکر آنکله برابر کیده یلور
 قارشیده مزاحم یوقدر .

جلال الدین

هایدی اورخان ! عسکری سوق ایدیکز . ایوجه تنیه ! کیمسه نک
 برقیلنه برپولنه طوقونان اولورسه جان ویرمکه بیاه المذن کوچ قورتلور .

اورخان

فرمان پادشاهمک ! . . .

بر دده

۷

« بر مزین شاهانه اوطه »

برنجی مجلس

مهر جهان — مبارک برقچ طواشی — برقچ جاریه

« مهر جهان »

مبارک عجب شهر آیین ابستدیکم کبی مکمل اوله جقمی ؟ قندیالار
مشعللر اوقدر چوق اولملی که کورنلر فاک ییلدیزلریله برابریره اینش
ظن اینملی ! ...

(مبارک)

انشالله مطلوبکنزدن مکمل اولور افندم ! اولره هر پنجره ایچون
اون قندیال ایله بیوکلکنه کوره بردن بشه قدر مشعله تنیه اولندی .

(مهر جهان)

« پنجره دن باقهرق » نه ایسه اولدقجه برتدارک مملکته کوندزقدر
آیدیکلق کله یلمش ! قلعه قیوسندن بورایه قدر پادشاهک اوکنه
چکیله جک ، میدانده ، اوطه لرده یناجق شمعدانلرک هپسنه غبرلی
موملر قونسون سلطانک یالکز کندینک دکل آتک آیاغی نره یه
باصه جق ایسه لهورلر دوشنسون یکرمی قدر کوله انتخاب ایت اللرینه
برر آلتون تپسی ویر ایچلرینه اینجو مجوهر طولدیرده آلا ی پوریدکچه
امرانک سیرجیارک باشنه سرپسونلر مأمونک سور مسرتی اونوتدیره جق
قدر شعله ایسترم جالالم مأمونک تختنی فتح ایدوبده بربنده سنه احسان
ایده بیسلورلر . بنده بودان کبی بر وزیر قزی دکلم « برجاریه یه »
بو اوطهی ایستدیکم کبی تزین ایده مامشک شو مجوهر چلنکری

کثیر. آنلری ده چیچک کبی دسته دسته باغله ده آلتون ساقسیاره قوی
شمعدانلرک کنارینه دیز، موملرک ضیاسی جواهره اوروبده اطرافه
انعطاف ایتدکجه جمه کاهزی قوس قزحدن یاپیش ظن اولنسون.
شو خالی بی کوزل ایشلتم دکلمی مبارک؟ موملرک شعله لری الماسلرینک
انجولرینک اوستنه اوردقجه کیمی پارلاق کیمی طونوق ییلدیزلری
آندیرمیورمی اما سن دیه جکسک که بویابه الماسلرک صاری یاقوتلرک نه
معناسی واردی؟ لالا جغم ییلدیزلرک صاریسی پنبه سی ده واردر. دقت
ایتده باق زهره صاریدر مریخ قرمزیدر هیچده دقت ایتدکمی؟ بالکز
شو آلتون کموش تار فلکده کی تزییناتک هیچ برینه بکنزه من اما بن
کویا آره صره فلکده کونشاه ههتابک حیات شعله می برندن کچرده
نقشلر پارمش کبی تخیل ایتدده آنک ایچون خالی بی اویاه ایشلتم.
انسان طبیعتک کوزلاکفی برقات دها کوزلاشدره بیلور. بیلورمیسک
فلاحتجغم؟ هله او طه کوکلیک ایستدیکی کبی اوله بیلدی. آفرین قز
چیچکلری پک کوزل دسته لمشسک. هایدی چانکاریده اویاه دسته له.
دقت ایتده هم مجوهرلرک رنگاری بربرینه یاقشسون همده چیچکلر
کیجه نک رسمندن آیرلسون! هایدی قزلر سزده یاردم ایدک. اغار
سز شو او طه ده او طورک لازم اولورسه کز چاغیرم «مبارکه» کیت
مبارک وقت یاقلاشیور بنده شو آینه یه یاقلاشو بده کندیغه باقق ایستیورم
بردلو جسارت ایده میورم آه... یا کندی می خیالده کی درجه دن
چرکین کوررده یأسمدن هلاک اولورسه م یوق بویاه بروقده انسان ایاه
سعادتک آره سنی حائل اوله جق قدر اجل بیاه مرحمتسز دکلدز!...
آه یاشمده یکر می بشی کچدی چهرمده طبیعتک هر نقصاتی اورتمک
شانندن اولان کنجاک طراوتند اثر قالمدی!... کیم بیلور نفرت می

کوره جکم؟ ... آه! ... یوق ... یوق انسانک کوکلنه هم بوقدر
 شدتی بر محبت ویر و بده هم سیاسنه سودیکنک برنگاه التفتنه دکیه جک
 قدر چرکنک کتورمک قدرت فاطر دنگ عدالتنه یاقشمار! ...
 «آینه یه یافلا شوق» نه قدرده رنکم آتمش! وصالده ایکی اوچ کون
 ترد ایتدیکم اینیون پوحاله کلدیکم ییلسه البتده مرحمت ایدردی کیم
 بیلور؟ بلکه بتون بتون کوزندن دوشدم. اوقدر مردانه بر طبیعت بنم
 کبی بر عاجز وجود ایله نصل امتزاج ایتسون. شاهینارک کله میل ایتدکاری
 نروده کورلمش! «جاریه لر آلتون ساقسیدرله دسته لشمش بر طاقم مجوهر لر
 چانک کور کتورر اورتی یه قورلر» الویرر! الویرر هایدک جهنم
 اولک! .. بر آزده بنی کندی حالمه براق! ... «جاریه لر چیقار»
 «وضعیتی دکشیدر دک کندی کندی» جالام امراییتسون بزده مردانه
 بر روش پیدا اید بیلورم! بنده پادشاه! ... غریبشی چایر مشمی
 نهم؟ متانتلی کورونمک ایچون تقلید یانم قالدیش جهنمده بتون بتون
 مسخره کولنج برشی اوله جهنم! ... او بنی سویور. سویور که آیدور
 جلاله تبریز ایچون دکل سلطنت عالم ایچون ایتسیدیکی شی یادر مق ممکن
 دکلدر! ... آه! ... دیوانه بنی نروده کوردی که سود جک کیم بیلور؟
 سیامی سومیور سه بلکه اخلاقی سویور. بلکه مقصدینه خدمت ایدنر
 ایچون کوکلنه اک یقین اولان اعضاسی بیه بنم قدر یار اولماز.
 بیچاره! ... بیچاره! ... اوسنی برار ککه بر قادین لازم اولور دیمشدرده
 آنک ایچون آلمشدر! ... اوف دنیا کوزیمک اوکنده دقیقه ده بردونیور.
 هر دوندکجه بشقه بر شکلده کورینیور! ... بنی برار ککه بر قادین لازمدر
 دیه آلدیسه قائم؟ ... اوقدر بیوک کوکالی بر ارککده بنم کبی محبتدن
 اطاعتدن یرادلش بر قادین لازم اولور. آه بیچاره مهر جهان! ...

سن دنیاده بختیار اولمق ایچون یرادلما، شسک ! ... « براز تا ملد نصکره »
 بیلمم که بختیار اولمغه لایق میسک ؟ ... برقادینه ایکی کره اولمک بر آدم
 ایچون ایکی کره یشامغه چالشمق کبی دکلیدر ؟ ... آه ! ... بن آتا
 بکک زمانده گویا عمر می کچیردم . جلاد الدد غول یبانی قوینده نسائی
 بشار بن آنک زوجه سی دکل جهازیمک جهازی ایدم ! ... اقراباز ایدم
 بنی پادشاه دزاده ایکن برکوله یه اسیر ایتدیلر ! ... الله قور تاردی بر بیچاره
 کو کرچین ییلان آغزینه دوشرده صکره قور تولورسه بر دغا اش
 بو نمازی ؟ بر معصوم کوکل بر کره شیطان پنجه سنه اسیر اولدیعی ایچون
 خلاص اولدقدن صکره الی الابد حیات محبتدن محرومی قالسون کو کیده کی
 خلد جانلر، تردد لر الویر میورمش کبی نه قدرده قرد قدر دخیلار له اوغر نیورم
 آتاک دون دار خازاته کیتمش طو پراغه کومادیکنی کوز نریه کور ندر
 سویلدی وجودی عمر ماه سعادتمک آرد سنه حائل اولدی . مزاریده کو کلاه
 روح اضافی بیدیکم جازلمک آرد سنه می سپر کلوب طور دجق ؟ ...

ایکینچی مجلس

مهر جهان — مبارک

(مهر جهان)

نهدر عرب ؟ نیه چهره ک کبی قره خبر لر له می کلیورسک ؟

« مبارک »

پادشاه کلیور ! ... آلا ی سرای قیوسندن کیردی آلتیش صبری

اوتنه کی اوطه دن ایشید یایور « خارجدن عایک عون الله صدار ی ایشید سکه
 باشلار » ایشته ! ایشته سی بورایه قدر یتشدی شمدی کند ی دد یتیشیر کیمر .

(مهر جهان)

پادشاهی ؟ آه سرورک بو قدر زیاده سیاه کو کلده بو قدر تحمل

اول نماز تاثیر لر حاصل ایدہ جنی بیلمک زدم : کیت عرب قارشیلہ سندہ
 اطرافہ انجولر صاح او قدر صاحکہ ! او سیاه اثرینی نیسان بلوطی
 ظن ایتسونلر ! ... «مبارک چیقار» «کندی کندینہ» کوکلمدہ بوقدر
 حلاجان وارکن انسانک بکزینہ طونوق کلار قدر اولسون طراوت .
 کلزکہ ! ... شمدی چہرہ مہ باقہ جقدہ بنی مزاردن چیقمش ظن
 ایدہ جک بوخفقانلر نہ در ؟ ... آہ فاک بریجسارہ بی اتکنجہ سی
 آلتندہ ازوبدہ اکلنہ جک زمان بولدی یا ... تیزکچمسون دیہ سینہ مدہ
 انقاس ۴ ریمی دوکومار باغلیور «طیشاریدہ کیتدکجہ سس زیادہ اشیر»
 کلیور یاقلاشیور ! ... های بوچارپنتی نہ در شمدی باییلہ جغم ! ...
 هلاک اولہ جغمدہ جمالنی بردقیقہ جق اولسون طویہ . طویہ کورمک
 نصیب اولیہ جق مردیواندن چیقدی عجبا اوطیہ کیردیکی وقت
 آیاقلرینہ می قیانسہم ؟ دلی ! ... کندینی مسخرہ ایدہ جکدہ مرحمت
 یرینہ استہزالر حقارتار کورہ جک یر فاک ! ... عربوزماندن عبارت
 ایسہ ینہ یر ! ... طاقتم ! ... «قیونک پردہ سی آچیلیر خادم
 آغالری جاریہ لر بخور دان ، شہمدان چکەرک اوطویہ کیرر دیزیلر لر
 مہر جہان اللریاہ صاحارینی دوزلتہرک استقبالہ شتاب ایدر . جلال الدین
 قیودن ایچرو کیروبدہ مہر جہانی کوردیکی کبی کمال حیرت وتلاشلہ
 کری چکلیمک ایستہرک فقط کندینی طوپالایہرق «کندی کندینہ»
 نیرہ ! نیرہ آخرتدن بورالرہ قدر بندن انتقامکی آلمغہ می کلدک ؟ ...

پردہ اینر

پرده

۸

{ بر واسع صحرا ده بر چادر . هوا غایت قرا کلتنی }
 { آره صره کوک کورلنیدری ایشیدیلیر - شمشکلر چاقار }

« بو حال پرده بیتنجیه قدر دوام ایدر »

برنجی مجاس

مهر جهان — زاهده

(مهر جهان)

والده جکم ! بیلیم حکمتی نه در ؟ جلا لم بنی کوردکجه مزار
 کورمش کبی اولیور چهره سینه بر حزن حالنه بر دهشت چو کیور
 کوزارنده کی ضیالار ، دوداقلارنده کی تبسمار بتون بتون مخو اولوب
 کیدیور ! ... انکار ایتم کوردیکم رعایتار حدمدن پک زیاده در .
 فقط اخروی بر شیئه حرمت ایدر کبی چکینه رک کوزلری طولهرق
 رعایت ! ... بن آنی روح کبی کنجاک کبی سویورم یانه واردقجه
 وجودم بر مجسم حیات ، کوکام بر جانلی طراوت کسلیور . اوبکا
 هسته اکلندیرمه چالیشیر کبی کریه قدر حزن تبسمار له یتیمه تسلی
 ویرر کبی ! آه قدر مؤثر تلطیفار له مقابله ایدیور . آه ممکن اولسه ده
 کوکلنه باقه بیلسم ده ایچنده کی اسراری کورسم !

(زاهده)

صاقین قزم ! صاقین قزم ! اوچوریمه باقق انسانک کوزینی
 قرار تیر بادشاهک کوکلنی فاک اوقدر درین ، اوقدر واسع بر
 اوجورمه بکرتمشدرکه قوجه بر عالمی هر درلو احوالیله برابر استیماب
 ایدیور اسرارینی اکلامق ایستمه . کوکلنده آره صره پیدا اولان

تبسملردن استفادیه چالیش اوچورومه باقه ، کنارلرینی تزیین ایدن کوزل
کوزل چیچکاری طوپلامقاه قناعت ایت ایکی کوزم « شمشک چاقار »
« مهر جهان »

اونه ایدی ؟ قارشیده نه کورینیور ؟ تپلردن قانمی یاغیور ؟

(زاهده)

تپه دکل قزم ؟ کلاه ییغنتیلری تاتار عسکری اوغرامشده کذرانندن
نشانه برائش باق شو اووه جفک حالنی کورمکله وجود کده نه قدر قان
وارسه قلبنه طوپلانندی . چهره ک اولورنکی باغلادی . بوقدر رقتکله جلال
الدینک کوکلنه نصل باقه جقتسک ! سکاقاچ کرده قاچ درلوتعریف ایتمشیدم ! ...
ایکی کوزم دنیانک یاریسی انسان کلاه سندن یاپنه یخه بیک قناه لرله طوماش ! ...
هر طرفده آتش طوفانلری قاینایور او قدر اشکال بلانک برعینی ده جلالک
قابنده در . دنیاده نه قدر مصائب وارسه جماله سنی بر نقطه یه طوپلانمش
کورمک ایسترمیسک ؟ بیچاره پادشاه نصل شن اولسون نصل طاتلی سوزلرنده
آه تأثیری نازک تبسملرنده کریه حزنی کورنمسون ! کونده یوز بیکارله
نفوس هلاک آلام عالم تضییق ایدجک وجود بوله میورده هپ بر یرده
طوپلانایور آنک محزون کوکلنه هجوم ایدیور ! ... بر آدم هم قوجه
دنیانک مصائبیه ازیلیرده هم ینه نصل کولر ؟ نصل اکئیر ؟ ...

(مهر جهان)

دکل ! ... دکل ! ... ایکی کوزم والده جکم جلالده کوردیکم حاللر
دنیا غمی دکل بکا مخصوص بر سری ، بکامنحصر بر کدیری وار ! ... بنی
کوردیکه حیات عالمندن چیقیور . دنیادن خارج برشی کورمش کبی اولیور
البتده کوکلنک حالنی سندن صاقلاما ز غیاث الدینک باشی ایچون اولسون ،
صور ، صورده بنی سو میورسه بندن برحالم بر فاعلم ایچون نفرت ایدیورسه

خبر ویر ! ... ذاتی بن جلالک نظرندن دوشدیکمی اوکرندیکم دقیقه ده
اولورم جان چکشمکه بیه حاجت قالماسز جهنمدن برروح قورتارمش
اولورسک دنیا جهنمدن خدا بیلیر کوکملک چکدیک ادا عذاب آخرتدن
خفیف دکادر .

(زاهده)

پادشاهک سکا مخصوص محبتدن بشقه برسری اولمدیغنه امین اول
قزم ! کوکلی دولتک ایشنه وقف ایسه حسنک تأثیراتندن بتون بتون
بری قالمی قابیلدر ؟ نظری دنیانک حالنه مسروف اولغاه کونشی ده می
کورمن صورارم ایکی کوزم لسانندن ایشتدیکم لاقردیلری بربررسویلرم
اوزمان سن ده بنم قدر اطمئنان کتیررسک ! کوکل لسان عشقی پک کوزل
اکلار دکلی ؟

ایکینجی مجلس

اولکیلر — برجاریه

« مهر جهان »

« جاریه یه » ندر اوقز چاغریله دن نیچون کلیرده تعجیزایدرسک ؟

« جاریه »

افندمن تشریف ایده جکارده آنی خبر ویرمکه کلشیدم .

(مهر جهان)

افندمزی کلپور ؟ « زاهده یه » زماننده تصادف ابتدی والده جکم

لطف ایدرده وعدنده طوررسک یا « جاریه چیتار »

« زاهده »

شمدی لاقردی ایدرم افندیجکم ! ... نیچون کندی ذوقنی ، رفاغکی

واهمه که فدا ایدیورسک امین اول که محبت بر جوهر ایسه ضیاسی امنیت ،
عشق بر حیات ایتسه سعادت اطمیناندر نر به کیدیورسک یا ؟

« مهرجهان »

کندیسی ایاه لاقردی ایتیه جکمیسکنر ؟

« زاهده »

سن بوراده بولنورسهک لاقردی به مانعمی اولورسک ؟

« مهرجهان »

یوق بن بوراده بولنیه یم . آغزندن حقیقه جتی بر لاقردینک نتیجه سنی
بکلمک ایچون هر ثانیه ده بر اولوم عذاب کچیرمکه طاقت کتیره یم . هم
بلکه بنم یانمده حقیقتی سویلنر . سویاسمده کوکلم تسلی به حمل ایدر .

« زاهده »

سن بیلورسک ایکی کوزم . الله عشقنه مراق ایتیه یانندن
قورتلدیغم کبی سکا خبر کتیر یرم هیچ کتیره جکم خبرلر کندی مامولدن
بیاه خیرلی اوله جفنه امین اولسم سکا بوقدر قوتلی سوز ویررمی یم ؟
برقادین محبت ایشلرنده کندی کندی آلدانه بیلیر . فقط جکر پاره سنی
آلداتمه قیه مز جکر پاره دکلسمک ؟ کرچکدن قزم اولسهک عندمده
دها قیمتلی می اولوردک صانیرسک ؟ بن سنی یکی کوردیکم زمان
طاطلیقده سویشده ، سودیریشده ، حتی کولوشده ، آغلایشده یکی
طوغش برملکدن فرقنی بوله مامشدم وجودمدن آیرلدهکسه روحه
یا پشدک کل ! کوکلر سروری قزم ! قوجاغه کل ید قدرتدن هنوز
حیقه مش روحلر قدر لطافتلی مالکم !

« مهرجهان »

یاربنی ! بوقدر شفقتلی بر قلبک اوزرنده روحی قبض ایتسه کده

بکا آخرت یوللارینی بر مسرت ایچنده کچیرسهک نه اولور !

(زاهده)

مهرجهان ! غالبا چکدیکک اذیتاره برلنت بولیور سک ، تردد
زمانی ممکن اولدینی قدر اوزاتق ایستیور سک که بنی ده کندک کبی
کدرلر التنده ازه جکسک کیت ایکی کوزم . الله عشقنه سودیکنک باشیچون
ذهنده کی اندیشه لری دفع ایتکه چالیش بن ده شمدی کلیریشیرم .

(مهرجهان)

نیچون اولیه یمینار ویریورسکز ؟ اندیشه می دفع ایتکه مقدر می یم که
دفع ایدیم ؟ چالیشمق فائدویرر می که چالیشیم ؟ کیدیورم والد جکم !
کیدیورم افندم بکی بکلمه جهنمه کیده جک اولسه قائل اولورم تک
بو عذاب ایچنده بکلمه .

(زاهده)

بکلمه قزم ! ممکن اولدینی قدر بکاتمکه چالیشیرم ایکی کوزم
هر لاقردک قلبمک بر بارچه سنی قویاریور . روحک بر قوتنی ازالدیور
« مهرجهان چیقار » بیچاره قزباشدن اشاغی به قدر کوکل کسيلمش
نورایه تفدی ایدن چیچکار کبی پالکز محبتله بشایور ! شمدی به قدر
هیچده دقت ایتامشدم عجب زوالی مهرجهانی بو قدر تالاشه دوشورن
النفاسزلق دکلدردده کرچکدن بر صغوقلقمی وار ؟ التئات نقصانی ایسه
سببنی دوشونمکه حاجت یوق . جلالک کوکلکی اسلام ملکنندن
آیروبدده سراینه حبس ایتکه جنکیز ! جنکیز دکل فاک بیله مقتدر
اوله میور . کوزینک اوکنده مهرجهان کبی ضیاسی دنیایی قاشدیرمغه
کافی بر نور مجسم طورر . اوینه نظارینی ییقلمش بر کلبه به یاخود یاییله جق
یر مزاره چویرر بوزکله اکلمز . آنکله مخزون اولور هر ایملکی

کندیلکندن کلیور هر قذافی زورله یاپیلاور ظن ایدر. وجوده سیاتک دفعنه
 حصر ایتش محاسندن استفاده ایتک خاطرینه کلمز نفس ایچون یرادلش
 بوکون پادشاهدر عالمی راحتی ایچون خدمتکار ایتک النده ایکن عالمک
 راحته خدمت ایتکدن بشقه پادشاهلغک برحالی بیامیور. مهرجهان
 او حالاری نصل ذهنکه صیغدیرسون؟ پادشاهک هرکسه خدمتی
 کندندن نفرت ظن ایدر بلکه دنیایی جلالیدن جلالی دنیادن قصه قانیر
 بودنیاده ایکی آرشون بر مزار یرینه بیاه یالکز باشنه مالک اولمق کیمسه یه
 نصیب اولماش ایکن جلالک کوکلی کبی عالمردن بیوک عالمه شریکیز!
 رقیبسن مالک اولمق ایسترم. بو حسیاتک هپنی اکلارم. فقط بنم
 ظنماه او بیچاره نیک تحمینی هیچ بر یرینه بکزه میور جلال نیچون
 کندینه صغوق طورسک، هله نیچون مهرجهانی کوردکجه حالنه برقات
 دهها صغوقلق کلسون... سومدی... یاخود آنک وقعه سندن متأثر
 اولدی یاخود... خیر احتمالی یوق جلال ریا نقابی قوللانمز اک
 محجوبی اوله جفی بر حال ایله محشر دیوانه کوندرسه لیرینه اللری
 یوزینه قیامز. بن آتی قولای اکلارم! جلالک او مجوهر آیدنه لری
 آندیران سیالری برکزه باقلدینی کبی ایچنده نه اولسه کورینور!...
 بنکی اولسه... آه اوجانی اوزرنده ایکن مزاره کیرمش میت کیدر!
 سوزلرینی یالکز منکرین اکلار او اولو طوغش چو جغه بکزر سرنی
 اللهدن بشقه کیمسه اکلایه ماز.

اوچنچی مجلس

زاهده — جلال الدین

(جلال الدین)

یالکز می ایدیکز والده؟

« زاهده »

دکلم پادشاهم ! ملکه یانده ایدی افندمزك تشریفنی ایشته دی ده
دائرسنه چکلدی .

(جلال‌الدین)

نیچون بندنمی قاجیور ؟

« زاهده »

استغفرالله ! پادشاهم ! ... کندیا به بولندی فکز زمان حالکنزده بر
طور غنلق حس ایدیورم شده افندمزی تعجیز ایتمکن چکندی .

(جلال‌الدین)

آه ! ...

« زاهده »

آنک طور غونلق خلن ایتدیکی شیء مشغولیت حالی اولدیننی دینم
دوندیکی قدر سویلدم بر درلو اکلا ته دم . معاوم شاهانه کزدرکه محبتاه
وسوسه یاپیشیق طوغش چو چقدر کبی بر برندن آریا به ماز .

(جلال‌الدین)

بیچاره قالدین ! کندیده ، خوی ده شوقانی عمراچنده بنم کبی برفانی
انسانی دکل حیات ابدیه سندن برملکی بختیار ایده جک قدر کوزل لکن
نه فائده سی وار ؟

(زاهده)

جاریه کزی هیچ او ممدینم بر اندیشه به دوشور دیکز . مهر جهانک تصویر
ایتدیکی صوغو قلق ، واهمه سندن عبارت دکلمده کر چکدن موجودمی پادشاهم ؟

« جلال‌الدین »

صوغو قلق دکل بشقه بر حال ! ... بشقه بر ابتلا .

﴿ زاهده ﴾

حقیقی صورارسم حدی تجاوزمی ایتمش اولورم ؟

« جلال الدین »

نه دن تجاوز اولسون : وجودی رحمتدن قوپاروبده بوفنا
طوپر افلرد آتان قالدین دنیاده یوق که حامی آکا سویلیهیم . کوکل
تأثیراته اشتراک ایدجک برارزداش بوله مزسه چکدیکی تضیقتک آلتندد
پک فنا ازلیلیور .

« زاهده »

کاشکی پادشاهمه کن هر بار المی بزله تحمیل بیورده بیلسه کزده
انسانیته اسلامیته کرچکدن الزم اولان وجود هایونکیز برآز راحت
ایتسه : نه در پادشاهم مهرجهان کوکلکزد نه درلو تأثرلر نه درلو اثر
ویر بیور .

﴿ جلال الدین ﴾

بیچاره نیره نی برکره کورمش اولسه کنز ایدی بوسؤانه هیچ حاجت
قالزدی .

« زاهده »

مرحومه کوزللكچه حدامكانك منتهاسنده بولتمش اولسه ینه بوندن
پک فرقلی اوله من ظن ایدهرم انسان دکل صانکه مهتاب در یاسنک
کوپکارندن یرادلش برمالك دها نه قدر حس اولور پادشاهم !

﴿ جلال الدین ﴾

حیفاکه پک کوزل !... تصویره صیغیه جق قدر کوزل نیره کبی
کوزل هیچ فرق یوقده آنک ایچون بوبلالر میدانه کلیور .

« زاهده »

نصل پادشاهم !

﴿ جلال الدین ﴾

دنیاده انسان انسانه بوقدر مشابه یرادیاه جغنه هیچ امکان ویرمزدوم.
 ساده اندامی اطواری دکل چهره سنده کی اوفق بکاردن دوداقلرنده
 اک حقیف تبسماره قدر عینله تمامیه اوته کنه بکزه یور . یالکز بونک
 صاچلرنده بر خفیف صاریلق اثری وارکه او برنده یوقدی . آکاده
 باقدقه نیرم ! اوجانمدن عزیزبیلیر ایکن یکر می ایکی سنه لک قیمتلی جاننه
 قیدیم نیرم آخرتدن کیری کلدیکنی ایجه اثبات ایچون مزارینک
 توزلریله کز یور صانیورم . والده والده !... انسان کندی الیه تلف
 ایتدیکی معشوقه سنک حیل مجسمی دائما قارشوسنده کوررده کوکلنده
 مسرت ، چهره سنده کشایش قالور می ؟ ملکه یانمده بولدقه
 دنیاده مییم آخرتده مییم ؟ فرق ایدمه یورم . نیره دنیادن کیتدی
 کیده لی نظر مده یتاغک مزاردن فرقی یوق ایدی . شمدی برده
 کنیدی هر کیجه اولوقوجاغنده ظن ایدیورم یالکز بر کره جک کوزینک
 اوکنده کزر ، یوزینه قارشو لاقردی سویلر بر میت کورمک دنیاده اک
 زیاده قوت قلبه مالاک اولان قهرمانلرک عقلنی ازاله یه کفایت ایدر
 خیالده منظرده هر دقیقه اولیه بر تماشای هائل بولورسه آکا
 تحمل می اولنور ؟ ... باق لقر دیسیله نه حاله کلدیم تو یلرم نه قدر
 اورپردی . وجودم نصل لرزه ایچنده قالدی بن آکاده تحمل ایدم .
 اولولر دکل اولوم جانلانسده قارشومه کسه یه تو یلرم اورپرمن . یه
 وجودم ترمز . لکن آه دنیاده یولنه جان ویرمکدن بیوک بر دولت
 کوره مدیکم « نیره » بی تلف ایتدمده کنیدی برخنچرده شو مصیبت
 عالمندن قور تارمغه الم وارمیور حیاتک سعادتتی مخو ایتکه محبورم .
 وظیفه بنی او سعادتسز حیاتک عذابندن قور تلما مغه ده اجبار ایدیور

فلک بکایتدیکی اشا کنجه لرن اکلنمکی او قدر مراق ایتمش که : جهنمک دیوارینه جنان باغارینک رسمنی یاپار کبی کوزیمک اوکنده دایما فوت اولان سعادتی اخطار ایده جک بر وجود کز ویریور .
(زاهده)

جناب حق ! او قدر سودیککز ، ضایع ایتدیککز خیات ابدیدن محروم اولمش قدر متأسف اولدیفککز معشوقه کزک عینی عیننه بدانی کوندرمش . منتون اولدیفککز تمثال حسنی ایکی کره وجوده کتیرمش . فلک بو قدر بیوک بر مساعده سنی ده دفعی محال بر مصیبت کبی قبول ایتمک روامیدر ؟

(جلال الدین)

والده ! .. والده ؟ ... نیره نک صولمش اونازین وجودی کندی الله تسلیم ایتدیکم طوپراقلر ایچنده کیم بیلیر نه حاله ککشدیر ؟ بونک جمالنه باقدیجه آنک کوکلندن اولان خیالی استیلا ایدیور ده بونک هر شیوه سی ، هر طورینی ، اوپری طرفدن بر مجسم سرزنش حکمنده کوستریور . کویا بونک نظری نیره لسان حالی اولمشده یوزیمه باقدیجه « ظالم بکا محبتک اولدیرنجیه قدرمی ایدی ؟ یریمه بر بشتقه سنی کتیرمک ایچونمی بنی بر معصوم جکر پاره ماله برابر فنا سیلابه لرینه اتیوردرک » دیه تعریضلر ایدیور اطرافنده کی هوایی مظلوم قانسک تیخرندن حاصل اولمش صانیورمده آلدیغم نفسدن استکراه ایدیورم بیام نیجون کوزیمک تصادف ایتدیکی ییلدیزلر حیرتندن اریوبده قیزغین معدن کبی باشمه دوکولیور ؟ ... بيلم نصل آیانمک باصدیغی طوپراقلر دهشتبدن یاریلوبده بنی اسفل سافاینه چکمپورنه غلیظ خلقتم وارمش که یشامق بیله هلاکمی موجب اولیور نه قدر شایان نفرت

اولشم که اولوم بیه یانمه یاقلاشمق ایستمیور .

(زاهده)

پادشاهم ! ...

(جلال‌الدین)

یادیمعی دوشونمیورمیسک ؟ جلادلرده تاتارلرده بویورک اولماز .
الله یولنه اک بیوک اک صوک فداکارلق اولمق اوزره روح ثانی بیادیکنک
بر وجودی تلف ایت صکره یرینه بشقه سنی آل صانکه یره سنی سومیوردی
ظالم ! .. صانکه تبریزی المامش اولسه ک اللهک دنیاسنی شیطانلر غضب
ایدردی ؟ ... بدبخت ! ...

(زاهده)

تقدیرده مانععی اوله بیاورسکمز ؟ اولان ایشاری ایستبرکمی یادیکمز
پجاره مهر جهان سزی اوله سی به سودیکچون یأس ایچنده تلف ایتک
لایقمی پادشاهم ! ...

(جلال‌الدین)

او بیچاره نك هیچ قباحتی ، هیچ برشیده مدخلی یوق ! بن
المدن کلدیکی قدر کوکله غلبه ایتکه چالیشیرم . ممکن اولدیغی قدر
اندیشدسنی ، واهمه سنی دفع ایدرم . مراق ایتمه وائده . فدکک آلتی
بیك ییالق عالم انسانیت ایچنده بکا مخصوص اولمق ایچون بیك درلو
اعتنالره میدان کتیردیکی بر بلایه ضعیفه بر قادینی حصه دار ایتک بنمده
فک قدر انصافمز اولماغمه توقی ایدر .

— زاهده —

الله کوکله کزده نه قدر الم وار ایسه جمله سنی دنیانت اک بیوک
مسر تارینه تحویل ایتسون پادشاهم !

دردنجی مجلس

اولکیر — بر جاریہ

﴿ جاریہ ﴾

قیونک اوکنده بر بندہ کز وار. مطلق افندمزی کورمک ایستور.

« جلال الدین »

کیمدر ؟

— اورخان —

« طیش-اریدن » قولکزم پادشاهم ! عرض اولنمسی الزم بر وقعه
ظهور ایتدیده آنک ایچون تعجیز ایدیورم -

« جلال الدین »

« زاهدیه » کیت والدہ جکم ملکہ ینہ ممکن اولدینی قدر تسلی
ویر بندہ المدن کلانی پیارم . امین اول .

﴿ زاهده ﴾

« چیقارکن » بیچارہ قالدین دنیاہہ تسلی کبی جائز صایلمش یلانلرله
یشایہ جق قدرده بختسز ایمش « زاهده جاریہ ایله چیقار »

بشنجی مجلس

جلال الدین — اورخان

﴿ جلال الدین ﴾

اورخان ! ایچری کل بقالم ! بووقتده بکا سویلنمسی لازم
اولہ جق نہ ایش ظهور ایتدی !

— اورخان —

پادشاهم ! قولکز بر وقت مصیبت پیام آورلکنده بولنمق ایستدم

نہ پیام کہ وظیفہ مجبور ایدیور۔ برادر یکز شمدی ملک نصرتی آوردی
نہ امریکز اولور۔

« جلال الدین »

غیاث الدین ، ملک نصرتی آوردی ؟ های تپہ سنہ الہک یوز یک
غضب یلدریمی بردن اورسون ۔ قلیجی مسلمان وجودندہ تجربہ
ایدیور ۔ جنکیز عسکر لکنہ یلینور اویامی ؟ بنمہ قرداشم اولہ جق !
نسان بویلہ برعائلہ ایچندہ بار اولدینی دوشندکجہ نیچون کوپک یاخود
عقرب جنسندن کلدم دیہ تأسف ایدیور کوپک خصم قارشوسندہ
ایکن ارقداشنی ایصیرمز عقرب جنسنی صوقوبدہ سائر مخلوقات
سویندیرمز ! نہ وقت آوردی نصرت وفات ایتدیمی ؟ قاتل نہ دہ ؟ ..

« اورخان »

شمدی آوردی پادشاهم ! ملک دہا وفات ایتدی فقط حیاتندزدہ
امید یوق کبی کورینیور ۔ شہزادہ چادیرک خارچندہ طولاشیور ۔
غفوینی استرحام ایچون فرمان ہایونکزہ انتظار ایدیور ۔

« جلال الدین »

دوکلدیکی قانک بولاشغی اندہ ایکن بنم یانمہ می کلہ جک ؟ ینہ می غفو
ایتدیرہ جک نصل حجابندن اریووبدہ دنیای وجودینک ثقلتندن
قور تارہ یور نصل قور قوسندن یرہ کچوبدہ جہنمہ برآدیم دہا
یا قلاشمیور ؟ ...

آلتنجی مجالس

اولکیار — غیاث الدین

« جلال الدین »

« غیاث الدینہ » کل بقالم ! ... انسان نساندن کلش قانلی جنوار ! ..

کل بقالم !... سن سلطنت سرایندن بیومش حیدود !... کل بقالم !...
 قاتلر پادشاهی ! کیمسه دن اوتانمزه ک باری اللهندن می قورقدک ؟
 « شدتله کؤک کورلر . متعاقباً برکورلای دها پیدا اولور » اودهشتلی
 کورلای نهدر ! جناب حق باشمزه طاشمی یاغدیریور ؟
 (اورخان)

« قیودن طیشاری باقدرق » کله تپه لرینک برینی ییلدیرم دویردی
 پادشاهم !

— جلال الدین —

ای آتش قهر ! شهید کیکلرندن نه ایسترسک بوراده وجودلر
 وازکه سن دکل هیئتیه جهنم باشلرینه ییقا سه ینه ایتدکلرینه جزای
 تام اولماز « غیاثه » نه اولیه غیا طاشلرندن یایلمش پت کبی قورقنج ،
 قورقنج صوصوب طور ییورسک سویلسه ک آشو ایتدی کک نهدر ؟
 « غیاث الدین »

پادشاهم ! نه سویلیهیم ؟ بر معذرتیم یوق که عرض ایدیم .
 سرخوشلق حالیه بر قضا در المان چیقدی در حال آییدم او آنده ایتدی ککه
 حتی دنیا به کادی ککه . پشیان اولدم . نه پیایم که اعاده مافات ممکن دکل
 غفوکزه التجا ایدرم .

(جلال الدین)

شو ادب سزه باق برکناشنی بر بشقه جنایتدن عذر مقامنده بیان
 ایتکندن ده حجاب ایتیمور عشرت هرکسه حرام اولنجه سن طبیعتده
 اولان آلچقلره کفر منزه سنی بولور . نه یوزله غفو ایستیورسک فصل
 اوتانمده دن قاتل ککی سرخوشاغه اسناد ایدوبده نی الداتغه چالیشیورسک !.
 حیاته قیدیغک بیچاره تبریز پیشکاهنده بر سپاهی ایچون ایتدی کک

معامله‌ار بزم يانمژده دكليدى ؟ سن عمر ك اولدقجه بر كينكى، بر غيظكى،
اونو تميزسكده هر كس سنك هر فعلنى هر ادب سزلكنى اونو ديورمى ظن
ايدرسك ؟ آنكه بولاشان لكينى طمارلرنده كى قان ايله سياه جكم .
آخريته كوندرديكك شهيدك سكا دنباده مزارينى كو سترميه جكم اكلا-
يورميسك شهزاده لكه كو كنيورسك دكلى ؟ خوارزم شاه نسلندن
كلنلر قان ايچر ظن ايدسيورسك اويله مى ؟ شهزاده لك قدر يوكسك
بر مرتبه دن قانلك قدر آلچق بر دركه يه آتيلانلرك وجودى قاچ بيك
يارچه اولورمش بن سكا اوكره ديرم . سنى الموت حشاشلرينك تانارجلاد-
لرينك خاطرينه كلكدك اذيتلرله كبرده عيده دنيايه تاقيا مت كونه دك دهشت ويره
جك بر عبرت براقه يم آلچق ! كوزكله كورمشدك كه ملك نصرتك كرجستان
غو غارنده دينه دولته ايتديكى خدمتلىر براردودن زياده ايدى يالكز باشنه فرقهلر
طاغندي بر قاچ ارقداشاه قلعه لرضبط ايتدى بر قاچ يوز كشيلا اردولر بوزدى.
بر قاچ بيك عسكرله ممالكتر آلفه موفى اولدى ييلارچه دشمن قارشوسنده
مهالكدن مهالكه جان آتوب طورر كن اجل وجودينه طوقونغه
قيمدى ده سن نصل ماتنى بر طوموز كينى بر قپلان غضبيله اويله بر
قهرماندن محروم ايتدك . اسلامك اك متين قلعه سنى ييقدك خائن . بشنى
طاشلرله دوكه دوكه ازه جكم ، بينكى طوپراقلره ايچيره جكم . دينتاك
جوهرلى بر قاچنى قيردك ملعون ! اتلرينى قيزغين جينبزلرله چكه چكه
قوپاره جنم پارچه لرني كويكلره يديره جكم . چكديكك اذيتلردن
قورتلحق ايچون جهنمه جان آته جقسكده كيمكه يول بوله ميه جتمست .

(غياث الدين)

پادشاهم ! مرحمت ! ... مرحمت ! ...

« جلال الدين »

شوقانك آده اولدير ركن هيچ مرحمت خاطرينه كتير ميو بده كنديني
قور تارمق ايچون مرحمتدن بحث ايتديكني كوردجكه كنديمي هلاك
ايدجكم ؟ بنده بروجودك قانلي اوله جغم . سن شمدي زندان ايچنه ،
زنجيرلر آلتنه ، عقر بار آره سنه جالدرالنه كي رده مرحمتي كوردسك .

يدنجي مجلس

اولكيز — زاهده — مهر جهان

« زاهده »

« بر چادر اورتونمش وكندي كي اورتولي مهر جهاني الندي
طوتمش اولديغي حالده كي درك » كل قيزم ! ايكي قادين برلشيره هر
حساريني ميدانه قورلر سه فاك جانسز مخاوقاتي كوكلسز مصنوعاتده
رحمه كتوررلر .

(مهر جهان)

كليورم والده جكم ! « كندي كندينه » « ياربي ! ... ياربي ! ...
نه مصيبتلي بر زمانده نه آجينه جق بر حالده يركه كي مدن درديمه چاره
ايسته سم آنك بندين چاره آره يه جق دها بيوك بر دردي ميدانه چيقيور .

« جلال الدين »

سز نرودن پيدا اولديكنز ؟ بوند نصيكره قادين مشاورده سي قادين
امري ايله مي ايش كوره جكنز .

« زاهده »

حاشا پادشاهم ! مشاورده دكل ! امر هيچ دكل ! استرحام
نياز . بن والديم پادشاهم ! مبارك اياقلىركزه قيانوبده اغلايه جغم او قدر
آغلا جغم كه ياقلب كزه تاثير ايدجك بكا مرحمت پوره جقمسكنز .
ياكوزلر مده بر طماه ياش وجود مده بر قطره قان قالميه جق نيازيمه امداد

ایچون برده ملک کتیردم . هلاک نرہیہ کیدرسہ اوزرینہ رحمتلریاغدیغنی ده دوشوندمده آنک ایچون کتیردم « یرم قپانه رق » او ککیزده طوپراقلرد سوردیکم چهره مه آياغکزلہ اوررده کوزلریمک یاشنی قان ایله اورترمیسکز ؟ یاوریسنی اولومدن قورتارمقی ایچون سورینوب کلان ییلانلرک بیله بی رحمانه یاشنی ازمک مردلک شانہ یافشماز . بن واندیم پادشاهم وجودمدن قوپمش جانمدن آیرلمش بر وجودک حیاتی ایستیورم ایکی مخلوقک بری قباحتملی اولمغه ایکیسنک بردن جانہ قیامیسک ؟ اوغلم آخرته کیدرسہ بن ده برابر کیده جکم پادشاهم ! نم ایسه آنک دنیایه کلمنه سبب اولمقدن بشقه دنیاده برقباحتم اولمادیغنی بیلیرسکز . آه جکر پاره اولوم مخاطرمسنده کوردکجه هر دقیقه عذاب ابدی قدر اذیت چکیورم .

« جلال الدین »

والده . بندن نه ایستدیککزی نه تکلیف ایندیککزی بیلمیورمیسکز ؟

(زاهده)

بیلمیورم پادشاهم اوغلم اولوم مخاطرمسنده آندن بشقه دنیاده هیچ برشی بیلمیورم هیچ برشی بیلیمکه کندمده اقتدار کورمیورم پادشاهم کوزلریکزی بشقه طرفه چویریمک بر بیچاره والده بی اوغلی ایچون آغلامدن جکر پاره سنک حیاتی ایچون مرحمت نیاز ایتمکدن حاشا شریعت ، جنکیزبیلہ منع ایده من والدهلک نه در بیلمزسکز ؟ پادشاهم بن اکر غیاث طوغدیغنی زمان کوزلرینک برنجی آچیلیدشنده کی جاذبه لری دوداقلرینک برنجی تبسمنده کی لطافتی کورمسیدم وجودی وجودمدن آیرلادیغنی ایچون کوزمدن او آنده هلاک اولوردم ! اولاد محبتی ، اولاد آجیسی فصل اولور بیلمزسکز ! اوت بیلیرسکز . بر جکر پاره کز

وار ایدی مقصدیکیزه فدا ایتدیکز حضرت ابراهیم کبی اللهه قربان
 ویردیکز مردسکز ارککسکز مقتدر اولیورسکز یاپیورسکز بزنه عیقز
 عاجز یاپه میز المزدن کلز ؟ پادشاهم اللهه بیه اویاه امتحانلره پدرلری
 اوغرا دیور. والدلری دکل!... جلال... جلال... جمال الله حرمتنه
 حالمه مرحمت ایت باقسهك آهذیانلر سه ویلیورم بر قاتلی عدالتندن
 قورتارمق ایچون اللهك الك سوکیلی الك منتخب قوللرینی لسانه آلمغه قدر
 جسارت ایدیورم یوق!... یوق اقتدار المده دکل غیاث کندی کبی
 بنی ده ملعون ایدهك «باشنی جلاله طوغری چو یروب پرمغیله قارشی
 طرفده بولنان غیاثه اشارت ایدرک» قاتنك شوراده اولدیغنی بلیورم.
 او طرفه باقیدیم کبی دوکدیکی قانك لکسی کوزلریمی بولاشدیرر ديه
 قورقیورم ده باشمی چویرمیورم ینه کوکلم آتک یرینه آخرتدهکی
 عذابی ده بن چکیم دیور. قوجاغنده یاتدینی زمان بر طماه قان پیدا
 ایتک ایچون وجودمك بتون قوتی امیدکی کبی شمیدی ده بردقیقه
 یشامق ایچون حمیمی بتون بتون المدن آلمنی ایستیورم. روحندن
 قوپمش وجودمندن آیرلمش، آیرلینی زمان وارلغمی ده برابرکتور.
 مش نه قدر امیدم وارسه آنی ده تجسم ایتش قرق ایکی ییالق عمرمك
 هر درلو لذتی بردقیقهده المدن آوبده وجودیمی جائه بر مأیوسیت
 زندانی برادیت مزاری ایتمه نصل قیه جقسك ؟... آه جلال سنك
 کوکلك نور شفقندن مخلوق ایدی شعله کبی بر آه ایله ترمه مکه باشلادی
 شمیدی نه دن بویله طوندی طاش کسادی ده بوقدر فریادلرم تأثیر ایتیور
 یاربی ! نه سویلیهیم ؟.. یاربی !... یاربی... کوکلمدهکی خزنك بر
 ذره سنی اولسون لسانه احسان ایتزمیسك ؟ بردقیقهده دوشونمی
 وجودمده هر نه وارایسه ایتمه کوزیاشنه تحویل ایتمه کافی اولان بلال

بونلرک ساعتلرجه کوزلری اوکده طولاشیورده ینه چهرلرینک
 قاتیلغی کیتیمور قابلرینک یوزی چوزولمور پادشاهم ...! اوغامک
 حیاتی سزدن ایسترم پادشاهم ...! پادشاهم ...! مرحمت ایت باری بنی
 برساعت اول اولدیرده آنک تلف اوله جفنی دوشونمکدن قورتیایم
 «مهرجهانه» قیزم سن ده کوزلرینک اوکنده برانا قابنک پارچه پارچه
 اولدیغنی کوزیورسک رحم ایتمورمیسک؟ ... امدادیعه کامیورمیسک؟
 یاربى! .. یاربى! .. اوزریعه کوکدن نه قدر لعنتلر یاغیورکه ملائکه
 رحمت بیله حاله آچیمور. آه آوجیلر! ... اودنیاده جان یاققندن
 بیوک اککنجه بوله میان آوجیلر برتالکی برقورد یاوریسنى بیله آناسنک
 یاننده ایکن اولدیرمکه قییه مزلر. بونلر بر قادینک جکر پاره سنى
 کوزینک اوکنده سوروکلیه سوزوکلیه جلاداوکنه کتوره جکلر اولد.
 یرم جکلر اولدیرمه جکلر «شدته آغلیه رق یرم یقیلیر»

«جلال الدین»

«غیاث الدینه» بکنیورمیسک قابل جنوار شهید ایتدیکنک دین
 قرداشکدن بشقه والدینده کدرلر ایچمده هلاک ایدیورسک سیرایتده
 کدرلر ایچمده اوطییمتک غیظ آلودنده یرادله کورکله کشايشلر کلسون؟
 اوفلک کین منجرتدن ترکیب ازلشمش فطرتک انتحارلر غرق اولسون!
 بیچاره قادین!

«مهر جهان»

«جلالک آياقلرينه قیانه نرق» اقدام جالالم آتی بیچاره لکدن
 قورتارمى الکزده دکلیدر؟ مرحمت بیه رک! ... بونی اولدیروسه کمز
 حیاتی ملک نصرته می کیده جک؟ برجان آنه یغنی زمان برجان باغشلامق

سەنك بىۈكلىكنە يانېشىر مروتلىرىندىر پادىشاھىم آھ بىزقادىنۇز كوكامىزك
 حىسپاتى لىسانىز بىردىلۇ سۈيلىمەنكە دردەمىزى آكالاتەلم يوقا كىلار سىكىز
 پادىشاھىم بىزىم دردەمىزى لىسانىزى تەرىپىدە ئىدەمىز سەھالەمىزى تەسۋىر شو
 بىچارە والدىيە ئافك! ... دىيادە الكىزىن الكىزى سوز آلماي تىجىم ايتىش
 كوزىكەزك او كەندە طۈرىيۈر اوبىرى آدم اولدىر دىسە بوبىد بىختك نە قىباحى
 واردر . بۇكا مەرجەت ايت! ... مەرجەت ايت! .. دىنكەك مەقسەدىنك
 عشقنە ؟ .. اودىن اومتەصد اىچۇن كەندى الكە قىربان ايتىدىكك ايكى
 مقدس شەيدىك طوپراغى حەرمەنە مەرجەت ايت! ...

«جىلال الدىن»

[شەدت ئاثيرىنى كىتمە چايشەرق كەندى كەندىنە] ايكى بىچارەنك بىرى
 اوغلى اولەجى ئائىلەك دىردى ھىلا كىلدىيۈر اوتە كىمە شەمدى كوكەمەك
 ھەر جەمىنى چەرمەن مەزۇر كۈرەجك آنىدە شەمدى بىم ھالەم تەلف
 ايدەجك! ارىف مال صاقلامق عارىت چەرمە قوللانمىق ، انسانە بىشە سەنك
 جىياتىيە بىشامى قەدر كۈچ كىيۈر كەندىمى دىنيە كۈستەرە مەدكە اوزرىمە
 بىرمىزار بىقەلمىش صانىيۈر «مەھر جەھانە» مەلكە : نەدىن كەندى سوزلىرىنى
 اوقۇر كەمىسە ، والدىمەك كۈزەندىن دۈكىلان ياشارى اوقۇر ئاثيرسەز
 قىياس ايدىيۈرسەك دە كوكەمەك الكىزىلى كۈشەلەينە كۈمەكە چالەشەدىم
 بىر طاقم حىسپاتى قارشىدىرىيۈرسەك : ظەن ايدىر مەيسەك كە بىر حەرفى! ... او
 كۈز ياشلىرىنك بىر طاقمەسى بىم اىچۇن دىيادە ھەممەكەك اجراسەنە كەفە
 دىكەدر! ... نە پەيىم؟ ... اللەك دىنياسەندە فرمانىك جەريانە مانەمى اولەيم؟.

«مەھر جەھان»

مەكەمىدەكە بىر جان باغشلامق ھەزرىت ارەم الراھىنىك رىياسەنە

مەغار دۈشەن پادىشاھىم!

«جلال الدين»

مهر جهان اکلامیور میسک؟ بونی بن اولدیرمیه جکم شریعت قصاص
ایده جک بن اللهک قاچنه نصل کوکس ویره یم ده بر قاتلی جزا سندن قور تاره یم
«زاهده»

«شاشقین بر حال ایله» یار بی مرحمت سکا قالدی یار بی: ... یار بی سنکده
قدرتیه مانع اوله جق بر حال بولنماز آ... آمه بو آچیتلغمزله برابر بازگاه
الهی یه ده فریادی تبشیر «ینه آغلیه رق اولدینی یره دوشر»
«مهر جهان»

انامدن امیدینی کسمه قالدین دریای رحمت بر انسان قانی کبی طوکمز
قوریمز که بروالده نک کوزلرندن آقان کریمه نیاز ایله جوشه کلمسون! ...
سکزنجی مجلس

اولکیلر — مالک نصرت — سلیمان — خدیه

[مالک نصرتی بر سجاده ایچنده اولدینی حالد کتیر لر بر طرفی سلیمان]
[طوتار]

(مالک نصرت)

کوتورک پادشاهک یانه کوتورک ده آباغناک اوجنه براقک!
پادشاهم مجروح! بو وضعده طوروشمی مرحمت بیورر ده معذور
طوتار سکزن! ...

«جلال الدين»

نصرت! ... نصرت! ... سنی بو حالرده می کوره جکدم؟

(مالک نصرت)

کچمسه تأسف فائده سبز اولدینیچون کار عاقل دکدر برده
نتیجه سنده افعال الهی به اعتراض چیقار کنیدی بیلدم بیله لی الکیزیده

کوردیکم دشمن سلاحي کنديمه اځ يقين بولديغم اجل ایدی اکثر زمانمی
موتک اځ معروف کذرکاهی اولان یرلرده کچیردم بوکون اولمازسه
برقاچ کون صکره برجریحه ایه عالمک مختندن فورتلمش قولکز ایچون
مقدر ایدی پادشاهم !

« جلال الدین »

آه امین اول سن دشمن قارشیسنده شهید اولمق دولتندن محروم
ایدهنی ده اللهک شریعتی ، معادت ایدیدن زیاده سودیکی حیاتندن
محروم ایدر .

« زاهده »

ایواه بن نه سویلیهیم ؟ ... حیاتندن محروم ابتدکی آدم میدانده
طور یور . اویقاسنه یاپیشوبده آخرته برابر کوتوزه جک .
« ملک نصرت »

پادشاهم ! ملکدنک واهمه سنه تعجب ایتم اولادینک مخاطر دسی
قلبنه برقات دها ضعف ویره بیلور فقط ذات هایونکزدن بنم حقه سده
بویاه بر فکرده بولمغی بر زمان مأمول ایتزدم احتمالی وارمیدرکه نصرت
برجان غائب ایتدیکيچون حضور الهی به کیده جکی وقت دنیاده صوک
ایشی دولتنه صوک خدمتی بر مسلمانانک وخصوصیه اسلامدن بر
شهزاده نک فقدانی ایشتمک اولسون شاهد اولکزرکه بن دنیاده آخرتده
ده شهزاده حضرتلرینه هر حق حلال ایتدم .

« جلال الدین »

نصرت ! ... نصرت ! ... سنی جناب حق هم انسان هم ملکمی یراتمش ؟
« ملک نصرت »

خیر پادشاهم ! عادتاً انسانم . انسانلغه بو قدر جق برفدا کارلانی

یا قیشر مز میسکز . [غیاثه] ولی نعمت زاده م بن سزه بیاهرک هیچ بر
فدلق ایتماشدم فقط بیلیمیه رک صدورایدن افعلام جانکزی صیقارمش
حلال ایتمز میسکز ؟ ایشته دنیادن کیدیورم !
« جلال الدین »

« غیاثه » قلبی لعنت آتشاریمی مخو ایتدی و بلکه شیطان الاریمی
قوپاردی . تجسم ایتمش غیظ مضممر کبی وجودنده بر حرکت کورلیور
آغزندن برلقردی ایشیدلیور جاننه قیدیغک آدم اوزرنده بر حقک
حلال اولمش کبی « حلال اولسون » دیمکه کافر کینک ، ملعون نخوتک
قائل اولیور کوکلنک بو قدر طهارتسز لکنه چار پلمقدنمی قور قیورسک که
اوشهیده یاقلاشه میورسک کیت ؟ ... شرینه زیارت ایدر کبی آیاقارینک
اوجنده یوزینی طوپراقدره سور ؟ ... الله چارپه سی خائن ! المی مردار
وجودیکه طوقوندر مغه نی مجبور ایتمه بر کره یاقه کدن طوتارسه م کندی
رجم اولنه جق ملعونلر کبی بوغازینه قدر طوپراقدر ایچنده کوررسک .
« مالک نصرت »

الله عشقنه بنم ایچون ککوکل قیروبدنه نصرتی آخرته محزون
کوندرمه پادشاهم !

« زاهده »

« غیاثه » آد ! ... شمدی چیلدیره جغمده وجودیمی قوپارد
قوپاره تلف ایده جکم چوجتی بن سنی سودیرینه قانایله می بسلمه
بو قپلان طبیعتی نره دن پیدا ایتدک آجی ! ... آجی نه صیریدیورسک .
شودیوانه یه باق ! کندی نه ده مرحمتی یوق . کندی ایچون هر دقیقه ده
بر اولوم عذابی کچیردیکمه آجیمیور . جاننه قیدیغی آدم بو قدر مروتار
بو قدر التفاتلر ایدیورده دنیاده حیاتی آخرته سعادتنی باغشلیورده

آغزندن برندات حرفی ایکی تشکر کلمه سی بیا جیقمیور غیاث نه
صوصیورسک؟ کوکس نه کوکل یرینه بر آووج مزار طوپراغی آغزینه
دیل یرینه بر پارچه قان پختیسی می قودیار سویلسهك آ؟ ...

« غیاث الدین »

لقردی به میدان ویرمیورسکر طوته لم که! ویرمش اولسه کتر بر
نه سویلیه جگمی بیلور می آنک هر حق بنم اوزرمده بندن ینه حلالق
ایستیور ندامت فائده ویرمز اعاده مافات قابل اولماز که المدن کلانی
یاپه یمده نائل اولدیغم معامله نك بر ذرده سنه اولسون استحقاق کوسترده یم.

« جلال الدین »

« کندی کندینه » ایاغ نك اوجنده اولوم حالنده بر آدم یا تیورده
طبیعتنه ذره قدر هیجان کلیور کندی انسان دکل مزار طاشی کچی
قورقنچ بر مخلوق، سویلدیکی لقردی دکل مزار طاشنه یازمش یازیر
قدر روحسز برشی! ...

طقوزنجی مجلس

اولکیار — نورالدین منشی

« نورالدین »

پادشاهم! شمدی ایلروده کی سواریمزدن آدملر کلدی تاتار
قره غوللری سکر ساعت اردویه یا قلاشد قلرینی خبر ویریورلر.

« اورخان »

بولندیغمز موقع قادر پادشاهم! شمدی اردویی قالدیروب
ایلروده کی تپلرده برلشمز سهك خراب اولورز.

« نورالدین »

امیرلر تاناك ياقلاشدیغنی خبر آلدیلر عسکر چادرلری ییقمغه باشلادی
هرکس حرکت ایچون فرمان هایونکره انتظار ایدیورلر « طبل سسی
ایشیدلمکه باشلار »

« ملك نصرت »

اونه در پادشاهم ؟ اردویی دشمنی باصیور ؟

« جلال‌الدین »

تاتار بوجواره کلیور مشده عسکری قالدیریورز . مقابله سنه
کیده جکر .

(ملك نصرت)

« کسک کسک » بیک شکر اولسون که .. آخر نفسمه
عسکریمزی .. دشمن اوزرینه .. صولتی کورده جکم .. کوزم آرقه مده
قالیه جتی ... حیاتم بویه بر لذت ایچنده ... ختام ویرمکی .. الهک
عنایتندن بیله استرحام ایتمه که .. جسارت ایده مزدوم .. حتی دنیاده ..
او قدر فقط او قدر روحه ... حسارت کتیرر ... بر حسن خاتمه نک ...
موجود اولدیغی ... تصویرمه کلمزدی ... « کتدکجه سسنی ایشتدرمک
ایچون اقدامی زیاده لشدیردک » آه پادشاهم ! الکی ویر ... صاغ‌النی
ویرده .. شو کر جستان حکمدارینی بازوسنک قوتی کوسترمک ...
ایچون صاحب ذوالفقاری آره یه جق قدر قهرمانلغه مغرور اولان
کر جستان ... حکمدارینی بر ضربه ده ایکی پاره ایدن ... صاغ‌الکی
ویرده ... هم اوپهیم ... همده آخرتده .. اسلامک سیف حمیتی ..
هانکی بر عدالتده در دیه سوران اولور ایسه ... اوپله بر غضنفر
مهیک پنجه حلاوتنده ... درکه قیچاق صحرالرنده ... صیده چیقارسه .

اظفارینه بولاشان ... قانی هند دکنزنده .. تطهیر ایدر . غزته
 اوچورومارنده ... فلکه مسابقه قیام ایدر سه ... یورغنلغنی قنقاس
 شاهقه لرنده آلیر ... او پنجه آنک حالا نقشی طودا قارنده . حضور
 غزته عرض ایتک .. ایچون کتیردم ... دیهیم ... « جلال ترددایدر »
 ویر ... ویر .. الکی چکمه پادشاهم ! .. یاره وجودیمه پک اضطراب
 ویرمکه باشلادی ... دشمن قیلچی ده دکلدی آد ... ویر الکی
 پادشاهم ! بلکه بر آز اضطرابه .. سکونت کتیریر .. ویر پادشاهم ..
 فوقنده ید اللهدن بشقه بر قوت ! ... اولیان .. او مبارک ال ..
 دودا قدن آریلیر سه کله شهادتله برابر ایرلسون .. « جلال الی ویریر
 نصرت آغزینه یاشدیرر کوزلرینی قبار هر کسه بر سکونت بر حیرت
 عارض اولور »

(مهر جهان)

« کندی کندینه » محبت قدر بیوک محبت قدر دهشتلی بر حال
 مکر ایکی کوکل بر برینه صارل دینی زمان فصل بر برنده محو اولوب کیدیور سه
 ایکی فکرده برلشدیکی وقت او نشئه او اتحاد ایچنده قالیور . شو حاله
 باق : جلال دنیایی نصرت آخرتی اونوتدی . ایکسنک نظرنده ده
 دنیا آخرت بر برلرندن عبارت قالدی . وجودلری تماس ایدر ایتمز
 روحلری بر برلرینه کچدی بر برلرینه قاینادی « شدتله کوک کورلر
 چادیرک اوکنده شمشک آتشری کورینور »

(ملک نصرت)

« سسی زیاده توکنه رک » اوخ .. ییلدیرمدن بیه .. کوزیمک
 اوکنه نورلر یاغیور ... کتد کجه وجودیمه .. بر راحتک کلیور ...
 پادشاهم آتی بیک ییالق عالم انسانیتی .. دهشتندن لرزه ناک .. ایدز

اولوم عذابى ... جان آجىدى وار . آكاده پك قولاي الیشیلیور .
 ایشته .. بتون بتون ... کچدی . حیات ایله برابر .. اراده توکندی
 مکر عذاب .. یشامقده ایش .. صوکی راحت راحت .. آمان ..
 آه ... برشی دکل مراق ایتیک ... غالبا اجلك پنجهسى ... الله
 «تسلیم روح ایدر»

(جلال الدین)

نصرت ! .. نصرت .. شو مردك غیرته شو شهيدك سماتنه باقك
 آخرته کیتمکده دنیایه کلك قدر بپاه مشقت چکمدی.

(نورالدین)

پادشاهم ! وقت کچور معلوم شاهانه کیز در افندمزی اوکنده
 کورمدکجه عسکر حنت ایچون بیله بر آدیم آتمق ایسته مز .

(جلال الدین)

شو شهیدی صوگ منزله یرلشدیرمه دن نره یه کیده لم ؟

(اورخان)

اولو دفن ایتمکه مشغون اولغی اولوم قارشیسنه کیتمکدن خیرلی
 کوره جك یاد کارلر اکسکمی اولور او ایشی خدمتکارلره حواله
 سیوریکز ! ... تابود طاشیمقده کدالرك او موزی ده پادشاهلردن
 اشاغی دکلدر « هر کس برر برر چکلمکه باشلار »

(جلال الدین)

« خدمتکارلره » بو جنازه دینی شهره کوتوریکز . بر مناسب یره
 دفن ایتسولار . آما تربلرك یرینه دکل کندى ایچون آیری تربه
 پاجغم یر اوستنده نصل فرد اینه یر آلتنده ده اویله یالکز بولنسون
 غوغاده اولومدن آسایش وقتنده ضرورتدن قورتاردیغی مروت دیده

لرینک هر بری طاش کتیرسه باش اوجنده فلکله یاریشه جق بر قبه
 حاصل اولور . « کوک کورلتیدی شمشک اتشی چوغالیر » « بر بطالتیه
 غیاث الدینه یاقلاشه رق » شو یرلری صارصان ، کوکلری ایکلهدن ،
 کورلتیلری ایشیدیورمیسک . اللهک زلزله قهری صاعقه غضبی بونلره
 ده بکزه من ظالمک عزلتسرای اقبالی « کوه البرز » کبی افلا که
 سرچکسه ینه بر صدمه ده سیل متحد کبی یرلره کچیرر . خائک اسامی
 دولتی زمینک اسفل طبقاتنه اینش اولسه ینه بر ضربده امواج طوفان
 کبی جوسمایه فشقیردر « شدتیه » اناهدن قورق [برنظر حقتارتیه غیائی
 باشند آشاغی سوز دکدنصکره قیویه طوغری یوریهرک] بدبخت !
 « جلال چیقار هر کس بر بری آردندن چکلمکه باشلار »

(غیاث الدین)

« زاهدیه » سن بزم دائره به کل ... کامزسه ک بنی غائب ایدرسک والده .

(زاهده)

« اویقودن اویانیر کبی بر حال ایله غیاثه دونهرک وشاشقین کوزلرینی
 یوزینه دیکهرک » نیجون ؟ آه ... ینه چهره سینه بر کون اکسلدیکنی
 کوره مدیکم قر آکلق چوکمه که باشلادی ینه کندی دنیاسنک کیجه سی
 یاقلاشیور . کیم بیلیر دنیانک نظرندن نه درلو خائناکیر . نه درلو
 جنايتلر ستر ایده جک « غیاث ایله زاهده چکیایر »

اوتنجی مجلس

(سلیمان — خدمتکارلار)

(سلیمان)

« خدمتکارلره » کلک ولی نعمتمزک صوک خدمتی بز ادا ایدم
 جنت اعلانک قپوسنه قدر کتورمدیکه یانندن آیرلمیه لم « اییلوب میتک

ایاغنی اوپهرک « مالک مالک جانی بر کره دشمن قیلجندن بر کره ظالم
 سنجسندن قورتارمشدک بنی الله او بورجی ادا ایتیکه مقتدر ایتدی.
 دشمنک آرقه کدن کلدی . او کندن کلدی که کوره یمده کندی وجودیمه
 سپر ایدیم . قاتلکی سن عفو ایدرسک پادشاهلر ، آمیرلر قتلانی
 اونوترلر فقط سنک وجودینه صوقولان خنچر بنم وجودیمه طوقوندی
 سایمان او آجی بی ! اونوتمز فرصت اله کنججه غیائی طاتلی جانندن
 محروم ایتمزسم اللهک رحمتدن محروم اولایم !

« جنازه‌نی قالدیررلر پرده اینر »

پردہ

۹

« بر محاربہ میدانے »

برنجی مجلس

« جلال بر اغاجك آلتندہ قلیچنہ طیانش اوتورر بر فرقہ عسکر
صف صف اطرافى احاطہ ایدر نورالدین ارقہ طرفدہ »
« جلال الدین »

اونہ طوفان ؟ دهشتی سیالر ایدی ... دریای غضب خروشه
کلمش دنیایی قیا کبی یرندن قویارده جقمده سوروکلیه سوروکلیه بر طرفه
کوتورده جك ظن ایتدم !

« نورالدین »

« یا قلاشهرق » او قدر طوفانلر یا غارکن ، ینه یندیرملر ، اطرافمزی
یانغین یرینه بکرتدی ! پادشاهم ! ...

« جلال الدین »

« نورالدینہ باقہرق » سز بورادہ میدیکز مولانا ؟

« نورالدین »

اسایشکزی بر آز تمید ایتک ایچون غوغادن خبر کتیردم
پادشاهم !

﴿ جلال الدین ﴾

میداندن ایرلدیغم زمان تاتارک صغرندہ حیلی تزلزل وار ایدی .
« نورالدین »

صاغ قولده کی عسکرک بر شدتلی هجومی دشمنک صول جناحنی
بتون بتون قیردی پریشان ایتدی پادشاهم ! اوقتریمز یا غور ایه

قاپچرلریمز ییلدیرم ایله یاریشیور تانار کندی قاتلرندن پیدا اولان
چامورلرده غائب اولدیلار . انشالله یارم ساعت سورمز عسکر آرقه لرینی
چویرر ده هپسینی کردابه طوتلش خاروخش کبی یاتیرر . بخو ایده مز
« جلال الدین »

آتیمی چکسونلر ! ..

« نورالدین »

پادشاهم ! همت شاهانکزه احتیاج یوق . قرق اللی ساعتدر
آت ارقه سندن بشقه دوشک یاغمور بلوطندن بشقه اورتی کورم یکنر .
بر آز ازام بیورسه کزنه لازم کلیر .

« جلال الدین »

قاعده ده مخالف کیتمش اولورز . بر عسکرک ریئسی آرقه ده
یقیشیرسه مغلوبیت زماننده اهزام حالنده یاقیشیر کیده لم برهجومده
بز ایده لم محاربه میدانی دینک آخرته اک یقین منزیدر . اوراده دولت
شادت ایچون بارگاه قربه بر عرض حال ده اتقدیم ایتک استرم .

ایکنجی مجلس

اولکیلر — بر عسکر — صکره اورخان

عسکر

« الندن سلاحنی آتمش اولدینی حالده قوشه رق » تانار قدرده می
مرحمتک یوق بنی اولدیروبده عیریتک فضاهسنی کندی حیانه می علاوه
ایده جکسک .

« اورخان »

« آرقه سندن یتشه رک قارغی ایله اورر یره دوشورر » کبر معون !
برک دیبنه کج ! ... یولنده دینکی هبا ایتدیکک حیاتی سکا بر فیرر می

صائيرسك امديكك سوت حرام اولسون بنى والدك كدن شېه يه دوشوردك .
« جلال الدين »

شو قاتنى طوتك : تانارى آرقه سندن براقشده غارغيسنى اسلام
جكړينه صاپليور .

(اورخان)

« اوزرينه هجوم ايدنلره » كيرى ! ... وظيفه سنى يرينه كتيرمش
بر آدمى حيدود كې سلاح آلتنده مى سوروكله جكسكز ؟

(نورالدين)

. كندىكى تسليم ايت ! پادشاهه اطاعتك يوقى ؟

(اورخان)

« باشندن مغفرينى الندىن غارغيسنى آتەرق » مولانا ! پادشاه
زردده ؟ بنى حضورينه كتورك . سويله ده قوللازيمه صارلمسونلار بن
قتل دكلام عسكرم : شمدي يه قدر پنجه مى فلكه بيله بوكدرمدم .

(نورالدين)

طوقونيك ؟ ... ايسته پادشاه ؟ ...

(جلال الدين)

« اورخانه » نه ايستد كده بو پيچاره نك حياتنه قيدك ؟

(اورخان)

كبرهن برادر زاده م ايدى پادشاهم . ايمانى مردار آياقلارينك آلتنه
آلدى تاتار طرفته كچمك ايستدى . خاندانك ناموسنى محافظه ايجون
جزاسنى المله اجرا ايتدم .

(جلال الدين)

صول قون حالا يرندد طور ييور ايكى عسكر بربرينه قاربشمدن بو

آدم نصل تاتاره کچه که قلیشیر ؟ طوته لم که قالقمش ، تاتاره کیدن
آدمک بو طرفده نه ایشی وار .

(اورخان)

آه ! ... سزه صول قولک حالندن خبر کتیره جک بر صادق
بنده کز بولمیدی پادشاهم هیهات ! براقوبده مصیبت دلالاتغه شتاب
ایده جک پادشاهم ! تاتارک صاغ جناحی بلای آسانی کبی اوزریمزه
چو کدی . یارم ساعتدن بریدر قان ایچنده یوزیورز ، مخو اولیورزه
او قدر توکندی ، زرهلر پاره لندی ، قارغیلر ، قلیچلر ، خنجرلر
قیرادی . عسکر کز اتارینی ، کیمکارینی ، سپر دیشلرینی طارناقلرینی
سلاح یرنده قوللانیورلر . بر پیاده مز اوتوز قرق آتلی ایله اوغراشیور
ممکن اولدینی قدرینی اولدیریور . فقط نتیجه سنده تلف اولمقدن
بشقه برشیئه نائل اوله میور نه پایلیر ؟ الله آزی چوغه یراتمامش .

— جلال الدین —

تاتار نره دن چوغالدی ؟ بر طرفدن امدادی کلدی ؟

(اورخان)

او چوغالمدی بز آزالدق پادشاهم ! غیاث الدین جناب حق ایلك
منزله یتشدر مسون عسکرک اونده طقوزینی برابر آلدی . بغداد یولنه
طوغری چکلدی کیدیور !

(جلال الدین)

آه ! ... کائنات تملندن قوپوبده باشمه می بیقیلیور نه در ؟ صرعه لی
چو جقار کبی وجودیمی اداره ایده میه جکم . بو قدر مبرم بر غیرت
زمانده بیقلوب بر طرفده قاله جنم ملعون ناصره ده جنکیزده رحمت
او قوتدی آه نیچون کبر تدم ن نیچون دنیایی اولیه فضلات طبیعتدن

مرکب بر وجوددن تطهیر ایتدم کوردکمی نورالدین انسانی بعض
 کره مرحمت اللهک رحمتندن دور ایدیور بئم وظیفهم قدرتک صرف
 چقوره آتلمق ایچون یراندیغی اویاه بر جیفه ذی حیاتی عالم حیاتک
 تسمیمنه بتون جهانک افسانه سبب اولمجهیه قدر یر یوزنده کزدرمکمی
 ایدی ؟ یاربی خنزیرده انسان قیافتنه نسخ اولنورمی ؟ لعنت تجسم
 ایدردد خاندان حکومت ایچنه دوشرمی ؟ ملعونک قلبنی شیطان مایه .
 سندنمی یراتدک یاربی خائن یارم ساعت اله ویروبده حیاتی حیات
 ابدیه می او آنده محو ایت قائم اغلا نیجه نه مسخره بر شی اولیور ...
 جنونده کتیره میورم جهنمهده کیده میورم که شو عذابلردن شو اذیتلردن
 قورتیاهیم حینک حالی هایل قابیل وقعه سخی ده اونوتدردی . قابیلاک
 قصدی بر جانه ایدی . بو بئم جانندن عزیز مسلمینه قصد ایتدی .
 حیاتک ضدینه موت یبار اولدیغی کبی بئم ضدیمهده غیاث خلق اولمش
 یاربی احبام طبیعت پار دلندن نصل بویاه یر تیجی جنوارلر وجوده
 کتیریور ؟ یاربی بو خائناک لر سنک عالنده وقوعبولیورده نصل
 جهنمک آغزندن قطرانلر کوپوردلرک آتشلر پوسکوره رک یر یوزینه
 اوغرامیور ؟ یاربی باصدیغمز یرلر بوسیماتک آغراغنه نصل تحمل
 ایدیورده اسفل سافلینه کچمیور ؟ یاربی بوماعتلر سنک حوزة قدرتکده
 ظهور ایدیورده نصل صدمه جلالک اجرام کائناتی بر برینه چارپه
 چارپه محو وپریشان ایتیور ؟ آه ! پدر پدر فلک بکا تعیب ایتدیکم
 حاللری تقلید ایه جزا ایده جک ! عدمک هانکی بوجاغنه جهنمک
 هانکی کوشه سینه چکیاهیم هانکی شیطانک قویننه صاقلانهیم که نیجه یوز
 بیکلرجه یوز بیک خائک قوقش قانندن ، مریدار جیفه سندن مرکب
 اولان شوردنی دنیایی کورمکدن بر برینک لاشه سندن یاشار مخلوقبر

ایچنده طولاشمقدن قورتیلهیم کونش باشمک اوچنده طوردقچه اوزریه
اجل ترلری یاغدی ریور طوپراق آیانمک آلتنده اسندکجه ، اطرافه
اولوم قوقولری طاغیدیور . اوف !... سعادت دنیایه کلامکدن ایمش
برکره کلنک اولومدن بشقه قورتولش یوق آه !... بن شمدی آرقه
سندن یتیشیرم . قضاکی باشنه چوکه ریم یاربی وجودینک هر ذره سنه
بشقه برجان احسان ایتسه کده هر برینی آیری آیری اتلاف ایتسه مینه
کو کلم تسلی بولمیه جق .

« اورخان »

یتشمک ممکن دکل پادشاهم ! آره مزه بر قوجه تاتار اردوسی
کیرمش نصل کچیلیر ؟

(جلال الدین)

اللهم تاتاری انسانیت عالمده نه قدر حیرلری مقصد وار ایسه
جمله سنه حائل اولمق ایچونمی یراندک ؟ بکابوقدر یرلرک شاهلغنی احسان
ایتمش ایکن شو عاجز عسکر قدر فرصت ویرمیورسک اوکندی شیطاننی
تپهلدی . بن بر یکی ملعونک آرقه سندن بیله یتشه میه جکم اوف بویله
حیاته هیچ طاقت کلز « اورخانه » دوش اوکمه تاتارک غلبه لکی نروده
ایسه اوطرنه یوری .

« اورخان »

پادشاهم ! اوطارفه کیتمکده فائده یوق . یهوده یره موتک قوجاغنه
قوشمش اولورسکنز .

(جلال الدین)

بن اولومدن بشقه نه آرایورم ؟ دنیانک چهره سنده کی ایکنج ،
ایکنج خبانت بولاشقلرینی ستر ایتمکه کیده جکم .

(اورخان)

پادشاهم ! اردونك مركزى حالا يرنده متانت ايدوب طور يور .
افندمز اوراده بولنورسه بلكه جناب حق بر غلبه احسان ايدر .
« جلال الدين »

ايسته م ايكي كون صكره برخيانتاه برباد اوله جق غلبه شيطانلره
نصيبي اولسون

« نورالدين »

پادشاهم ! اونصل تصور ؟ ملت اسهلاميه يي ناصرله غياث انهمي
براقه چئسكنز ؟

(جلال الدين)

يوق ؟ ... ايترسهك قلبمدهكي طمارلري ييلان ديشيله ياره ده
بكا اوياه لاقردى سويله ! ... آد مركزه ... مركززه ياربي ! ...
شو تاتار بلاسي نه وقت دفع اولوبده ناصر ديدكلري ملعونه غياث
ديدكلري خنزيره نوبت كله جك « جلال آت اوزنكيسنه آياق آتار »
پردہ اينر

پرده

۱۰

« کرمانده بر سرای — کیجه — هنوز صبح کاذب کور نمکه باشلار »

برنجی مجاس

غیاث الدین — زاهده

« زاهده »

« غیاث اویقو آره سنده دهشتلی دهشتلی باغیرمغه باشلار » نه
اولیورسک ؟ کوکلنده ظلمت کابوسی اولوبده اوزرینه می چو کیوز آه
هلاک اوله جقده لاشه سنه آغلامق مصیبتی ده بگامی قاله جق ؟ غیاث غیاث !
(غیاث الدین)

« تلاش و شدتله یتاقدن فر لایوب نه سنک ائیرینه صاریله رق »
های ؟ نه ایسترسک ؟ ... نه وار ؟ کیمسک ؟ ... براق ... اولدیره جکیسک
بی .

« زاهده »

نه اولیورسک کوکلنک چرکنلکی والدیه کی جلاد کوستره جک قدرمی
ذهنکه وله کتیردی ؟

(غیاث الدین)

« برایکی دقیقه حیران حیران زاهده نک یوزینه باقدقدن صکره »
سزه یسکز ؟ اوح طورک بر آز نفس الهیم « تتره یه رک » آه اویومام
بوندن صکره بن بردها اویومام ! کیرپیکارم بر برینه قاووشمغه هیچ
نصل جسارت ایدر ؟ « آجی آجی کوله رک » اویقو ، رحم مادرده
اولان آرقه سندن آریله مامشده میدانه کلش بر مثال روحانیدی ایمش .
اویقو ، برکونک ایکی ثلثنده ضایع اولان قوه حیاتی اعاده ایچون

یرادلش بر احسان الهی ایمش بویه سوزلر سویلیانار هیچ اویقو
 اویومامشیدر ؟ نه در اوف ؟ اویومشدر . اویومشدر امانم کبی
 اویومامشدر ... بنم کوردکری می کورمامشدر . آه دنیاده هر نه قوته
 ماناک ایسم جمله سندن محروم اولدم . وقتیمک بر آزینی راحت کچیره جک
 براویقر وارایدی اوده الدن کیتدی های ؟ ... اویومام بن بوندن صکره
 والله اویومام : اویویه مام که اویویه م .

« زاهده »

« کندی کندینه » عمری ظلمت ایچنده کچبور غالباً اوکا بدل
 جناب حق اویقوراحتندن محروم ایده جک « غیاثه » نه اولدک ؟ دلی
 جوجق اویقوی اولومی ظن ایتدک ؟ هیچ انسان اویقوسنی بتون
 بتون ترک ایدرمی ؟ سنک ایچون ممکن اولان سعادت لک هپسندنمی
 قاچه جتسک ؟

« غیاث الدین »

اویقومی ؟ اویقومی انسانک والدیمی دکل کوزلری بیله رؤیاسنی
 برابر کورمز نره دن کوره جکسک ؟ اویله اویقونک یارم ساعتیه بدل
 بر عمر ابدی ویرسملر انسانینه قبولنه جسارت ایدمیز !

« زاهده »

« حیرتله » نصل رؤیا ؟ نه کوردک ! ... نه کوردک ! ... ؟ الله سکا
 ایتدک لری نی کوزلرک قپاندیغی زمانمی کوستریبور ؟

« غیاث الدین »

سویلمه .. سویله ! ایتدک لری مه دکل

﴿ زاهده ﴾

کیم بیلیر !

غیاث الدین

کیم بیایر دیمه ایتدکلریمک مجازاتی دکل ! ... کوردیکم رؤیا
ایدی : اولیه در دکلمی ؟ اولیه در ! دی ! اولیه در دیسهک آخی
چیلدرته جقمک ! ...

« زاهده »

به آدم نه اولیورسک ده چیلدره جقمک ؟ ایشه کوردیکک رؤیا
اولدیغنی سن ده بیاورسک . انسان رؤیا دنده قورقارمی ارکک
اوله جقمکک ؟ ...

« غیاث الدین »

کوردیکم رؤیا نصار بیایورمیسک ؟ بردنبره هواده بر مهیب
آوازه پیدا اولدی یلری کوکری استیعاب ایتدی . کائناتک هر ذره منی
آیری آیری تیره مکه تیره ، تیره ، برندن آیرلغه باشلادی فقط
آتشی قطران دومانیری ایچینده بر قاصرغه اجرام علویه یی بر برینه
چارپه چارپه بیک پارچه ایدر . هر پارچه سنی کره زمینک اوزرینه
صاروورردی هر دنیای اوقدر تضییق ایدردی که یلرک هر منفذدن
کوک یوزینه قدر آتشلر فشقیوردی . برحالده که هر برینک ایچینده
کونشک ذره لری علورنکده اولو کیکی ، مزار طاشی قیناردی نهرلر
هوایه طوغری علودن کاشمش براذررها کسلدی . کوک کورایسندن
مدش صیحه لر طاغیده رق طاغلر برندن اوینادی . قزغین زفتسندن
جهنم ایکتیسندن مهیب صدالر پیدا ایدرک نیجه یوزبیک پاره سی عالمه
قویرقلی ییلدیز کبی آتشلر طاغیده رق سوزیاور . بربریه مصادمه ایدر
پارچه ، پارچه اطرافه اساسندن یقلمش ظن اولنه جق قدر دهشتلی
طرافه لره ینه بر بیوک عالم کسبیلر ، ینه دیکر ، بر بیوک عالمه

چارپیشیردی . مصادمه لرك پيدا ايتديكى آوازده ليله كويا بر صلابت پيدا
ايدر يكيديكريلاه طوقوشور . هر صده دن نيجه بيك صدای هائل ظهور
ايدردى عالمك هر ذره سى دونه ، دونه بيور بر جهنم اولوردى طرفه
آتشلر طغتمغه باشلاردى طاغیلان آتشلرك هر ذره سى اوزايه اوزايه
ييلديرم بوينده بر زنجير اولور . كنارينه صاريليردى . اشاغيدن يوقارى
دنيا قدر آتشپاره لر آتياير ، يوقاريدن اشاغى كهكشان قدر صاعقه لر
ياغاردى . كويا دهشت تجسم ايتمشده بر عالم شكلنه كيرمش ايدى . بلكه
دنياده نه قدر موجود وار ايسه جهامسى دهشت كسلمشدى ينده هيسندن
قورقنچ ينه هيسندن جانشكاف عوالمك فوقنده كالان صدا ايدى « كال
دهشته » اللرينى قولاقلرينه كتورورك » هاى كرچكدن صدا ايشيدلمكه
باشلادى . فلك بكا اويقو كې اويانق ياتمى ده مى حرام ايده جك ؟ ...

« زاعده »

آلهم ! ايندكلر يمزك مجازاتى ايچون جهنمى جنت كې كوستره جك
كائناتدن بيوك جهنمه مى ياد ايدىورسك ؟
(غياث الدين)

دكل اويلاه سويله قادين ! سنى اوجهنملره زيارتمى نصب ايتديار ؟
دكل ابته قورقه جغم . رؤيا ايدى قيامت قوپمى يا ! ...
« زاعده »

بيليرم مامون ! عنادك طوتدينى زمان كرچكدن قيامت قوپسه
آندن ده قورقمازسك اللهك جلالنه ميدان او قومقدن چكنمزسك .

ايكمنجى مجلس

اولكيلر — برخادم آغاسى

﴿ خادم آغاسی ﴾

امیر حضرتاری . افندمری کورمک ایستیورلر .

﴿ غیاث الدین ﴾

پیورسونلر « خادم آغاسی چیقار » بووقت بنی نیچون کورمک
ایمش چکیل قادین شورادن بقالم حریف نه ایستیور ؟
« زاعده »

غیاث ! غیاث ! بيلم سنی بورالره مک نصرت قایمی سوروکله .
دی . کتیردی بيلم ! کوردیکک رؤیالر قرداشکه دینگه ایتدیکک
خیانتک جزاسندن نمونه میدر ؟ الله انجانی خیر ایلسون « زاعده
چیقار »

﴿ غیاث الدین ﴾

رنک ویرمه کلز جانوار انسانک چهره سندن بر آز صولوقان
کورسه انه میت کچمش غالی بر آز قمرزباق حس ایتسه قان کورمش
قیلان کبی حالدن ، حیاتندن استفاده قاتمیشر هاه کوکلده کی
اضطرابه بر آز سکونت کلدی .

اوچنچی مجلس

غیاث الدین — برقی حاجب

« غیاث الدین »

صفا کلدیگنر امیر ! انشاالله خیردر بویله وقتیمز اشریفکنزه نه معنا
ویردم .

« براق حاجب »

بالار وقت اتحابیه کلیور شهزادهم که بندکنده ذات دولتکنری
کورمک ایچون مساعد زمان ارایم ؟

« غیاث الدین »

نه کبی وقتسز بلا ؟

« براق حاجب »

اجل کبی هیچ اوه و لمدق زمانده یتشمش بر بلا شهزادهم ! برادر یکز جلال الدین شهری محاصره ایتدی . عسکره ایکی ساعتدر قلعه به صارمقا به اوغراشیور بر مؤثر تدیر بر قوتلی اتحاد حاصل ایده میوبده سیاهی بی بوقتور بوتردد حالنده براقیر سه ق قورقارم که شهرك قبولرینی ضرب دست ایله آچارده بیک جانمز اولسه برینی قلیچدن قورتاره میز .

« غیاث الدین »

برادرک اسلام اوزرینه شدتدن احتراز بیور میگز .

« براق حاجب »

اوله عوام قریباً نه نمایشلره آلدانمی درایتکزه یاقش دیره مدم . شهزادهم ولوکه دیدیککز صحیح اولسون ... ذاتاً جلاک بزه اسلام نظریله باقدینی یوق اودیاتی تاتار ایله حربه چالشمقدن عبارت بلیور بز کندی فکرینه پرستش ایتدیکمز ایچون عننده جنکیز قدر مشرکز . هم دنیا دواتی کوز اوکنده طوررکن آخرت کیمک خاطرینه کلش . برادر یکز بوقوجه کوزلرک سلطنتی براقیده اوچ آرشون مزارده راحت یاتمی امیدیه اکتفا ایدرمی ؟ نیچون کندی ذهنمزده کی قوتی براقلمده غیرک اخلاقده کی متاته اعتماد ایدلم . یقیناً بیلکرکه دیدیکم کبی بر قوتلی اتحاد پیدا ایدوبده بوراده تقرر ایتدیرمکدن بشقه بزم ایچون چاره نجات یوقدر .

« غیاث الدین »

ذاتاً اتحاد موجود ذاتاً سلطنت بوراده .

« براق حاجب »

دكل شهزاده م دكل اتحاد نرهده قاليرحالا عسكرينمك بربرينه اعتمادي
يوق هر كس دشمنك اوقته ، قليچنه كوكس طوتاركن صاغني ،
وصولني ده آرقداشك خنچرنندن ، بيچانغندن صاقلامنه مجبور اوليور
حالا صنفليمرز قرارلشمدي تابع متبوع آكلا شامدي . حكومت ايكي
قوتله اداره اولتماز قليچ ال ايله قولالانماز .
« غياث الدين »

نه ديمك ايستيورسكنز ؟

(براق حاجب)

عرض ايديم : بوقدر مخاطره لي برزمانده پادشاهزاده لك . پادشاهلغه
كفي دكلدر رأس ادارهده هيچ اولمازسه ياريم عسكر تجر به سني جمع
يتمش برفكر هيچ اولمازسه اوتوز قرق اردونك قارشيسنه طورمش
بر كوكل ايستر . بنده كنز آتا بك مقامنده بولملي يمه سزه ايلروده
انفاذ حكم ايدجك برسلطنت وجوده كتير ملي يم بوياله بر تدبيرده
امنيتله حاصل اولور . امنيتك روحي اشتراك منفعتدر . دنياده بن قرابتدن
زياده منفعت برلشدير بر حال كورمدم . برادريكزله اولان ماجراي
دوشمنيكز . قرابت ايكي طرفك منفعتني برلشديرمكده نوقدر خدمت
ايدرسه آييرمغده اوقدر آلت اولور . معرفت ، قرابتي فائده جهته
سوق اتمكدر ! ...

« غياث الدين »

نه درلو قرابتدن بحث ايديورسكنز ؟ بر درلو ذهنسده بولده ميورم .

« براق حاجب »

حالبو كه بحث ايتديكم قرابت پاك ساده پاك ميدانده بر شيدر .

آتا بك لفظنك مدلولاندندہ انتقال بیورہ مدیکز می ؟ سنگز حیل
ایارولمشده دها پادشاهلغہ لایق و لازم اولان مرتبہ کلاہ وارماش
سنزہ پدر دخی لازم والدہ کز طول ، دها سنی دہ آلامش آنک دہ بر
از ککک احتیاجی وارملکہ حضرتلرینی بندہ کزہ نکاح بیورسہ کز قرابت دہ
وصایت دہ وجودہ کایر حکومت دہ لازم اولان وحدت ، عسکر دہ اقتضای دین
اطمئنان دہ حاصل اولور . بالطبع سلطان جلال الدینک دہ پدر معنوی سی
مقامندہ بولورم . ار وقت حتمزدہ اولان سؤنیتی قیرمق آنی دہ
ترتیب ایتدی کمز دائرہ منفعت ایمنہ آلق قولایدور . اورالرینی بندہ کزہ
براقیگز .

(غیاث الدین)

لقردی لرینی دیکلیورمده او یانقلقدہ رؤیا کورمش کبی اولیورم !
حاجب بوقدر بالا پروازلغہ سبب نہ اولیور ؟
« براق حاجب »

حدیکز پادشاهلق دنیلن اعلائی مراتبہ چیقارمغہ نہ سبب اولدیسه
بندہ کزک بالا پروازان بیوردیغکز تصوراتمده اوسبب اولیور .
بلملدکی قلبجہ باقیورمده قبضہ سنہ طیانددنصکرہ دنیانک اک یوکسک
سلطنتنہ صیچرامنی محال کورمیورم .

(غیاث الدین)

حددن تجاوز الویرر !... اومدیغندن زیاده حقارت کوررسک .
« براق حاجب »

کرچکمی آرسلا نم ؟ واه یاراما ز یاوروجاق واه نہ تخف حدت
ایدیور ؟

(غیاث الدین)

﴿ براق حاجب ﴾

« آغیر آغیر یرندن قلقوب اوزرینه طوغری کیددرك » - سن
 اس نکه ادیب تملیم ایتمکه چالیش !... ایجه بلکه حیاتک آرسلاق
 پنجه سنده در ایجه بلکه پادشاهنک قلینچی باشنک اوزرنده طوریور .
 شودیوانیه بق . قرداشنی دشمن اوکنده براقش تاتار آتلینک
 آیقلری آلتند قاتقان دومانیری غول یبانی آلایلری ظن ایتمش بورایه
 قدر کلشده جانی قورتارمق ایچون صغندینی تملکتی ضبط اولمش
 کشور ظن ایدیور برکره پنجه صالیدی کبی صالیدی جانیه مقتدر
 اولان آدم سلطتی کندیسنه ویرر قیاس ایدیور . بی دیکله قارشونده
 طوران جلال دکل : کوکلنده قرداش محبتی یوق ملک نصرت هیچ
 دکل فکرنده حق نعمت کوزتمک کبی بدلاتلاردن اثر بوله مزسک
 مجنونلغی براقده حیاتک سکا لازم ایسه والده کی چاغر سویاه نکاحه
 مخالفت ایتسون !... »

« غیاث الدین »

سن دیوانه کی براق بن والده مک پدریم که نکاحنه طلاقه قاریشیم
 براق حاجب

چو جلقنکزه کوره پکده فنا بر عذر تدارک ایتدیکنز ملکی چاغر
 سویلرم آنلر سلطنتک کر چکنی کور مشاردر لوازمینده کر چکدن بیلرلر
 کوردکلری بیوکلکلر شاه مران دولتی کبی لغظی مراد برشی دکلدرکه
 شهزاده حضرتلرینه بکنزه سونلر . کل !

« غیاث الدین »

کیمی چاغریورسک ؟ نه پیاچقسک ؟... »

براق حاجب

قورقه یاوروم !... فاقه دکنک اصبار یورم ننه جکنی چاغرد جفم

«اوطایه کیرک بر خادم آغاسنه» ملکه زاهده حضرتلرینه سویله ! . . .
 بر آذربایه تشریف ایتسونر شهزاده حضرتلری اویله امر ایدیورلر
 بنده رجایدهرم اونوتمه لقردی بی عینی عیننه سویله همان شمعی تشریف
 ایتسونلر مهم برایشمز ظهور ایتدی شهزاده حضرتلری اویله امر
 ایدیورلر بنده رجایدهرم «حادم آغاسی چیقار» .

«غیاث الدین»

بوشقای نهوقته قدر اوزادوب کیده جکسکز ؟

براق حاجب

چو جق ! بندها سنک سنک کلمه بن براقچ سنده اول شقای ترک ایتدم

«غیاث الدین»

بک اعلا جدی قونوشدم . بنی بو حصار تله اوغراتمق ایچونشی
 کرمانه کتیردک .

«براق حاجب»

اولاد سنی کرمانه بن کتیرمدم سن جلال اندینک محربه میداندند
 خصوصیه فکرینه طوقونه جق بر حادثه ظهور ایتدیکی زمانلرده اولونه
 قووالیوب کزیمک عادت اولدیغنی بیایردک قرداشنک کندی سعی کندی
 درایتی حتی دنیاده کندی نه مخصوص اولان دلیلیکی سایه سنده وجوده
 کتیردیکی ایشار جنکیزی بیله حیرتده براقدیغنی کوزینک اوکنه آلدک
 بن خوارزم شاه نسلندن دکلمی یم ؟ سیاعینی عیننه بکزه میورسده
 بتون بتونده مشابهمدن حالی دکلدن بن کیمسنگ یاهمیدجفی ایشارد
 موافقی اولورم افعالن تمامی تمامه بکزه سه بیله البتده بر برنی آلدیرر
 بر خدمتکار جلالی براقوبده بنم یانمه کاندیمی ؟ بر ملتده کندن یرینور
 بکاتباع اولورکی ذهنکده برقیاس ترتیب ایتدک ذاتی اطرافنی مل و قبل

دیلنجیلری ایله محاط کوردیکچیچون . . . هر کس پادشاه اتکلیه کچینیر
انتقادینه دوشمش بر خاندان آرمسندە يتشديکندن عنوانی پادشاهلی
قزائمز . پادشاهلی عنوان قازانیر اعتقادندە بولندک حسد ، قورقو ،
کین ، رعوتت ، کبی بر طاقم امراض نفسانیده واهمه لرینک سوقنه قوت
ویردی ! . . . هاه جلالی تاتارک هجومی اوکنده کورنجه سن یانندن
آریایرسهک آنک هلاک اوله جغندە او هلاک اولنجه دولتی واقبالی سکا
قاله جغندە هیچ شبهه ایتماکه باشلادک . راحتجه محاربه میدانندن قاجدک
بغدادە قدر کیتدک دولت عباسیه طرفداری کورینورسهک ناصر
خاندانه اولان کیننی اونودر . هیچ اولمازسه جلاله زغم ایچون سنی
وقتیه ارطغرل بکک اولدیغی کبی سلطانلق پادشاهلق نامیه اسلامک
ادارەسنه مؤکل ایدرطن ایتدک هیچ دوشونمەدک که هر خایفه قائم
با مراللهه بکزه مزهاله ناصر ! سن دکل ، زمانندە مهدی ظهور اینسه
آنی بیه ایشنه مداخله ایتدیرمن ارطغرل ایسه بغدادده سنک کبی بر
قاج غوغا قاجنی ایله دکل خایفه نک . ملکنی اوغورلارندە طاشیغه مقتدر
براردولق لوندانه قیافتلی قهرمان ایله کیتەمشدی شهراده لکک بغدادجه
آلای ایله سرایده مسافرلک نامیه حبس اولمقدن بشقه یرلطانی اولمادیغنی
کورنجه نظرنی عباسیلردن علویلره چویردک سزه کوردهده مذهب
دکشدیرمک سیاه یرینه یشیل کیمکسن فرقنی طوتوله جق دکل یا تلاش
ایتمک : تلاش ایتمک انسان وجدانه برهزیان پیدا اولدیغنی کورنجه
نقددر حقلدیغنی بیلیرم . فقط ضرری یوق مساعده کزله سوزیمی اکال
ایدهیم ! سزه کوردهده مذهب دکشدیرمک سیاه یرینه یشیل کیمکسن
فرقلی طوتیه جق دکل یا دیماشمیدم برادریکنرک یانندن بغدادده فصل
قاجدیکزسه بغداددندە او یله قاجدیکز ! الموتە کیتەدیکز . هیچ

خاڭاريكزه كلديكه اما عياليه طاقتك رئيساري و كالت نامه پادشاهلق
 ايتمكده دها سهولت كوردكاري ايچون امام معصومك اعتقاديني التزام
 ايدرلر خنچرلريني ايتمكدكاري ملوكك اك امين عزله خانه لرينه ،
 ايتمكدكاري اصحاب حكومتك وجودلرنده كي اك جان آله جق كوشيه
 صاپله يه صاپله يه دنيا ده نه قدر تخت دولت وارايسه اوزرنده اوطور انرك
 منظره لرنده واهمه دن ياپله برخنچر طولاشديرمه مقتدر اولان بر قوم ،
 خوارزم شاه آدين ايتمكدكاري كبي حباللرنده طبيعي بر اطاعت بر
 مغلوبيت توهم ايدرلر ظن ايتديكيز . حالبوكه بغدادده صوري اولسون
 بر دبدبه كنز بر اقبال كنز وار ايكن الموتده سزه انسان قيافته كيرمش
 بر قورد نظريه باقديلر . وجوديكزي خده دن تفريق ايتمديار قيمتمكزي
 اوزمان بر درجه يه قدر آكلاديكيز . فقط خوارزم شاه نسلندن
 كلديككزي دوشوندكجه كنديكزي كرچكدن دنياك ، بر پارچه سنه
 حكومت ايچون يرادنش ظن ايتمكدن ينه بتون بتون بري ايده مديكيز .
 بدريكزك حكام ايتديكي يرلره دوشديككيز كبي تحت سلطنت يرندن
 قوپارق اياغكيزه كله جكنه هيچ شبهه ايتديكيز . امراكيز ايچنده بني اك
 قوتلي ، امراكيزك طو تديني يرلر آرد سنده كرمان امانيتلي كورديكيز بورايه
 قدر كندى را يكز كندى خواشكيز كندى آياغكيزله كلديكيز بيلم كليركن
 « آنسزله سنچرك » ماجراسى ... هاني جديكيز ! ... « آنسز » حضرتلرينك دها
 بنده ايكن خوارزم شاه دولتي ميدانه كيترمك ايچون سلطان سنچره ...
 هاني شو سلطان سنچره كه هم سرك كبي پادشاهزاده همده خدمتنده
 سرك كبي بيك شهزاده قوللاير بر پادشاه ايدى نه يولده معامله ايتديكى
 اونو تمشديكيز ؟ يا خود اونو تمشديكيزده حكومت لذتى نعمت شناسلق
 وظيفه سنده مرجع كورمك نظر كيزده يالكيز جدا مجد كيزه مخصوص

برحق ، يالکز جدا مجدکزك شانندن صایاه جق بر بیوکلکی
 کورندی ! حدت بیورمیکنز ! سوزاریمه نتیجه ویریورم مرادم سزی
 بورایه دعوت ایتدیکمى اکلایمق ایدی آرمیه بعض لفر دیلر قارشیدیه
 محورهك سوقيه قاریشدی خلاصه سزی کرمانه بن دعوت ایتدم
 جدا مجدکزك سنچردن قاجدینی کبی اوکگز دنده قاجدم . خاندان
 دولتهكکزك شعاری اولان « خدای جهانرا جهانك نیست » قسمتی
 برادریمکز جلال‌الدین ایله ظهور ایدن هنگامهك عافیتنه صاقلیورم .
 سزی کرمانه بن دعوت ایتدیکم کبی حقکز ده حقارت کوستر
 بر معامله بی ده اختیار ایتدم انا بکگز مقامنده بولمق ایستدم کیمسه
 کندینی یوقدن وار ایدم مدیکی کبی انا بك مسندینی ده بالطبع دها دنیا
 یوق ایکن انا بکلر ایجاد ایتامش پادشاهزاده لر ایچون پادشاهلر احتراع
 ایش بندم کزده افندمره آیین سلطنتدن بیکلر جهامشالی کورلمش بر تدیر
 عرض ایدیورم والده کزله ازدواج طالب اولدم بر ارککک والده کزه
 رغبتی حقارت ایسه اوسیده یه بنده کز دن اول جنتمکان پدریمکز
 تصدی ایش ایدی !!!

« غیاث‌الدین »

« کندی کندینه » آه خائن استهزاسی انسانك کولکنه سیلان
 زهرندن زیاده تأثیر ایدیور !

« براق حاجب »

« کندی کندینه » جبین اوزرنده بیک جبین کورمکه تحمل ایدن
 انسان دوداقدده اوفاجق بر خنده استهزا کورمکه تحمل ایدم مدیکی
 بیلیردم . فقط ایچنده کفی ستر ایتمکده ، آیاقلر آلتنده سورونمکده ،
 روحسزلقده قانسزلقده مزار طاشتدن فرقی اولیمان بر مخلوقكده

كولنج اواڭىغى كورنجه بوقدر متاثر اوله جىغى اومخزدم « غياثه » برشى
 اراده بيورمديكنز. جلال الدينك عسكى قالمىرك ديوارينه صاريليور
 غيب ايتديكنز زمانك نه قدر قيمتلى اواڭىغى دوشنميورميسكنز ؟ بر
 دقيقهسى عالم فنايه كيدكجه هېمىرك حياتنى برابر سوروكايه بيلير !
 « غياث الدين »

نه سويليهيم ؟ سز بيليرسكنز حكىمى اوليه جق برسوزى سويامك
 اچون ذهن يورمقده نه فائده اولور ؟
 « براق حاجب »

بوده تجربه سىرك ! هم ده افندمزه مخصوص بر تجربه سىرك
 نتيجه لرنندىر . والده كنزملكه حضرتلرى كليورلر آنلر سىرك رايگنزدده
 بولمىزلر ظن ايدىرم

✽ غياث الدين ✽

« كندى كندينه » آه هم جلالك پنجه سنده دوشمن هم آغزم
 ييرتايير ديه قيلنجى ايصيرمغه مقتدر اولهده !
 « دردنجى مجلس »
 اولكيلر - زاهدده
 « زاهدده »

نه درغياث ؟ سيانه برعجايب حال چوكمش بنى نيچون ايسىرك ؟
 « غياث الدين »

بن ايسىتمدم بوچاغرتدى برملكك حاكى طورركن بشقه سىرك امر
 ونهينه اقتداريمى اولور ؟
 « زاهدده »

بووقت بنى معه حل ايتديرك اچونمى راحتىز ايتىرك ؟ مقصدك

نہ ایسہ سویلہ آ

« براق حاجب »

کندیلرینہ بعض تدبیرلر عرض ایتشدمدہ غالباً انفعال ایتدیلر .
بندہ کزک مقصدم ایسہ دولترینی ثاییدایتمک حیاتلرینی دشمن الندن
قورتارمق ایدی

« زاهدہ »

غیاث : نیچون ہروز دیکلہ مزسک ؟ عنادک معروف اولدینی
مقصدی غائب ایتدیرمکدن بشقہ نہ تأثیری کورلمش ؟

« غیاث الدین »

قادین ، مناسبتریرہ کومزہ لوب طورمہ بو آدمک نہ ایستدیکنی
بلیورمیسک

« زاهدہ »

نہ ایستورکہ او قدر حدت ، او قدر تلاش ایدیورسک ؟

« غیاث الدین »

نہ ایستہ جک ؟ ... سنی ایستیور ..

« زاهدہ »

اونصل لقردی ؟ چیلدیردنی چوجق ؟ ...

« غیاث الدین »

حینا کہ دہا چیلدیرہ مدم سنی ایستیور دیسورم کندی اتابک
اولہ جقمش آرد مزده اتحاد لازم ایمش . اتحاد قرابتہ محتاج ایمش سنی
ایستیور دولتمزی محافظہ ایچون یاپہ جنی قلعه نک چاموری اولہ جقمشسک
اکلا دکی ؟

« زاهدہ »

« برافہ » حاجب شہزادہ نہ اولدی کہ بویاہ مناسبتر لقر دیلر سویلیور

« براق حاجب »

حدث بیوردیار اقدم . حدثك انك بیوك بر فنانی ده نظرده هر
شیئی بیوتمکدر قولکنزک تکلیفی نه مطالعه دن طولانی ایسه ذهنا رنده
بیوته بیوته کنیدیلرنبه برنوع حقارت شکیلنه قویمشار .
« زاهده »

نه کبی تکلیف ؟

« براق حاجب »

شهزاده حینرتلری دمن سویلیمشاردی صاندم فی الحقیقه خادار
لره کلامیه جک قدر چیرکین و صفار نه مناسبتسز تعییرلرله سویلدیلر
فقط اقدمز اودرلو اؤده لر آردسندن ده حقیقت مادیی استجراج ایتمه
مقتدرسکز .

« زاهده »

خوارزم شاهک حرملری بر حاجبک یتاغنه کیرمک درجه لرینه
نزل ایتدیملی ظن ایدرسک ؟ ...

« براق حاجب »

استغفرالله ؟ ... بر حاجب یتاغنی بر ملککیه ارامکاه اوله جق درجه .
لره اصعاد ایدم بیلیر اعتقه دنده یم .

« زاهده »

شموخاننه باق ! ولی نعمتک عرضنه کوز آتمش هم غرضنی نه قدر
سکینتاه نه قدر حضور قلباه میدانه قویبور .

« براق حاجب »

به اقدم ... بر میت دنیانک هانکی نعمتندن مستفید اولورکه
بر بشقه سنه ولی نعمت اوله بیلسون دنیا آخرنک حرم دائره سیدرکه

صاغر ايچىندە اولولۇڭ عرضىدىن مسدود اولەجىق وجودلار بولسۇن ؟
 دىيادە بىراقىدىن بىراركىك ايچونىمى يىراىيلىر ؟ انسانىك ەرى فنا بولور .
 نىكەجى يىنە باقىمى قالير ؟ ەمدە افىدىم حق نىعمىتىدىن بىخا ايدىركىن
 قوللىنىڭ قرە خطاي خانى بىندىلەردىن اولدىنقىمى خاىلاردىن چىقارمىگىز
 خوارزمە كۈلەڭك وياخىدىمىكاراڭغە كىلەشەم دۈلەتلىكلىرىنىڭ تارقاتىدىن خانە
 موعود اولان خراجى تىخىل ايچون كىلىم .

﴿ زاهىدە ﴾

كىندىنى قىيامتە قدر مەلۇن ايدەجىك قىياسلار تىرىتىدە شىطاندىن
 كىرى قالمىورسىڭ لىكىن بىن كۈكلى ابلىس نىچەسە تىلىم ايدىر تاقىدىن
 دىكىم .

« بىراق حاجب »

جلال الدينىك نىچەسىندە قەدر اولىق نظرىگىزدە دەمى خىرلى
 كورىنور ؟

﴿ زاهىدە ﴾

كۈكلىك بوقدر طهارەتلىكلىكە بىرلەر اولەبارىك نامى لسانىكە
 آلىپسىڭ دە بىلىم نىل چارپىيورسىڭ احبابى امواتە مقتدر اولەسىڭ .
 جلالىك اولدىردىكى آدم سىڭىللىك دىرلىك اىستەمىز . شو كۈپىكە باق
 مىردار تىلە تالوت ايتىدىكى يىلاق انسانە مىزاردىن خىرلى كورىنور
 صابور .

﴿ بىراق حاجب ﴾

مىردار سوز فائىلىك اغزىنى بولاشدىر بىندىگىز بورايە مىشائە
 ايچون كىلىم جلال قلمەنىك اطرافىدە طورىيور . وجودىمى بىرلەردىن
 سارمىش ايكىن قوينىدەدە بىرلەن بىلىم .

« زاهدده »

شو خانئنه باق ولی نعمتئک اولادی ایچون نه دنیانلر سویلیور
ملعون ! سزی بورایه بوجنایتلره اوغراتمق ایچونمى کتیردک !
(براق حاجب)

حق نعمت بختی شمدی سویلشدم غالبلا اکلاشیلمدی شتم ایله
شتم ایتک زهر ایله زهر تقطیر ایتکه بگزیر . اوزهرک ایسه انسان
برطاملهسنه تحمل ایدمیز . سزی بورایه بن دعوت ایتدم . دمیز
مخدوم مکرم حضرتلرینه مرام اکلاتمق ایچون ساعتلرجه نفس تلف
ایتمش ایدم . شمدی ده والدة محترمه ایله اوغراشه جغز . سوزا کلامنه
نیتکیز وارمی ؟ فلک انسانی یالکیز سلطان جلال الدینک پنجهسنه
دوشورمکه مقتدر دکدر . خوارزم شاه قدینارینی تاتارلرده اسیر
ایده بیلیر اما تاتار قومئک حالى بشقهدر . احتمالک آنلرک ترنده بر بخت
بر شهوت قوقوسى بولنسون .

« زاهدده »

آه غیاث !... آه غیاث ! سنی دنیا به کتیرمکدن ایسه کئندم هیچ
دنیا به کلم نه اولوردی ؟ سایه کئده لقر دیلر ایشیدیدیورمکه بر قادینه دک
بر دیشی ییلانه بیله سویلیکه حجاب اولور . سنده صفای خاطرله
دیکه یورسک . وجودنده کی قان سودمدن مایه لشمش ایکن جکریمک
آنشلر ایچنده قالدیغنی کوررکن برطاملهسنه بیله حرارت کئیور کوکلاک
چرکاب چتوریمیدر ؟ شو حریفک آغزندن چیقان لاقردیلره نصل
تحمل ایدیورسک ؟

« غیاث الدین »

قادین ! بنم نه قباحتم وارکه سنده بکا مسلط اولور طوررسک !

« زاهده »

آلچق ! كندینی قازنده طاشیو بده دنیایه كتیرن برقادی نی بر کوپكك
آغزندن قورتاره میور . هر والدہ سنك كبی اولاد كتیره جكنی بیلسه
دنیاده انسانك نسلی كسلیر .

(براق حاجب)

نیچون اوقدر حدت بیوریور سگنر ملکه ! اوغلگزدن اویله
بر محبت یتاغگنك نازلی مخصوصلندن بوقدر نفرت لایتمیدر ؟
« زاهده »

ینه او بر ییلانك آغزندن زهرلر صاحلمغه باشلادی بنده نه دیوانه
قدین ایتممكه یوزینه توکورمكه بیله لایق اولمسان بر ملعونه لاقردی
سویلكه تنزل ایدیورم . « اوطه دن چیقار »

(براق حاجب)

« غیاثه » مکر افدمزه حدت والدہ دن موروث ایش ! پدریگنر
اولادینی ، عیالی دینی ، دولتی دشمنك آياغی آلتنده براقوب
ابسکونه چکلمكه بیله تحمل ایتلردی . ضرری یوق . حدت انسانك
باشنه کان مصیبتار ایچنده اك زیاده سرعتله کچنلردندر . شمدی
آندرکده قانلرینه صوغو قلق کلیر . اوزمان ایشمزی قولای قرار .
لشدیریز مراق بیورمیگنر . ظن ایتم جلال الدین بوکون یارین قلعه یه
جبر آگیره بیلسون .

« غیاث الدین »

به آدم ! مقصدك ندر ؟ بزدن نه کوردگمكه حقارتله استهزا یله
تلفمزه قصد ایدیورسك !

(براق حاجب)

بو بدلا بردلو مرام اکلا یه میه جق . ایکی ساعت صگره ییلان کبی

آياڭك آلتندە سورونەجككۈزى بىلىركن نيچون بيهودە يره مردار
قانگۈزى دوگەيمدە كوكامى ايكر نديرەيم سزك كېي تخته كېلەسى قدر
عاجز مخلوقلرى ازەجكم زماندە نيچون حدتەلە نفسى ازعاج ايدەيم ؟

بشنجى مجلس

اولكيار — زاهدە — صكرە جابرە

« زاهدە »

« قپودن عودتە » مكر بزه بورايى زندان ايتشسكەدە صكرە
ايدەجكك اشكنجەلرى اكلنمك ايچون يانمزە كلشسكك اوپلەمى ؟
زبانلار بياە جەنەمدەكى مجرمارە بومعاملەينى ايتمز مسافر خائى عەهدوامان
دشمنى ملعون !!!

(غياث الدين)

نصل زندان ؟ ...

(زاهدە)

نصل زندان اولەجق ؟ قپولرى الى سالاخاە يوزلرجه عفریت
صارمش . بر آديم آتەجق اولدم . كو كسىمى قرق الى خنچەر
قارشوسندە بولدم .

« غياث الدين »

براق آم جساتك اونندى بزی ترتیب ايتديكك دام خباثتە
دوشوردك دە آنك ايچون ارسلان اولوسنە تصادف ايتمش كوپك قدر
تەالكەلە تشفيلرلە ايصيريوردك اوپلەمى ؟

(براق حاجب)

غالبا ملكە حضرتلرى حدتەلە خيالات كورمكە باشلامش . بو قدر
حدتەلە بر نوع حمادر خيالات كوسترە بىلىر يا !!

(زاهده)

یا انجیلغی ، ادبیزلکی ، کندی مذهبنجه بر عبادتمی بیلیرسک ؟
هیچ محتاج اولمدینگ و قنلردهده یابدیغنی انکار ایتکدن اوتانمورسک .

(براق حاجب)

مبارک جمالکزی گوره میورم فقط ظن ایدرمکه غضب چهرکزه
بر حسن دیگر ویردیکی ایچون حدتسر لاقردی سویلنامکی اعتیاد
بیورمشسکز . انکاره محتاج اولمدینگ ایچون سوزیمه اینانملیسکزه بن
سرایک اطرافه عسکر قویعدم .

(زاهده)

آه یا انجیلق قوتیه انسانی کندی گوزلرندن شبههیه دوشوره جک
شو قیونک اوکنه قدر آرقه مدن کلن جالادلری سن تعیین ایتدکسه
شیطانمی کوندردی ؟

(براق حاجب)

« تعجبله رفع صوت ایدرک » قیونک او کنده کیم وارمش ؟

(جابر)

« گیردرک » بندء کز بوراده یم افندم !

(براق حاجب)

اطرافه سمنی عسکر قویدک ؟

(جابر)

اوت ولی نعمتم !

(براق جابر)

نیچون ؟

﴿ جابر ﴾

ضرورت ظهور ایتدیده آنک ایچون ! « اله بر کاغد ویرر »

(براق حاجب)

او نه در ؟

(جابر)

مطالعه بیوریکز افندم !

(براق حاجب)

« کاغده گوز گزدر دکدنصکړه » او آدم زرده ؟

بوراده افندم !

(براق حاجب)

چاغر کلسون « غیاثه » آفرین شهزادهم سزدن بو قدر همت بو
قدر مهارت مأمول ایتمزدم یاشایه بیلسه گز اولدقچه ایش بیلیر بر
پادشاه اوله جقه سکز !

(غیاث الدین)

بو استهزالره بو حقارتلره بر نهایت ویرمه جکی سکز ؟ تحمل اولنماز
درجه یه کلیور . بنی بر فنا مناسبت سزلکه مجبور ایده جک سکز .

« براق حاجب »

نه یلان سویلیه یم . او طه نك اطرافی عسکرله مخاط اولسه تهدیدیکز
تأثیرسنز قالمق احتمالک خارجنده ایدی بر دقیقه اوله کلنجیه قدر
نظر مده وارلغکز اثر کبی موهوماتدن معدود ایکن شممدی ییلان
زهری کبی نامشهود فقط ییلان زهرینک تأثیری قدر قورقنج بر
وجود اولدیغکز لایقیله اکلادم .

﴿ غیاث الدین ﴾

نه دیمک ایستیور سکز ؟

﴿ براق حاجب ﴾

دمین بر چاریک قدر بشفه لایه اولان معامله کنزک تعریفنده وجدانکزه
ترجمانلق ایتشیدم شمدی بنیه اولان معامله کنزی ده وجدانکزه صورك
هیچ اولمزه خدمت یولنده خدمت قیدیاه وجدانکنز بکا ترجمانلق ایدر!

التنهی مجلس

اولکیلر — جابر — سلیمان

« براق حاجب »

« سوزنده دوام ایاه » اما دنیاده شریکمنز نظیرمنز تملکیاه افتحار
یتدیکنز آلقانک هر دقیقه ده وجدانکنزدن وصفاریخی ایشیده، ایشیده
آلشمشکنزدن . انسان آلدینی شیده وبوحیات کبی مایه هرلاند
اولسون او یاه بیوک بر خط بوله میور ظن ایدر مکه از اوصافک او
لصافک بشته سندن استماعنی ترجیح بیوریورسکنز شبهه یوق انسان
کولک سندن آینه ده کی عکسنی دها کوزل کورر « جابر » بودکلی

(جابر)

اوت !

« براق حاجب »

« غیاثه » ایشته قارشیکزده اتدن کیمکدن یاپاش بر آینه دها
طوریور توجیه بیوزک سؤال ایدک !

﴿ غیاث الدین ﴾

« کندی کندینه » بن بو آدمی کوردم فقط نروده کورمشم ؟
تدوقت کوردم ؟

« زاهده »

« کندی کندینه » آد اللهک الک آلحق بر مخلوقی یوزینه قارشی
آچتمک دیور احتمالک طوغری سویلیور شیطان آتادن طوغامشکه

مخلوقات ایچنده بئم قدر طالعسر بری دها بولنق ممکن اولسون !
 یاربى بکا غیائىک یرینه جلالی ده ویره بیلدک ! آه ... جناب حق
 انسانى طوپراق کبی سغلی ظامانی برشیدن یراتمش ینه نوری انساندن
 ظلمنى شیطاندن کورسریورم آه جلالک والدهسى کندینی دنیایه کتیرر
 کتیرمز طوپراق اولدی بن غیائی دنیایه کتیردیکم زمان یکی نور آلمغه
 باشلامشدم آه کوریورم کوریورم جلالک والدهسى طوپراق آلتنده
 ظن اولنور ایکن عرش اعلا دن قولارینی آچیورده چوجغنىک
 باشنى قوجاقلایور . بن شودنیانک تحت سلطنت کبی الکعالی بر مقامنده
 غیائىک اوزرینه فنا دکر یورم آرقه سندن کنیدیمی اسفل سافالینه قدر
 ایتورمده ینه دوشوب کنیدینى اوچورومده برچمنک برقیانی اولسون
 طوته میورم « آغلیه رقی بر طرفه ییغیلیر »

« براق حاجب »

« غیائه » والده گزی دبکلمکمی ایستدیگز بنده گزده اونیتده ایدم .
 ملکه حضرتلری مراق بیور مشلر کنیدی کنیدینه سویلنورلر کنیدیلى
 سویلک ایشتمک ایستیورلر احتمالکه قولاقلر بیاه آغزلری آرد سنده
 اولیه بر مقاوله واردر . آنلری تعجیز ایتیهلم . سلمان بنده گز
 اراده گزه انتظار ایدیورم . سؤاله تنزل بیورمز میسکنز ؟

« غیاث الدین »

نه اوکر نه جکم که نه صورایم ؟

« براق حاجب »

برشی اوکر نه جک دکاسکنز افندم حافظه دولتکزه بر معاونت اولمق
 ایچون معلوم دولتکز اولان شیار تکرار اولنه جق مبارک لسان
 امیرانه کزه زحمت اولسون بنده گز صورایم « سلمانانه » امیر جابره

سویا دیکک لقمه دیاری تکرانه ایت بقالم.

(سلمان)

دون اقشام اوستی شهزاده نك آدملری بریره طوپلانمشاردی
بنده گزده ایچلرنده ایدم « براق حاجب صاغ اولدقجه بزه سلامت
یوقدر احتمالکه قلمه یی ده بزی ده جلال الدینه تسلیم ایدر » دیدیلر .

« براق حاجب »

« غیثه » قلمه یی برادر یکنزه تسلیم ایده جکم البته افندمز احتمال
ویرمامشکزدردر !

« غیث الدین »

اویاه منسبتسز سوزلرک هانکیسنه احتمال ویریلیر .

« براق حاجب »

الله عمر دولتکزی بردوام ایلسون « سلمان » صکره ؟ ...

(سلمان)

صکره ذات دولتکزی تلف ایتمک ایچون برچوق تدبیرلر دوشونیدیلر .

« براق حاجب »

سعیلری مشکور اولسون صادق انسانلر ، درایتلی شیلر ایمش ،
نهایت ...

(سلمان)

نهایت سزی غافل دوشور و بده خنجرلکه قرار ویردیلر .

« براق حاجب »

خنجرانه مک قولای ! فقط دوشورمک ایچون عجبانه درلو حکیمانه
تدبیرلره تشبث ایده جکلردی .

(سلمان)

بیله میوزم . شو قدر بیلیرم که بینارنده بر شیشه قرار ویرمشار . کندیلاری

شهزاده حضرتلارندن استیذان ایتدیر. امرالدیلر نیتیری بوکون اجرا ایدیه جکلردی .

(براق حاجب)

شهزاده حضرتلارندن امرالدیلر اویلاه می ؟

(غیاث الدین)

بندن امرمی آلمشیر ؟ « سلمانه » ملعون حریف بویلا نیری نرمدن ایجاد ایدیورسك نصل صؤوق صؤوق سویلیورسك انسانك آغزندن انك موغری لاقردی چیقدیغی زمان بیله چهره سی بو قدر خبیعی اوله ماز .

(براق حاجب)

« سلمانه » اعتماد ایت ای اوغل ! افدمز کنجدرلر اما تجربهری بیوکدر . کونده بیك یلان سویلرلرسه اونده طوغری لاقردی اغزلرندن چیقار طورلرینه دقت ایت سنده لقردی نی شوقلی شوقلی سویله سوزلرینی یلاندر دیه رد ایدیورلر ظن ایتمه انسان خوارزمشاه اوغلی ده اولسه ینه جهالتی کندی افغانی خاطرله میه جق درجه یه کتوردمز نقل ایتدیك شیلرک صحتی آنلر سندن اعلا بیلرلر سویلیشکی بکنمدیلر اوضاعنده بر حرارت بر اهمیت کوسترمده آنک ایچون تکدیر ایشتك !

(غیاث الدین)

حاجب بو استهزاییه کچدی حقاراتی ده سن عادتاً شبهه لنیورسك بکا اینانمیورسك ده شومسکینك سوزلرینه اعتماد ایدیورسك !...

(براق حاجب)

والله شهزاده م او قباعتك عفونی لطفکیزه براقیرم بنده کیز

مراتب حکومتك ايكنجى درجه سنده يم المده يالكىز بر مملكت وار قوتى
 اودر جده ايكى بر مملكت خلقك بريده سويليه بياجكى يالانى بنده گىز
 بر كونده سويليكه مقتدر اوليورم . سوزينه اينامق خصوصنده افندمى
 براقوبده شو فقيره مراجعت ايتديكم بورالرى دوشونديكم ايچوندر .
 آمان شهزادم ديا حكمنك آلتنده ايكى بزدمى ؟ طوغرى سويلك
 كى بر ناموس ويركوسيله مكلف اوله جىز اوقيدلرى اومذلكلرى ينه
 نقرابه براقلم .

(سلمان)

شهزاده حضرتلرى بنده گىزك يالان سويلديكنى ده پاك اعلا بيليرلر !
 « غياث الدين »

حنزير حريف بن سنى نه دن بيليرم كه يالان سويلديكنى ده بياجيه .
 « براق حاجب »

« سامانه » بدلا : خوارزم شاه دورنده پادشاهلر بر قوجه كشور
 خلقنى ايستديكى حاله قويىق ايچون سلطنت سورر . بر قوجه كشور
 خلقك آرزوسى كى حالى بيلمك ايچون دكل افندمى سىنك كى
 چالشقانلقدن ، طوغرىلقدن بشقه مزيى اولميسان احاديره مى خاشرده
 طومنه تنزل ايدر ؟ چىنلكاريمزده كى حيوانلرده چالشقان باغچه لريز .
 دهكى آغا جلره طوغرى ... شمدى طوغرىلر ، چالشقانلر ، هپسنى
 بياىك ايچون ذهنمزه قوجه حيوانيه ، جهادايه ، بر مملكتك رسمى مى
 نقش ايدم ؟

﴿ غياث الدين ﴾

« براقه » لاقردىلر مى دها بوغازمده ايكى ازوبده جنين سىقط

حكمنده براقنى مى مراد ايتك ؟

براق حاجب

دوانكە بىك يشا ! نه كوزل بر تشبیه : يورللك شهزادەم : حقیقت
ملوكك سوزلری سوزلرك ملوكی اولیور ! عبادا لاکز آنسز . . .
استغفر الله سهو لسان واقع اولدی غالبا بر آز اولده بو خطایی ایتمشیدم
. خاندان ادب پرورده لرندن دکلم بویاه قصورلریمك عفویینی استرحام
ایدزم . آنسز دکل ! هذاراسب حضرتلری : پك كوزل شاعرایدی
حتی جانی قورتارمقی ایچون قچاق صحرالرنده ، قوم دریالرنده یوزرکن
ینه شعر سویلاردی . امور وئدر شهزادەم ! امارت کبی حسن طبیعت ده
خان دولتكیزه موروئدر .

« غیاث الدین »

لاقردی سویاه میه جکمیسك ؟

« براق حاجب »

استغفر الله ! بیوریکز سویایمکز . عمر کزده نه قدر لاقردی سویایمک -
آزوسنده ایسه کز جمیه سنی بریره طوپلایمکز ده سویایمکز .

« غیاث الدین »

« سلیمان » بورایه کل کوپك . بن شمدی سنی بیایورم اویاه می ؟

« براق حاجب »

« سلیمان » افندمزك یانه کیت کوپك . لیکن بر طرفارینی ایصیرمه ...
صکره برر برر دیشلرینی سوکهرم آنلرسنك بر طرفنی ایصیرلرسه سسنی
چیقارمه صکره صاغ ایکن درینی یوزهرم اک صکره کی سوزلری نه ایدی ؟ ...

« غیاث الدین »

« طاق سسمی کسمکمی ایستیورسك ؟ باری بوغازیمه صارلده نفسمی کس

« براق حاجب »

مرحمت بیوریکز ده بو خدمتی اوتیه کی بنده لیکزه حواله ایدیکنز . چوق جلاد

قوللاندم لکن شمدي به قدر جالداق ايتدم . سويليکنز افندم بنده کزده
والده کنز کي صوصارم . پدريکنز قدر صوصارم .

(زاهده)

« بر آز کنديني طوپلا يهرق » آه بوکوپک : دنيا ده انسانيته مخصوص
برحس بر اقامني مراق ايتش ديريلر يثشامش کي عجب چور يماش
کوکل وارميدر ديه ديلني کورک . ديشلريني قازمه يرينه قوللا نيور .
مزارلرنده کي اولولره ده مسلط اوليور .

(براق حاجب)

ملکه حضرتلرينک ينه قانلري قاينامغه باشلادی شمدي کوزلرندن
برقاچ طامله باش چيتار اوغليان برطرف . دوام بيورک : سويليک :
نه ديوردیکز ؟ سلمان : سکا نه اراده ايديورلردی ؟

(سلمان)

بنده کزی بيلمک کلرندن بحث ايديورلردی حالبوکه ملک نصرقي
اوردقلري زمان بچاره قوجاغفه يقيلمشدي . بيلم نصل سيامي تشحيص
بيوره ميورلر احتمالکه اوزمان چهرمه صچرايان قان طامله لري بر اثر
براقاديغند ندر .

(زاهده)

آه مقتول اوليور ... قوللار کناهي عفوايديور . لکن فلک انتقامي
براتمقدن حالي قاليور کوز ياشلرينک ندامت فريادلرينک هيچ فائده سي
يوق عادل مطلق جانه جانندن بشقه شي قبول ايتيور .

(سلمان)

« غياثه » يوزيمه پک دقتلي باقيورسکيز . تخطر بيوردیکز صانيرم .
اگر ظنم صحيح ايسه يالنجي اولمديغمده البته خاطر دولتکيزه کلير .

هانی مجروحی باره لنډیکې کې اولمډیکندن هیچ اولیه جک ظن ایتشده یاره سنده
برخنچر دها اورمق ایسته مشدیکنر بنده افند مزه [پیچاره ایکی ساعت
یشاماز عزرائیل پنچه سنده اولان جانه خنچر چکیلیرمی] دیمشدم
سوزم عینی عینه حقیقمیدی ؟ مرحمتی شهزادهم !

(غیاث الدین)

ملعون : بن سکا کچن عمر یتزک تاریخنمی صوریورم ؟ دائره خلقي
بندن نه وقت حاجبه قصد ایچون امر آلدیلر .

(سلمان)

دون اقشام وقتی مؤذن مناره دن اللهک قوللری عبادته دعوت ایتدیکی زمان
(غیاث الدین)

(صوص خنزیر !)

(براق حاجب)

« غیاثه » سکوتده بر فائده وار ایسه او امری توابعکزه ویرمک
دها قولای دها خیرلی دکلیدی پادشاهم ؟

(غیاث الدین)

اینانیوردنیاده اوتوز سنه دنصکره حکومتده بولنمش بو قدر تجربه لر
کورمش حریف بندن ملک نصرتک انتقامنی آلمق ایستدیکنی کوزلریله
کوربیور قولاقلریله ایشیدیورده کوزینی قولاغنی یلانجی ظن ایدیور .
بو کوپکه اینانیور .

(سلمان)

فرض بیوریکنر که : بنده کنز مفتی یلانجی اولیم : توابعکزده
یلانجیمیدر . هیچ بریسی هیچ بر سوزیمی تکذیب ایتدی امیر جابر
میدانده طوربیور .

﴿ براق جابر ﴾

« جابر » عجایب ؟ افندمزنك توابعیاه بو قدر مهم اسرارہ واقف
اولہ جق قدر محرمیت پیدا ایتشمیدك ؟

﴿ جابر ﴾

سلماندن مسئلہ بی خبر آلدیغم کبی جملہ سنی توقیف ایتدم . اشکنجه .
بی ایشدنگاری آندہ هپسنی برر برر سویلدیلر حتی ایچلرندن آشیق
چکمکه ، قزغین تاج کیمکه دکل ، فلقه دکنکه بیاه محتاج اولہ جق بر
یکیت بولمندی .

﴿ براق حاجب ﴾

یکیتلك انارك حالنه دیرلر . جان قورتلیمه جق اولدقدن صکره
وجودی ازعاجده معنانه در برتك قیلنه خلل کتیر مکسزین روحی اولوم
نجه سنه تسلیم ایتمکدن بویوک یگتلیکمی اولور ؟

﴿ غیاث الدین ﴾

« جابر » هپسی برر برر نه سویلدیلر ؟ نه هذیان ایتدیلر ؟

﴿ جابر ﴾

هر سویلدکرینی تفصیل ایتسم افشامده قدر بتره مم خلاصه سنی
سویلیهیم حاجب حضرتلرینک حیاته قصد ایتدکرینی اعتراف ایدیو .
رلر . عذر اوله رقدن بز امر قولی یز نه پیالم دیورلر .

﴿ غیاث الدین ﴾

آه الحققلر ! ملعونلر ! او حیاتی ده آنلره ترتیب ایتدیلر اجراسنی
آنلر کندی اوزرلرینه آلدیلر یالکیز بدن مساعده کورمدیلر ده آنک
ایچون جسارت ایدم مدیلر شمدی امر قولی یز دیورلر بنی اتهام ایتمکدن
بشقه کندیلرینه بر جاره نجات بوله میورلر . اولاه می ؟

(زاھدە)

کەندى كەندىنە ، سەنك كەبى افەندىنەك تابەلەرى نەسل اولەجق پىلان
ايزندە سولەيجاندەن بىشە كەم يۈرۈپە بىلەر !

﴿ براق حاجب ﴾

« جابرە » يەكەنلەكك ، مەردلەكك حەقىقىتى ھەمدە مەلۇكانەسى نەسل
اولەورمەش كۈرەيۈرەيسەك ؟ افەندەز « ئىلاھ » كەنەر كەن اوزەرلەينە
كەلەجەك بالارە اللە قوللەنە قول خەدەمتكارلەغنى تەرجىيە ايتەش . براق
عاجزەك سەيە ھەيئەتە سەغەنۈرلەردە اوبر قاق عاجز نەچۈن نەفسلەرنى
مخاطرەدە كۈردەكە ۈلى نەمەتلەرنى شەھزادەلەرنى كەندىلەرنە سەپەر ايتەك
ايتەمسۈنلەر .

« غەياث الدىن »

بە آدم نەسل يەمەن ايتەرسەك ايدەرم .

(براڤ حاجب)

افەندەزەن اخلاقە براق قەسۈرم اچۈن دەرەستەدا ايدەجەك
آرە ھەرە پىلان سولەيدەكە يەمەن ايلە تەمەن ايتەكە مەجبۇر اولدەيەم اچۈن
بەندە كەزەك نەزەردە قەسەدە ۈدەق و كەزە بىر بىرەندەن ايتەجەق بىرەنلەردەن
دەكلەر .

« غەياث الدىن »

نە سولەيەيەم ؟ سەكە سۇقەدە ايتەكە آندەر كەندى ارەلەندە قەرار-
لەشەرمەشلەر ايدى ۈاقەا بەكادە سولەيدەر .

— براق حاجب —

« لاقەردەيسەكە » لەكن رەد ايتەدەكەز دەكەي ؟ افەندە البتە ايشى
بەندە كەزە خەبەر وىرەدەكەزە بىنەم كەبى اختیار پەرۈلەكەزى تەجەيز ايتەمەك

ایچوندر. اما قولکیزک براقچ کونلک عمرینی چوق کوزن بندلریکزمه ده بر جزا بیورمالمشکنز مرحمتکنز واسعدر . دور دولتکزدده هیچ کیمسه نك هیچ بر طرفی اینجندیکنی ایسته مزسکنز. اویله دکلی شهزاده م؟
(زاهد)

وکندینی طوپلایه رق براقک یانه کلهرک « بنانه سویلش نه صورال-
جقسه ک جوانی بدن ایسته .

« براق حاجب »

عجایب سزدن جواب ایسته یم اویله می ؟ افندم هر واده چوجغنگ
کیرلی اوانی تمیزلمکی وظیفه بیلر فقط ایکی اوچ آیلق نهایت اوچ
بش یاشنده چوجغنگ : مکر خوارزمشاه سراینده والده نرک بو
وظیفه سی چوجقار صقال لندقدن صکرده ده دوام ایدرمش . فرمان
سزک ملکه بوندن صکره افندمزله قونوشورم هر حالده افندمزدن
استیدان ایدرم فقط مساعده بیوریکز . برایکی دقیقه مساعده بیور-
یکزده شوغلبه انی دفع ایدیم ! جابر
« جابر »

افندم ؟

— براق حاجب —

سرایده نه قدر عسکر وار ؟

(جابر)

اوچ یوز قدر .

« براق حاجب »

ك اعلا : شمدي یوز آدم کوندر معهود توابعی کتورسونلرده شو
میدانده کی آغاچلره آسیورسونلر .

« جابر »

فرمان سزك !.... « چيقار »

— براق حاجب —

« زاهدیه » مرحوم خوارزم شاه اولدی ره چکی آدمک بونی اوردی رردی
 حجاجك، ابومسلمك ده مراق اوپله ایش واقعا انسانك بونی وورلدینی زمان
 قانی فسقیه کی صیچرایه ، صیچرایه اطرافه دوکولوب تخف ، تخف
 شکالر پیدایدیور اصلق بشقه می !... آسیلان بر آدمک اعضاسندن
 هریری بوزیاه آچیه نظرله موتک هردهشتنی عینیه تعریف ایدر .
 انسان آصیدردینی آدمی هم اولدیرر هم سكرات موت کوزیاه کوزه ،
 کوزه اولدیرر . بونکله برابر اورته ده قان بیله کورنمز . بنده گز
 قاندن ایکره نیرم هم ده پك فنا ایکره نیرم حریفلر کلیورلر سیر ایدر میسگنر ؟
 « غیاث الدین »

آه ... بن سیر ایدرم خنزیرلرک ...

﴿ براق حاجب ﴾

« سوزینی کسهرک سلمانه » یانکه برقاج کشی آله شهزاده
 حضرتلرینی آغاچلرک آلتنه کوتور . بسالدری خنزیرلری سیر
 ایده جکلر مش « غیاث » طموزی بیان ملتار نصل اولدیرر بیلمم .
 اوکر نمکی ده مراق ایتماشدم حریفاری آصیدردیغم خطا ایسه عفو
 بیوزیکنر « سلمانه » جنکیز خان حضرتاری پادشاه نسلندن برینی
 اولدرمک لازم کلدیکی زمان کند یانک کیریشیه بوغولسنی امر
 ایدرلر مش . بوولی نعمت زاده نده اوپله بوغکیز ! یایی شوراده
 دیوارده در : شوپای : ایشته اوزرنده « غیاث الدین » یازیلی . صاقین
 شهزاده حضرتارینه اذیت ویرمسونار !... ایچکزده اداب ملوکینه

رعایتی اونوتان اولورسه پك فنا مجازات ایدرم اویله خیشلرك بیک جانی
ارلسه المدن قورتاره مزلر « زاهدهیه » بیوریكز ملکه شمدی
قونوشه بیلیرز .

« زاهده »

آه ! ... قابل دنیادن کیتدیکی کون حوانك شیطان قلبنه صوقولمغه
ییلان وجودینی زهرملکه قالقشه مایملردی ! اللهم مکر انسانلر ایچنده
شیطاندن ملعون ییلاندن آلچق مخلوقات ده وارمش . بو آدم هم
جگر پاره مك جاننه قیور . هم ده بنمله صیریده صیریده قونوشه جق
قانی دیشارینی کوستره چکده بر بیچاره والدنك اولادی ایچون
دو کدیکی کوزیاشنی رحمت باراننه تصادفی ایتمش کی اکلنه، اکلنه سیرایدجك .
(غیاث الدین)

شمدی به قدر خاندانك نعمتیله یشادك ! شمدی بنم حیاته قصد
ایدیورسك سنك ایچون حقوقك عهدك ، امانك هیچ حکمی یوقیدر؟
بندن نه ایسترسك چی ات ایله کچینان وحشی آرسلانلر بیله ایلك
کوردیکی آده طوقونمز .

(براق حاجب)

ینه حق نعمت : ... بر درلو اکلانه مدق « سلمان » سلمان سن
آلدیغك امرلری بویله می اجرا ایدرسك ! کوتور کوتور شونك
سوزلرینی ایشتدکجه اوته کی دنیادن بورالره قدر سس کلیور ظن
ایدیورمده تویرم اورپریور [سلمان بر اشارتله قپودن برقاج عسکر
چاغیرر بغته غیاثه هجوم ایدرلر]

(غیاث الدین)

« چبالیه رق » آه ! جلال ! جلال .. خنزیر آه « غیاثی چیقارلر »

(زاهدہ)

« جد واهیتاہ براقہ قوشئرق » یوق ! قیمہ اولادیک جانہ قیمہ
بشتہ ہر شئہ راضی یم ! ہر شئہ ؟

(براق حاجب)

او قدر یانمہ صوقولیکز افندم ! ترلہ مشدم قوقوسندن تعجیز اولور سگیز .

(زاهدہ)

آہ واز کچ ! ... اہ عشقنہ ... او استہزالردن او قپلان صیریدیشی
کی جانہ قصد ایدیجی کولوشلردن واز کچ ! او غلمی اولدیر یورسک
بوزمانہ قدر اللہک باغش-لادینی جانہ سن قیورسک برقادینک الندن
جناب حقک ویردیکی نعمتی آلمغہ چالیشیورسک الہدن قورقمازمیسک ؟

(براق حاجب)

کوزل افندم ! اما بندہ کزکدہ جائی جناب حق احسان ایتشدی .
مخدوم مکر مکزدہ اللہک بکا اولان احساننی غصب ایتمک چالیشدیلر .

— زاهدہ —

سن حیاندہ سک ! آنی اولدیرم جکار اوسکا قصد ایتدی ایستہ
مقتدر اولہمدی صاغ قالان آدمک خصمنہ قصاصمی اولنور ؟ آہ ...
ملک نصرت اولورکن غیائک جرمنی عفو ایتدی دہ سن صاغ طوررکن
عفو ایدہ میورمیسک

(براق حاجب)

دیمک کہ : سز او مبارک اولادی دنیادہ کیمی ایسترسہ اولدرسون
کیمی اولدیررسہ آغزندن صوک نفسیالہ برابر عقولقردیسنی چیقارمغہ -
دہ مظهر اولسون دیہ وجودہ کتیردیگز . والدہ لر اویالہ بر خارقہ یہ
اعتماد ایدہ جک قدر خیالاتہ تابع اولہ بیلیرلر . بیلیم دقت بیوردیکزمی

افندمن قادینلر لحوسه زمانده آزیحق چیلدیرم یورلر اوچلغفلقدن هر
چو جق طوغوران قادین ده بر درجه یه قدر آشی قالیورکه : بونک
آدینه بعض حسن تأویل اصحاب والده شفقتی دیورلر . ایشته او
سائقه ایله هر قادین طوغوردینی چو جقنی دنیایه رحمت کبی کوریور .
بروقت هندستانده برسیاه جاریه یه چو جقنک تاریخ ولادتیی صور مشدم .
او غلم طوغار طوغاز کونش باتدی ! جوانی ویردی سوزینی او قدر غرور
او قدر افتحار ایله سویلشدی که : بر عرب یاورییی نظرنده کونشه بدل
اوله جق : بلکه کونش اوتاندیغندن عالم احتغایه چکلمکه مجبور ایدم جک
قدر غلوی ، نورانی بر وجود کبی کورندیکنه هر لقر دیسی دلیل
اولوردی . دلیلکدر . یالکیز صاقلی دلیلکدرک جمله سندن شدتلی
اولیور . مضرتی هم والده یه هم اولاده طوقینور . حتی بر حکیمدن
اندتم دیشی کدی یاوریلرینی دنیایه هر شیدن کوزل کوردیکیچون
هر شیدن لذتلی ظن ایدرمشده آنک ایچون یرمش .

(زاهده)

آه نه لک کبی جناب حقک یالکیز مرحمت صنعتندن یرادلش بر
حی ایله اکلنیورسک . بروالده نک چو جقنی زیاده کوریورسک جنین
ایکی رحمتدن چیقارمنه قدرتک قالمش شمدی قلبنک هر طمارلرینی
هرسیکرلرینی آیری ، آیری یازم لیوبده ایچلرنده سریان ایدن اولاد
محبتنی حنچرینک اوجیاه فنا طور اقلرینه آتمقه چالیشیورسک : سنی
انا طوغورمدیمی ؟ شیطان کبی آتشدنمی خلق اولندک ؟

(براق حاجب)

آتشدن یرادلش اولسم کورنمزدم افندمن کندینی انسان کوزندن
صاقلایوبده راحت راحت هر ایستدیکنی یاه بیلیمک نه بیوک بختیارلقد

بیلیرمیسکنز ؟ آلتی یوز سنه دئیری حاجیار شیطاننی رجم ایدیورلر حالا
کور کوزینه طویال آياغنه بيله بر طاش راست کتیره مدیار شیطان ایسه
ابتدای خلقتدن بری ملکک انسانلرک جمله سیله اوغراشیورلر اویله
اوغراشیورلر که بزم کبی مخلوقاتنه بعض کره خالقنی اونوتدیریور. مخدوم
مکر مکنز ایسه یالکیز بنده کزله اوغراشمق ایسته مش خدمتکارلرینه بیله
حکم کچیره مدی . یکر می درت ساعت ظرفنده اوزرینه آتیلان قضا
طاشلاری کندیسنه اوطوردیغنی سرایلردن بیوک لحه یامغه کنفایت
ایلدی کورنماک بشقه بر قوت بشقه بر مزیتدر افندم نه قدر شیطان
فکر وارسه هپسی تستر سایه سنده وجوده کلیر .

« زاهده »

مخلوقاتک مقدس بیلدیکی فکرلر الویرمدی شمدی جناب حقه ده
دیل اوزادیورسک یقیدیغک کفایت ایتدی شمدی کعبه یه طاش
آتیورسک اویله می .

(براق حاجب)

عجایب ... خاطریه کلامشدی عجزه نسوان ایچنده ده قدرت کلیه نک
حامیسی کیسه جک مخلوقات واریمش حدت بیورمیکز افندم چهره گزی
کوردم اسیا گزه غضب یاقشمیور . بورایه تشریف ایدک ... شهزاده
حضرتلرینی عمرلرینک آخر منزله کتیردیار دنیا کوزیله بر کره ده
جمالی کورمک ایسته مزیمیسکنز ؟

(زاهده)

« سرعتله پنجره یه قوشه رق » کتیردیاز ! کتیردیاز ... کر چکدن
اولدیزه جکلر ... کر چکدن اولدیز یورلر ... بنی آندن اول اولدیزه .
جک قدرده می انصافک یوق کوکسلیه برخنچر اورده جنازه می .

اولوسنك اوزرىنه آت « براقك قوشاغندەكى خنچرى قپار اوزرىنه
هجوم ايدر » آد ملعون سكا غياثك موتى كوسترميه جكم كوپك سكا
اولادىمك اتى يدير ميه جكم .

(براق حاجب)

« برمكانتاه خنچرى الندىن آير زاهدەنك كو كسنة صاپلار زاهدە
يقلير » آدم اولدير مكي چوچى طوغرمق قدر قولايىمى ظن ايتديكنز؟

يدنجى مجلس

اولكىلر — جابر

﴿ جابر ﴾

« تلاشاه ايجرى كيرەرك » سلطان جلال الدین قلعه دیوارلرندن
اشدى عسكرىمىزك يارىسى قىردى مملكتك يارىسى الدن كيتدى .

(براق حاجب)

نصل كچدىلر ؟

« جابر »

كچدىلر افندم نصل كچدىلرىنى سويلەكە وقت يوق : قارشىدن
قارغىلارنىمك كولەكەسى كوزىمىز كىرىيور آشاغىدە ياغز قىصراغىلار
حاضر در . بىك قدرده فدایى بنده كزده موجود بر دقيقه غائب
ايدرسەك بر دولت بر عمر غائب ايتىش اولورز .

(براق حاجب)

لوقدر تلاشه لزوم يوق كيدەلم . صاغدىن كلىيورمى ؟

— جابر —

اوت ! ...

(براق حاجب)

شوطرفه بغداد قیوسنه : « چیقارلر »

﴿ زاهده ﴾

« یارەسنک بايغناغندن اویانمغه چالیشەرق » غیاث ، طالعسرغیاث!

آه جلال ! جلال ! ...

پرده اینز

پرده

۱۱

{ برواسع میدان کنارنده بر سرای — سرای پنجره لریك آلتنده }
 { غیاث الدینك جنازمی — دها اوتده بر طاقم اولولر کورینور }

برنجی مجلس

جلال الدین — اورخان — نورالدین

« جلال الدین »

« اورخانه » فصل قاچدی ؟ ... نره کیتدی ؟ ...

« اورخان »

اوکزدن قاچدی برسیاه خمتان کیمش بریاغز قصرآغه بینمش
 ایدی ظلمت نور اوکندن فصل محو اولورسه اوقدر سرعتی قاچدی .
 دنیا قورلدی قوریاهلی کوندز کیجه یه یتشه مدیکی کچی بزده آرقه سندن
 یتشه مدک . بر دقیقه ده بر ثانیه ده کورونمز اولدی پادشاهم !

« جلال الدین »

کیتسونده یرک دینه کچسون عجب اوته کی ؟ ... اوته کی یادکار نره ده ؟

« سلمان »

« الیه غیاثک جنازمینی کوسترمک » بوراده پادشاهم مذلت
 جبلیه سنه قاووشدی ییلان کچی طوپراقدرده سورینور .

« جلال الدین »

« سلمان » ها ! ... سن حاجبک جلالرندنیمسک ؟ ...

(سلمان)

خیر پادشاهم ! ... ملک نصرت مرحومک عنایت پرورده لرنده نم .

« جلال الدین »

آه یاربى نه غریب حکمتلرک وار ؟ نصرت بیچاره سنک قانی عند
مقدسنده بوقدر اسلامک حیاتندن دهامی قیمته دار ایدی که : خانی
آنک انتقامینه اوغراتدک « سلمانہ » کیت بزم عسکرله برابر بوتک مملکتی
یلپورسک هیچ اولمازسه یول کوسترسک « کندى کندینه » انتقامندن
چرکین برشى تصور ایدم مردم واسطه انتقام آندن ده کتیه ایش
« غیاثک جنازه سنه یاقلاشهرق » کندک ایچون کندى هوساتک ایچون
یرادیش ظن ایتدیگک عالم باق سنی نه حاللره کتیردی یانندن آریلان
برسیاهی نی خدمتنه قبول ایتدیکی ایچون بر آدم اولدیردک توابعک ایچون
قصه انجلنگک انهماکک اودرجه ده ایدی صکره جاننه قیدقری وقت
اوتوابعدن محافظه ک ایچون برقیلنی فدا ایدم جک کیمسه بولمادی . دولت .
حکومت هوسیاہ اسلامک سعادتسرای اقبالنی یقمغه جسارت ایتدک ،
حالبوکه انقاغندن کندینه برتخت سلطنت دکل برتابوت پارچه می بیاه
پیدا ایدم مدک دینکی ناموسکی یوله فدا ایتدیگک بودنی دنیانک انسانه
قایچ کون وفاسی اوله یلیرمش اوکرندک . فقط صوک نفبکده اوکرنک
آه انسان دشمنک بیاه بر دقیقه ده بر نفسده ایکی دنیادن ایکی حیاتک
هردرلو سعادتندن الی الابد محروم اولدیفنی کوررسه ...

﴿ اورخان ﴾

نهایت درجه لرده مایوس اولور پادشاهم ، خصوصیاہ او دشمن
کندی قانندن کندى اخوانندن اولورسنه ...

﴿ جلال الدین ﴾

« تردد » اوت قرداشمک دیننی دنیاسنی برلکده تنف ایلدیکی
ایچون مکدر اولورسم نی تعییمی ایدرسکمز ؟ ...

﴿ اورخان ﴾

استغفره پادشاهم ! اللهم دنیا سنه کور نمکدن حجاب ای دیور لرمش
 کبی مبارک کوزیکزده صاقلا نغہ چالیشان کربہ تأثرک اک اوفقی طمله سی
 جناب ارحم الراحمین عندندہ حق یولنہ دوکیلان بر شهید قانی قدر
 مقبول اوله جقدک امینم . دنیا محاربہ لرینک اک مصیبتلی زمانلرنده
 آرقه کزدن ایرلمدیغم کبی حسیات قلبیه غوغالرنده ، اثر شاهانه کزده
 تابع اولدیغمی کوسترمک ایچون سوز سویلمکه جسارت ای دیورم !
 (جلال الدین)

« تردده » یا کندی برادر زادهک ؟ ...

(اورخان)

اوت پادشاهم ! برادر مزاده می کندی الماه کوزیکزک او کنده
 اولدیرمشدم فقط وجودینه اوردیغم مزرانک برعکس روحانیسی ده
 کندی کوکلمه صاپلانندی افندمر قطب الدینی الله یولنه قربان ایتدیگکز
 زمان نه قدر متأثر اولدیگزسه بنده کزده طامری ، الله یولندن ایرلمدیغمی
 ایچون تلف ایتدیکم وقت او قدر تأثر ایتمشیدم قره طوپراق دینده نه
 قدر تفاوت نه قدر امتیاز وار ایسه هپسنی ستر ای دیور اولوم میدانه
 چیقنجه اغلایان کوزلر ، یانان یورکلر ، فضائی رضی الله کورده میور .
 حس ایدمه میور . انسان بر درلو فدا کارلاردن قلباً متأثر اولمازسه
 ذاتاً فدا کارلنک نه مزیتی قالیر ؟ ...

ایکینچی مجلس

اولکیار — زاهده

« سرای پنجره سندن کورینه رک » جلال : جلال : آد نورالهی
 جلال شکلنه تمثال ایتمش بورالرده گزییورده بنم آخر وقتهمده گوزلریمی
 طامت اورته جک ... یوزینی کورمه یه جکم ... جلال بنی یاننه آل ..

سویا ده بنی یاننه کتیر سوانر .

(جلال)

« تلاش ایاه » او پیچاره یه نه اولمش

(نورالدین)

نخبره دن جانسز بر حالده ییقلدی کیم بیلیر حاجب ملعونی یاره ندیمی؟
بوغدی رمنه می چالشدی دوشرکن حرکتی روح تصرفنده کی وجودلرک
حرکتنه هیچده بکزه مدی .

(جلال)

یتشک شو پیچاره نك امدادینه یتشک ده بورایه کتیرک [نورالدین قوشارق کیدر]

(اورخان)

شمدی کتیر لر پادشاهم ! فقط افندمن یوقاری چیقسه کزدها
مناسب اولمز میدی .

(جلال)

وجودمه اقتدار می قالدی نه کوزل غلبه زمانه، تحف مسرت کوننه تصدق
ایتمش ! ... « آغلیه رقی ره ییقلیر » یاربی یاربی ! . سن عالم وشاهدسک که
وجودیمه، کو کلامه ، کوزلریمه ، حکم کچمبور معشوقه می جکر پاره می الله
یوغدیغ زمان قوت ویردک سن نهرندن کچیردک اوسیلایه یه کوزمدن برطاماه
یاش دوکلمک نصیب ایتدک نه چکر سه کوکلم چکر دی کوکلم ایسه انسان کوزینه
کورتمزدی ضعیفی عجز می صاقلایه بیلیردم سنک یولنده اوغرا دیغ حاللری
سن بیلیردک . تاثیرلرم باب عدالتنده جرم ایسه عفو ایدردک عفو ایتسهک
میرم یالکنز سکامودوع اولدینی ایچون فاش اولیه جغندن امین ایدم شمدی
کوکلم وجودیمی اداره دن عاجز قالدی اللهم اقر بامدن بر خائنک جنازه سنی

کورمکله بیچاره نك فریادینی ایستمکله عبادینك قارشوسنده یرلره
یقلایورم . آغلیورم . سکا هر قولنك بیک جان ایله بورجلی اولدینی
عبادتلری ، خدمتاری چکلمز برادیت تحمل اولتماز برفدا کارلق کبی
کوستریورم اللهم شاهدسك که : عاجزم کندیمی اداره یه قدرتم قالمدی .
«اورخان»

«کندی کندینه» نه عظمتلی وجدان ! دنیاده کیمسه نك اوزرینه
آلمغه دکل دوشونمکه جسارت ایدمه مدیکی معانی نی کندیسنه قباحته بیلور
«جلاله» ولی نعمت دنیانك برکوشه مسنده پادشاه دکل عرش اعلا ده اک
مقرب بر ملک اولسه کزینه بونلر ایچون برقاج دامله کوزیاشی دوکمک
حقك تاثیر غصبنی التهاب ایتدیره مزسکز
«جلال»

آره سنده می عبودیته لازم اولان مسکنتك ذلتك درجه سنی بیلورسك ؟
«اورخان»

يك اعلا بیلیرم : هر دقیقه نفسمده تجربه ایدیورم فقط افندمن
اوذلت ومسکنتی او قدر علوی تصور بیوریورسکز که اللهم عزتی نه قدر
عالی ایسه بزم دولتمزی ده آندن بر درجه اشاغی یه تقریب ایتکم ایستیور
سکز ! بلکه خالقیت مخاوقیت کبی ابعاد نامتناهی نی محیط اولان ایکی منزل
بیننده برقاج طامله کوزیاشی قدر بر حد فصل کورینورسه آنی اخلاق
الهیهدن تخالفه مانع کوربیورسکز .

«جلال الدین»

قولز ! ... قولز ! ... قول خالقنه خدمتنده ولو بر طامله کوزیاشی
قدر اولسون قصور ایتکم نصل جائز اوله بیاور ؟
«اورخان»

معلوم شاهانه کنز درکه : مخلوقات عبودیتہ لایق اولان شرائطی
 یزینہ کثیرہ کہ مقتدر برانلمش اولسه ایدی خالقك صفت رحمتی عبث قالیردی
 «نورالدین زاهدہ نی قوجاغندہ کثیرر»
 «جلال الدین»

آہ والدہ ! سکاہ اولدی بیچارہ قادین او غلامك وجودنی طوغدنی
 زمان پارہ لیم مدیدہ شمدیمی پارہ لدی ؟
 «زاهدہ»

«جلالک شدتندن اویانه رق» آہ سویاہ او لقردی نی بر کرہ دها
 سویاہ والدہ دیمدکی سنك آغزندن والدہ سوزینی ایشدکجه الله سنی
 کرچکدن دنیاہ بندن احسان ایتمش بوکونك کونشی بن طوغورمشم
 بوملکک حیاتی بندن سریان ایدیور صانیورمده وجودیمك هر ذره
 سندن هر دقیقه برروح پیدا اولمش قدر لذتار سعادتار ایچنده قالیورم
 «جلال»

والدہ جکم !

«زاهدہ»

هر نفسده درجه درجه تسلیم روح ایدیورمده سنك لسانندن
 والدہ تعیرینی ایشدکجه ینه هر نفسده برروح تولید ایتمش قدر لذت
 بولیورم . بویارده آچان کوپك قدر مرحمتسز کوککک یشامقندن
 زیاده سودیکی برقاچ سوزی سویلکه میدان ویرمیور جاللم ! پادشاهم
 اولیورم الله قاووشدیررسه پدریکه والدہ که سندن سلامنر کوتوردم
 آہ بوراده چکدک کرتی بیلمزسك بیلسهك البته کوردیکم جزا ایتدیکم
 قباحندن بیک قات زیاده اولدیغنی آکلاردکده عفو ایدردک والدہك
 نه یاپهیم چوجغنی بر تپندن اوچارکن کوروبده آرقه سندن آتیه جق

هانکی والدہ اوغور . آہ اودنیادہ کوپکارک بیلہ مرحمتہ لایق اولیان
 بدبخت ایچون چکدیکاریمه باقدہ اولاد محبتنی آندن آکلہ بکا والدہ
 دیدجہ کوکلہ کلان حالاری آندن قیاس ایت اوغلم ! ایکی کوزم
 جالام او کوپک او حاجب ملعونی سنی بکا والدہ دیمکدن ده محروم
 ایدہ جک ایدی خنزیر ارسلان یتاغنه کوز دیکمش ... اتا بک اولق
 ایسترمش ... بنی ... بنی آہ ... سویلیه میه جکم ... سویلیه جک
 اولورسہم دیتی الہک غضب قلیجگری طوغرایه جتی صایورم ! ...
 اکلادک یا :

« جلال »

نان کور ملعون :

(زاهدہ)

پک ملعون ایش ... پک نانکور ایش ... اویولده غیائک جانہ
 قیہ جفی کوزیتک اوکنده طولاشدی طور دیدہ پدریکہ آخرتہ
 « پادشاهم افندم سکا دنیادہ اوغلم ولی نعمت زادم » دیہ بیلیمکدن
 محروم اولغی بر درلو کوکلہ قبول ایتدیرہ مدم سکا یالکز اوغلم دیہ
 بیلیمک شرفی کوکلہ والدہ لک لذتندن بیلہ بیوک کورندی صکرہ ملعون
 آرمہ بر بہانہ برفساد لاقردیسی چیقاردی بیلیم اصلی وارمیدی ؟
 آکادہ قیدی بکادہ قیدی آنی تلف ایتدکرن صکرہ بنی دنیادہ براقدیغی
 ایچون قانمی ایدہ جکم کلیور .

— جلال —

هریارہ سبب موت اولماز والدہ جکم انشاء قورٹیلیرسک ده دنیانک
 برکولر یوزینی کورنجه یہ قدر یشارسک !
 « زاهدہ »

یوق جلالم ! اولوم وجودی استیلا ایدنجه بک قولای حس اولیور
هیچ تجربه یه محتاج اولمق سزین کندی کندینه کوستریور هم یثایوبده
نه پاجغم او غلم صاغ ایکن حالته باقیورد مده حیاتی عذاب کبی کوریورد م.
آئی ده المدن آلدق نصکره یشامغه نصل تحمل ایدیم دنیا نك نه سنه طالب
اوله یم ؟ الله بنم قدز بختسزیر اتدینی قوللره طوپی بر سعادت نصیب
ایتمش . اوده دنیا عذابندن قورتلقدیر اوله یم جلالم کبریم یاره جکریمی
یاره لیور . وجودیمك هر ذره سی آری آری بر عذاب ایچنده قالیورده
او اذیتلره غیائی دنیا یه کتیررکن چکدیکم آغریلر کبی سوه سوه تحمل
ایدیورم آه ولی نعمت زاده م اولادینی غائب ایتمش انایه دنیا ده اولومدن
بشقه لذتمی قالیر ؟ ..

(جلال)

والدہ جکم ! نیچون بتون بتون مایوس اولیورسک براولادکدہ۔
 بن دکلی یم ؟ اوکتدی ایسہ یرینہ بنی قبول ایتمز میسک ؟...

(زاهد)

سزی ... آہ اللہ جلالیٰ بندن دنیاہ کتیر مش اولسہ یدی کنیدی
کائناتہ جان طانمغہ ، آفاق نور ابتدا ایتکہ مؤکل اولش ظن ایدردم .
بکا والدہ دیدیکگنر ایچون کونده برکونش طوغران فلکک باش
اکمیکجک قدر غرور کایور . غیاثہ سزی بدل اولہ جقسکگز ؛ نہ
یارلاق خیال ؟ ... محال اولدینی میداندہ ایکن ینہ اولوم حالندہ بر
بیچارہ بی سوینچ دلیسی ایدہجک قبول ایتدم جلالم : یلاندن اولسون
برقاچ دقیقه والدہک اولمق عمرمک ہر بلاسنی اونوتدیرمغہ کفایت
ایدیور ! قورقہ ! ... مرحوم والدہک قصقانتز . نیچون قصقانسون !
اوبر حقیقی دولتہ ناثل اولمش بن اودولتک خیالیلہ قناعت ایدیورم .

طالع آنک قوجاغنه برکونش ویرمش بن اوکونشک کولکسنه مالک
اولق ایستیورم آم غیائه بدل جالام . سن بدل اوله جتسک ایکی
کوزم اوله می ؟ کل قارشیمده طور طویه طویه برکره دهـا یوزینی
کوریمده اوله روح تسلیم ایدیم « مجنونانه بر حال ایله یرندن اوینامغه
چالیشدق » آم بویه یوزینک هر طرفنده برکونش طورمشده بن
نیچون کورمزدم . اونهدر ؟ یرلر کوکلر برلشیور . مکر دنیساده
نه قدر حلاوت نه قدر روحانیت وارمش ؟ باصدینمز طوپراقلردن بیه
کونش کی ضیاجوشیور... آم آکلادم آکلادم... انسان یشامازمش!..
اوزون اوزادی به برقورقوی رؤیا کورمش!... اولزمش ، اوقور-
قوی ... رؤیایری ... کوسـترن حیات اویقوسـندن اویانیرمش ..
اللهم ... « تسلیم روح ایدر »

﴿ جلال الدین ﴾

یاربی ! یاربی ! بوشهیدلر نه وقته قدر مسرتلر ، نورلر ، روحانی
خیاللر ایچنده کوله ، کوله قرب عزتنه کله جکلرده جلال بوبلا
زنداندن قوجه بردنیانک آلامنی یالکیز باشنه طاشیوب طورمنه محکوم
قاله جق « آغلیه رق بر طرفه چکیلیر »

﴿ نورالدین ﴾

بادشاهی پک زیاده ضعف قلب آلتنده کوریورم!..
« اورخان »

نه یاپسون ؟ کوزینک اوگنده طامله ظامله دوکیلان مصیبت
قاناری برقلی دکلی ! طاغ پارچه سی قدر برقیایی اریتمکه کشفایت ایدر.
پرده اینر

بر نحی مجلس

جلال الدین — مهر جهان

« جلال الدین — چهره می صولق نهایت درجه لرده متأثر بر حال ایله »

« گوشده او طورر مهر جهان قارشنده طورر »

(مهر جهان)

وجودیکزه هیچ آجیازمیسکنز ؟ الکزده کی دشمن اسیرلری بیه
 سزک قدره مشقت چکمیور باری بزه آجییکنز ملته بر آز مرحمت ایدیکنزه
 بر آز اویویکنز . ایکی ساعت قدر راحت ایدیکنز ... « محزون محزون »
 اوچ کیجه دنبرودر بر دقیقه جق کوز قیامدی اک قریبکنز ایکن بن
 سزه فصل حسرت ایسه م کیرپکلریکنزه بر برلرینه اویله مشتاق اویله
 حسرت اولدیار بر یاصدق ویره می ؟ دیزیمه یاتارمیسکنز ؟ بر بیچاره
 قادینک دیزینه یاتمی شانکزه ذل کتیرمز پادشاهم سویلیه جک لقریدی ده
 بوله میورم ! ... آی ضیاسنی کونشدن آلدینی کبی ، نیم ذهنمه ده بر آز
 انجلا کایسه چهره گزک نورندن کلیدی . شمدی نه وقت قارشیکده
 اولسم آریه جهان قدر المار کدرلر قاریشور فکرم بتون بتون
 متخفف اولوب قالیور . یاصدقی ویره می ؟ جانسز کوکاسز بر بزه
 یارچه سنی دیزیمه ترجیح ایدرمیسکنز ؟

« جلال الدین »

هایدی کیتده اویقوکه ، راحتکه باق :

(مهر جهان)

پادشاهم : بن اویقویه راحتته محتاج دکلم : وجودم ازلدکجه بر آز

اویورم یاننه کلدکجه...

« جلال الدین »

اویله ایسه کیتده بنی راحت براق !

(مهر جهان)

اوف... انسانه سودیکندن آیرلمق قورقوسی سودیکنک حقاراتی
ایچنده یشامق کبی برعذابیده چکدیریور بردرلو افتراقکزی کوزه
آلبدہ کندیمی تلف ایدہ میورم. پادشاهم بندن اوقدر یزاز ایسه کز
بوصفوق معامله لرله اولدیره جکگزہ کوکسمہ برخنچر اورسہ کزده...

« جلال الدین »

« نہایت درجہ لڑده تأثر و تہور ایله » شوکا باق : جلالی قاری

اولدیرمکی کندینہ اکلنجه ایتمش برجنوار صانیور.

« مهر جهان »

« جد واهیتاہ بویننہ صاریلارق » پادشاهم ! الله عشقنہ نہ

اولیورسکز ؛ کندی حالندہ دکلک جالام. سن اولدیره جکک آدم
بیسہ طوروب طوررکن بویله معاملہ ایتزسک. چہرہ کدہ یاقوت
بارچہسی قدر برحدت رنکی یوق آہ آکلادم !... آکلادم !...
« قوللرینی بوینندن چوزہ رک آیاقلرینہ قیانوب » عفو ایت پادشاهم
مرحمت ایت جالام. کوکسمہ برخنچر اور طارلیک الله عشقنہ...
کوکسمہ برخنچر اور دیدیکم کچن ایشلری ایما دکلدر فصل سویلیہیم
مرحومہ بی ، نیرہ بی خاطر یگزہ کتیرمک ایستہ مدم نیچون اویله غریب
برفکرہ زاہب اولدیگزہ یوزیمہ اوقدر حدتلی باقدیگز !... آہ...
بن ذاتا سزی سودیکم زمان او بیچارہ نک ، اوشہیدک سرکدشتنی
ایستمدم ! ینہ مناسبتہ منزلکہ می باشلادم ؛ آہ یوز یگزہ غایت حقیف

کوزلره کورنیه جک کبی حنیف ، کندی نی یالکیز روحه کوستره جک
 قدر آز بر التفات اماره سی کورمدکجه عقلمی طوپلایوبده کوکلده کی
 حسیاتک بر ذره سنی بیله میدانیه قویغه مقتدر اوله میورم آه ! بن بو
 جنالری ده محبتک اکه لذتلی لرندن قیاس ایدردم لکن کوز بتون ، بتون
 نور ایچنده قالغه تحمل ایده مدیکی کبی کوکلده حسیات عشق آلتنده
 ازلمکه طاقت کتیره میور جالالم ! بنی عفوایت ! یوزیمه بر نظر مرحمتله
 باق ! چکدیکم حاللری هول جانیه نه ده بکزه میور .

« جلال الدین »

« کندی نی طوپلایه رق متأثرانه بر حال ایله » یوق ! اغلامه ! ...
 او کوزل کوزلرینه دنیاده نه قدر شیوه واریسه هپسی هپسی یاقشیورده
 آغلامق یاقشمیور کل ! ... شویله چهره کی کوکسنک اوزرینه قوی ! ...
 آه ... قلم . او کونش جالنه یاقشه جق قدر یاقلاشدیره ینه بر درلو
 ظلمتدن قورتلیمیور . هیچ سنک کبی لذائذ حیاندن یرادلش بر
 وجودی انسان ایستیه رک خرابیله بیورمی ؟ کندی جانمی نه قدر تغدیب
 ایدیورم اکا دقت ایدرسه ک اختیار سزلغمی پک قولای آکلار سک ؟

« مهر جهان »

افندم جالالم ! ... آغزندن نغمه روحی دوکیلور ؟ شو بر قاج
 کله جک حیاتی بتون بتون تازه لدی هر کون بر التفاتی کوریورم
 هر کون سایه کده بر کردها دنیایه کلمش قدر سوینیورم اما آره صره ...
 یوق پادشاهم بکا هر معامله ک . هر حالک بشقه بر التفاتدر . شودیوانه
 قاری یه باق . بر فردوس سعادت ایچنده یشایورده حیاتک هر آنی بر
 لذتده اولسون دویور اذواق محبت دکشدکجه برقات دها روح آور
 اولدینی دوشونه میور . بو قدر تجربه لر ایتش ایکن ینه دوشونه میور .

جلال جناب حق بوانسان قیافتنده کی مخلوقاتک کو کسر نده کوکل
بر اتمام شمیدر ؟ بر کوکل او خیال بشرک آریوب ، آریوبده بریزده
برشیده بوله مدیغی آمال روحانیہ نی نظردہ تشخص ایتدیرمک ایچون
یرادلش اولان وجودینی کورر یا خود او تاریخ عالمک یوزلرجه عصرلرده
بیکلرجه مفاخر انسانیتک بر حلاصه سنی میدانہ کتیرمک ایچون ظهور
ایدن افعالی ایشیدیرده نصل اسیرک اولماز . نصل حکمنده بولمغی
کندیسنه اک بیوک مقصد بیلمز ؟ ... ینہ اوچهره کزددکی حال نہ در .
« جلال الدین »

نه اوله جق ؟ آلام عالم بردرلو کوکلہ صقشه میورده ساعت ، ساعت
وجودیمک هر طرفنده بر شکل مدھشنی بررنک ظالمانیسنی کوستریور .
سنک قلبک محبتله طولش نظر عبرتی بر نوازی عالم علویہ به حصر
ایشسک : کونشه باق . باق دنیایی کورمکدن عاجز قالان کوزلر کبی
پارلاق . پارلاق خیاللرکله اوغراشمقدن . انسانلرک حالی دوشنمکه
وقت بوله میورسک الله باللرینی ویرسون ! ... ایچمزدن ینشان بر طاق
خانلر دوستی دشمندن اسلامی مشرکدن فرق ایتمک سینہ سنی بونجه
پیلدنبرو دین یولنده حمیت میداننده کفنلرینی آرقه لرنده ، حیاتلرینی
آووچارنده کز دیران بوقدر بیک مجاهدده سرایت ایتدیردیلر . بر کره
دوشون جلال الدینک عسکری اخلاطی اوردی جلال الدینک عسکری
اسلام قلیچنه دین قرداشلرینک قاننی بولاشدیردی . صانکه او قانک
هر طامامه سی بر اتشاره کسلیورده جسمک روحک بر طرفنه پایشیور
« مهرجهانک النی طوته رق » ینہ وجودده کی حرارتہ باق ! .. کندیمی
شیطان کبی آتشدن یرادلش صانیورم . کندی باشلرینہ کله جک بلایی
تعریف ایچون نورالدینی ناصر جنابلرینہ ملوک طوائف حضرترینہ

کوندردم بوکون یارین کلیر کوررسک نه غریب خبرلر ! ... نه ملعون
تکلیفار کتیره جکدیر اسلام ایچون مانعی : عدم خرابه لرنده : خیال !
آتش طوفانلرنده ! استقبال ! فنا و اضمحلال مقبره لرندن عبارت
کورینور . انسان بو مصائبی دوشونورده چهره سنده رنکمی قالور
حقک وار ! حقک وار افندیجکم هابرقاچ کیجه در اویقوده اویومامشدم
لاقردی سویلمکه بیه اقتدارم قالدی ! کل ! ... سویله کل ! دیزینه
یتیم سن روحدن مخلوق بروجودک بلکه تماسکدن وجودیه برآز
حیات سرایت ایدر . برقاچ دقیقه راحت اویویه بیلیرم ! ...

« مهر جهان »

کلدم پادشاهم ! بر دقیقه جق استراحتکزه بتون حیاتم فدا
اولسون ! ... « جلال مهر جهانک دیزینه ینار منظره دیکشیر ، ینه
تبریز سراینده بر دیگر اوطه »

ایکنجی محاس

جلال الدین — نور الدین — اورخان

(جلال الدین)

بورک مولانا ! سیاحتکزدن خیری خبرلر امید ایدء بیلورمیزی ؟
« نور الدین »

افندمزک وجودندن بشقه زمانمزده خیره بکزر نه کوردک که : اویاه
برامیده محل اولسون پادشاهم ! ...

« جلال الدین »

ضرری یوق ! سویلیکمزده شر اولسون فناخبر دیکلمکه اوته دنبرو
آلینغز ناصری کوره بیلدیگزمی ؟

(نور الدين)

امكانى واربادشاهم ؟ بروقت ناصرايچون شيطانر سايه ظلمانيسيدر
بيورمشديگنر كندىنى كورمديگنر حالده حقنده ايراد بيورديفگنر
تعريفه كرامت دينسه بنادر . شمدى بغداد تختنده بولنان مستعر كده
آندن بر فرقى اولمديغنه امنيت بيورلسون . مبارك ذات كيتدكجه بر
غريبلك بورونيور بيلم خشاميدر ؟ يوقسه چه ره سنده ايكرنچ ايكرنچ
جبانلرمى واردر ؟ يوزينه ده برسياه نقاب طوتيور . صوقاغه چيقدينى
زمان غضب الهى به اوغرامش كې قبولر پنجره لار قباييور طاعون تجم
ايتمش ملكتى طولاشمغه باشلامش كې هر كس بر طرفه قاجوب صاقلانيور
جهنم قىلارندن برصنم ياپاشده دوره چيقارمش كې هر راست كلن
سجده لره قباييور . اوغظمتده اوده شتده بر مخلوق بزم كې عجزه يى
حضورينه مى قبول ايدر . وزير ياه . علماسياه ، كتاب ديوانياه ، امرای
عسكريه سياه ملاقات ايدنه بيلدك ، اوده بيك بلا ايله حاصل اولدى !

(جلال الدين)

اوت ! ... حكومتلارى بغداده منحصر ايكن كندى تصورلرنده
برقاج بيك دنيا قدر برملاك ايجاد ايدوبده آنده خالق كچنمك
ايستدكلرينى بيلورز . تاريخ خاطر يگنر ده دكليدر ؟ خاندان سلجوقي يى
تأسيس ايدن طفر ك بياغى جهانكير اولمش قائم با امر الهى ده اسرايدن
متغلبه دن قورتارمش ايكن مبارك بغداده كلديكى زمان اواقدارده
برپادشاهه اننى اوپدرمك قائمك عظمتنه طوقونمشديده تقينل ايچسون
يوزوكنى ويرمشدى . شمدى يادكار جلال الدينك سفرينه طفر ك
قائمه كورمديكى يولده عنايتلر ايدمك دكل ؟ اما مقصد اسلامى
دوشديكى بلادن قوتارمق ايش . بر بيوك بابانك اسلام ايچنه تهيه اتديكى

بالارک دفعنی اوغلندنی بکلیه جگیز ؟ عباسیلردن دردیمنزه چاره بکلمک
 قلیچنی نیشت زدن ایتک قیلندندر . بزم آنک اوتهدنبرو هیچ امیدم
 یوقیدی شوقدرکه جنکیزک نفس اماره سی اولان ناصر مادامکه تلویث
 ایتدیکی تحت حکومتدن برکزه زائل اولدی . شاید وزراسنده ،
 وکلاسنده ، اصحاب دیواننده هیچ اولمازسه عسکری طاقنده برائرجیت
 واردر . بر قوجه عالم صاییه جق قدر کیشورلرک طرقت اندراسیله بر
 قوجه دنیا طولادیره جق قدر انسانلرک ولوله سی بلکه غفلت اویقوسنده
 اویانمشلردر مأمولیه آنلره برایش کوردرمک ایچون سزی بغداده
 قدر سفر مشقته مبتلا ایتدم آنلر نه فکرلرده ، نه مطاله لرده بوانیورلر .
 « نورالدین »

عرض ایدیم پادشاهم ! مستنعرک جماعه الملکی علقمی داعیگری
 پک بیوک التفاتلر اکراملرله قبول ایتدی ناصرک بعض شدتتری
 اوزرینه خوارز مشاه علیه بغدادجه حاصل اولان انفعالمک شمدی
 حکمی قالمدینه واققرجه هر درلو آمالک زمان رواجی کلدیکنه دائر
 برچوق مقدمه لر سرد ایتدی . سوزلرینی جدآ حقیقتاً حمل ایتدم
 بچون کبی برچوق امیدلره دوشدم . پادشاهمز ایچون خلیفه نک برغلبه
 سطوت ، اصحاب توحیدک صاحب الرأیه اتحادی اولوبده دنیایی تاتار
 تسلطدن قورتارمقدن بشقه برامل موجود اولمدیغنی بیان ایلدم . مکر
 بونلرک نظرنده زمان رواجی کلن امل مستنعر طرفندن افندمنزه برات
 سلطنت اغطاسنک امکانی ایتمش ! بونک استحصالی ایچون نه قدر هدیه
 کتیردیلمی صور دیلر ؟ مع مافیه هدیه دن بشقه بویله بر آنک ویرلمسینه
 تاتار محاربه سنده فراغت وعدیغیده شرط ایتدیلر بر درلو نفسمه غلبه
 ایدمدم . موجود اولان مالز المزدده قارغیده قولمزدده کی یایدن بلمزدده کی

قلیچدن ، آلتیزده کی آتدن عبارتدر هدیه ایله ، رشوت ایله ، سلطنته طالب دکلز . بوقدر سنده نبرو راحتنی ، اقبالنی ، ملکینی ، مالنی ، اولادینی ، عیالنی ترک ایدوبده پادشاهمک آرقه سنده کزنلر اوکندمه جان ویرنلر بزدن ناصرک ، طاهرک ، مستنصرک ، براتی صورمدیلر بزنی بغداد تاتار محاربه سندن فراغتہ دعوت ایدیور ملیونلرجه یاردینی ، خسته ، اسیر آچ ، طوق ، اخوان دینز امداده چاغریور . اسلامیت هانکی طرفه حاجتی اقتضا ایدر ؟ . . . هیچ دوشونمئورمیسکیز که بز محاربه دن ال چکرسهک تاتار آتلیرینک برنجی وجهه تسلطی بغداد اوله جقدر دنیساده موجود اولان ثروتک یاریسندن زیاده سی بوشهرده ایکن بر آلتون ایچون بر ملکیت بیقمقدن چکنمیان تاتار خائنلری سزی بویه شدادک جنتی آندیران بریرده سفاقتکیزه راحتکیزه بر اقیر صلحه ، عهدہ ، رعایت ایدرلرمی ظن ایدرسکیز ؟ هیيات !... اجل قضا یاقه کیزه یایشمش سز حالا امید ایله یشامغه چالیشیورسکیز . حیاتکیز جلال الدینک حیاتیله حرکاتیله قائم اولدیغنی بلیورسکیزده اولوم قلیچلری عذاب آتشاری بر ساعت اول وجود کیزه یتشمک ایچون اوکیزده کی سد محافظه سنک چکامسنی ایستوریسکیز امین اولکیز که جلال الدین بغداد خلقنی بلاسنه مشتاق اولمش دیه حربدن چکلیورده مشرک آتلیرینک آباغی آلتنده بر اقامازیوللو بر آزدیریجه سوزلر سویلدم پک زیاده منفعل اولدیلر بردها علقمی ایله کورشیدیرمدیلر بشقه بر حکمدارک سهغیرندن بویه تحقیر کورمش اولسهلر احتمالکه اعدام ایدرلردی فقط مظنرال دین وقعہ سی خاطرندن چیقماشم سیف اقتدار کیزک سایه سنده داعیلرینه تعینسدن بشقه برشی یاپه مدیلر .

(جلال الدین)

الله بلالینی ویرسون ! ... اراندل ... یانوب نحو اولان بوقدر
 يك مملكتك دو مانی ده می کور میورلر زنجیر آلتنده ایکیان بوقدر
 یوز يك بیچاره نك ایدنی ده می ایشتمیورلر که حالاحسسه وانی دنیسه
 تاتاره و بالی آخرتده مالک جحیمه تسلیم ایتک ایچون اهل اسلامدن
 هدیه نامیه جزا آلفه چالشیورلر . نرودن کورده جکر ؟ نرودن
 ایشیده جکر بغدادک درت دیواری آره سنه قیامتشار . عالمی کوردکلری
 یرلردن عالمنک حالنی سور دکلری سفاقتدن عبارتدر ظن ایدر . آکر
 جناب حق بزده نصرت احسان بیورمه جتی ایسه تاتارک سلاحی نه
 قدر خونریز ، سورکنی نه درجه مهیب ایش پک یقین زمانده
 کورده جکلر ایشیده جکلر در . دیشلرینی تبدیل ایدرلر . شیطانک ملعتدن
 اک بیوک حصه عذاب اکا او یان انسانرم عائد اولدیغی کبی بونلرک
 خنزیرلکلر نندن ده حاصل اوله جتی مصیبتلرک اک زیاده سی اطاعتلرنده
 یولنان بر طاقم عجزیه فقرایه نصیب اولور . مولانا ! بغدادک علماسی ده
 یومشواردده دکادرلریا ؟ ...

« نورالدین »

خیر پادشاهم ! اومشواردده دکالر فقط آنلرک فکری بونلردن دها
 اشنع عداولنه بیلور معلوم شاهانه کزدرکه بغداد علماسنک بر طاقی
 شیعی ، بر طاقی سنی در . شیعی کروهی افندمن ایچون ، مذهب شیعی بی
 ترک ایتدی کنديسنه اغانه جائز دکادر دیورلر . سنی کروهی ، شیعی
 بروقت تسنن ایتیز جلال الدینک طوئدیغی مسلاک خوش کورنمک ایچون
 اختیار اولمش بر تعیتدر . سنیلکه اعتماد اولماز که امدادینه جواز تصور
 اولسون اعتقادده بولنیورلر .

(جلال الدین)

دېمك كه نظر لرنده بنم سنی اولدینم ویاخود تقید ایتدیکم جنکیزك سرکندن دها شنیع ایش که بکا امداد ایتامك ایچون تاتاره قارشو ملیونارجه اصحاب توحیدی معاونتدن محروم براقق لازم کلیور مولانا! ... مولانا! ... بونلر محکمہ کبراده اویاه اعتقادلر ایچون نه جواب ویره بیلرلر؟ ...

« نورالدین »

والله پادشاهم : یغداد علماسنك اکثری اویاه محکمہ کبراسوال و جواب آخرتی دوشوندیکی یوقدر . بو نواسك معهود قصیده سنده امریف ایتدیکی جوفی کبی « لاله الا ازغیف » اعتقادینه ذاهب اولمشار ولی نعمتلی اولان علقمی بی کنیدیلرنجه حاشا رزاق عد ایدیورلر آنك رضاسی نه جهته ایه بونلرک اعتقادلری اوجانبه تحول ایدیور بر آزینك ذهنیده جهل ایه تعصبدن ترکیب ایتش هم اویاه اعتقادلرده بونلورلر . همده فقرایه صدقه ویره رک ثواب قزانمغه چالیشان طاغ حیدودلری کبی آخرتده اواعتقادلری ایچون مأجور اولمق ایستیورلر .

« جلال الدین »

بونلر نصل عالم؟ ... نصل مسلمان؟ ...

« نورالدین »

معلوم شاهانه گزدرکه بوندن برعصر اول شمال ظرفندن همان کثرتده تاتاره یقین بر قوم موصل اتا بکنه مراجعت ایتدیلر مسلمان اولمق ایستیلر! ... فقط بزم یرلریمز پک بارددر . علاج قیلندن بعض مسکرات قوللانمجنجه یاشایه میز دیدیلر . بونلرک طلبنه زمانك علماسی برعشرت مجلسنده اجتماع ایدهرک ارض وسمایی بربرندن فرق ایده میه جک قدر بدمست اولدقلری حالدہ استغراق ایدر کبی بر « اولماز » جوابی

ویروبده حرامی و بلکه مباحی منع ایچون او قدر تفوتک ضالانده
قالمسنه سبب اولماشارمیدی؟ ایشته بولارده آنلر قیلندن مسلمان! ...
ایچلرنده آدم کوردم که: مجرد مرکب یرادلشده شیطان عباد الاهی
ازعاج ایچون بزه انسان قیاقنده کوستریبور دیه جکم کلیور!

« جلال الدین »

کاتب نازینلری نه حالده بولنیورلر؟ ...

« نورالدین »

آنلرک حالی نه بشقه: سفیر کلهجکی خبرینی آلدقاری کبی اوصاف
علیه کزده قصیده لر ترتیب، دینه اولان خدمات شاهانه کیزی اسلامک
افندمزه اولان امید استقبالی، فرزدقلره، بختیزاره، یاقشه جق
درجه لرده فصاحت و بلاغتاه تعریف ایتشار.

« جلال الدین »

آنلرده اولسون بر حقیقت محبتی، برحمت شوقی واردیمک؟

« نورالدین »

استغفرالله پادشاهم! خاعت محبتی، جائزه شوقی وار مدایمده
بردرجهیه وارمشارکه حضر هدایت حیوانکزک یدکنی چکدیکنی،
ملائکه علیین اوزریکزه سوره فتح او قودیفنی سویلیورلر. اسکندری
چاوشلغنده بهرامی رکابدارلغیکزه قبول ایتمیورلر.

« جلال الدین »

بن بویولده کی مبالغه هذیانلرینی عجم لسانه مخصوص ظن ایده رم.

« نورالدین »

عباسینر نمرود مقلد لکنی التزامه باشلیه لی دنیانک نرسنده برسیئه
وارکه بغداده نقل اولنوبده اکمال ایدلمش اولسون.

« جلال‌الدین »

عسکری طاقی ده می ادبسن ؟ ! ! !

« نورالدین »

ادبسن دکل جلال اولمشار پادشاهم . امت محمدك تاتاردن چكدیكی
بلائر هیچ کیمسه نك خاطرینه کلیور . جلال‌الدین نامی اکلدقچه مظفر
الدین وقعه سنك انتقامنی آلتقندن بشقه برشی دوشوندکاری یوقدر .

« جلال‌الدین »

دیوانه لر : قصاب آغلنده بربرلریاه دوکوشمکه چالیشان قوچار
کبی جنکیزك دائرة تضییقی ایچنده ده اسلام ایله اوغراشمغه چالیشیورلر .
نهدیم یاربی ؟ جمله سنی قهار اسمکه حواله ایدرم . فقط ضعفایه مرحمت ،
ایتده اوزرلرینه تاتاری مسلط ائمه . دیمک که بغداددن برامید یوق ؟
(نورالدین)

ذره قدر امید یوق پادشاهم .

« جلال‌الدین »

البته سزده یالکز بغداد ایله اکتفا ایتدیکنز ؟

« نورالدین »

بغدادده نه یاپلیدی که : آنکه اکتفا ایدیم فرمان هایون نکزه
اتباع ایتدم بغداددن مأیوس اولدیم کبی طوغریجه شامه کیتدم ملک
اشرف مستنصره بکزه مز... ظریف ، متواضع ، نمایشنک یرلرده
سورونشنک ییلاندن هیچ فرقی یوق . داعیکزی برقاچ کره حضورینه
چاغردی . اسلام ایچون موجود اولان تهلککاری برائحد یاسیله مزایسه
یقنده جمله سنك محو اولسی مقرر اولدینی دلائل عدیده سیاه برابر دیک
دوندیکی قدر تعریف ایتدم علاءالدین کیفیاد ایله تجاوزی ، محفظی ،

اتفاق اولديغندن و آنك موافقتى اولمىدخه هيچ برحر كته قيام ايدميه جكندن
 بشقه بر جواب آله مدم . حتى نه قدر قوت ايتدمسه تاثير اتندن بيه هيچ
 برشى تفرس ايدمدم . يا : اوموزلرينك اوزرنده كي جهره دكل باقردن
 دوكلش بر نقاب ! محزون اولسون ، مسرور اولسون حدت ايتسون ،
 اشراج بواسون ، اوچهره نك رنككند شاكلنده دزه قدر برشى
 كورلك احتمالك خارجنده در ! چاره سز كنديسندن آچيقي بر توصيه
 آلدم فونه عزيمت ايتدم كيفيادايه كورشدم داعيگزي بك خوشونه
 قبول ايتدى ! ... دولت شاهانه كز حقنديم بك لايقسز لسان قوللاندى
 تفصيلاتيه تمجيز ايتيميم . چونكه مقابله ده قصور اولمىدى .

« جلال الدين »

مذاكراتك نتيجه سنى سويليكز !

« نورالدين »

نتيجه سنى نه اوله جقى ؟ كيفيادايه اشرف اتفاق ايتشدر دولت كزه
 حرب آچقى اوزره درلر .

« جلال الدين »

عجايب : اسلامك باشنه بلای مبرم اولمق تاتار الويرمدى غياث
 الويرمدى سيفالدين الويرمدى ، شمدى سلچوقيلر ، ايوبيليرمى پيدا
 اولدى ؟ بش آلتى يوزسنه لر حاكم عالم كچمىش قوجه روم ايمپراطورلنى
 خزجكندرايدن آلپ ارسلانك خرسيتيانلنى عالملك اك منعصب ، اك
 فداكار ارباب حربندن مركب بولنان اهل صليبه قلينجنه باش اكديران
 صلاح الدينك - اولادلى اقباسى ضبط ايدم جك يربوله مامشارده
 جئيكيزك پنجه سندن قورتارديم اسلام ماكنى يغما ايتمك ايستيوزلر
 بشقه ايدينه جك برمال دوشونماشارده شهيد مزارنده صويمق ايچون

کفن آریورلر اویله می ؟ اخوان مسلمیندن صایدیغمز یادکارلر
اجدادینک مزارینی اولادینک بشکنی محافظه ایچون مشرکلرک سلاخه
کوکس کرن مجاهدلرک آرقه سندن اوق آتمه قلیچ اورمغه چالیشیورلر
عجا بومردلکک ، بو حیتک ، بودیندارلک سائقى نه اولسه کرک ؟ ...
« نورالدین »

نه اوله جق اخلاطی ایستیورلر .

(جلال الدین)

اوف ! ... ینه ذهنمه بیک درلو خیاللر چو کیمکه هر حارقم مظلوم
قاندن لکه لر ایچنده کورنمکه باشدی کندی کندمدن ایکره نیورم .
بو اخلاط بیچاره لرینک انتقامیده بیلیم نه زمانه قدر سورمه جک ؟
بیلیمدها نه درلوبالار تو صدایدوب طورمه جق حقاری واردر علیهمزده
نه یارلرسه حقاری واردر بزم کبی قاتلاره انسانمی دینور ؟
« نورالدین »

باشاهم ! کوکاکزک بیوکاککی ذهنکزی تغلیط ایدیور آنلرک
اخلاطده تلف اولنلری دوشوندیکی یوق هر کون تحصیلدارلرینک ،
جلادلرینک النده اخلاط مقتوللوندن زیاده آدم تلف اولیورده آنی بيله
خاغازلرینه کتیرمیورلر آلق ایستدکاری اخلاط مقتوللرینک انتقامی
دکل قلعه نط طاشی طور اغیدر .

« جلال الدین »

مولانا ! ... مولانا ! ... اویله قاره قاره خیالار تصویر ایتمه کوکلمده
نه قدر متانت وار ایسه بریره طوبلایورمده بیک بلا ایله زوالدن
محافظه ایده بیلورم . اشرفک کیفیادک جنکیز ایله نه مناسبتی اسلامه
نه قصدی اوله جق ؟ ... اخلاطی بندن ایستیورلر ! ... آلسونلر

مبارك اولسون دیرز غوغا بتر... بلکه اتفاقه ده کیره بیلیرز طوبلا دقلری
عسکر و خصوصیه عربك سوار یسی تاتاره قارشى خیلی ایشه یارار .

(نورالدین)

پادشاهم ! حیف که شمدی به قدر ایتدیکمز تجربه انسانی بویه
برآمیده دوشورمه یور بونلر اوچ کون صکره کله جك بلایی بر کون
اول ظهور ایدن خسته لغه ترجیح ایدر طاقنددر افندمزك جنکیز ایله
محاربه لرنده موفقیت تمامیه بزده قالدیغنه عسکرک آزلغندن امرانك
حیانتدن بشقه بر سبب اولدیغنی لایقیله او کر نملار کندى عسکرلرینی
افندمزك توابعندن کثرتی کندى ضابطلرینی بز مکندن صادق بیلورلر
اودر لواقعال عظیمه نك جلال الدیندن بشقه کیمسه به میسر اوله میه جغنی
دوشورنه میورلر آنك تاتاردن پروالری یوقدر . اخترازاری ذات شاهانه
کنزك سلطوتندن و خصوصیه اسلام آرمسند اولان شهرتکزدنددر .
سلطنتکزك قوتی مزاید ایدر سه تاتاردن صکره نوبت کندیارینه کله جکته
ناموس اکبردن ایشیدلمش بر حقیقت کبی اعتقاد ایدیورلر یقیناً معلوم
شاهانه کنز اولسونکه اخلاط ایچون مناسبتیه علاوه اولنه بیاه جك
برقاج بیک کرد سوار یسی قصقاندقلر ندنددر .

« جلال الدین »

فسبحان الله : مادامکه ترجمهء حامی بیلورلر بنم سلطنت ایچون اسلام
ایله اوغراشمق وبالنی اوزریمه آله جغمی هانکی حرکتمدن استدلال
ایدیورلر . بن اسلام قانی درکه رک توسیع مالک ایتک ایستسم بغدادی
ضبط ایدوبده تخت عباسیه خیال کبی جلاد کبی حرکتسز ! عاجز
برینی او طور تهرق آنک نامه محالک اسلامک هر طرفنده انفاذ حکم
ایده مزیدم ؟ بوقدر سنه لر دبرو کوستردیکم اثرلرده می مقصدمی

بو آدم لرك نظر نده حقيه تصوير ايده مدي !

(نورالدین)

اکثر خالق برينک حقنده اولان مطالعه سنی آنک اشارتندن دکل کندی
خلیاسنده استنباط ایدر آنلرك افندمن حقنده اولان تحمینی افعال
شاهانه لرینک دکل کندی حسیات وجدانیه لرینک خلاصه سیدر !

« جلال‌الدین »

نه دیمک ایستیورسک ؟

« نورالدین »

سوء ادب ایسه ده سویلیه یم پادشاهم . شمدی به قدر دین خدمتکار لغی
ملت طرفدار لغی یولنده هر نه یاپدیکز ایسه کندی املرینه کندی
فعلرینه تطبیق ایتدیکجه بر درلو طبیعت بشره موافق کوره میورلر جهله سنه
خهانیکرلک مقصدینی ستر ایچون ترتیب اولمش بر نقاب نظریه باقیورلر
ریا ایله او قدر الفت ایشلر درکه دنیاده ریا دائره سندن خارج بر ایش
اوله من اعتقادنده درلر یادکارلرک خواص ندماسندن بر قاچ کشی ایله
کور شدیم ابراز بیوردیغکنز غیرت اسلامیه به طور عوا مفریبان نامی
ویر مشلر حتی بو طور عوا مفریبانه ده اولان حس تأییده قهرمانلغکنزی
بیله فائق کور بیورلر .

(جلال‌الدین)

یاربی ! محکمۀ عدالتنده ثبوت دین یالکنز قول شهادتیه محتاج
اولیدی بزم کبی عاجزلرک حالی زویه وارردی نه مزه لازم نه اعتقادده
بولنورلر سه بولنسونلر هر کسک ذهانی تحویله کیم مقتدر اولمش بن
ذاتاً آنلرك تحسیننه مظهر اولمق ایچون بر فداکارلق مسلکده
کیرمدمکه : حقه ده حاصل ایتدکری فکره اهمیت ویره یم بکا باق

آنلری آخلاطه دکل کرجستانی ده ایسته سهار بکا مرانی حتی آلچق
نظریاه باقسه لرینه اسلام اوزرینه قلیچ جکم ! بلیرم وجودک
یورولسه ده همتنه فتور کلز بوده الله یولنه بر خدمتدر همان حاضرلق !
قونییه می ؟ شاه می ؟ هانکیسه اقتضا ایدرسه کیتده اسلام اردوسندن
بواختلافی قالدیرمغه سعی ایت حرب اولنمسونده صلح ایچون نه درلو
شرط قورلرسه بن هپسنه قائل !

« اورخان »

چارسز برمدتده قولکنز تصدیعه مجبور اوله جنم صلحک اعاده سنه
امکان قالمدی پادشاهم .

(جلال الدین)

یه دیمک ؟ صلح نه زمان بوزلدیکه اعاده سنه امکان قالمسون ؟ ...

« اورخان »

بوزیله لی یکر می درت ساعت اولیور پادشاهم ! کیفسزک مناسبتیه
خبر ویرمامشدک ؟

« جلال الدین »

اونصل لاقردی ؟ سزبکا کندمدن زیاده می آجیه جقسکز ؟ بر
پادشاه کیفسز اولورسه مملکتک حالندن یحبر می طوتیلور اداره مده
بولنان اسلامه هر نه فنالق کلیرسه مسؤولیتی بکاعاند ایکن بنم خبرم
اولمقسزین نه جسارتله حرب آچمغه قالدیشیورسکز بوکونلرده برغریب
مسلك طوتیدر دیکز بنی صداقتکزدن بیزار ایده جکسکز .

« اورخان »

اوت پادشاهم : بز افندمره کندندن زیاده آجیرز هم یوز بیک
قات زیاده آجیرز . حتی یوز بیک قات دیدیکم آزدر . افندمرک هیچ

نفس های بونکره آجید یغکیزی کور مدک که شفقت کزله ذات های بونکیزی
 کند یکنه رحمی آره سنده بر نسبت بولغقی قابل اولسون اوت پادشاهم !
 بر پادشاه کینفسز اولورده صحتی ایچون اندیشه دن اشتغال دن بری طو تلی
 اطباطرفندن توصیه اولنورسه مملکتک حالندن چاره سزنی خبر طو تیلور .
 بندکانز ، عسکرز ، جلاد دکلز که چکدیککز عذاب روحانی بی کوز مزله
 کوروب طورزکن قلب شاهانه کزه نه قدر شدتلی تأثیر ایدیه جکینی بر طاقم
 قره خبر لره ولی نعمتمزه اشکنج ، ایتکی کوکلز قبول ایتسون !...
 ذات های بونلرینک خبری اولغسزین ایتدی کمز حرکتلرک نه قدر مسئولیتی
 وار ایسه نزد الهیده افندمزه دکل هم عند الهیده هم عند پادشاهیده
 بنده لری کزه عائددر آچیلان محاربه نک - اکر وار ایسه - هر مسئولیتی
 قول کزه در . بز آچمدق پادشاهم ! کینیا ایله اشرف بفتة حیدود کبی
 کدیملر زیر ا اداره کزده بولنان اسلام مملکته مسلط اولدیملر وجودلرینه
 قلیجمرک آلتنه کیرن تانارلرک ارواح خبیثه سیمی حلول ایتمشدر
 نهدر ؟ اوغرا دقلرینه راست کلن کویملری ، قصبه لری سیلان یوودسینه
 تصادف ایتمش کبی ایچنده بولنان معصوملری قادیملرله برابر محوایدیورلر
 بر برینی متعاقب ایکی ایلاچی کوندردم . صلحه بنه اشفق دکل ، حتی
 مقصدلری نه اولدیغنی بیله سویلیه میورلر آغزلارنده انتقامدن بشقه
 برسوز یوق قلیچلرندن قان اوقارندن زهر آقیور قارشینرینه بر قاچ
 بیک کشی کوندردک ، آنارده مدافعه دائره سندن چیقماملرینی
 توصیه ایتدک !

« جلال الدین »

آه ! اخلاط ! ... ! اخلاط ! ... ! بومصیبتی اوزریمزه دعوت هپ
 اخلاطده کی حرکت مزدر .

« اورخان »

پادشاهم ! اخلاطی اوران عسکرایدی آنک انتقامنی کندی حالیه
مشغول اولان قادیزلردن ، الله نظرندہ بیاہ کناھدن معصوم اولان
چو چقلردنمی آیینور ؟

« نورالدین »

پادشاهم ! مرحمت بیوریکزده حریفلرک اوزرلرینه مکماجه بر
عسکر کوندرلسون شرلری اسلام اوزرندن دفع اولنسون .

« جلال الدین »

مولانا ! آنلرده اسلام ... بز آنلرک شرینی اسلام اوزرندن دفعه
قالیشیور یازم شریتری آنلرک اوزرندن تاتار مشرکایریمی دفع ایدہ جک ؟

« نورالدین »

نمکن اولدینی قدر سوزی قیصہ کسمک ایستدکجه آره ده مسئله
تولید ایدیور . چاره سز تصدیع ایدہ جکم اویاہ اسلامیت اولمز پادشاهم
اسلامیتی بیلنار اخوان دینک جان وعرضنه تسلط ایتمز کستاخلغمی
عفو بیوریکز مقصد هایونکز اسلامی تاتار بلیه سندن قورتار مق دکلیدر ؟

« جلال الدین »

سندہ می مقصدمده شبہ ایدیور سک ؟

« نورالدین »

استغفر الله پادشاهم شبہ دکل سوزہ نتیجہ ویرمک ایچون بر مقدمہ یه
احتیاج کورندی شمدی مادامکہ اسلامک تاتار الندن قورتلمسنى ایستیورز
تاتارک قوتہ اسلامک ضعفنه سبب ايسه هرشیدن اول آئی دوشونمک
افتضا ایتمزی ؟

« جلال الدین »

پك اعلا ايدر بقالم چيقارم جنك نتيجه نه اوليور ؟

« نورالدین »

شو اوليور پادشاهم ! تاتاره قوت ویرن آره لرنده کی اتحاد ، بزی
ضعفه دوشورن بینمزده کی اختلاف دکلیدر ؟ بواختلاف ایله تاتاره قارشو
طورمق قیریق قلیچ ایله حربه کیتمک اولمز می ؟

« جلال الدین »

نه پیالم ؟ اختلافه بنی سبب اوليورم اوته کيلرك حالي کور میور میسک ؟...

« نورالدین »

خیر پادشاهم اختلافه سبب اوليور سکنز فقط اتحاد ایچون لازم
کلن تدیردن استغنا بیور بیور سکنز .

« جلال الدین »

نم استغنا ایتدیکم تدیر هانکیسی اوليور ؟

« نورالدین »

اسلام ملکنی لطف ایله اولمزسه قهر ایله برلشدیرمک تدیرندن
بحث ایتک ایسترم .

(جلال الدین)

مولانا : بیلیمز میسک که قلیچک شانی آیرمقدر برلشدیرمک دکل .

« نورالدین »

بیلیرم پادشاهم : فقط یارم لردن آقندینی قانک حرارتیله برلشیر !

« جلال الدین »

الله الله دنیاده کیمک نه آرزوسی واریسه اسلام قانی سایه منده می
حاصل اوله جق تاتار اسلام قانی ایسترم . خایفه اسلام قانی ایسترم ؛
سلاطین اسلام قانی ایسترحتی اسلامک نجات کبی بر مقدس مقصده یه

اسلام قانی استیور اویله می ؟

« نورالدین »

اوت پادشاهم ! او قدر بد بحث بر زمانه تصادف ایتشز که اومقدس مقصدینه اسلام قانی استیور .

« جلالالدین »

مولانا : سن نه سویلیورسک نیم ایچون کببوك وظیفه تاتاری براقوبده اسلام ایله حرب ایتکمیدر ؟

« نورالدین »

مسئله بی بویله هر درلو شرائطدن تجرید بیورر ایسه کز قولکوز سوزی طیبی هذیان کورینور قولکوز علی الاطلاق اسلام ایله حرب ایتک مشرکله غزادن دها بیوک بر وظیفه در دیمورم الدهارلان جزئی بر قوتله بیکده بر غلبه احتمالی موجود دکل ایکن تاتار ایله اوغراشمقدن ایسه اسلامی بر رأیت حمیت آلتنده جمع ایتک ایچون اوزرلرینه مسلط اولان خائیرک پنجه سندن قورتارمق دها بیوک بر وظیفه اولدیغنی عرض ایدیورم افندمز بونلرک اسلام اولدقارینه می باقارسکز خدا بیلورکه جمله سی اسلامه اهانه ده تاتاردن شیعیدر تجربه لز کوزیمزک اوکنده طور بیور .

(جلالالدین)

« لاقریسنی کسه رک » بیلیورم بیلیورم حربده تلف اولان آدمیر یالکوز دیدیکک خائیر اولسه آتار ایله اوغراشمغنی تاتار حربنه دکل هر درلو فرائضه مقدم طوتارم آزه صره بیهوده یره لزیله جک بیچاره لری دوشمنینورسک . کند ی خائن ایسه عسکرلرینک نه قباحتی وار اویچاره لر هر کسک ماهیتنی زه دن بیلسونلر ؟

(نورالدین)

پادشاهم ! بوخاندنر افندمره تبع اولان غزاة اسلام اوزرینه بر
آلای سادہ دل بسوق ایدرلرسہ وبالی سزہ می عائد اولور . فصل
ایدم ؟ آردہ بر طاقم اصحاب غفلت ایتدکاری خطانک جزاسنی
کورسون دیریہ براقلمده شیطاندن شینع برقاج ماعون دنیادہ نہ
قدر احرار مسلمین وار ایسہ جملہ سنی مشرککیرک زنجیر تغابنہ تسلیم
ایچون ، رکتدن غرانہ کاشغردن غرناطہ یہ قدر متمد اولان ممالک
مسلمینی اسیر پلزارینہ می بکرتسونار ؟

« یول البیسہ سیاه برعسکر اوطاہیہ کیرد اورخانہ بر مکتوب ویرر »

(جلال الدین)

« مکتوبی آچوب اوقومتمده اولان اورخانہ » اونہ در ؟

« اورخان »

دشمنک قارشوسنہ کوندردیکمز امیر ابراهیمدن پر مکتوب پادشاهم !

« جلال الدین »

اوقوبقالم :

(اورخان)

« بر آزکوزکزدیردکدن صکرہ مکتوبی نورالدینہ ویرہرک حدث

تأثر دن مرکب بر کسیمک صدا ایله » سز اوقوییکیز .

« جلال الدین »

اوقوباقلم مولانا ! اسلام اردوسندن ایرلدینی ایچون برادر زاده سنی

الیاه اولدیرہ جیک قدر متانت قلبہ مالک اولان اورخان آغلامق

درجہ سنہ کتیرن کاغذ پارچہ سندہ نہ صیبتلر مندرج ایمش .

(نورالدین)

« او قور » امر عالیکنز و جهله ارز نجانہ طوغری عزیمت ایتمک
اوزره ایکن دشمنک طلیعه-نی ایکی قوناق بر یرده بولدم جهله واحده
ده استقبائاری ممکن ایدی فقط مأذونیت اولمديغندن کچیداری ضبط ایله
اکتفا ایلدم اله کچن بر ایکی اسیرک افاده-سنه کوره شمعی اوزریمزه
کان دشمن یکر می بشیک - - - واریدن عبارتدر . کوریلیر اعدانک
قوتی دها کثرتلی نقل ایدیورلر حتی یوز بیکه ابلاغ ایتمک ایستیورلر
فقط بو مقدار عوامک و اهمه-سندن تولید ایتمش اولم کر کدر .

(جلال الدین)

« قرائتنی کسیرک » یوز بیك آتلی مبالغه اوله یلور فقط ملکلر
حضراتی بنم اوزریمه اوله یکر می بشیک کشی ایله کله جک قدر جسور
د کلدرلر صایرم هر نه ایسه او قو بقالم .

(نورالدین)

« او قور » اسکی بیلدکلرندن هیبه-الله قزوی صبح شریفدن عودت
ایدرکن بورادن کچمشدی کندیسلی اصحاب تدقیقندن صادق العقول بر
داعیاریدر شامده بولندیغی صروده کوروشدیکی اشرف امرا سنک
خوارزمشاه دولتی بتون بوتون اورتهدن قالدرمدجه سائر حکومتلر
ایچون راحت متصور اولمیه جغندن و بو جهته کندیلر ایله اتفاق ایچون
ماوک اسلامیه دن بشقه صلیب و تاتار طرفنه ایلچیلر کوندردرک
مطلوبلرینه موافق جواب آلدقلرندن بحث ایتمکده اولدقلرینی بیان
ایدیور اعتقادلرنجه تاتار بلیه سی خوارزمشاه دولتی میدان کتیردیکنندن
بو قتنه نك سکوتی بو دولتك زوالنه متوقف ایش !

(جلال الدین)

... بیوک درایت... کوزل عاقبت بنیالک ... عجباً بونلرک نظر انتباهنده

بيك يرينه يراسه می او طور بیور ؟

(نورالدین)

« اوقور » هم مذهبلی علمینده اسلام پادشاهلری بک کفارہ مراجعتی اسلامدن بعید کبی کورونورسه نه بنده کز بونارده اسلامیتدن اثر کورمه دیکنه خبرک صحتنه حکم ای دیورم زوجه لرینی قاجیران ارککلر ویا چوجقلرینی قورتارمق ایستیان قادنیلری اله کچیردکجه قاری قوجه ویا والده اولاد قوللرندن ویا کو کسلرندن یکدیگرینه آرقه یه آرقه یه مخیه لامشار صحرالرہ آتمشلر بو اشکنجه یه مبتلا اولانردن بیکدن زیاده پیچاره کوردم یاریسی شهید اولمش . قصوری بیک اذیتله جان چکشمکده ایدی .

(جلال الدین)

الویرر نورالدین : بو ملمونلر جنکیزی ده کچدیله حجاج ابن زیادی ده ! ... یوق ... بونرک کندیاری ده عسکرلری ده مسلمان دکالدر . تاتاردن دکل شیطاندن اول آنلرله اوغراشمق اوزریمزه فرض اولدی . اورخان نه قدر عسکریمز وار ؟ اما بو جوارده بو کون چیتارسه قاج کشی کوندره بیلیرز .

(اورخان)

سکز اون بیک قدر ؟

(جلال الدین)

تجلی اسباب ایله متناسب ظهور ایدر ایسه بزم اونیک کشی آنلرک یوز بیک حیدودینه کفایت ایدر شمدی کیت ظابطلره امر ویر بواقشام حرکت ایدم .

« نورالدین »

جناب حق معنیکنز اولسون پادشاهم ! اصل ایشه دهه شمدی

ابتدار اولندی .

(جلال الدین)

« النی باشنه کوتوردرک مایوسانه برطرز ایله » قورقارم که انتھاسنه
 واصل اولمش اولمیهلم : هایدی مولانا : سنده حاضران هم خادماردن
 برینه سویلوده ملکه کی بورایه چاغرسون « النی باشنه کوتوردرک ارطهده
 برباشدن برباشه کزینهرک کندی کندینه » خیر ایشک ابتداسنده
 دکلز انتھاسنه واصل اولدق وجودیمی استیلا ایدن بو آتش ندر ؟
 بکا مشابھتی حقیقت کوستره جک قدر مهرجهانی نیره ظن ایتدیره جک
 قدر خیالات نرودن کله جک خجای حاره آتشنندن اولوم مقدماتندن
 کلیر نیردنی کندی المله سند ایرماقارینه بر اقدم ینه کندی المله حقیقارده
 او ایرماغل کناارینه کومدمده ینه مهرجهانه باقیورم آنی صاغ کبی
 وقت اولیورکه خلیامی عین حقیقت ظن ایدیورم اوف... ملت ..
 پندر ... رکن الدین ... نیره ... قطب الدین ... هبا اولمش بو قدر
 فدا کارلق ... سیف الدین ... ناصر ... غیاث کیضاد ... اشرف ...
 خیانت ، خیانت ، خیانت « برطرفه ییقله رق آغلامنه باشلار » مکر
 دنیا دیدکلری دار امتحان ایش مکر انسان دیدکلری قرب انهمه دن
 مطرود مخلوقک خالی بومرکزده ایش « کندیخی طوپایه رق »
 سكرات موت ، سكرات موت ! مکر جناب حق بنی طالعمر براتش که
 شهید اولمق ابستدبجه یشادم اوزریمه مهالك برحما مسلط اولمش سكرات
 موت بندن آیرلیور . اوده حیاتی تمید ایدیور فلک ، فلک بکا
 مصیبتلری نفسمه اعتماد ایتدیکم ایچونمی ویریورسنک ؟ یارب یارب
 بومصیبتلر بواللار ذهنمه طوقنه جق !... کؤکلیک ایچنده بیکرجه
 زبانی اشکنجهار تلمیم ایدیور بیکرجه دوزخار آتش پوسکوریور

آلهم الله ! بن بوحیاتدن بزار اولدم اگر وجودیمه ذهنمه ضعف
که جگده اسلامه خدمتدن عاجز قاله جق ایسم عزتک حرمتنه بر ساعت
اول جانی آله اسلامک بتون ، بتون ذلیل اولدیغنی بکا کوسترمه :
غیرت غیرت ! اسلامیتی بنم یوزمدن بر طاقم بدبختلرک اسان استهنراسته
دوشورمه .

اوچنچی مجاس

جلال الدین — مهرجهان

(مهرجهان)

« ایچری کیره رک شوق و شطارتله » جاریه کیزی چاغرتمشکنز
پادشاهم ! چوق زماندنبرو بویله براحسانکنزه نائل اولمامشدم ..
رالحقکنزه برقات دها حیات بولمش قدر ممنون ابتدکنز . بر اراده -
کنز می وار جاللم ؟

(جلال الدین)

او قدر ممنون اولمه ایکی کوزم هله شورایه کل ! بن محاربه
کیدییورم اوزاقدن اوزاغه اقربادندر .. اما سن کوچمنزسک دکلی ؟
قونیه دهکی کیفیاد اسلام ایله اوغراشقی ایچون جنکیزه خلف اولوق
مراقنه دوشمش قدس اهل صلیبنه هدیه ایچون ایوبیه طاقندن اشرف
ایله برلشمش اوزریمه کیورلر اهل صلیب ایله تاتار ایله ده اتفاقه چالشیورلر
ایمش

«مهر جهان»

کیفیاددن هر حال مایحوظدر قونیه لیلر سلیچوقیلر ایسه بزدن
دکدر پادشاهم ! معلوم شیهانه کنزدرکه اوشعبه دائماً بزم طاقنه مخلف
ایدی حربه کیدیه جکی ایچون نهنن ممنون اولیم شان شاهانه کنزد بر

مضطرب دها علاوه بیوره جقسکز !

«جلال الدین»

غلبه کیمده قاله جغنی جناب حقدن بشقه کیمک بیامک احتمالی وارد
ولوکه ظنک برغلبه استحصانه دها کیده یم بر قاج کون آیری بولنه جغز
منون اولیور میسک ؟

«مهر جهان»

نیچون آیری بولنه جغز پادشاهم ؟ کورجستان سفرنده خدمتجه
برقصوری ایتشدم .

«جلال الدین»

دکل بنم راحتیم ایچون سفرك مشقتی بتون بتون سن چکیورسک
آنک ایچون برابر کزدره که قیه میورم !

«مهر جهان»

جاریه کز ایچون سزدن آیری بولنوبده جنتده کلنمکدن ایسه
یانکزده اولوبده دنیانک نه قدر مشقتی وارایسه هپسنی چکمک بیک قات
خیرلیدز پادشاهم !

«جلال الدین»

«بیایرم ! فقط سنی اذیتده کوردکجه بن مضطرب اولیورم .

«مهر جهان»

جالم ! قلبکدن کلیان لقردی لسانکده یاقشمیور سوزلرینی بشقه
معنایه حمل ایدجکم ظنم صحیح چیقارسه کیروبدد قورتیاهم دیه قورقیورم

«جلال الدین»

کل یانمه کل ! ... مهرجهانک باشنی اوموزینه آلهرق حیران حیران
برایکی ثانیه یوزینه باقدقدنمکره کمال وشفقتیه» آجی بکا آجیده بوسفر

برابر گاه ! حامی کور میور میسک او حالک سبیلرندن بری ده سن اولدیغنی
بیلمیور میسک .

«مهر جهان»

جلالم ! بن سزه نه یاسیورم ؟ بن هانکی حالکزه سبب اولیورم ؟

«جلال الدین»

«ینه بر قاج دقیقه دقتی دقتی یوزینه باقدقدنصکرده» کتوره میه جکم !
مطلق کتورر ایسه طیانیه میه جغم مرحمت ایت

«مهر جهان»

پادشاهم ! الله عشقنه نه اولیورسکز ؟ بنی اولدیریکزده یوزیه اوقدر
مخزون باقیکز

«جلال الدین»

مهر جهان ! یوره کیمی پاردلیورسک ایچنده بر غریب سر کوره
جکسک ! دهشتنه طاقت کتیره میه جکسک !

«مهر جهان»

بکامتعلق برسرکز نیچون قابکزده طورسونده یالکز سزه بار
اولسون بن هر بلایه هر مصیبه طاقت کتیریرم طاقت کتیره میه جکم بر
مصیبت واریسه اوده کوکلکزده بیکانه قالمقدر ؟ ...

«جلال الدین»

بن اویقوده هیچ برشی صایقلامیورم . اویودیغم یوق که صایقلایهیم
بعض کره طالب کندی کندیعه سویلندکجه لقردیارمدن هیچ برشی
اکلامیور میسک ؟

«مهر جهان»

هیچ برشی اکلامیورم پادشاهم ! سویله الله عشقنه دردک نه ایسه

سویله اندیشه دن قلم چار په ، چار په وجودیمی پار دلیه جق .

« جلال الدین »

آه ... بکزه یورسک ؟

« مهر جهان »

کیمه بکزیورم ؟

(جلال الدین)

او قدر بکزه یورسک که بر رنده ذره قدر فرق یوق ! یالکز
صاچار نده کی حنیف صاریلقدن بشقه هیچ بر رنده هیچ بر حالنده
قیل قدر فرق یوق ، یوزینه باقدجه جناب حق بریکزی یراندینی
زمان او قدر بکتمش که برده نظیره سنی یامق ایسته مش دیه جکم کایور .

« مهر جهان »

« دهشته » کیمه بکزه یورم پادشاهم کیمکه آره مزده ذره قدر

فرق یوق .

« جلال الدین »

کیمه بکزه به جکسک ؟ کوکسمدن چکل : کندی می سندایر ماغنده
صانیورم کیمه بکزه به جکسک ؟ الله قربان ایندیکم ملکه به بکزه یورسک .

« مهر جهان »

« کمال دهشته جلالک یانندن چکیمه رک » پادشاهم .

(جلال الدین)

عینیه ، تمامیه بکزه یورسک سیگر لرمده پک بیوک برضعف
ذهنمه پک فنا بر قاریشقلق وار بو حالده یوزمه باقنه تحمل ایده میورم
جلالده مرحمت ایته ده بوسفر برابر کله ! ... « جلال سرعتاه طیشاری
چیقار مهر جهان آغلیه رق بر طرفه یقلیر »

« پرده اینر »

برده

۱۳

برنجی مجلس

(مهر جهان — صکره بر جاریه)

« کندی کنډینه طیانډینی یاصدقډن آغیر آغیر طورانهرق »
 مکر بر قاچ سنه لک ذوق حیاتک بردنبره مخو اولمسی نه مصیبت ایمش
 روحک او قدر لذتی تأثر لرندن طینعتک اوقدر پارلاق تماشالرندن بر
 ثانیه نک ایچنده آیر یابوبده نه طرفه باقارسهک یوقلقډن ظلمتډن بشقه بر
 شی کورمه مک حیاتک طبیعته پک مخالف دوشیور . روحه پک منفور
 کورینیور دنیا وجودیمه مزار اولدی دنیا نه قدر بیوک بر مزار انسانه
 نه قدر دهشت ویرر قیز ! . .

« جاریه ایچری کیرر جاریه » طیشاریده بر کورلتی وار او کیرن نه در ؟
 « جاریه چیقار کندی کنډینه » ظالم بنی نیچون غفلتډن آیردک ؟
 بن غفلت پرده سنه کوردیکم اشکالی عین حقیقت ظن ایدیوردم او
 سایه ده یشایوردم هم ده دقیقه سی فردوسی ابدی یه دکشلمیه جک بر لذتله
 یشایوردم بر غافل چوجنی بر عاجز دیوانه بنی ضرر سزا کلنجه سندن
 محروم ایدوبده عرینی کریمه لره الماره وقف ایتک اتصافه یاقیشیرمی ؟
 اوف ... مکر آره صتره کوردیکم کوربدده اک کوچک نشانه سنی بیک
 بیک جانندن قیمتلی بیلدیکم التفاتلر بکا دکل ایمش مکر بن نظر نده آدم
 دکل بر میتک تصویری ایمش او التفاتلر آره سنده حس ایتدیکم کولنج
 یوزلی محزونلوق جکر یاقیجی صفوقلق هپ آندن نشأت ایدرمش مکر
 کو کلمک حسباتی بتون بوتون صحیح ایمشده بالکز سینی آ کلایه من
 ایمش ... ایکی سلطنت خاندانندن بر برینه تمامیه بکزر ایکی قادین

یتشه جگنی؟ آنلرک ایکیسی ده بر آدمه مبتلا اوله جغنی کیم تخمین ایده
 بیلیر؟ دیوانه؟ ... دیوانه! ... کاشکه بر میت تصویر ی کبی
 کورونسهک، ساخته حرمت یلانچی التفات کورمزدک آز بحق اولسون
 کر چکن سویلرک آره صره اولسون منجذبانه بر نظره نائل اولوردک؟
 شمدی محبت نظر عاشقانه به دکل ساخته حرمتنه یلانچی تلطفاته امکان
 قالمدی.؟ سندن ایکنزه نیورلر سندن قورقیورلر سنی جاذو ظن
 ایدیورلر! ... آه شو وجود شو حزار مطرودی شو جنازه کولکه می
 قیاس اولنان وجود نیچون اولمزده روحی بولندیجی جهنم عذابلری
 ایچنده اسیر ایدر طورر» بر آز دوشوند کدن صکره آغلیه رق بر
 طرفه بیتلیر» یاربی! یاربی مرادک نیره ایله بنی بر قیافتده یراتسق
 ایمش بنی جلاله آندن اول کوسترسه ایدک سندن طالع لرندن اکا احسان
 ایتدیکنک راحت دوشکنی بکا نصیب ایتسه یدک نه اولوردی؟ ترتیب
 خلعتمی بوزولوردی؟

(جاریه)

« ایچری کیره رک » افندمن تشریف ایدیورلر .

(مهر جهان)

« حیرتانه » نصل افندمن ؟

« جهرمسی غایت ضعیف غایت بوزوق بر حالده »

« جلال الدین کیرر »

ایکینچی مجلس

مهرجهان — جلال الدین

(مهر جهان)

« تردده جلالک یانه کیده رک » پادشاهم بویله خبرسنز! ...

(جلال الدین)

يورغون عسكر ك قونا قجيسى مژده جيسيمى اولور . خبرنى كندندن
بشقه كيم كتيره جك .

(مهر جهان)

نصل يورغون عسكر ؟

(جلال الدین)

عادنا يورغون عسكر ! غزته طرفارنده قليچ يرينه قرباج ايله
قووالادبغمز تاتارلر كې يورغون عسكر ... آلچقار غوغا آره سنده
وجوديمه بربايغلق چوكدى ديكانمك قوتى طوپلامق ايجون بر آغاج
كواكه سنده چكيا جك اولدم بنى قاجيور ظن ايتشار بارى بر كره
اولسون عسكرم يادشمن طرفه كچمك ويابتون بتون محواولمق كې
برقضايه اوغرامدجه غوغادن دونمش اولسهم بارى بنى قاجيور ظن
ايتدكارى زمان محاربده دشمنك غلبه سنده ذره قدر براماره بولنسه ..
آه بن آره اوكرتيرم !... يقينده بردها ميدانه چيقارز اوزمان المده كې
قليچك قورقوسى بردشمن اردوسنك سلاخندن دها مدهش كورنمزه
بوزلر بنى آرقه يه چويره بياسونلر بردها ميدانه چيقارز ديورم چيقسه ق
چيقسه ق تاتار محاربده سنده چيقارز بوندرله حربده كل !... ملو طوائف
حضراتى پدر مرحومك فراجنده برشيار ... بزم عسكر بوزولدى
آنلر طوتديار بوزلمش عسكردن قاجديار . قوتلرى ده اوج مثلزمه
يقين ايدى . اناهك عدلى نه بيوكدر وجوديمى طالعباه متناسب يراتمش ،
بريكى مصيبتده اوغراق كوكلمده كې آغير ، آغير فالقار ذهنمده كې مدهش
مدهش ، تصورلر بتون بتون زائل اولمده باشلادى اپسكون او كنده كې
اطمينانم ، خواهنم تجدد ايدى يور هيها !... قورقارم بوشوقلى كوش

باتدقدنصکره افقده قالان انعطف ضیا قیلندن اولسون دکل !...
 کوکلمده اویاه بر انشراح وارکه : عادتا دنیایه بردها کلش کبی
 اولیورم . بویاه مایوسانه خلیالره نیچون وقت کچیرهلم ؟ بن بورایه سنی
 کورمک ایچون کلدیم . او قدر کوره جکم کلدی که طوغدق طوغه لی
 بر بریمزی حسرت ایمشز ظن ایدیورم .

(مهر جهان)

« کندی کنندینه » سوزلرینک قلیندن چیقمدیغنی بیلورکن کوکلمک
 ینه اینانه جفی کلیور .

(جلال الدین)

نیچون اویاه چکینه رک طور بیورسک ؟ یوقسه بکا برانفعالکمی وار ؟

﴿ مهر جهان ﴾

استغفرالله پادشاهم ! جانکزی صیقه رم دیه

﴿ جلال الدین ﴾

الله عشقنه ملکه اویاه محزون طور ویده کوکلمده کی انیساعلی محو ایتمه
 « بر آزدوشند کدن صکره » آهمن بکا برابر کوتوره دیکم ایچون طارغنسک
 خسته لق شاشغلق حالنده سویلدیکم مناسبتسز سوزلر ایچون محزون
 طور بیورسک اووقتی حالمی بیلیمورمیدک ؟ ایکی کوزم هیچ انسان
 حمار تیه سویلانیلان هذیانلره اهمیت می ویرر .

(مهر جهان)

محزون دکل پادشاهم !

(جلال الدین)

بیلیورم ، بیلیورم صاقلامنه حاجت یوق . حمار خیالاتی ده رؤیا کبی
 انسانک خاطر نده قالیور . نه سویلدکریمک هپسنی بیلیورم افندم ملکه جکم .

چهره کده کی ساخته مسرت بيله صبح کاذب قدر کوزل طور یور
مهر جهان سنی قارشومده مخزون کورنجه بتون دنیانک کوکله یقلاوب
کنن بو قدر آلامنه تحمل ایچون نه ایله تسلی بوله یم ؟

(مهر جهان)

آه بیکنده برینک صحیح اولدیغنی بیلسم عمریمی حور یارک ازلدن
ابده قدر فردوس ایچنده کچن حیاتندن سعادتلی بیاه جکم .

(جلال الدین)

سومسم نیچون محبت تقلیدی یایغنه مجبور اوله یم حالی برکون
بیچاره زاهدیه سویلشدم بکا « جناب حق سزی او قدر سومشکه
سودیکگزنی یولنه فدا ابتدیکنز ایچون او سودیکگزک برعیننی دها
یراتمش . او عنایتی کندیکنزه بروسيله : محبتی عد ایدمیه جکسکنز »
سوزيله مقابله ایتدی صحیحاً جناب حقک هیچ برقولنه نصیب اولیان
برعنایتی کندیتمه بروسيله الم ایده جک قدر عقلسزیمی افندیجکم ؟

(مهر جهان)

« کندی کندینه » کیم یلور ؟ ... « جلاله » سوسه کده سومسه کده
ینه مهر جهان سنک اسیرک سنک قربانکدر هرکس کندی روحیه
بشار نیه سنک وجودکله یشایورم هرکس سودیکیه یشامنی دوشونور
بن سنک یولنده اولمکن بشقه برشی دوشنمیورم « قبودن کیرن
جاریه یه » نه درینه ؟ ...

﴿ جاریه ﴾

افندیتمه تقدیم اولمق ایچون ایشاریدن شونلری ویردیلر . عجله ایش ؟

(جلال الدین)

کتیر بقالم ! جاریه جلاله ایکی اطلس طوربه ویرر جلال مهرلرینی

آچار برر برر کندی کندینه اوقوغه باشلار جاریه چیقار « نه قدرده
لزومسز عنوانر طنطنه‌لر اکلا دق نتیجه‌سی نه اوله جق ؟ صاح ابستیورلر
مخصوص الحیده کوندر مشار .

« مهرجهان »

کیم پادشاهم ؟

(جلال‌الدین)

« کوزلری کاغدلرده اولدینی حالده » کیفیادایاه اشرف « اورته‌یه » پک
اعلا اسلام آرم سنده قان دوکمک حرام ایمش . مصالحه سیدالاحکام ایمش . حال
بویله اولدینی بیلورسکنزده نیچون اوزریمه یورودیکز ؟ سزی محاربه‌یه بنی
دعوت ایندم ؟ بر آزدوشوند کدن صکره « مقصدلری نه اوله جق ؟ طلعه‌ده کی
برقاج یوز کشینک هجومنی کوردیلار . انهزامک قضا نوعندن اولدینی
اکلادیلر قورقدیلر طالعلرینی بردها یالکزجه تجربه اینمکه جسارت
ایده‌میورلر . متفق خالصاری اولان قاتارلری ، اهل صلیبی بکلرلر .
کیمی بکلرلر سه بکلسونلر . بنم وظیفهم اسلام آرم سنده قلیچی
قالدیرمقدر . کوریم هر نه صورتله اولورسه اولسون عقد صلح ایده‌یم
وبال اوزرمدن قالقسونده آنلر عهدلرینی بوزارلر سه عدالت الهیه
حقارندن کلمکه کافیدر . « ملکه » اقشام یمکنی برابر یه جکز .

« مهرجهان »

« کمال ممنونیتله » فرمان پادشاهمک .

(جلال‌الدین)

دها طارغینلغک کچمدیمی ؟ بوندن صکره یمین ایده‌رمکه نره‌یه
کیدرسم سفی یانمدن آیریمیه جغم ، سنسز یشایه‌میورم .

« مهر جهان »

الله توفیقنی ، احساساتی ده هیچ بروقت یانگزدن آیرمسون پادشاهم
 « جلال چیقار » کر چکمیدر یاربی ؟ بن نظرندہ نیرہ نک جادبسی
 دکلمده نظیره سیمی یم اللهم ؟

« پرده ایزر »



پردہ

۱۴

« جارايله بولنمش براوطه — جلال برطرفده اويويور — ديكر »
 « طرفنده اسكمله نك اوزرنده يالگن برموم يانار — نورالدين يردہ »
 « برچهنك اوزرنده اوطورر اوكنده كي علاج طولی بيوك بيوك »
 « شيشه لره باقار — يانی باشنده خادم آغاسی اويور اوطهنك صول »
 « طرفنده پردہ سی اورتولی ، برديكر اوطه قارشو طرفنده ده قبالی »
 « برقبو كورينور »

برنجی مجلس

جلال الدين اويقوده — خادم آغاسی اويقوده

نورالدين — صكره مهر جهان

« نورالدين »

« كندی كندی برقاچ بيوك علاج شيشه لرينه باقهرق » خير ! ...
 طبيبلر هيچده حكيم دكلش ! ... طب ايله حكمتي يك وجود عدايدنلر
 نه قدرده بيوك خطاده بولنمشلر . هيچ ايكي آووج قدر برمعه يه اون
 ايكي ساعت ايچنده اون ايكي اوقه صو طولدير مق اصحاب حكمت
 كاريميدر ؟ ... البته بر زمان كه جك كه شوايكي شيشه صويك تأثیری
 ايكي طامله ايله ده حاصل اوله جق ! نه فائده سی وار ؟ رازيلر ، قارابيلر ،
 ابن سينالر كشف ايتدكلری حقایق كندیلریله بربر مزاره كتور مشلر .
 شبهه يوقدر كه بقراط آثارینی بیاغی احيای اموات درجه سنه ياقلاشیر
 برات بقراط خسته لرينی اجل قضائك پنجه سندن انسانلقدن كوپ حاله
 تحویل ایتمكه قورتارمزدی . اوف ... مجهول ... استقبال آندن زیاده
 مجهول ! ازلدنبرو قراكلق ایچنده دنیایه كلشنر كوزیمزی آچمشز

بر آز نور كورمشنر ! ابد طوغری كیدیورز . ابدك
برنجی منزلی اولان اولوم دوشكند كوزیمز قپانور . بر وقت
كلوبده آچیله جق فقط نه وقت آچیله جق ؟ ... عجب مزارك حیالیده
ازلدن دنیا به كلك زمانی قدر امتداد می ایدمك ؟ خیالات ایله اوغراشمق
لازم دكل پادشاه خسته نه درلو خسته لق ؟ نه غرب مصیبت ؟ چهره سی
غروب طوقش كوش كبی بر صاری طوپراق رنکی باغدی !... وجودی
آیاغه قالمش مزاره بکزه یوردی دروننه جهنم صاقلانمش کبی آتشلر ایچنده
یاتور دنیا ده بو حالی کورمکدن ایسه كوشك هیچ طوغدینفی کورمامك
طوغمدان اول مزاره کیرمك دها خیرلی دکلینر ؟ اراده الهیه به قارشو
طور لماز بزم ایچون الدن کلانی صرف ایتمکدن بشقه چاره یوقدر «یاننده
کی شیشه لری قارشیدیره رق» بوندن ساعتده بر اوته کندن ایکی ساعتده
بر قدح ویرمك لازم کلیرمش پك اعلا طبیب افندی فقط کیم او یاندریره جق
حمتك ، اسلامیتك ، انسانیتك یکی طوغش كوش هیمزك روح
واستقبالده امیدنجاتی اولان برخسته بی ایکی ساعتجك راحت اویقوسندن
قالدیرمغه هانکی کوکل تحمل ایدمك ؟ والله بزم اطبا خسته لری حقنده
بویله طاورانه جق اولدقدن صکره جنکیزه عسکر اولسه لر مشربلرینه دها
موافق بر حرکت ایتمش اولورلردی .

«مهر جهان»

«قیودن کورینه رك» مبارك : مبارك :

«مبارك»

«اویقودن قالقمغه چالیشه رق» افندم .

«نورالدین»

«مهرجهانك کیردیکی قیونك اوکنه کیدزك» ملکه برفرمانکزمی وار ؟

«مهر جهان»

پادشاهی سمنی بکلیورسک مولانا ؟

«نور الدین»

مبارکاه برابر بکلیوردق نوبته کیردک شمدی اوبیچاره اویویور
عفو یویوریکز .

«مهر جهان»

نمبر آیدنبرو اویقومی طوپلاسار مجموعی یکر می درت ساعته وارماز

«مبارک»

«یاندینی ردن قالفهرق» افندم بر امرکزی وار ؟

«مهر جهان»

شوراده طورسن ذاتایانجی دکلک «نورالدینه» مولانا : افندمزک
خسته لغندن اکلا یورسک حکیمار نه سویلیور ؟

«نورالدین»

بند کزی کوچ بر مسئله به مخاطب ایتدیکز مملکت مزده ذاتا حکم یوق
بند کزک ظنم ایسه کیفسزک خاطر لیدر مصیبت دلالنی المدن کلز
جناب حقک عدالتندن ملت اسلامییه مرحمتندن آتی امید ایدرمکه ظنم
بتون بتون یا کلاش چیقار .

«مهر جهان»

اکلا یورم اکلا یورم. دوشوندی یکک شیئی تمامیه اکلا یورم حسته لق قره حمایه
بکزر پادشاهده کندینی بو عالمده قالمیه جق قدر عالی کورمش دنیایی دشمنک
الندن قور تارمده کندینی دنیانک الندن قور تارمق ایستیور: تلف نفس
منوع اولسه یمین ایدرمکه شمدی به قدر بیک کره کندینی تلف ایدردی
«کندی کندینه» آه ! ... کندینی تلف ایدردیده بنی براقیر قیمتی

نیره سنک یانہ کیدردی « اورتہ یہ » روحنک دنیا محبتلرندن خلاصنی
اجلاک مرحمتندن بکلیور . دولتک سطوتنہ مکتنتنہ چالیشیر کبی
خستہ لغنک شدتلمسنہ تزايدینہ غیرت ایدیور بوکا نہ چارہ بولہ جغز
کوکلندہ کی یاسی نہ درلو تدیورلر ایله تسکین ایدہ بیاه جکز .
« مبارک »

قولکنزک - عاجز بر مخلوق ایسمده - ذهنمده آتش بوجکنک
ضیاسی قدر انجلاواردر عقلمک ایردیکنہ کورہ پادشاهی بو عفتدن ،
بویاسدن قورتارمق ایچون تاتار ایله بر محاربه دن بشقه چارہ بولہ میز .
(نورالدین)

اسلام پادشاهلرینک تاتار ایله اتفاقندن پک زیاده مایوس اولدی
غیاث الدینک خیاتی بیاه اودرجه کوکلنہ طوقونماشدی : مبارک :
اخوتی اسلامیتہ حصر ایتیش بر نسلن کلیمک کبی سوق طبیعتہ عائد شیلر
نظرندہ هیچ حکمنده قالیور . هر فعلی اسلامیتک نجاتنہ صرف ایدر
هر فعلندہ نجاتنی اسلامیتدن بکلر طوررکن الیبوک خیاتی . الیبوک
وفاسزلی ده ، مسلمانلردن کوردی ... حتی قرداشلری ، هم مسندلری
بیاه مسلمانلردن ایدی . صانیرم که حضرت آدم زمان هبوطندہ نه قدر
مایوس اولدیسہ بیچارہ پادشاهمزده کندنجہ تصور ایتدیکی فردوس
دنیوی محروم اولدینی وقت اوقدر یاس کتیرمشدر .
« مهر جهان »

آه اویله در اویله در ! حضرت آدم صکره ینه جنتہ کیتمش بودہ
کیتیمک ایستیور . جنتده بر ماوایی بر حوریسی وار ...
(جلال الدین)

« یاتدینی یردن صایقلمغه باشلار » صاحب لرنده کی طوپراقلری

سیل !... جادی اولدک مزار کدن قالدکده بنی بورایه تعجیز ایتکمی
کلدک ؟ بن سنی الله یولنه قربان ایتشیدم . دنیاده نه ایشک وار ؟

(مهر جهان)

یاربی ! یاربى ینه بن ینه بنله اوغراشیور حما صایقلامه سنی ده
کوزینک اوکنده بن طولاشیورم دنیادن وجودم قالدسه فیکرندن
حیالم جیقیمی جق .

« جلال الدین »

« صایقلا یهرق » هانی جوجق ؟ قطب الدینی نه یاپدک ؟ آنی
طوپراقلرده براقدکده یانکده او جانلانش کابوسی نه کزدیریورسک ؟
مبارک مهر جهانکدر !... آنک کوله سیدر سنک یاننده نه ایشی وار ؟ سند
ایرماغنی کور میورمیدسک ؟ خوب طبقی قانه مزار طوپراغنه بکزه یور . ایچنده
اولو کیمکلی وارتابوت کبی کیمک پارچه لری وار . عیاش ! بولدکمی بلاکی ملعون ؟
کوردکمی اسلامک هنرینه سبب اولمق نه نتیجه لرویررمش ؟ بیچاره زاهده !
حالامی بواللهنک رحمتندن مطرود اولمش جانینک باشنده اغلا یورسک نه
یاپسون زواللی قادین ؟ نه اک ! نه اک ! کاشکه بو خنیزی طدغور جفته بر
ییلان طوغوره ایدک باری ضرری طوقونسه ، طوقونسه بر قاق کشی به
طوقونه بیلوردی ! جنکیز کبردی ها ! دنیالره صغمیان جنکیز درت
آرشون طوپراغه صیغدی اولیه می ؟ ملعون ! بو دنیایی خالق ایله
کندیسنه آرزقیا سیدیوردی عباد الله ایچون کچینه بشقه دنیا آرمسون
دینوردی کبرمش طوپراغه کبرمش باق مزارینه شیشیور هایدی !
شیشه شیشه بغداده کلدی عباسیلرک تختنی یرله یکسان ایتدی . ینه
شیشیور ینه شیشیور . افلا که قدر یاقلاشمیدی . ملعون ! فلکک
دورنی ترسنه چویره جکده برکرمدها دنیایه کله جک اولماز اللهم

قوللرینه مرحمت ایتده بر ییلدیرم کوندر شو ملعونک مزارینی کندی
کبی یرک دینه کچیر .

(مهر جهان)

بن بو قدر فنا صایقلامغه طیانهمیه جغم پادشاهی اویاندیره جغم بو
عذابلر اویقوده چکلمز .

(نورالدین)

آجیماز میسکز ؟ بو قدر کونلر در ایکی ساعت اولسون اویقواو یومدی .

(جلال الدین)

« ینه صایقلیه رق » یاربی ، یاربی ، فرعون کبی جنکیز کبی ذات
مقدسنه شریک اولمق ایستیانلره فرصت ویرم شسک ؟ حکم حفیدک عقل
بشرك فوقنده در آنلرک جزاسی ده ... فقط بو سنک دینکک ،
پیغمبرینک ، شریعتنک نامنه جنکیزی فرعونی لعنتله یاد ایتمکه دیل
وارمیه جق قدر ملعتلرله یر یوزندن قالدیرمغه چالیشان ظالمار نه وقه
قدر فرصت بوله جق ؟

(مهر جهان)

والله قالدیره جغم ! بویاه اویقویه راحتمی دنیور !

(جلال الدین)

« یتاغنک اوزرینه طورانه رق » اوف ! .. یانیورم صانکه معدمده
کو کلمده اتشکده لر وار . اوراده کیمسه یوقی بکا بر پارچه صو یاخود
علاج ویرمز میسکز ؟

(مهر جهان)

کتیریورم پادشاهم ! « آرمده کی چاری قالدیره رق غلاجی و برر »

« جلال الدین »

ياننده كيلر كيملر ؟

(مهر جهان)

نورالدين ايله مبارك آتک ايجون چارايه او طور يورم پادشاهم .

(جلال الدين)

نه قونوشور سکنز ؟

(مهر جهان)

افتمزك حالندن بشقه نه قونوشورز ! اويقوده بيله احوال علمله ،
اوغراشيور سکنز صايقلر کن لسانکزدن زهرلر دوکيليور .

(جلال الدين)

« لقرديسي کسهرک حدتله » الله عشقنه ، اسلاميت حرمتنه ، بکا
طاو قونمسونلر : بر قاچ کره شهادته عزم ايتدم يقامي قويورمديلر .
وظيفه در ديديار صکره هيچ بريسي وظيفه سني ايفا ايتمدی . غيرت
لازمدر صکره بکا هپسي اغيار اولدی . بن کندی کندیمه بر حرقه بر لقمه
ایله قانع ايکن هيچ کسسه ، دنيانک اک بيوک نعمتنه لقمه اک بيوک
خلقنه حرقه نظريه باقق ايستمدی . الله شهيد اولانلرينه رحمت ايلسون
صاغ قالانلرينه سلامت ویرسون . نه بن آتارک آکلا ديني آدملردنم
نه ده آتار بنم آکلا دينم آدملردن ايمش .

« مهر جهان »

پادشاهم افتمزي آکلايه ميان ، افتمزك آکلا دينغه مطابق اولميان
آدمارده جاريه کزده داخل مييم ؟

« جلال الدين »

دکلسک : نورالدين ده دکل : مبارک ده دکل ! ... آتارک خارجنده
بر قاچ کشي ده وار . فقط نه پيام دنيايي فلک پنجه سندن قور تارمغه

اون كشينك غيرتيله موفق اولمق اميديني نه وقتله قدر كوتوره لم ؟
 آم پدر ! ... پدر ! ... بيك قات عاقل ايمشك : يالكر بر
 قصورك واردى كه وظيفه ايله بنم قدر اوغراشمك .

« نورالدين »

پادشاهم : بوندن صكره وظيفه يي تركمى ايدم جكمز ؟

« جلال الدين »

دين يولنده دشمن قارشوسنده املكدن بشقه نه وظيفه مزقالدى ؟
 ذاتاً بز اوني ترك ايتك ايسته سك اوبزى ترك ايتمه جك .

(مهر جهان)

جلالم پادشاهم : مرحمت ايت : كندينه مرحمت ايتكه ايدم جكمز
 عينيله اسلامه عاندر بكا حيت وظيفه فكرلرينى سزك محبتكز اوكرتدى .
 معاليله عالمك استادى اولان جلال الدين شمدى بر قادين شاگردندن
 درس آلمغه محتاج اوله جق .

« جلال الدين »

بنمله اولمك مى ايسترسك ؟

« مهر جهان »

پادشاهم : ايكي قولك وار بنى الله يولنه فدا ايدرسك برنده
 نيرهك برنده ده مهر جهانك ياتار ايسه ديوان الهى يه عرض ايدم جكمز
 لوحه تماشا چركينمى كورينور .

« جلال الدين »

صدهيف كه برينك وجودندن صولر دو كيله جك !

« مهر جهان »

انشاء الله بنمده بدنمدن خون شهادت صاحيلير !

ایکمنجی مجلس

اولکیر — اورخان

« اوطه قپوسی خیزلی خیزلی چالنیر »
 « نورالدین »

کیمدر او ؟

« اورخان »

« طیشاریدن » بنم ! اورخان افندمزی اویاندیرک برهم حادثه
 ظهور ابتدی .

(جلال الدین)

بن اویانغم نه سویلیه جکسک ؟

(اورخان)

« ینه طیشاریدن » افندمزی یالکیز کورمک ایسترم سویلیه جکم
 نقر دیار پک مہمدر .

(جلال الدین)

. سویلیه :

(اورخان)

سزدن بشقه کیمسهیه سویلیه م .

« جلال الدین »

« مبارکه » آچ قپوی ده کلسون .

(اورخان)

« ایچری کیردرک » یالکیز افندمزی کورمک ایسترم .

« جلال الدین »

شونقابلی قادین حرم : شو نورالدین : شوده مبارک : تنهالغک
نه لزومی وار .

(اورخان)

کوردم بادشاهم ! شمدی بورادن چیقکز ملکه بی نورالدینی
کتیردیکم عسکرک بر آزی ده آلکز طاغلره طوغری چکیلکز !...
عسکرک قصوریه بنده کز کویده قاله جغم اولنجه یه قدر نجاتکزی
مخافظه یه چالیشه جغم .

(جلال الدین)

نجاتمزی کیمدن محافظه ایده جکسک ؟
« اورخان »

بادشاهم ! الله عراقده کی آدملریمکز جله سنی قهر ایتسون . ذاتا
قهر اولدیاریا آخرتده غفاتارینک جزاسنی بولسونلر قراچار پونان ایله
جرماغون چیچونی کچمشلر . ایرانک شمانی محو ایتمشلر . شمدی
قارغیلری کوزیمزه کیزدی . اوقارغیلر کوزیمزه کیرنجیه قدر آتارک
کشمنسی ایتارینک حولامسنی ایشیده مدیار یانمزدده بشیک کشی یوق .
تاتارلر یوز بیک کشیدن زیاده درلر . آره دن یارم ساعت کچر ایسه
« مومک اسیر و یاخود هلاک اولسی ضروریدر . بنده کزه امر ایدرسه کز
دشمن اوچ درت ساعت تأخیر ایده بیلیرم . اقدمزده باشکوزک
چاره سنه باقیکز .

« جلال الدین »

هایدی کیت : مهر جهان ایله مبارکه شواوطیه کیرسه کز آ
« اونلر چکیلرلر نورالدینه » مولانا . بنده اورخانک آرقه سندن
کیدبورم ملکه بی کیمه امانت ایده جکسکز .

« نورالدين »

پادشاهم : اسلام پادشاهارينك جهاسى خان : كيمى يزىدى كيمى
 حاكم با امراللهى تقليد ايدييور افندمزه وظيفهده ثبات توصيه ايدنرك
 برنجيسى بن ايدم . بن برشى يانماق نمكن اولمدينى اكلادم اورخانك
 آرقه سنده دوشمكده افندمزه مسابقت ايدييورم . رايى سؤال بيورميكنزكه
 شمدنصكره مقصدم ، فكرم ، رايى اولمكه منحصردر . « نورالدين چيقار »

« جلال الدين »

« كندى كندينه » سبحان الله بوقدر اصحاب همتك هيچ برنده الام عالمى
 چكمله اقتدارم قالمدى نه ياپسونلر ؟ كوكل اصحاب تصوفك ديدىكى كى برشته
 دنيا اولسه ينه بوقدر بوكل آلتنده ازيلير ... كوكل كندى حسياتى قدر
 كوچك دنيانك محنتى ايسه دنيا قدر بيوك ! طور بقالم ! ملكه : مبارك : بورايه !
 كلمه كنز آ « ايجرى كيررلر » مبارك : محاربه بشقه بر حال پيدا ايتدى
 ملكه بى سكا امانت ايدرم ! ... شو آرقه طاغاره چكيله بيليرميسك ؟
 بنى دوشونمىكنز وظيفهم وار آنى اجرا ايدم چكم .

« مهر جهان »

پادشاهم ! پادشاهم ! بن سنك يانندن آريلوبده هيچ بريره كيتيم
 فلك كولكه بى بروجوددن آيرمدق دى نصكره بنى سندن آيره مز . زويه
 كيدم جك ايسه اوغرك آچيق اولسون كولكه كى آياقارينك اوجنده
 سورونه سورونه كله چكم زويه كيديورسهك ياننده بكا بررور ايتير
 جنتده اولسون ايتير قره طوپراقده پادشاهم يتاغنده برپارچه جق یرم
 وارايدى مزارنده اوپارچه جنى بندن دريغ ايدرميسك ؟

« مبارك »

پادشاهم ! بن ملكه نك كولكه سى يم ! هر خدمته حاضر فقط تابوتى

طاشیمق المدن کلز شو حاله باقیکنز چکدیکم مختاردن مشقتلاردن جهنم
 زبانلرینه بکزه دم نیم کی جهنم زبانیسنه بکزه یان بر آدمک شهید مزارنده
 نه ایشی اولور مرحمت ایدیکنز
 « جلال الدین »

یقل اورادن نامبارک ! ... « مبارک چیقار مهرجهانه » چاره یوق.
 بن آیری اوله رق کیده حکم : لاقردی دیکله . نیره وقه نی بیایر میسک؟
 نیره ده سنک عینک ایدی . اوکزه صو ظهور ایتدی . صوده بوغدم !
 سن دمین بن ده انشاالله قانلر ایچنده بوغولیرم دیوردک قان دریاسنی زرده
 بوله یم که ! سنی ده آنده بوغه یم تاتار انه اسیر اولورسه که نه زبانلردن
 ملائکه سؤالندن کوره جکمه امین اولدیم اذیتلری بکا مزارمده سنک
 حالک کوستر فکرته ثبات ایدوبده بر مشرک تاتارینه او طهلق
 اولمق ایسترمیسک ؟ ...

« مهرجهان »

آه . جلال ! جلال ! تریه ایسترسه کیده رم امرک نه ایسه
 آنی اجرا ایدرم بوندن صکره هیچ بر فکرینه مخالفت ایتم . بر مشرک
 او طهلقمی اوله جنم ؟ یاربی یاربی ! .. انسان اویاه بر زمانده کندیخده
 اولدیره مز . اجل حاله مرحمت ایتمز . سویله پادشاهم نه پیام
 یاربی بریسی اولسه ده نی شوپنچره دن ایتویرسه . آه باق کوزلرک کونش
 کبی یارلیور . نیم بیلدیکم نیم تبریزده کوردیکم جلال ایشه بوایدی یالکنز
 چهره سنک بر طرفه اوکنده یانان آتشک ضیاسی او بر طرفه ده دومان
 عکس ایتشدی . شمدی او مبارک چهره نک بر طرفه غیرت آتشی ، او بر
 طرفه مأیوسیت دومان چوکش . بواو برندن پارلاق . آه جلال بایله
 جنم ! ... خیر بایلمیه جم ! ... مشرکله او طهلق اولم ! ... بن

سندن آیرلام ! آیریلیرم ! فقط دنیاده آیریلیرم آخرنده ینه برابرالله
عادلدر البتده برابرز سویله نه پیام ؟ امرایت نزهیه کیدهیم ؟

« جلال الدین »

« کال جهد ومکاتله مهرجهانک آلندن اوپهرک ، بنم قدر مکین
اول مبارکی چاغر ! امرویرسنی شو آرقده کی طاغلره کوتورسین .
بن بشقهیره کیده جکم : فلك مساعد اولورسه ینه کوروشورز یاننده برآز
عسکرده واردر مبارک حرب ایتمک ده بیلیر .

(مهر جهان)

« کندندن کچمش بر طرز ایله » جلال . جلال ! اوکو کسنده کی
خنچری بکا ویر تاتار بنی طومتغه کلیرسه ، سن یانمده بولنمزه ک ،
عربده اجل کبی مرحمتسنر چیقار بنی اولدیرمزه « زورله جلالک
بلندن خنچری آلیر » شمدی مهر جهاننه امنیت ایده بیلیرسک . بو
غوله جق قان دریاسنی سن بوله مزسک بن بوله بیلیرم . کیت پادشاهم
الله اوغرنی آچیق ایتسون « جلال چیقار » مبارک : مبارک « مبارک
کیر » افندمن کیتدی کوزدکی ؟

(مبارک)

اوت کیدیوردی ؟

(مهر جهان)

سکا نزهیه کیدمک ایچون امر ویردیر ؟

(مبارک)

آرقده کی طاغلره کیتمک ایچون : لکن ؟ ...

(مهر جهان)

لکن فلان لازم دکل شمدی عسکری حاضرله بن شمدی

کید یورم بر قات ارکک اثوابی یوقی ؟

(مبارک)

ارکک اثوابی ده وار . فقط ...

(مهر جهان)

« لقر دینی کسهرک » فقطک لزومی یوق : هانیا اثواب ؟ ...

(مبارک)

ایچریده کی او طهده ؟ . .

(مهر جهان)

بن کیدر کتیر یرم . ایکی دقیقه قدر حاضر اول « چیقار »

(مبارک)

« کندی کندینه » سلطان ، سلطان سنک پادشاهی سودیکک قدر

الیکه دینه محبتک وارسه مطلق مقام ولایتده سک : اوتہ کی مبارک

نرمه کیتدی البتہ اولومنی ارامغدر . غریب شی سلطان اما اوده موته

عشق اولمش باقدهلم زده ! کیدلم ... موت ایلمی آره منر دھ

اوزا قدر شو منارستان ایلمی ؟ اوراسنی هیچ بر وقت بیلدیکمز

یوقدریا « مباک چیقار »

« پرده اینر »

برده

۱۵

« برطاغ تپه‌سندده قارلر ایچینده اوت‌ه‌سنه ، بریسنه چیتلر یالیش
بریر کورینور »

برنجی مجلس

« جابر »

« موسیقه ایله سویلیه‌رک »

« طاغلری قارلر بوریمش »

« هریانی قانلر بوریمش »

« اولو اولوی سورومش »

« ایسنز طاغلر قانلی طاغلر »

« درت یانی اورمانلی طاغلر »

« جیندن برکیسه آلتون چیقاروب ایله چارپه‌رق » بزم حاجب
نه بیوک آدم ایمش کندی جنکیزک اوغلندهده حلول ایتدی . حتی‌بنی
بیله چاتدیردی ایشته برکیسه آلتون اکر دیدکارینی یاپه بیلیرسه‌م اون
قانی دها ویره‌جکلر « کیسه‌یی آچهرق » توه رنگی نه قدرده کریه
شیلره بکزه‌یور بیلیم انسانلر نره‌سنه طمع ایتشلرده بو قدر طاپیز
طوررلر ؟ . ها طارله آلتوننجم ! سن کوزلسک : کونشه بیله
بکزرسک هله یانمندن آیرلمده ینه بکزمسک ینه بکزمیه بیلورسک :
عظمتلی جنکیز خان : شمدی یرنده اوکتای طور یور یارین کیم بیلور
کیم او طوره‌جق « ینه کیسه‌یه اورهرق » لکن سن هر وقت پادشاهسک ..
اگر حضرت آدم زماننده قیمتک معلوم اولسه‌یدی مطلق هابل ایله
قابلك غوغاسنه سبب سن اولوردک : هله زماننده کوردکاریمک هپسنه

سبب سن اولوردك ! ... خنزیر آلتون : صارى چيفيت : ... بنى
 اصفر صورتلى كۆپك ! طور طور طارلمه بنم صارى كل صورتلى آلتونجىم :
 الله بالاكى وىرسون ، اما هيچ كيمسه يده اكسكلكنى كوسترمسون :
 هاه بكا هيچ بروقت ، هيچ بروقت « كيسه بنى هوايه قالد يردرق » باق
 سنى بونك ايچنه قويملار نيچون طولديرملار ؟ دىغى ايمانى ساتون
 آلتق ايچون . كيم طولديرمش ؟ ينه طاپان بر حريفك باصدينى يرلره
 طاپان بر بشقه حريف ! ... آلتون آلتون ! ... به طپان حريف
 كيمدر ؟ بيلورميسين هانى بزم مملكتاره كلوبده يالكلز بنم اقربامدن ،
 قومشولرمدن ، سكسان كشتى بنى آتسه يقان جنكيزك اوغلى اوكتاي :
 آلتون ! آلتون ! آنك اياقلىرىك باصدينى يرلره طاپان كيمدر ؟
 آندى ده مى بيلمزسك ؟ اوكرن بنم صاچى ، قاشى ، كوزى ، وجودى
 سنك كې صارى اوچ ياشنده مېنى مېنى برقىز قرداشىمى آياغلك آلتنده
 چكىنرك براق حاجب ! ... اومباركك آدينى ده براق قويملار . الله
 براقلىغى شيطاندن اختيار ايدرلرسه بيلمم ؟ فقط بن بومباركك جنت
 ايله آلتىش وىرىشى يوق آلتون : آلتون : اوبراق حاجب قره خطايليدر !
 چهره مى قدرده قاره در . بن جلاد ايسه ده جلادلك خيليدن خيلى
 سوز اكلا ر طاقندم لا قردى به دقت ايت نورك وارايسه آنك كې تمىزلنم .
 آلتون آلتون : ياسنك چهره ك عجباً تمىزلنيرمى ديسه ك نه جواب وىرە جكم
 « كيسه بنى النىدن دوشورمرك » آلتون بنى براق بيچاره سن بنى
 براقه جقسك اما بن سنى براقه ميه جغم اياروده دها طوب طولى كيسه لر
 وار فقط كيمك قانك بهاسنه ؟ جلالى اولديرە بيليرسەم آنك قانك
 بهاسنه بوجلال نەدر ؟ كويا اولورده يرك آلتنه كيررسە يرك اوستنه بردنيا
 دها مى چيقاجقى ؟ بنم قدر بر آدم . تاتارلرده آنك ايكيسى قدر يوزبيك

کشی وار لکن آنی یوق ایده میورلر . برجلال بردنیا ایله اوغراشیور
 هاهاهای !.. نصل برجلال ؟ مزار قدر برجلال !.. شو قدر غریب
 جابر قدر برجلال ! بردنیا ایله اوغراشیورده شو برکیسه آلتونجقه
 اوغراشه میور غریب شی مکر آلتون دنیاده نه قدر مخلوق وار ایسه
 هپسندن زیاده حکمنی اجرایه مقتدر ایمش ... آلتون : آلتون :
 غالباً سنی کونشدن قیرپورلرده بورایه آتیورلر : آلتون آلتون :
 بورایه کل ذاتا کوکله کیرمشسک قوینده کیر . آلتون . آلتون : سنی
 شوکیسه مه طولدیر دیار الیه ویردیله ! ... اوقوتله بورایه قدر کلدیم
 جلالی اولدیر رسیم برقاچ کیسه دها ویره جکلر بلکه اوقوتله کیدر
 کعبه ده کی آلتون اولوغی چالارم !.. نه مه لازم ! شمدیلک شو قدر
 یاره واریا ! جلالی اولدیر رسک دها زیاده لشه جک ... اولدیر ریز
 والسلام ! پدر بزی جلاد اولدق تربیه ایتمش ! شمدی یه قدر اولدیر
 دیکمز آدماز یوزی کچدی . هیچ بریسی اولمکه لایقمیدر ؟ دکلمیدر ؟
 دوشنمدکیا ! انسانلرک هپسنی بریره طوپلایوبده یالکز برانساز قیافته
 قویسه لر یالکز شونک بویننی کسیونر دیسه لر کسمکده ترددی ایدرم ؟
 جلال صانکه دنیاده الیوک بر آدم ایمش . دنیاده کی آدملرک طوپندن
 بیوک ایمش . آنی اولدیر رسیم نه اوله جتی ؟ کله جک آلتونلرمی
 اکسیله جک ؟ اما جلال ده بنی اولدیرمه جک ایمش آ ... آ ... اوممکن
 دکل آشو طاشاردن هر برینک آرقه سنده بر آدم . او آدملرک هر
 برینک قوینده بنم کبی برکیسه آلتونجق وار « بولندیغی طاش اوززندن
 آشاغی باقهرق » تحف ؟ بریسی کلور ! ... درویش قیافته !...
 نه دیمک ایستربویه بویه برزمانده بوراده نه ایشی وار ؟ هله بن بورادن
 چکیله یمده ! ...

ایکینجی مجلس

« جلال درویش قیافتندہ چیقار . جلال بولندیغی طاشک
آرقه‌سنه اوطورر »

« جلال‌الدین »

کویا اولوم انسانک آرقه‌سندن آیرماز ایمش : هیہات انسان
اولیورکه کونلرجه ، آیلرجه ، ییلارجه اولومک آرقه‌سندن قوشیورده
ینه آرزوسنه واصل اوله میور اورخان — نورالدین البتده شهید
اولملردر . بنی بورالره قدر سوق ایدن کیم ایدی ؟ تاتار نسل اولدی
ده آرقه‌مزی کسدی ؟ بن بویله درویش قیافتنی پادشاهلقدن .
انسانلقدن بری کورنمک ایچون احتییار ایتدم . شهید اوله جغم زمان
اولسون قرون اولی ده‌کی مجاهدلرک قیافتندہ بولنه‌یم دیدمده آنک
ایچون بو قیافتہ کیردم . آرقه‌مدن کلن عسکرک هپسی کفنی بویته
طاقشدی نه اولدیله ؟ ... زه‌یه کیتدیله ؟ ... آم نه اوله جقلر ؟ شهید
اولدیله تنلری قانلر ایچنده قره طوپراقلره دوکولدی روحاری نورلر
ایچنده عرش اعلاده کزییور .

— جابر —

« طاشک آرقه‌سندن باشنی کوسترهرک کندی کندینه » بو جلال
الدینک ادملرندن بری اوله جق !

(جلال‌الدین)

اوله دکل ! اوله دکل ! قاچدیله . ایچارندن اونده بری اولدی .
الحققر خائلر ! اللهم بن کوزلرینک اوکندہ ایکن بکا خیانت ایدنلر
بنی آرمیانلر کوزلرینک اوکندن نهسان اولان دینلرینک بخده‌تندہ
نه قدر ثبوت ایدرلر .

« جابر »

« ینہ طاشدن باشنی کوسترهرك كندی کندیڭنه » بوجلالك
آدملرندن دكل غالبا كندیسی اوله جق « کیسه سنی قاریشیدیره رق »
او آلتون آلتون ... ای نه پیام ؟

« جلال الدین »

هپسندن قاجق مأمول ایدی . فقط اورخاندن ، نورالدینسندن ،
مبارکدن ، آه آدینی سویلك ایسته مدیکم مهرجهانندن اونیره نك
نظیره سی اولان مهر جهانندن بندن آیرلمنی مأمول ایتزدم . بلکه اولدیله
ارلدیلر سه بندن اول اولما لیدیلر ، بوکون ذین اولیور وطن اولیور .
دوکیلان مسلمان قانلری قوجه برسیل اولمش حجازه طوغری اقوب
کیدییور ! بیت اللهی رخنه دار ایده جك ، پینمبرك اجمالی مزارلرنده
راحت براقیه جقده ینه ملتكم اوغورنده سلاح ارقداشلریكم هپسندن
آرقیه بخی قاله جقم واقعا وظیفه یه اتباع لازم ایدی . فقط اومبارك
وظیفه ده لزومندن زیاده ظالم ایمش « ینه اوطوردینی طاشك اوزرینه
بیقلور »

(جابر)

« صاقلاندینی طاشك آرقه سندن بر کره دها باش کوستر » بو
مطلق جلالدر « دیر یانه یاقلاشیر » سز بوراده نه کنز بیورسکنز ؟

(جلال الدین)

سنك ؟ وظیفه ك ؟ ...

(جابر)

وظیفه سم دكل افندم فقط سز کیم اولدیغیزی بیلورمده آنک
ایچون سویلیورم سز بزم پادشاهمز دکامیسکنز ؟

(جلال الدین)

اوت بن سزك پادشاهكزم : سزك دكل : حتی دنیانك پادشاهده
اوله بیلورم چونكه طوغریلق پادشاهییم دنیا بنی طوغریلقه خدمت
ایتدیكم ایچون پادشاه بیلیمك لازمکلیردی .

(جابر)

طوغریلق پادشاهییم بیوریورسکیزده دشمن قارشوسندن نیچون
بورالره فرار ایتدیکنز آرقه کزده کی درویش قیافتی نه در ؟ اجلدنمی
صاقلانیوسکیز ؟ اولادینی عیالی تاتار پنجه سنده براقوبده استمداد
کلانلر سزی ایسئز یرلرده درویش قیاقتمده ...

« جلال الدین »

« لاقیردیسنی کسهرک » حیث ! ... ادبکی طاقک : بن دنیانک
اوج طرفنه ایری ایری برر دولت تشکیل ایدن بر پادشاهم بنی امویه
زماننده عراق عربك مشهور اولان نفاق آل عباس دروننده عراق
عجمه انتقال ایتمش عراقده کی مأمورلرم خیانت ایتدیار . اوچنچی دفعه
اوله رق پایدیغم دولتده ؟ المدن کیتدی بورالره بر دردنجی دولت تشکیل
ایتمک کلدیم . درویش قیاقتمه کیربشمک حکمتنی سنک کبی کوپکار
آکلاماز جناب حقك عنایتناه بر دولت دهاییابه جفم : ینه تاتار مشترکاریله
سزك کبی قاریسنی چوجغنی آنلره تسلیم ایدن مسلمان مرشدلریله
اوغراشه جفم .

(جابر)

« جلال کسندنن کچمش بر حالده بوسوزلری ایراد ایدرکن یواش یواش
یانه یاقلا شیر . سرعتاه بلندن چیقاردینی برخنچری جلالك قلبی اوزرینه
اورر » اوغراش : اچاک پنجه سندن جیاتی قورتاره بیلیرسه ک ایستد .

يکک قدر اوغراش ر

— جلال الدين —

« يارملى اولدينى حالد جارك الدن طوتهرق و دقتليجه يوزينه
باقهرق » بن بو چهره نى مطلق بر يردد كورمشم : طوغرى سويلاه
سن كيمسك ؟

« جابر »

« برمدتجك النى قورتارمغه چاليشدقدنصكرده » بيله مديكزى ؟

(جلال الدين)

بيادم ! حاجبك جلادى اولان خنزير ! سن حاجبك جلادى دكليسك
« جابر »

اوت !

﴿ جلال الدين ﴾

بكا نيچون قصد ايتدك ؟

(جابر)

پاره ويرديلارده آنك ايچون ! اليمى او قدر صيقمه ! نه مورد-
جقسك سويلارم پاره نى براق حاجبك طاقي ويردى . اما تاتار طاقي
طرفدن ويردى بنى براق : بن ده سنى براقيرم : نه وقت چاغرسهم
شوطاشلى آرقه سندن قرق كشى چيقار .

« جلال الدين »

اللهم سن عادللك : بر قاتلك قرق معينى وار ايمش يابن مظلوم
ايكن امداديمه كل ديسهم كيم چيقه جق ؟

(مهر جهان)

« النده جاللاك بلندن آلدنى خنجرله ميدانه چيقار » بن چيقه جقم

بادشاهم اللہک مؤمن قوللری چیقہ جق شورادن آشاغی باق نہ قدر
قلیچ امرینہ منتظر طورییور » بو صرہده جابرله کلان آدملر برر
برر طاغلمغه باشلار »

« جلال الدین »

نیردم ملک اولمغه کرچکدن لایق ایدی .

﴿ مهر جهان ﴾

یاربی ینہ نیرہ « جلالہ » نیرہ دکل پادشاهم مهرجهان » کندى
کندينه « یوردکم ایکی پارچه اوله جق « جلالہ » هانی ایکنجی نیرہک
اولان ، هانی ایکنجی نیرہک اولمق ایستیان مهرجهان!... مهرجهانی
دهاوعده ایستیکی کبی قان دریالرنده یوزه میور آنیمی کورمک ایستیورسک .
« جلال الدین »

یاربی ! یاربی « دائماً جابرک قولندن طوتهرق » احسانکه نصل
تشکر ایدیم قدرمدہ مقتولا وفات ایتمک وارمش بنی بر ملعون جلاد
پارہ طمعیاہ شهید ایتمدی اسلام اوزریمہ قالقوب ظلم ایدیور . یاخود
وظیفه سنی اجرا ایتمیورده دیه پارہلهمدی .

﴿ جابر ﴾

« کندى کندينه » دیوانه میدر نہدر ؟ هم اولیور همده اولدیکی
ایچون شکر ایدیور .

— جلال الدین —

« جابری شدتله سیلکوب آتهرق » ییقل اورادن قاتل . دفع اول اورادن
خان . شمدی عسکر کوررسه وجودینک هرلقمه سی بر جانورده نصیب اولور
جهنم اول شورادن ملعون : عفو ایتم ! اکر نصیب اولان شهادت ایسه
حضور باری دهده عفو ایتم .

« مهر جهان »

« یاقلا شەرق ، ینە بکزیکنز صولوق کوللرە بکزرەمش ؟ نە اولدیکنز جالام ؟ » جلال ییقلیر قلبنک اوزرندن قانلر بوشانمغە باشلار « بوقانلر نەدر ؟ قان دریاسندە بن بوغولەجق ایدم ! شمەدی غرق اولیورسک پادشاهم ! ذاتاً بنم اسم سنک وصفک ایدی قانلر ایچندەمی غروب ایدیورسک ؟ » قیانک اوزرینە چیتەرق عسکرە آوازیاه « شوقاتلی طوتک ! پادشاهی هلاک ایتدی ...

(جلال الدین)

صوص بن آتی عفو ایتدم . ذاتاً بیک جانی اولسە آقتدیغی قنک برطعەلسنە دکنز .

« مهر جهان »

مرحمت بیورک جالام افندمن ملک نصرتک دونندە قەلەجق دکاسکنز یاقاتلکیزی دە عفو ایدە بیلیرسکنز . فقط بن عفو ایدەمیز عدالتکزرە صغندق قان مقتاک دکل وارئرینکدر پادشاهم . سز تبعەکنزک عسا کرکنزک پدري ایدیکنز . ملعون ملیونلرجه مسلمانی یتیم بر اقدی خنزیر . شو امت محمدک تاتارە اسیر اولسنە سبب اولدی .

« جلال الدین »

یانە کل اولیورم بر قاچ دقیقهلق حیاتم یاقالیدی یاقالیدی . بن الله کیدیورم دنیادە سندن بشقە یارم یوق . جلالی سورسەک سویاه .
اللهی سورسەک سویاه ، نورالدین ، اورخان ، مبارک نرەدە ؟

(مهر جهان)

اورخان ، نورالدین شهید اولدیار مبارک جاریه کزله برابر کلادی فرمانکزرە انتظار ایدیور .

« جلال‌الدین »

یانمه کل فنا یاره لی یم : طویه طویه یوزینه باقه یمده بلکه بر آزیارمه مک
آجیسنه سکونت کلیر .

(مهرجهان)

ایشته کلدیم پادشاهم بر شیشکنز یوقدر انشاءالله افندم ! ...

(جلال‌الدین)

شو صول طرفه باق ! ...

(مهرجهان)

آه قان قان یاربی یاربی : هرکسه بر جاندر باغشلامشک نیچون
اوحیاتی بشقه سنه ترک ایتک ایچون بر اقدار احسان ایتدک ؟

(جلال‌الدین)

صوص اولوم حالنده یز بویه آخرتک اک یقین اولان منزلنده
جناب حقک حکم حقیقیسنی تحری ایله اوغراشلماز آه اولیورم نه
حکمی اوله جق ، دنیاده کیم بقا بولش یاننده کاغد قلم یوقکه اوفاجق
بروایتنامه یازیم .

(مهرجهان)

نم کوچک پرمغ قلماک ایدر کوملکم کاغدلک ایدم بیلیر پادشاهم .

« جلال‌الدین »

حقک وار کوملکنی یرت :

« مهرجهان »

ایشته .

« جلال‌الدین »

کوچک پارمغفده بکا ویر : شوقانه باتیر .

« مهرجهان »

« نهایت درجه ده دهشته کیری چکیه رک » سزك قانگزه می جالالم ؟

« جلال الدین »

اوت بنم قائمه : ایدم جکم وصیت جالاک قانیسه یازلمغه دکر
سوزلردندر نه چکنیورسک ؟ قرق ییلدنبری دین یولنه وقف ایتدیکم
قانمک بوامت مرحومه یه آخر تقسمده مرکب قدرده می خدمتی اولسون
کوچک یارمغنی باتیر .

« مهرجهان »

باتیردم : دنیاده آخرتده پادشاهم امرک نه در یازدیم ؟

« جلال »

یاز ! ...

« مهرجهان »

امر ایت پادشاهم .

« جلال الدین »

« تاتارایله نه قدر اوغراشمق ممکن ایسه او قدر اوغراشیدی . مظهر

توفیق اولنه مدی . چونکه توفیق الهی یه لایق دکلک »

« مهرجهان »

یازدم پادشاهم !

« جلال الدین »

یارمغنده قان قالمدی ! ...

« مهرجهان »

بکا اویاه لقر دیلر سویلمیکز . شمدی چیلدیره جنم .

(جلال الدین)

الله عشقنه متین اول قائم توکنیور اولوم اطرافنی صارمغه باشدی
کتیر یارمغنی اوزات !

« مهر جهان »

حاضرمد پادشاهم .

« جلال الدین »

« بشمز الله ایچون حرب ایدرسهك بش بیکمز کندی منفتمزی
دوشنوردك . او اخلاقسزلقله تاتاره مقاومت امکانی قالمدی . ظنمه کوره
یقینده اسلامك باشنه بوبلایی دعوت ایدن دولت عباسیهیی ده دشمن
محور ایدر »

« مهر جهان »

آنی ده یازدم پادشاهم :

« جلال الدین »

ینه قان آل ! ...

(مهر جهان)

اوف یارب یارب یارب ! ...

« جلال الدین »

یهوده تأسفله وقت کچیرمك لازم دکل : بنی سورسهك یاز :

« مهر جهان »

اراده بیوریکمز پادشاهم !

« جلال الدین »

« تاتارلرده انساندر . برکزه ایجمزه قاریشدیلر البته اسلامك »

« فیض و شرفنی کوررلر کوکللری دیانتیه میل ایدر بو حالدیه شمدی »

« اسلامه فرض اولان صر ملت تاتار انه دوشمیا نلرایچون اولنجیهیه »

« قدر وطنلرینک اس-تقبالی محافظه ایلمکه دوشنلر ایچون تاتار قومی »
 « مسلمان ایتمکه چالشمقدر » بیتدیمی ؟

« مهر جهان »

بیتدی پادشاهم !

« جلال الدین »

کیت وصیتنامه نی مبارکه ویرده یانمه کل . «مهر جهان مبارکک
 یانه کیدر، تاتار اسلامی قبول ایندیکنی آخرتده اولسون خبر آلوده
 مزارمده محشره قدر راحت یانه بیله جگه ییم
 «غائبدن برصدا»

امین اول ! ...

« جلال الدین »

«اشارافه باقوبده کیمسه نی کوره مینجه» هاتف غیبیدن تأمینات آله جق
 قدر مقبول قوللر ندنمی یم اللهم ؟ امین اولدم حضور عزته مستریح اوله رق
 کلیورم . بوندن صکره حیات ابدی ایانمه کلسه بر نکاه ایتمکه تنزل
 ایتم ! ... «باییلیر»

«مهر جهان»

مبارک !

«مبارک»

افندم ! ...

«مهر جهان»

ایشته افندمزک وصیتنامه سی بودر تبلیغه سنی مأمور ایتدی . آل

«مبارک»

عسکر نه حرکته بولنه جق ؟ ...

«مهرجهان»

اوقوسهك آ اولنجهيه قدر چالیشه جقسکز :
«مبارك»

پادشاهمز نه حالده ؟

«مهرجهان»

هالان ایتدیلر دیه آوازم چیقدیغی قدر فریاد ایتدم ایشتمدکمی ؟
کیت بنی مشغول ایته : ایکمزده آخرت یولچیسز . بودنی دنیادن
قورتیاه جغز ! ...

«مبارك»

قولکزده پادشاهمک فرماتی اجرایه کیدیورم حق نعمتکزی
حلال بیوریرمیسکز ؟

«مهرجهان»

حلال اولسون انشاءالله لواء الحمد آلتنده کوروشورز
«مبارك»

«مهرجهانک آیاغنی اوپر قلیجنی چکر» دنیاایله آخرت آره سنده
اوچورملری کچمک ایچون اک قورقوسز اک کسیرمه یول بوکوپری
ایمش : شهادت : شهادت اللهم آندن بشقه کوکلمده بر آرزو قالمدی اللهم
«مهر جهان»

«جلالک یاننه کیده رک» جاللم ! افندم : پادشاهم
«جلال»

آه نیره : نیره : ...

«مهرجهان»

ینه نیره بن نیره دکل پادشاهم : مهرجهانکده آزیجق مرحمت
ایتمز میسک ؟

(جلال الدین)

سنه یسک مهر جهان ؟... اولوم حالنده یم : اجل پنجه سندن انسانه
هر درلو حاللر کورینور سویلیه جککریمه کوجنمه : یاربی یاربی ایلروسی
سعادتدر . امینم حبیب اکرمک حرمتنه غضبنی تمید ایتمه ضعفایه
مرحمت ایت ! ... باق سکا مژده ویریورم دینکی ، ملتنی سورسک
بیلیرمه ینه سویلکه اونوتدم .

(مهر جهان)

دنیاده هر درلو محبتی سندن او کردند . سوهرم پادشاهم دینک
ملتمک اک کوچک مقصدی ایچون بیک جانم اولسه دریغ ایتیم سویله
پادشاهم نه درلو مژده لر ویره جکسک .

« جلال »

برزمان کله جک که تاتار عوماً دین حقی قبول ایده جک ! ...

(مهر جهان)

هیهاث

(جلال الدین)

« کسیک کسیک » هیهاث دیمه اتیان اللهکی . . . نصل
بر بیلیرسک بنم بوراده . . . موجود اولدیغمه . . . نصل اعتماد . . .
ایدرسه ک او یله . . . اینان . . . سن مبارکه وصیتنامه یی . . . کتوردیکک
وقت . . . جناب حق تاتارک اسلامیتنی . . . آخرتده اولسون . . . اوکرنمک
ایچون نیازلر ایتشدم مقبول اولدی . . . هاتف غییدن . . . « امین اول »
دیه . . . برس کلدی . . . روحم سرورندن عالم بالایه . . . چکادی . . .
ظن ایتدم . . . هاتفدن . . . یلان صادر اولماز . . . بو قدرؤیا . . . بو قدر
حما تجر به لرندن . . . صکره هاه سکره ات موت ایچنده . . . کچیردیکم حاللردن

صكره خيالى حقيقت ظن ايتيه جكم ... اعتمادايت « كندندن كچمش بر حال
 ايله » بختيارم مهر جهان ... شهيدم الحمد لله ... اللهم اللهم ...
 بكا بو حالمده ... دنيا ده كي ... موجوداتك ... جمله سنه غبطه رسان
 ... اوله جق بر سعادت ... احسان ايتدك ... سن او عظيم الشانكله
 مخلوقاتلرينك قصور ... ايتديكي بر حال ... يراتمش اولسهك اوده
 بيوكلكنك درجه سنى لا يقيله ادراك ايده من آه روح ... بر جهان معنوياتدن
 ... بر عالم علوياتدن سقوط ايتمشده ... قره طوپراقلر آره سنه ... آره سنه
 بيك درلو ... اذالر ، بلالر ... ايچنه دوشمشكن بيلمم ... بو قوقش
 وجودك ... نه سنى سوييوركه ... آريليركن بو قدر مضطرب اوليور ... ؟
 دنيا ده حياتم كي ... كوزدن ... زائل اولدى ... مهر جهان
 سن بيايه كورنمورسك ... كورنيور كورنيور ... مهر جهان دكل
 هر درلو عظمتاه ... هر درلو شعله سياه ... مهمازل كورنيور ... »
 بايلير تسليم روح ايتمش كي كورينور «

(مهر جهان)

« كندندن كچمش بر حالمده بر آزدوشندك نصكره » كئدى ! اسلاميتك
 اك برنجى عسكرى ، اسلاميتك اك صكره كي ملتجاي ده كيتدى كوكله بر
 دنيا دن بيوك ، اقتدارى بر دنيا طولوسى حلقه غالب اولان جلال الدين
 ياصلاندينى طاشاردن ، سورونديكي طوپراقلردن عاجز اولمش ياتيور ! ...
 اومسونلر ! ... بر طاقم ديوانهلر دنيا ده وفا اقبالده بقا اومسونلر ! ...
 طوقوندينى يرلى نورلره ، حياتاره غرق ايدن كونش كي سياه سنى
 هر زويه دوشرسه بر قوجه دولت ، بر جهان حميت ، پيدا ايدوبده تاتارك
 قارنجه صايدسنده ، قيل اندامنده اردولرني محوايدن پادشاه قودوزكوپك
 قدر بر قاتاك خنچرينه مقاومت ايدهمدى كورنسونلر ! ... بر طاقم ييچاره لرينه

جابه قارشو بازولرینک قوتنه ، بختسزلغه قارشو درایتارینک پارلاقلغنه
 کونسونار « کمال شدته » آه پادشاهم بوندن صکره صاچ یولان
 طوللارک ، قان آغلیان یتیمارک ، زنجیر ایچنده ایکلیان اسیرلرک ،
 قلیچلر آلتنده چارپینان بیچاره لرک امدادینه کیم یتشه جک ؟ یریوزنده
 برملک العبارس ایدک . نه عاصی مخلوقار ایمشزکه قهار منتقم سنی ده المزدن
 آلدی . شهید اولدک . تاتارک قلیچندن ، قارغیسندن یریوزنده بر
 موحد یشامیه جق یر آلتنده بر صاحب حمیت راحت راحت یاتهمیه جق
 صدخیف : کیمتدی جلال کیمتدی اطرافنی بر ظلمت استیعاب ایتکه
 جناب حقک انوار عنایتی دنیادن چکلمکه باشلادی یاربى هنکامه قیامت
 هر درلو هول ودهشتیه یریوزینه می چیقاریورسک ، یاربى یاربى !
 بزه بو کونلری بومصیتلری ده می کوستردک ؟ کوکلمک اوزرنده
 بر شهید یارده می بر جنت پنجره می ده یوقکه بشقه عالمه باقمیده
 کوزیمک اوکنده طولاشان احوال جانکدازی بی اونوته یمده « شاشقین
 شاشقین اللرینک اوستنه باقمرق » آه قانی پارمغده طور یورده بن
 خنالر قویمش کبی ذوقی ، اکلنجه می ، آریورم . بوخنیچری جلالمدن
 مزارده زبانیارله اوغراشمق ایچونمی آلمشدم ؟ اللهم کنه ایه جزاسنی
 ویره جک سنسک انسانلر دکل یا « النده کی خنیچرله کنیدیسنی اورر »
 آه : ... یتاغنده اولان یرم مزارنده حالیمی قاله جق « بردهشته یرندن
 صیچرایه رق » دیوانه دیوانه آنک آخرتده نیره می وار . قیمتلی نیره می وار
 سن جان بولمشده یتاغنه مسلط اولمش بر میتک تصویرى ایدک : سن
 نیره نك باشندن مزار طوپراقلری صاچا کزر بر خیال خزینی ایدک سن
 نیره نك بر جادیسى ایدک ... هیچ جتنده جلال بر جادی بی یاننه آلیرده
 سوکیلی مالکنى قیمتلی حوریسنی فصل قصقاندیرر ؟ آدیوق یوق ! یاربى

یار بی سکا صغنیورم : شیطان قلبمی استیلا ایتمش بنی عدالتندن اشتباهه
 دوشوره جک بنی هم دنیا ده هم آخرتده هر درلو سعادتندن محروم ایتک
 ایچون کوکله بوقدر شدتلی بر محبت ویرمک مرحمتنه نصل یاقیشیر ؟ بو
 دار مختده درده قدر برلشدیر مکهمأزون اولان کوکالر ، آخرتده باخصوص
 شهادت کبی بردولته نائل اولدقدن صکره نیچون الی الابد بر قادینه منحصر قالوب
 طور دجق ؟ جلال نیرمی الله یولنه فدایتدیسه بنده کندیمی اویولنه فدایدیورم
 نیره کوزلسه بنده کوزلمشم که طبقی اکابکره دیکمی جلال سویلردی : ... بن
 نیردنی قصقانمیورم اوبنی نیچون قصقانه جق ؟ جلالمی کوردیکم کوندنبرو
 کوکله بر کونش طور یور کونشدن پارلاق نورمی اولیور که نیره نک عشقی
 بنم محبتنه غالب اوله بیلسون آه اوده شهید : شهیدلره قصقانجلق کبی
 دنی دنی خویار نهدن بولنه جق ؟ عدالت : مرحمت : اللهک عدالتنه ،
 جلالمک مرحمتنه صیغنیورم . جلالمدن دنیا ده آریله میورم آخرتده
 هجرانه نصل تحمل ایدیم جناب حقت عفوینه مظهر اولان قوللر -
 ندن ایسه هجران ایله جنتده جهنم عذابی چکدیرمک غضبنه اوغرامش
 بیچاره لردن ایسه جهنم ایچنده بنم ایچون بر جهنم عذابی دها ایجاد
 ایتک زنجک شاننه دوشمز آه پادشاهم : بنی آخرتده یانندن طردمی
 ایدجکسک ؟ آه جلال !... جلال !...

(جلال الدین)

« آیهلرق » آه ... اوخزین بسکله ... بنی آخرتدن دنیا یه می ؟ ..

دعوت ایدجکسک مهرجهان !...

« مهرجهان »

پادشاهم ! الحمدلله حیاتده یسک ! ... ؟

(جلال الدین)

دها شمدي عالم حياته كیده جكم ... نه اولدك ؟

(جلال الدين)

« جلالك قوجاغنه دوشهرك » قوجاغنه قازر اچنده ... يوارلنهرق
كاه جكمي وعد ايتماشميدم پادشاهم ؟ .. ايشته وعديمي . يرينه كتيردم .

(جلال الدين)

كل نيره صاغده ! ... سن ده صول طرفه كل . .. عالم بقايه ..
عالم حياته برابر كیده لم ... اجلك پنجه سي اجل ... شمدي روحه
صارلغه ... باشلادی ... آمنت بالله ... ورسوله « تسليم روح ايدر .

(مهر جهان)

آه ظالم ... بكا اميد ويرمك ... حياتمي يرينه كتيروبده بر دها
اولديرمك اچونمي ... روحك بدنكنه ... عودت ايتشدی ... ؟
حياتمه قاره بختم كبی وجودمدن هيچ آيرلماق ... اچونمي يرا-
دلمدر نه در ... حالا اوميورم ! جلال كيتدی ... بن دها يشايورم
« خنچرله بر قاچ كره قلبنك اوزرينه باتيرهق » ياربی ملتني مذلت
اچنده ... عرضني دشمن پنجه سنده كورمه مك اچون دنيا ديشامق
ابستمیان پيچاره آجي ... محبت يولنده شهيد ... اولان عاجزه
مرحمت ايت « جلالی قولنك اوزرينه آلهرق وچهره سنه دقتاه باقهرق »
الله جل جلاله « جلالك جنازه مي اوزرينه ييقلير تسليم روح ايدر »
(رحمة الله عليها)

